### 中國哲學中 鍾 泰編

本書據商務印書館1934年版影印

豈非 思 所以爲賢首出羣倫包三才育萬物廓然性分之天者其視諸子猶鯤鵬之於蠛蠓焉嗚呼章制密而儒道衰考據精 軒之琦之於孔會思孟之左最近學風扇播總其略墨名而荀性爲世大宗賢聖微矣抑不知夫聖之所以爲聖賢之 為求學之方師師相承而其術益密乃近於名法家之所爲是故今之學者移治經之心力以治子往往自暱 就我。夫以古人之迹之傳於今篇遠而莫見銀銽而不相合固矣其不可強同也因而疑之信與疑不相害也以 而 而做屣儒術儒術之中有荀卿焉陽儒而陰法崇名而絀性其書倍譎不同往往出於其徒李斯雖之所竄易。 不務蓄德而以求知求知者必求勝於人求勝於人之心不已將谿刻以求古人之失或先立章制而以古人之言行 屑砥柱 想既不 名法 鍾 馭古之迹是以毀轅折筴而其道大窒窒則愚通則哲嗚呼鍾子其幾於哲矣戊辰三月吳江金天關。 高 理積理積而後體用備內足以養吾心外之足以理天下國家充實光輝儒術乃以見尊於世創闢者之於學焉。 子鍾山爲教授之江大學三年纂中國哲學史竟督余爲之序鍾山富於理性純於學其爲書立例謹嚴愾乎獨 明者之過與鍾山之擇術焉醇其觀古焉涵泳反覆久而得其通儒者經世之體也世之爲學者大都握今之明者之過與鍾山之擇術焉醇其觀古焉涵泳反覆久而得其通儒者經世之體也世之爲學者大都握今之 勝因不與果期而卒與之相赴一孔之士南面撰呵硜然獨訂賢聖之得失而高下其名位蓋三十年來學術。 |東流之賣可謂憂世之深矣且夫古今能爲學者不出高明沈潛之兩途沈潛者務涵泳高明者喜創 得保其統緒雅頌政教且隨之以傾然而倡此者家自以爲哲學人自以爲真理理不必眞而橫流滋 關涵泳 於名法 學者顧 疑古

此者以史傳之體裁述流略之旨趣故上下則群其源流彼是亦辨其同異。

史家之例或以事爲題或以人爲目此書述一家之言則著其人總一代之變則標其事。

史家紀傳有合有分或以附從或以連及此會亦彙四體蓋事有取其相實說亦便於互緣惟是人之重輕文隨 **静略附從以上著之章目連及之者但見本文**。

一派之說詳於魁率至其徒衆具在範圍一一敍之祇增重複故非於先說有發明於師傳有改易並從省汰以

門戶之爭自古不免然言各有宜理無相悖此當於各家同異時附平亭既欲見學構之全亦以爲講通之助。 中西學術各有統系强為比附轉失本與此舊命名釋義一用舊文近人影響牽扯之談多爲葛藤不敢妄和。

人之編次一準時代惟附從者以其類連及者隨其宜先後參差並難例限。 **曹中人物或稱子或稱君或稱生或稱公或稱名或稱號或稱諡或稱封一從常習意無抑揚。** 

此書上下兩卷略分四期一自有史以迄嬴寨是為上古史二自漢迄唐是為中古史三自宋迄明是爲近古史。 四有清一代是爲近世史惟光宜以後雜糅新說雖關蹊徑未睹旨歸編錄之實讓之來者。

X.

各家著作具有全書此之所學僅其要略以蠡測海知獲觀於大雅因指求月還有望於學人。

鍾山鍾 泰郡

\_

## 中國哲學史卷上目錄

	王上上	
□	王官六載之學	

自動	第二十三章	第二十二章	第二十一章	第二十章	第十九章	第十八章	第十七章	第十六章	第十五章	第十四章	第十三章	第十二章	第十一章	第十章	第九章 牟
	中 柳宗元겔禹錫	中 韓愈李綱	<b>予 隋唐佛教之宗派</b>	王通	范緘 財産機・・・・・・・・・・・・・・・・・・・・・・・・・・・・・・・・・・・・	南北朝儒释道三教之争	陶淵明	葛洪 開鲍生	傅玄	<b>蹇颠</b>	<b>到</b>	魏晉談玄之風	徐幹	<b>荀悅</b>	牟融
E		一七九		一六九	一六五		一五九	一五四	五二		一四八				

## 中國哲學史卷上

## 第一編 上古哲學史

## 第一章 上古之思想

間無可參驗過而予之以誣古人所不敢也。 執中之說固堯之所以命舜也今難錄上古以來先民傳說見於戴籍者撮為此章其不曰哲學而曰思想者書闕有 中國哲學至周代始有統系可言然其淵源所自則甚遙遠如孔子贊易易固聲端於伏羲之八卦也子思傳中庸。

#### 一本天

牧也曰「欽哉惟時亮天工」(堯典)草陶之陳謨也曰「無曠庶官天工人其代之天敍有典勅我五典五惇哉 典禮命討一推其源於天此後世法天畏天髂說之由來也於是箕子陳洪範則曰「天乃錫禹洪範九疇」周公作 天秩有禮自我五禮有庸哉。」又曰「天命有德五服五章哉天討有罪五刑五用哉」(並臯陶謨)工曰天工而 取籍之菑無過尚書今文尚書始堯典離之以臯陶謨或謂典謨出夏時追述顧其說則可據矣舜之命九官十二

第一篇 上古哲學史

順帝之則」所以稱文王也烝民之篇曰「天生烝民有物有則民之秉彝好是懿德」(並大雅)所以美仲山甫 無逸則曰「昔在殷王中宗嚴恭寅畏天命」(舊以天命連下自度句絕誤)其在於詩皇矣之篇曰「不識不知、 名知有深義非同偶然者矣。 非天不能生人者託體於天則當以天爲父是以古之王者自稱天子而郊祀上帝著之醴經謂之報本之祭觀其制 也蓋自唐虞逮於三代詩書之所稱說若斯之類不可勝引竊原其故則古初以來嘗窮人物之本以爲非地不能養、 王孝經亦曰、周公郊祀后稷以配天宗祀於明堂以配上帝。一夫郊稀之祭由來尙矣而以祖考配之是人鬼不必。 項而宗堯夏后氏亦稱黃帝而郊鯀삞顓頊而宗禹殷人稱譽而郊冥삞契而宗湯周人稱譽而郊稷祖文王而宗武 三統之所以立不可誣也專陶稱天敍天秩即曰、「天工人其代之」」武王稱天降下民即曰「其助上帝龍之四方」 **捍大患則配之(亦見禮記祭法)是故配棄以為稷配后土(共工氏之子)以爲乱配黎(顓頊氏之子)以爲** 降於天神也不獨是也聖王之制祭祀也法施於民則配之以死動事則配之以勞定國則配之能禦大災則配之能 **武融肥昧(少昊氏之子)以爲玄冥其爲天神**即皆人鬼吾觀祭祀之事知古之不欲以天而蔑人也明矣而或乃 (見孟子今偽古文尚書泰晉與此稍異)人可代天助天則豈不重乎且禮記祭法載有虞氏癖黃帝而郊譽祖顓 惟以人爲本乎天故親人亦與天等盡人之性則可以參天地而育萬物古稱天皇地皇人皇說雖荒渺而天地人 二数人

#### 三首孝

教則父子有親在君臣有義夫婦有別長幼有序明友有僧之前周官六行則孝居友睦媳任邱之首(見周官大司 下是以尙同。」 (見太炎文錄)章氏之說自可信顧吾觀變典四岳舉舜曰「瞽子父頑母歸象傲克醋以孝燕恭 义不格姦」帝曰「我其試哉」孟子言孝首推大舜曰「舜盡事親之道而瞽瞍庭豫瞽瞍庭豫而天下化瞽瞍庇 身愼行恐辱先也」然則孝之爲教與古人之重宗法隨祭祀蓋俱起者矣抑古之所謂孝者非僅孝於父母之謂也。 黎而天下之爲父子者定此之謂大孝」使堯舜之事爲不妄孝治天下之說固有先乎夏世者矣自是以後契敷五 祖忘祖則不得爲人也故古者宗廟之祭自稱孝孫(詩小雅楚茨魯頌陶宮)而孝經曰「宗廟致敬不忘親也修 安義可謂用勞吳博施備物可謂不匱矣」夫此孔子會子之言其出在後然而當甘智曰「用命賞於單」非以戰 朋友不信非孝也戰陳無勇非孝也』又曰『孝有三小孝用力中孝用勞大孝不匱思慈愛忘勞可爾用力矣尊仁 孝經曰「夫孝始於事親中於事君終於立身」禮祭義曰「居處不莊非孝也事君不忠非孝也涖官不敬非孝也。 『釋文引鄭氏說「禹三王先者以先王屬禹必有所據而墨子用夏道漢書藏文志序墨家者流即曰以孝靚天 孝經作於孔子然其曰先王有至德要道以順天下民用和睦則孝之由來遠矣近人章太炎著孝經本夏法說以。 禮郊特牲曰、『萬物本乎天人本乎祖』,夫本乎天人與物之所共也本乎祖則人之所獨也人不知孝是謂忘

7

陳之勇爲孝乎。大雅旣醉曰、『孝子不匱永錫爾類』非以不匱爲孝乎若是舉行已待人臨事爲國之道而一賅之 於孝之中故曰、『夫孝徳之本也』曰、『人之行莫大於孝』(並孝經)由孔子以上稽詩書之傳知所謂先王有 至德要道者聖人之言固眞實而無有假託也。

#### 四用中

謨疑不足信然論語既載之矣曰「堯曰「咨爾舜天之曆數在爾躬允執其中四海困窮天祿永終」舜亦以命禹。 以 陶謨)其言德皆必舉兩端而不欲有偏勝之過是亦中而已矣孟子曰「湯執中立賢無力」則湯之中也洪範曰、 典)皐陶之贊禹曰『寬而栗柔而立愿而恭亂而敬擾而毅直而温簡而驟剛而塞彊而義彰厥有常吉哉』(臯 堯舜禹執中之傳、果不誣也不獨是也帝堯之命變曰、「汝典樂教胄子直而温寬而栗剛而無虐節」 孔子亦曰、「舜其大知也與舜好問而好察邇言隱惡而揚善執其兩端用其中於民其斯以爲舜乎」(中庸 子武王之中 模稜 自 用 宋以來儒者有所謂十六字之心傳者曰「 兩可為中以多方遷就為中此自後世之失不得以為先民罪更不得以為中道罪。 也由是而是 」註謂皇極大中也。 《老曰守中 《老子多言數窮不 叉其言曰、 無偏無黨王道簩簽無黨無偏王道平平無反無側王道正 人心惟危道心惟微惟精惟一允執厥中。此出梅氏僞古文大禹 如守中)孔曰中庸蓋吾先民之訓無有或離於中道者至若 而 無傲。 直。 則箕 へ 堯 則

五上民

敢侮其尚猶有奴使其民者乎且古人之所敬事者天也而臯陶曰《天聪明自我民聪明天明畏自我民明威》(臯 逸)其稱文王曰「惟乃丕顯考文王克明億慎罰不敢侮鰥寡庸庸祗祗威嚴顯民」(康誥)夫至於鰥寡而不 故周公稱殷王祖甲曰。【其在祖甲不義惟王畓爲小人作其卽位爱知小人之依能保惠於庶民不敢侮鰥寡】(無 之」(國語發語)師曠日「天生民而立之君使司牧之勿使失性天之愛民甚矣豈其使一人肆於民上以從其 **陶謨)武王曰、「天視自我民視天聽自我民聽」(孟子引泰智)以民為天意所寄託故畏天者亦畏民召酷曰、** 樂民事民旁有關無由省之益邪多矣若以邪臨民陷而不振用善不肯專則不能使至於參減而奠之恤也將安用 不足盡信而民本之義非上古所能曉則何其厚極先民之甚也。 證乎是以君貨民賤特起於戰國以後暴君代作一時之邪說而近人好以後世之事推論三代以前遂疑詩書所載 程而乘天地之性必不然矣。」( 左傳襄十四年中有節文 ) 夫孤寡不榖贱名也而侯王以爲稱非自卑而上民之 『古我前后問不惟民之承』再則曰『恭承民命用永地于新邑』(曹盤庚)立君所以爲民古之人早知之矣。 【用顧畏于民罍】是也斯義也春秋士大夫獨或館道之里革曰、『君也者將牧民而正其邪者也若君縱私回而 孟子曰、「民爲貴社稷次之君爲輕」夫民貴之義非自孟子始發之也盤庚之遷於殷也所以告其民者一則曰、

#### 六大天下

公羊家有言曰大一統(公羊體元年)此意亦非始於公羊也禹之稱舜也曰「光天之下至於海隅蒼生萬邦

以天下爲量不欲以一國自限其來固已久矣且禹思天下有獨者由己獨之也稷思天下有飢者由己飢之也伊尹 思天下之民,匹夫匹婦有不與被斃舜之彈者者己推而納之溝中(並見孟子)大之推於天下者亦細之不遺於 天下中庸之德必極之於舟車所至人力所通天之所覆地之所載日月所照霜歸所除凡有血氣莫不奪親古之人 不免託之空官然即規度而論則何其恢鄭也是以孟子曰「人有恆言皆曰天下國家」而大學之數必極之於平 奄有四方」(周頤)所以言武王也而周禮職方氏辨九服之邦國自王畿以外有侯甸男采衞蠻夷鎮藩其制政 矣又非獨舜禹爲然也長發之詩曰『上帝是祗帝命式於九團』(商頌)所以言湯也執鏡之詩曰『自彼成康、 禹之時疆域之廣不盡九州然而其言若是者非徒爲夸辭也蓋其函括寰宇之量固以爲一君之所治莫有能外者 黎獻共爲帝臣』(皐陶謨)夏人之稱禹也曰『東漸於海西被於流沙朔南鹽擊數乾於四海』(禹貢)夫舜 一夫嗚呼此視彼局於國家主義或侈官民族平等而不惜殺人以救人者不亦遠乎。

## 第二章 王官六藝之學

盛孔子曰『夏禮吾能言之杞不足徵也殷禮吾能言之宋不足徵也文獻不足故也足則吾能徵之矣』又曰『周 監於二代郁郁乎文哉吾從周。則文獻之盛二代非周比也雖然周之盛文武開之而周公實成之孔子曰、『文王 孔子曰 『天子失官學在四夷』 (左傳昭十七年)上世之學掌於王官無可疑也然王官之學熟爲盛曰周爲

公仲尼之道」(孟子)此則謂周公也是以清章實務(名學誠會稍人乾隆進士)作原道而謂周公集前王之 焉不學而亦何嘗師之有』此謂文武也孔子又曰『甚矣吾衰也吾不復夢見周公』(以上並論語)孟子曰『周 氏遺書文史通義)夫隋唐以前學校皆並配周孔以周公爲先聖孔子爲先師其制蓋始於漢漢人所見猶爲近古。 成斯乃所謂集大成也。又曰『自有天地而至唐奠夏商迹旣多而窮變通久之理亦大備周公以天縱生知之皇 大成日「周公成文武之總適當帝全王備殷因夏監至於無可復加之際故得藉爲制作典章而以周道集古聖之 既沒文不在茲乎』子買曰『文武之道未**監**於地在人賢者職其大者不賢者職其小者莫不有文武之道焉夫子 而適當積古留傳道法大佛之時是以經輪制作集千古之大成則亦時會使然非周公之聖智能使之然也」(章 由是論之章氏之說不得謂之鑿空也是故言中國哲學必當斷自周公爲始。

之周禮其經綸大體必出於周公而非餘子所能代爲也又不獨禮而已也周禮春官大卜掌三易之法一曰連山二 曰歸藏三日周易則易在禮之中矣大師教六詩日風日賦日比日典日雅日頌則詩在禮之中矣大司樂以樂舞教 周公制周禮」(文十八年)此所謂周禮者固不必即今之周禮一書然即周公制禮推之禮之大者無過政教令 國子舞製門大卷大成大器大夏大後大武則樂在體之中多小史掌郭國之志外史掌四方之志掌三皇五帝之書 周公居攝三年制體作樂」體配明堂位稱「周公朝諸侯於明堂制體作樂」而左傅引太史克曰「背者先君 周公制作英著於禮今傳儀禮十七篇其爲周公舊制已無異論惟周禮一書則疑之者多然伏生 尙 書 大 傳稱

而亦即曰、 語)夫嚮使周之學校未嘗以詩書禮樂爲教則晉楚之士如趙袞申叔時安得有是言乎是故子所雅言、 明 之詩而爲之導 申 風 執禮 干戈秋冬學羽篇皆於東序小樂正學干大肾贊之篇師學戈籥師丞贊之胥鼓南春誦夏弦大師 立. 刵 其德而 叔 餘 、時权時日、 者 教順先王詩書禮樂以造士春秋教以禮樂冬夏教以詩書」而文王世子曰『凡學世子及學士必時 韻、 與 、猶有存 韶之多讀書典書者韶之禮在瞽宗書在上庠」則常時六藝之教行於學校其制固可考見而春秋, 春 『述而不作』曰『好古敏求』(並論語)章實齋曰『六藝周公之典章』(文史通義經 知先王之務用明德於民焉教之故志使知廢與者而戒懼焉教之訓 在 秋 在證之中矣是故言禮而六藝卽無不在晉韓宜子之聘魯也觀齊於太史氏得見易象 魯矣吾乃今知周公之德與周之所以王也』 廣顯 <del>---</del> 者晉趙衰腐卻穀爲帥稱其說禮樂而敦詩書 (左傳僖二十七年) 楚莊王使士麈傅太子箴問於 教之春秋而爲之聳善而抑惡焉以 **德以耀明其志教之體使知上下之則教之樂以疏其** 戒勸其心教之世而爲之昭明 (左傅昭二年) 穢而鎮其浮教之合使訪物 是可證 典使知族 也。抑 德而廢幽昏焉以休恆 類行比義 尳 王制 **詔之瞽**宗秋 Ħ, 焉。 البعه 與 官。 樂正 魯 解  $\overline{\phantom{a}}$ 詩 教 心之世流 共動教 存 Ż 國 書 春 崇 執禮。 心學醴、 夏學 ef. 嚭、 秋。 四 楚 使 日、

亦六經之支與流裔」(並漢皆舊文志)近人詆之以爲附會揣測全無憑據然莊子天下篇言『古之人其備乎。 班 固 因 劉 歆 七 略 爲 漢 書藝文志而謂 儒道陰陽名法墨縱橫雜農九流之學皆出於古之某官又謂「 合其 、要歸、

之學戰國時人多知之者不得間七略藝文志無所憑據也且淮南要略以爲諸子皆起於敷世之弊而論論者之學 **舊法世傳之史尚多有之其在於詩書禮樂者鄒魯之士縉紳先生多能明之詩以道志書以道事禮以**道行樂以道 之春秋宋之春秋齊之春秋周之春秋云云)而呂覽稱『魯惠公使宰讓請郊廟之禮於天子桓王使史角往惠公 得於六藝也墨子之書多引詩書又書吾見百家春秋(唐劃知幾史通六家篇引墨子佚文又墨子明鬼篇亦稱燕 說老聃之文、見莊子天道篇)而食子問禮孔子所以告之者使曰吾聞諸老聃(見禮記食子問)是老子之有 則曰『崇天子之位廣文武之業』夫儒家無論矣老子爲周守藏室之史莊子有孔子西藏書於周室繙十二經以 則曰『修成康之道述周公之訓』論墨子之學則曰『學儒者之業受孔子之術背周道而用夏政』論管子之學、 和易以道陰陽卷秋以道名分其數散於天下而設於中國者百家之學時或稱而道之』則百家淵源於王官六藝。 止 仁義禮樂者皆出於法」(任法)又弟子職者禮之曲禮少儀之類也而今在管子之書是管子之有得於六藝也。 有日修先玉之術除禍難之本明堂篤有日度於往方觀於先王其稱引孔子之言尤衆)則鞅與非即亦不能無聞 而所為作內政以寄軍令者實本之周禮鄉遂之制(小匡)且其書言法而曰『法出於禮』(樞言)曰、 神明醇天地育萬物和天下澤及百姓明於本數係於末度六通四辟大小精粗其運無乎不在其明而在數度者、 一之其後在於魯墨子學焉。」(當染精)是墨子之有得於六藝也管子以禮義康恥爲國之四維(管子牧民) 設詩書以爲國之淫蠹者惟商鞅與韓非耳然商君師尸佼韓非師荀況佼況皆尊先王稱孔氏〈尸子貴言篇、 一「所謂

九江三江而六藝者則其濫觴之始也今言中國哲學而不本之於六藝是無卵而有時夜無父祖而有曾彌也惡乎 非謂諸子之學皆六藝之所已備也又非謂諸子之學其義無有能出六藝之外也皆之江水諸子者其下流之播爲 於六藝之教故茍使取諸子之書而硏窮之明其異同詳其得失之所在其與六藝分合之迹蓋可得而覆案也夫此

## 第三章 老子 附管子

以自隱無名爲務故其行迹多不可考而世或言其百有六十餘歲或言二百餘歲皆誕妄不足信然孔子適周問禮 **逐去至關關令尹喜曰『子將隱矣彊爲我著書』於是迺著書上下篇五千餘言而去今所傳道德經是也老子旣** 老子時關陳司馬遷史記老子列傳以其後追述之故以屬於楚實非楚人也實爲周守藏室之史久之見周之衰迺 諸老聃者窮極顧之節文**今老子書乃謂『禮者忠信之尊而亂之首』其言不類疑道德經出於後人之手非其舊** 近人廉江江瑔著讚子卮言有論老子之姓氏名字甚為可據)則其事爲必有而後人或以禮會子問孔子所言聞 於老子見於史記見於莊子之書而論語記孔子自言亦曰『述而不作信而好古竊比我於老彭』(老彭卽老子、 矣不知禮有本末天下之衰也逐末而忘本於是節文益繁而禮之本意轉失忠信之薄而亂之首云云老子亦爲彼。 老子姓李名耳字聃其日老子者則古稱聲考者之號(禮記會子問鄭注)生於楚之苦縣厲鄉曲仁里苦縣當

之辦並疑老子其人為不必有而謂在子所載老聃事皆出於周之寓言夫論語一書如長沮桀溺晨門荷黃之流其 非禮之禮言之耳不然孔子執禮者而亦曰「禮云禮云玉帛云乎哉」此豈有悖乎又近人以史記言老子多游移 迹皆不顧然即不得謂無其人且老子列傳詳敍老子之子孫而八世孫假仕漢孝文帝假之子解為**廖西王太傅皆** 

非道道不可名可名者非道故曰「道之出口淡乎其無味視之不足見聽之不足聞」又曰「道可道非常道名可非道道不可名可名者非道故曰「道之出口淡乎其無味視之不足見聽之不足聞」又曰「道可道非常道名可 莫知所終云云亦出之一時之傳說〉 當史公時此豈可誣者至云老子莫知所終則隱者往往如此尤不足異也(莊子養生主篇言老聃死秦佚弔之則 名天地之始有名萬物之母常無欲以觀其妙常有欲以觀其微此二者同出而異名同謂之玄』又曰『有無相生』 名非常名」惟其不可見不可名也故又名之曰無曰、「天下之物生於有有生於無」又曰、三十幅共一穀當其 知其名字之日道。」又曰「道生一。一生二二生三三生萬物萬物負陰而抱陽沖氣以爲和」然道不可見可見者 又曰「有之以爲利無之以爲用」有與無並言明無之即有有之卽無也故其所以爲進之形容者曰「道之爲物 惟恍惟惚惚兮恍兮其中有象恍兮惚兮其中有物窈兮冥兮其中有精其精甚其其中有信】曰恍惚曰窈冥非無 無有車之用。埏埴以爲器當其無有器之用。擊戶牖以爲室當其無有室之用。一無即道也然曰無而實有故曰「無 老子以道爲天地萬物之本故曰、「有物混成先天地生寂兮寥兮獨立而不改周行而不殆可以爲天下母吾不

是之謂虛 聾。 五 然人之不明夫心之本體何也日以其有身以其有知何言乎以其有身其言曰『吾所以有大患者爲吾有身及吾然人之不明夫心之本體何也日以其有身以其有知何言乎以其有身其言曰『吾所以有大患者爲吾有身及吾 偽而僞則生於知也故曰『智慧出有大僞』是故欲免於知之患必自見素抱樸始矣見素抱樸! 無 知 先明吾心之本體故曰『致虛極守靜篤萬物並作吾以觀其復夫物芸芸各歸其根歸根曰靜靜曰 之

不 耶。 **下身吾有何** 常 有三死之徒十有三人之生動 見素抱 一味令人 多方以 有 體宇宙之本體卽吾心之本體非有二也故曰『道者同于道德者同于德失者同于失』。 日 有 明。不 見胡 知 象、臼 而 何言乎以 息。 口爽馳騁田獵令人 喻之而又恐 | 模皆本老子語) 由私欲而 知常妄作凶知常容容乃公公乃王王乃天天乃道道乃久沒身不殆。」在人心曰命在宇宙曰道一也。 無 氏中國哲學史大綱)亦可謂不 有 物、 知以道言之則損矣故曰『爲道日損』老子之言道非空談宇宙之本體 此 曰 其有知其言曰『前識者道之華而愚之始也』 有精 身之患也身之為患何也曰以其私欲私欲所以生生也。 人之執 有信非有耶。 八心發狂。 一之死地者亦十有三夫何故以 實以 求也故又不 illi 進於虛由偽而進於靜以學言之則 難得之貨令人行 合而言之則 善讀老子者矣雖然 得不閃 曰 **—** 妨。 無狀之狀 爍 《其詞。 -其生生之厚。 是故欲免於身之患必自 所謂 īm 此知之患也知之爲患何也曰、 無物之象』 胡適之以爲哲學 "道者何耶"。 《益矣故曰》 而不 叉曰 知其所以害生也故曰『生之徒 蓋道者變動 道者宇宙之本 『五色令人目肓五音令人耳 初起名不完備故 也必以吾心之本體合字 為學日益。 少私寡欲始 不居無 欲知 是之間 體 也。 以 復命復命日常。 宇 矣少私 由 宙之本 其 何以 有方所故不 偽。 靗 静。 有 夘 知 现 少私 寡欲、 不必 宇宙 不能 丽 體、

# 宙之本體以字宙之本體發吾心之本體故曰「修之于身其德乃其」此道德之所以可貴也

#### 二無為

於無為無為而無不為矣」自夫無無為之本而一以有為為事於是天下多害事矣故曰「天下神器不可為也為 者敗之執者失之。」又曰「以其上之有爲也是以難治」又曰「聖人無爲故無敗無執故無失」然則老子之言 易行天下莫能知莫能行」此亦莫能知之一端矣。 事為無為也自夫世之不明老子之意而以無爲爲不事事於是遂强指老子爲消極主義老子曰一吾言甚易知甚 無為為夫吳其私智而一以生事爲能者言之也爲夫執滯於有爲之迩而不能行其所無事者言之也非曰以不事 蓋有之矣。未有能無爲而不能有爲者也故曰、「爲無爲。」又曰、「道常無爲而無不爲」又曰、「損之又損之以至 道之何以言無爲也日有爲者用也而所以用夫有爲者則無爲也故無爲者有爲之本也能有爲而不能無爲者、

#### 三教

器非君子之器不得已而用之恬澹為上勝而不美。」又曰『鴯莫大于輕敵輕敵幾喪吾實故抗兵相加哀者勝矣』 生之徒。」又曰、『天下之至柔馳騁天下之至剛。』又曰、『天下莫柔弱于水而攻堅强者真之能先以其無以易之 也」人知慈柔之爲慈柔而不知慈柔之爲勇強也故曰『夫慈故能勇』斯其道見於戰爭其貫曰『兵者不祥之。 老子曰、「我有三寶實而持之。一曰慈二曰儉三曰不敢爲天下先」惟慈故柔其言曰、「整強者死之徒柔弱者

以爲廣也惟不敢爲天下先故後故下其言曰『江海所以能爲百谷王者以其善下之故能爲百谷王是以聖人欲以爲廣也惟不敢爲天下先故後故下其言曰『江海所以能爲百谷王者以其善下之故能爲百谷王是以聖人欲 之賊不以智治國國之職」愚也正其所以爲智也又曰「小國寡民使有什伯之器而不用使民重死而不遠徙雖 哉」人知愚之爲愚而不知愚之爲知也知嗇之爲嗇而不知嗇之爲積也知儉之爲儉而不知儉之爲廣也故曰 下」下也正其所以爲先也老子之道如是豈果無爲也哉。 大國則取大國故或下以取或下而取大國不過欲彙使人小國不過欲入事人夫兩者各得其所欲故 大 者 宜 為 取天下其言曰「大國者下流天下之交天下之牝牝常以靜勝牡以靜爲下故大國以下小國則取小國小國而下 下莫能與之爭。」人知後下之爲後下而不知後下之爲先上也故曰「不敢爲天下先故能成器長」斯其進見於 民至老死不相往來」嗇也正其所以爲濱也又曰「聖人不積旣以爲人己愈有旣以與人己愈多」儉也正其所民至老死不相往來」嗇也正其所以爲濱也又曰「聖人不積旣以爲人己愈有旣以與人己愈多」儉也正其所 有舟車無所用之雖有甲兵無所陳之使民復結繩而用之甘其食美其服安其居樂其俗鄰屬相望難犬之音相聞。 慈也正其所以為勇也惟儉故裔故愚其言曰「治人事天莫若裔」又曰「衆人皆有而我獨若遺我愚人之心也 上人,以其言下之欲先人,以其身後之是以處上而人不重處前而人不能害是以天下樂推而不厭以其不爭故天 「儉故能廣」斯其道見於治國其言曰「古之善為道者非以明民將以愚之民之難治以其智多故以智治國國

#### 四嬰兒

老子言道則尙無名樸言治則尙小國寡民言爲道則尙守雌尙嬰兒其義一也其言嬰兒者凡三日「專氣致柔,

其所以尙嬰兒何也曰為其無心也故曰『聖人無常以百姓心爲心善者吾善之不善者吾亦善之傳善矣信者吾 嬰兒姹女之說以首養生則得於老子而失老子之意者未可以混同而論也。 其出彌遠其知彌少』漢家用黃老以清淨治而班固以爲道家君人兩面之術蓋皆有見於此至後世神仙家託爲 下有始以爲天下母旣得其母以知其子旣知其子復守其母。」又曰、「明道若昧。」又曰、「盧其心實其腹」,有知 能嬰兒乎」曰「衆人熙熙如享太牢如春登臺我獨怕兮其未兆如嬰兒之未改」曰「常德不難復歸於嬰兒」 而不用何也日用則有不用矣不用則無不用也故曰、明白四達能無知乎。」曰、不出戶知天下不窺牖見天道。 知者有知而不用。非不知之謂也故曰。如不知上不知知病,又曰。即其雄守其雌知其白守其黑,又曰。『天 信之不信者吾亦僧之德信矣聖人在天下慄慄爲天下渾其心百姓皆注其耳目聖人皆弦之』無心故無知然無

綴 游談輩及韓非李斯肇襲商君之法借管氏以行其說者而章實齋則謂管子之述其身死後事出於習管氏法者所游談輩及韓非李斯肇襲商君之法借管氏以行其說者而章實齋則謂管子之述其身死後事出於習管氏法者所 際恆(際恆字立方仁和人諸生與閻若璩毛奇齡同時)作古今偽書考爾管子多偽大抵戰國周末之人如稷下 吾謂實務之言為得其實今管子權言心術白心內業諸篇言『日益之而患少者惟忠日撰之而患多者惟欲』 ( 樞 一)官「恬愉無為去智與故其應也非所散也其動也非所取也」(心術)官「功成者聽名成者虧」(白心) 輯古人著書不必定成於一人之手類多有其徒附益不得執此以爲僞(文史通義詩數言公等篇擬其意如此) 志道家首伊尹太公而有管子八十六篇伊尹太公之書令不傳管子八十六篇之目皆具而其闕者十篇清姚

記管晏列傳 以後之人所託爲亦不察之甚矣然史公稱管子獨謂讀其牧民山高(今形勢)乘馬輕重九府詳哉其言之(史 於易之哪啡、 )而今管子之青論治必以法爲主曰『法立令行』(法法)曰『聖君任法而不任智』(任法) 一謙而四益然則管老之同亦其俱同於易也耳而或者以管子之會其言多無殊於老氏遂謂必老氏

固有非道冢所可盡者老子曰【執古之道以御今之有】管子亦曰【疑今者察之古不知永者視之往】(山高) 日「明法而 | 固守之』(同上)曰『法者天下之儀也所以決疑而明是非也百姓所縣命也』(禁藏)則管子

顧 「其所以有異者老子多言治道之體而管子則於用爲詳此觀其作軍令制財用大抵本之周禮可以見也若其曰、

政之所廢在逆民心』(並牧民)即百家所不能易而亦三代以來之所恆言自隋志列管子於法家後人因之莫 倉廩實則 知禮節衣食足則知榮辱」曰『國有四維一曰禮二曰義三曰廉四曰恥』曰『政之所與在順民心

原其 本而道 術之裂其迹乃益淆而 |莫辨矣吾故附管子於老子後而論之管子名夷吾字仲潁上人相齊桓公孔子

王初 日、 **つ** 年亦僅憑臆測此等處無寧闕疑 桓公九合諸侯不以兵車管仲之力也。一本周襄王七年蓋先老子云、《老子生卒不可考胡適之謂當生周蠶

附 老子天地不仁以萬物爲獨狗解

老子曰、『天地不仁以萬物爲芻狗』胡適之作中國哲學史盛稱其言而謂天地不仁者言其不是人也古者

治思想史亦沿胡說並謂與詩之言昊天不惠昊天不平正同指爲當時神權觀念之動搖然吾統觀老子全書, 其下句「聖人不仁以百姓爲芻狗」斷章取義而爲之說又安得無誤乎雖然此不能以怪胡氏也自王弼之 但稱「天地不仁以萬物爲芻狗」而不顧「天網恢恢疏而不失」不顧「天道無親常與善人」 子果信天為無神無知者乎抑信天爲有神有知者乎夫讀一家之言當合觀其前後而後可論其主張 神以見天道之果無知耳然「天網恢恢疏而不失」老子之言也「天道無親常與善人」亦老子之言也老、 是人乎,且果如胡氏之意亦只得云非仁不得云不仁非字之與不字其意固有殊矣況下文云「聖人不仁以 者人也」二言不知此二人字皆言人之所以爲人非便指人身而言以今邏輯論之則二人字乃抽象名詞、 知其說之出於穿鑿未足據為定論也夫胡氏以仁為人其所引以為據者則中庸「仁者人也」孟子「仁也 管視天爲有意志有智識有喜怒之主宰故以天爲與人同類是爲天人同類說而老子則謂天地不與人同: 具體名詞 百姓爲芻 足以備 而已誤矣王注曰「仁者必造立施化有恩有爲造立施化則物失其真有恩有爲則物不具存物不具存、 破古代天人同類之髎說而立後來自然哲學之基礎故擬老子之說爲思想之革命其後梁任公撰先秦政 沟。」以天地不仁爲不是人亦可謂聖人不仁爲不是人乎推胡氏之心不過欲說老子不信天爲有 也故以人為仁之訓則可而以人易仁則不可然則老子曰天地不仁豈得引此為散而謂不仁卽不。 載 **奏地不爲獸生芻而獸食獨不爲人生狗而人食狗無爲於萬物而萬物各適其所用。** 則 乃至不 莫不 如 何。 則

乎且獸食獨人食狗云云似言獨狗者不啻言草芥幫茶毒天地且勿論老子嘗疾民之饑以其上食稅之多矣。 夢必且數眯焉」(天運)然則獨狗者芻靈之類耳獨狗之爲物當時則貴過時則棗焉是故言天地以萬物、 以將之及其已陳也行者踐其首脊蘇者取而歸之而已將復取而盛以篋衍巾以文繡遊居寢臥其下彼不得 古之能明老子之意者莫過莊子莊子之曹載師金之言曰「夫芻狗之未陳也盛以篋行巾以文稿尸祀齊戒 為人生狗而人食狗則天地自天地人獸自人獸勢狗自勢狗天地之於萬物會無與爲於其間豈得官以言爲 而乃曰聖人以百姓爲獨狗謂草芥其民茶毒其民者爲聖人不幾於率獸食人之獎乎是尚得爲老子乎哉夫 則正言若反也胡氏讀老子不知正言若反之義而又中於王氏獨狗之說益之自不信天硬牽老子以就己意 易」生生仁也然故者不去新者不生故有生則有穀矣自其穀而言之非不仁而何然而不仁即所以爲仁是。 也而莊子曰「虎狼仁也」(天運)知虎狼之可以言仁則知天地聖人之可以言不仁矣易曰「生生之謂 **為獨物者猶言功遂身退天之道也而已然其言不仁者何居曰老子不有言乎曰「正言若反」夫虎狼非仁** 而梁氏不察以為胡氏之創解此其所以俱失也至若詩人官昊天不惠昊天不平正見呼天而語詞意之迫尤 」夫以不仁為無恩則是矣若其所以解獨狗者則未爲得實也信如王氏之言地不爲獸生獨而獸食獨不

不得以為神權觀念動搖之證當另爲文辨之茲不復贅。

#### 第四章 孔子

作春秋晚而喜易序象繁象說卦文言弟子三千人身通六藝者七十二人蓋自來私門傳業之盛未有遇孔子者云。 委吏為乘田定公時為司空權為司寇相定公會齊使於夾谷齊人歸魯使地後攝行相事魯國大治齊人歸女樂季 **產於魯孟公綽數稱臧文仲柳下惠銅鞮伯華介山子然孔子皆後之不並世」孔子之學之所自蓋可見也少舊爲** 及學釋於師襄事而仲尼弟子列傳稱『孔子之所嚴事於周則老子於衞禮伯玉於齊晏平仲於楚老萊子於鄭子 **个其說可見者自六經外有論語穿經爱幷而論之。** 桓子受之孔子知魯之終不能用也去而之衞由是歷遊各國及歸魯年六十八矣乃敍書傳藏期詩正樂因史記而 公三年茲猛恭故鼎銘云「一命而使再命而偃三命而俯循牆而走亦莫余敢侮髗于是粥于是以糊余口」其恭 十三史記孔子世家載孟僖子之言曰「孔丘聖人之後滅於宋其祖弗父何始有宋而闢厲公及正考父佐戴武宣 如是吾聞聖人之後雖不當世必有達者今孔丘年少好禮其達者軟,歷敍孔子之先德甚詳又載邁周問禮老聃、 孔子名丘字仲尼魯人也生於魯襄公二十一年即周靈王二十年卒於魯哀公十六年即周敬王四十一字年七

#### 仁

孔子言仁猶老子之言道也老子言「吾言甚易知甚易行天下真能知真能行」而孔子亦曰「仁遠乎哉我欲

仁斯仁 之兼攝勇也子張問仁口『 仁為美擇不處仁焉得知。」曰、『仁者安仁知者利仁』是仁之兼攝知也曰、『仁者必有勇勇者不必有仁。』 道。 日 子 宏 也或問仁於程子(伊川)程子曰、『當合孔孟言仁處研窮之二三歲得之末晚也』(見二程語錄、 相 也。 非道弘人。」(論語)論語言仁之言甚多曰、「人而不仁如禮何人而不仁如樂何」,是仁之兼攝 道以人言之則曰仁不言天而言人其事尤切故曰『 後漢紀卷三已先有此語)或曰『愛曰仁』(周子通書)皆只言其一偏非仁之全也至近人引鄭氏(玄) 無終食之間 後之釋仁者或曰、『仁者 人 偶之言謂通彼我斯謂仁(見淸陳澄東塾讀費記梁任公先秦政治思想史蓋又襲陳氏之說者)而 三至矣。 又曰、 達仁造次必於是顚沛必於是」「仁者不愛」(並見論語)不必對 有能一日用 能行五者於天下爲仁矣』請問之曰『恭寬信敏惠』是仁之彙攝恭寬信敏惠諸德 功施於人』(何晏論語集解依於仁注)或曰「博愛之謂仁」 其力於仁矣乎我未見力不足者』(並論語)此 人之為道 而遠 人不可以爲道。 人而始有仁雕 其言甚 **L** rþ (韓愈原道然晉袁 庸 相 頫。 禮樂也。 叉日、 但以 近思 人 (天言之則 ilii 不 錄。 知 卽 曰、 是仁 一君 能 里 斯 弘

#### 二忠恕

貢 由忠以求仁也仲弓問仁子曰「 仁之全體難 覚。而 其所從入之路則惟忠與恕樊遲問仁子曰、居處恭執事敬與人忠。 出門如見大賓使民如承大祭己所不欲勿施於人在邦無怨在家 雖之夷狄不 可棄 無怨」(並 也。 此

不靈何有於推苟不能推又何所靈故忠恕多並言或單言恕而忠卽在其中單言忠而恕卽在其中不得歧而二之 子曰『夫子之道忠恕而已矣』(論語)亦可見也抑忠則未有不恕恕亦未有不忠者忠者盡己恕者推己己之 於右毋以交於左所惡於左毋以交於右此之謂絜矩之道。大學爲孔氏之遺書其所稱述必出於孔子無疑觀官 從之』而卽穳曰「君子有諸己而後求諸人無諸己而後非諸人所藏乎身不恕而能喻諸人者未之有也」又曰、 **【是以君子有絜矩之道也所惡於上班以使下所惡於下毋以事上所惡於前毋以先後所惡於後毋以從前所惡** 此言由恕以求仁也而其言之最詳且盡者英過於大學大學言「一家仁」國與仁堯舜帥天下以仁而民

子衍之日、 子即曰「入則孝出則弟」仁者上遂之事故以由之可使治賦求之可使爲宰亦之可使與資客言皆曰「不知其子即曰、入則孝出則弟」仁者上遂之事故以由之可使治賦求之可使爲宰亦之可使與資客言皆曰「不知其 您不敬其親而敬他人者謂之悖醴」明忠恕之反於孝弟也又曰『事親者居上不羈爲下不亂在醜不爭』。 爲仁之本歟。」(論語)明孝弟之極於仁而仁之本於孝弟也孔子曰、『下學而上達』孝弟者下學之事故敎弟 孝 經曰『愛親者不敢惡於人敬親者不敢慢於人』明孝弟之推於忠恕也又曰『不愛其親而愛他人者謂之悖 忠恕之施何始乎日始於孝弟孝弟者人之性也天之德也由孝弟而充之忠恕由忠恕而極之仁。一貫之道也故 『其爲人也孝弟而 好犯上者鮮矣不好犯上而好作亂者未之有也君子務本本立而道生孝弟也 者、其 而有

仁。 以令尹子文之忠陝文子之清皆曰『未知焉得仁』而曰『回也其心三月不逸仁其餘則日月至焉而巳矣。 上並見論語)上達極高明而下學道中庸此孔子所以立人道之極而凡有血氣莫不負親也。

#### 四五倫

之交也五者天下之達道也」(中庸)然契但立其品至孔子則定其界何者謂之界君盡君之道而不以 朋 目、 盡臣之道,而不以責君父盡父之道,而不以責子子盡子之道,而不以責父至夫婦昆弟朋友亦然此所謂 也有親不能報有子而求其孝非恕也有兄不能敬有弟而求其聽亦非恕也」(見荀子法行篇)其在文王世子。 人交止於信』止之云者卽止於其界也不特此也知夫爲子之難則父無不慈矣知夫爲父之難則子無不孝矣知人交止於信』止之云者卽止於其界也不特此也知夫爲子之難則父無不慈矣知夫爲父之難則子無不孝矣如 人之界故望人不敢不稱由前言之謂之忠由後言之謂之恕是故五倫之道統之於忠恕其始爲孝弟而其極則爲 友先施之未能也。(中庸)其在大學曰「爲人君止於仁爲人臣止於敬爲人子止於孝爲人父止於慈。 <del>-</del>-7 五 君子之道四丘未 倫之教始於舜之命契而儒者實出於司徒之官故亦曰、「天下之達道五君臣也父子也夫婦也昆弟也」 知爲人子然後可以爲人父知爲人臣然後可以爲人君知事人然後能使人」知己之界故實躬不得不 《臣之難則君無不仁矣知夫爲君之難則臣無不敬矣故子曰 『君子有三恕有君不能事有臣而求其使非恕 能一焉所求乎子以事父未能也所求乎臣以事君未能也所求乎弟以事兄未能 界也。 也。 責臣臣 所 厚知 水平 朋友 與國

#### 力战己成物

之用也有體有用故曰合外內之道此豈屬儒徑徑自守或貌爲大言者所可得而冒騙者哉。 者非自成己而已也所以成物也成己仁也成物知也性之德也合外內之道也」成己曰仁仁之體也成物曰知仁 欲達而達人。」又曰「一日克己復禮天下歸仁焉。」言仁必以立人達人天下歸仁爲究竟非務爲高遠也不如是、 非斯人之徒與而罷與天下有道丘不與易」(以上並論語)聖人之情殆見乎辭矣而中庸言之尤爲詳盡曰「誠 即不足盡於仁也故子之言志曰『老者安之朋友信之少者懷之』而極栖皇皇席不暇暖曰『鳥獸不可與同羣吾 極仁之量萬物皆吾懷抱之內故匹夫匹婦有一不得其所卽於吾仁有所欠缺子曰。夫仁者已欲立而立人己

#### 六富教

六七十如五六十。求也爲之、比及三年可使足民。]子路之言曰。**『千乘之國攝乎大國之間加之以師旅因之以饑懲。** 何加焉」曰『教之』富之教之後之言治國平天下者蓋莫能外也富之道奈何道千乘之國一章盡之矣曰『節 由也為之比及三年可使有勇且知方也」(並見論語)觀於冉有子路而能若是孔子不益可知乎。 而愛人使民以時』教之之道奈何道之以政一章盡之矣曰『道之以德齊之以禮有恥且格』冉有之言曰『方 成物非託諸空言也昔者子適衞冉有僕子曰「庶矣哉」曰「旣庶矣又何加焉」曰「富之」曰「旣富矣又

#### 七小康大同

第一組 上古哲學史

爲家。 諸己力惡其不出於身也不必為己是故謀閉 不獨子其子使老有所終壯有所用幼有所長矜寡孤獨廢疾者皆有所養男有分女有歸貨惡其 必由 也。將 謂 君 以 西 見之世見治昇平內諸夏而外夷狄至所見之世著治太平夷狄進至於鹤天下遠近大小若一。一(公羊隱元 富教之施 帕 子者未有不謹於禮者也以著其義以考其信著有過刑仁講讓示民有常如有不由此者在勢者去衆以爲殃是。 和夫婦以設制度以立田里以賢勇知以功為己故謀用是作而兵由是起禹湯文武成王周公由此 各親其親各子其子貨力爲己大人世及以爲醴城郭溝池以爲固醴義以爲紀以正君臣以篤父子以睦兄弟。 小康而進未可一蹴幾也斯其意見於醴運曰『大道之行也天下爲公選賢舉能講信修睦。 以爲天下也爲天下者大同之事也爲魯者小康之事也而爲天下不得不有望於魯者魯一 北之人也。 康」而公羊家本之乃有春秋張三世之說曰「於所傳聞之世見治起於衰亂之中內其國而外諸夏於所。 先於一國 (禮檀弓)曰『荷有用我者期月而已可也三年有成』(論語)故其欲用咎者、 而後及於天下孔子去魯遲遲吾行曰『去父母國之道也』(見孟子) 嗚呼以天下爲一家以中國爲一人( 而不與盜竊亂賊而不作故外戶而 本體運語) 聖人懷抱之大如此豈易及哉。 不閉是謂大同今大道 而又曰『丘也束 位故人不 寒於地 變可以至道、 **其選也**: 非 為魯 既隱、 也不 獨 此六 天下 大同 必藏 m

#### 知 之學

師卒下何休解詁)

孔子之志在天下然天下用我與否未可知也豈惟未可知固將莫我容矣(子路曰夫子道大故天下莫能容見

**言者矣。** 子嘗阨於公伯寮矣曰『道之將行也與命也道之將廢也與命也公伯寮其如命何』當畏於匡矣曰『文王旣沒文 家語)莫我容而有怨尤之心則是其志益大其心亦益苦果仁義之爲析楊桎梏也若是豈得爲聖人之學哉且孔 之象曰「君子以正位疑命」巽曰「君子以申命行事」「繫辭總之曰「樂天知命故不憂」。說卦申之曰「窮理盡 尤人下學而上達知我者其天乎。(以上並見論語)斯其意於易屢發之訟之九四曰『復卽命谕安貞不失也』 不在茲乎天之將奧斯文也後死者不得與於斯文也天之未奧斯文也匡人其如予何』皆絕糧於陳矣曰「君子 之樞要苟命之理有所未明欲以臆測聖學之精傲奚以異於不由其戶而冀升其堂入其蜜哉其不能至固有不待 聞者不知君子三長首畏天命不知命無以爲君子皆載之論語然則知命之學固聖人造道之極功而亦君子修身 性以至於命」聖人之於命蓋不啻反復言之說者以子罕言利與命與仁之一言遂以爲命之義微雖門人有不得 否之九四日,「有命無咎志行也」,姤之九五日,「有隕自天志不合命也」,而困之象日,君子以致命途志」,鼎 固窮小人窮斯濫矣」蓋自五十而知天命之後固無入而不自得者是故九夷可居疏食飲水可樂曰『不怨天不固窮小人窮斯濫矣』蓋自五十而知天命之後固無入而不自得者是故九夷可居疏食飲水可樂曰『不怨天不

## 第五章 墨子 附朱鈃

墨子名霍一曰宋人,一曰魯人其生略後於孔子呂覽謂墨子學於史角之後而淮南要略則曰「墨子學儒者之

世稱其受業於子夏則儒之於墨其學時有出入蓋可推而知也漢志墨子七十一篇个存者僅五十三篇。 業受孔子之術以爲其禮煩而不說厚葬糜財而貧民久服傷生而害事故背周道而用夏政」墨者鉅子有禽滑盤、

#### 一氣愛

治聖人以治天下爲事者也不可不察亂之所自起當(同當)察亂何自起起不相愛臣子之不孝君父所謂亂也。 然大夫各爱其家不愛異家故飢異家以利其家諸侯各愛其國不愛異國故攻異國以利其國天下之亂物、 **慈子兄之不慈弟君之不慈臣此亦天下之所謂亂也父自愛而不愛子故虧子而自利兄自愛而不愛弟故虧弟而** 子自爱不爱父故虧父而自利弟自爱不爱兄故虧兄而自利臣自爱不爱君故虧君而自利此所謂亂也雖父之不子自爱不爱父故虧父而自利弟自愛不愛兄故虧兄而自利臣自愛不愛君故虧君而自利此所謂亂也雖父之不 自起焉能攻之不知疾之所自起則弗能攻治亂者何獨不然必知亂之所自起焉能治之不知亂之所自 治天下為事者也必知亂之所自起焉能治之不知亂之所自起則不能治譬之如醫之攻人之疾者然必知疾之所治天下為事者也必知亂之所自起焉能治之不知亂之所自之則不能治譬之如醫之攻人之疾者然必知疾之所 者不然曰、『愛無差等施由親始』(見孟子墨者夷之之言)故儒者多非之然其說亦自有故墨子曰、『聖人以 已矣察此何自起皆起不相愛若使天下無相愛愛人若愛其身猶有不孝者乎視父兄與君若其身惡施不孝猶有 自利君自愛而不愛臣故虧臣而自利是何也皆起不相愛雖至天下之爲盜賊者亦然盜愛其室不愛異室故竊異自利君自愛而不愛臣故虧臣而自利是何也皆起不相愛雖至天下之爲盜賊者亦然盜愛其室不愛異室故竊異 墨家之言兼愛猶儒家之言仁也然仁者由親以及疏其間自有差等故孟子曰『親親而仁民仁民而愛物。 其室賊愛其身不愛人身故賊人身以利其身此何也皆起不相愛雖至大夫之相亂家諸侯之相攻國 起則 具 沸能 者亦 此 墨

 將侯之相攻國者亡有若使天下兼相愛國與國不相攻家與家不相亂盜賊無有君臣父子皆能孝慈若此則天下 孟子之距之而廢其說也。 此也」(彙愛上)蓋深原當時禍亂之本思惟彙愛可以治之莊子所謂以繩墨自矯而備世之急者也(語見莊 治故聖人以治天下爲事者惡得不禁惡而勸愛故天下彙相愛則治交相惡則亂故子墨子曰不可以不勸愛人者。 賊故盗賊亡有猶有大夫之相飢家諸侯之相攻國者乎視人家若其家誰亂視人國若其國誰攻故大夫之相亂家、 不慈者乎視弟子與臣若其身惡施不慈故不孝不慈亡有猶有盜賊乎視人之室若其室誰稱視人之身若其身誰 子天下篇)夫雞囉豕零時相爲帝儒墨之道各有其宜故昌黎欲兼用孔墨以爲治(昌黎集贖墨子)正不得因子天下篇)

爲攻國則弗知非從而譽之謂之義此可謂知義與不義之別乎殺一人謂之不義必有一死罪矣若以此說往殺十 馬牛此何故也以其虧人愈多苟虧人愈多其不仁滋甚矣罪益厚當此天下之君子皆知而非之謂之不**義**今至大 **圃鷄桃李是何故也以虧人愈多其不仁滋甚罪益厚至入人棩廐取人馬牛者其不義又甚攘人犬豕雞豚此何故**。 也以其虧人愈多苛虧人愈多其不仁滋甚罪益厚至殺不辜人也地其衣裘取戈劍者其不義又甚入人欄廐取人。 人園圃竊其桃李衆聞則非之上為政者得則罰之此何也以虧人自利也至攘人犬豕雞豚者其不義又甚入人園、 《愛見墨家之仁非攻見墨家之義墨子以救亂而言兼愛郎以兼愛而唱非攻道固然也其言曰。『今有一人入

世哉今有人於此少見黑曰黑多見黑曰白則以此人不知白黑之辨矣少嘗苦曰苦多嘗苦曰甘則必以此。 人十重不義必有十死罪矣殺百人百重不義必有百死罪矣當此天下之君子皆知而非之謂之不義今至大爲不 天下之君子也辨義與不義之亂也。」「非攻上)且孔子曰、「善人爲邦百年亦可以勝殘去殺矣。」孟子曰、「爭 城以戰殺人盈城爭地以戰殺人盈野」又曰「善戰者服上刑」蓋自審秋以至戰國攻戰之禍亟矣然則墨子之 **義攻國則弗知非從而譽之謂之義情不知其不義也故書其言以遺後世若知其不義也夫奚說書其不義以 育又惡得而已乎。** 知甘苦之辨矣今小爲非則知而非之大爲非攻國則不知非從而譽之謂之義此可謂知義與不義之辨乎是以知知, 人為不 遺後

之無積委城郭不修上下不調和是故大國耆攻之』(節葬下)故公輸盤爲楚造雲梯之城成將以攻宋司。 機變墨子九拒之公輸盤之攻械盡而墨子之守圉有餘楚於是乃不敢攻宋(見公輸篇)今觀其備城門備高臨、 之自魯往袈裟裹足日夜不休十日十夜而至於郢見公轍盤而解之墨子解帶爲城以喋爲城公轍盤九設攻城之、 墨子非攻而未嘗不主嚴守備其言曰『凡大國之所以不攻小國者積委多城郭修上下調和是故大國不耆攻 雖多不可曉然亦以見墨子之非攻不專恃口舌必其有不可攻之具足以待人之攻而後攻戰之事可免以視 墨子開

三節用

和平者固有間

矣。

諸加費不加於民利者聖王弗為』(節用中)曰『其爲衣裘何以爲冬以圉寒夏以圉暑凡爲衣裳之道冬加温 此不足為墨』(見莊子天下篇)荀子曰「墨子蔽於用而不知文』(荀子解蔽)知用而不知文墨子之所以 以節用故不得不非樂不得不薄葬而其自處也則以裘褐爲衣以跂躅爲服日夜不休務以自苦爲極曰『不能 輕以利堅而難折者則止不加者去之其爲舟車何以爲車以行陵陸舟以行川谷以通四方之利凡爲舟車之道加輕以利堅而難折者則止不加者去之其爲舟車何以爲車以行陵陸舟以行川谷以通四方之利凡爲舟車之道加 五兵何以爲以圉寇亂盜賊若有寇亂盜賊有甲盾五兵者勝無者不勝是故聖人作爲甲盾五兵凡爲甲盾五兵加 夏加凊者則止不加者去之其爲宮室何以爲冬以圉風寒夏以圉暑雨有盜賊加固者則止不加者去之其爲甲盾 者聖王制爲節用之法曰凡天下摹百工車輪鞼匏(同鞄)陶冶梓匠使各從事其所能曰凡足以奉給民用則止。 輕以利者則止不加者去之凡其爲此物也無不加用而爲者是故甲財不費民德不勞其與利多矣』(節用上) 異於儒也(又荀子富國篇言墨子之言昭昭然為天下憂不足夫不足非天下之公患也特墨子之私憂過計也一 何自起乎起於爭爭起於不足故無術以弭不足之患攻戰卽未可止也此墨子所以言節用也其言曰『古

# 四天志

子曰「視人之室若已之室視人之國若已之國」則親疏厚薄之倫失矣人之不能不有哀樂也亦性也今墨子曰、 莊子之論墨子也曰『其道大殼反天下之心天下不堪』 (天下篇)夫人之不能不有親疏厚薄也性

非攻節用節弊非樂上欲以堅彙愛之信則尙賢尙同明鬼非命近人不察以爲墨子尊天鬼有宗教之意然吾觀天非攻節用節弊非樂上欲以堅彙愛之信則尙賢尙同明鬼非命近人不察以爲墨子尊天鬼有宗教之意然吾觀天 蓋命之說行即鬼神無以爲賞罰同之義不立即天無以範羣倫是故墨子之道氣愛其本也下欲以必象愛之行則 之別矣是故子墨子置立天志以爲儀法』(以上兼愛下)此可見墨子之意也以言天志則不得不尙同不非命。 力正」而總之曰『子墨子置立天志以爲儀法若輪人之有規匠人之有矩也今輪人以規匠人以矩以此知方圓 矣然則義果自天出矣。」(彙愛中有節文)曰「順天之意者景也反天之意者別也兼之爲道也義正別之爲道也、 不察義之所從出然則義何從出義不從愚且賤者出必自貴且智者出然則孰爲貴孰爲知曰天爲貴天爲知而已 **彙相愛交相利必得賞反天意者別相惡交相賊必得罰」(彙愛上)曰『今天下之君子之欲爲仁義者則不可** 墨子非不知之也故推之於天志申之以鬼神之賞罰曰「天欲人之相愛相利而不欲人之相惡相賊也順天意者、 志明鬼諸篇所陳董甚凊後其於天人之故曾不如儒道兩家之言爲能盡其精微以此爲宗教取其貌而不原其實、 生不歌死不服。」(見莊子天下篇即非樂節葬)則哀樂之情失矣故以人之性言之則墨子之道未可必行也。

## **整叠**五

未爲其知墨子者也。

動之弟子對文故以屬下爲是舊連上實誤)俱誦墨經而倍譎不同相謂別墨以堅白同異之辨相訾以觭偶不仵 莊子天下篇謂『墨子之後相里勤之弟子五侯之徒兩方之墨者苦獲己齒鄧陵子之屬(南方之墨者與相里

名本惠施公孫龍亂逃其學以正刑(同形)名顯於世』近人因此遂謂惠施公孫龍皆墨學之支流然觀莊子天 之辭相應以巨子爲聖人皆願爲之尸冀得爲其後世至今不決。而晉魯勝墨辨注序曰『墨子著書作辯經以立 之學果出於墨子莊子必有言及之者令莊子不言則魯勝所謂惠施公孫龍亂述其學者特以二子之說與墨 非墨家宗旨所在故不復群述焉(別有名家不出於別墨論見後) 皆與暴者分別言之莊子與惠子游惠子之死莊子曰「自夫子之死吾無以爲質矣」(見莊子徐無鬼)使惠子 下篇言「桓圍公孫龍辨者之徒飾人之心易人之意能勝人之口不能服人之心」言『惠施日以其知與人之辨』 相似遂爲揣測之詞未足爲信也墨經有上下篇各有說共四篇近世勘校墨經者有多家要仍多錯脫不可考且以

**舒之書已佚(漢志小說家有宋子十八篇而隋唐志皆不著目則其佚已久)其散見各家者但曰『見侮 榮子卽釿也**)意 辯之宜多看)其所謂優差等不足以容辨異縣君臣者更不可詳考然莊子逍遙遊稱「宋榮子舉世而譽之而不 民之關禁攻寢兵救世之戰。」曰『以情欲寡淺爲內以禁攻寢兵爲外』(莊子天下篇荀子正論 加勒舉世而非之而不加沮】榮子即斩(韓非顯學言朱榮子之機散不關爭取不随仇不羞囹圄見侮不辱故知 ( 同懸殊也) 荀子以墨子宋鈃並言曰『不知壹天下建國家之權稱上功用大儉約而慢差等(慢無也)曾不足以容辨異、 別也)君臣然而其持之有故其言之成理足以欺惑愚衆是墨翟宋鈃也』(非十二子篇)今宋 其人必有等視貴賤非名與分所得而羈紮者故荀子嘗然歟抑宋鈃言禁攻艘兵雖與墨子同而 亦同此 不辱救 並從而

所用爭矣是則宋鈃之說也而世或以墨翟宋鈃並主寢兵途據荀子之言歸之一派則亦未原其立說之異也。 人之情欲寡見侮不辱以心言也人情欲寡亦以心言也惟心不以侮爲辱故無所用關矣惟心欲寡而不欲多故無人之情欲寡見侮不辱以心言也人情欲寡亦以心言也惟心不以侮爲辱故無所用關矣惟心欲寡而不欲多故無 者置心以爲主也(舊注謂請得若此之人立以爲物主誤)是故使人不關先之以見侮之不辱救世之戰先之以者置心以爲主也(舊注謂請得若此之人立以爲物主誤)是故使人不關先之以見侮之不辱救世之戰先之以 其所以爲禁攻寢兵之說者則與墨子異墨子非攻本之天志宋鈃禁攻寢兵本之人心故莊子道宋•新之 術 首 稱、 「語心之容命之日心之行以脈(従郭校脈軟也)合購以調海內請欲置之以爲主』(天下篇)置之以爲主

# 第六章 楊子

寓言)或曰居朱同音陽子居卽楊朱也今觀其弟子孟孫陽與禽滑釐問答之言禽子曰『以子之言問老聃關尹、 秉四。( 注秉公孫龍字見徐無鬼) 一時其說之盛可見也朱之事蹟不可考莊子有陽子居學於老子。( 見應帝王、 而列子有楊朱一篇最詳備。 則子言當矣以吾言問大禹墨翟則吾言當矣』(列子楊朱篇)是則朱之學出於老子爲無疑也其說散見各書。 與墨子同時者有楊朱孟子曰、『楊朱墨翟之言盈天下』,又曰『天下之言不歸楊則歸墨』莊子亦言儒墨楊

## 爲我

楊朱之說與墨子正相反孟子曰『楊子取爲我拔一毛而利天下不爲也墨子兼愛靡頂放踵利天下爲之』然楊楊朱之說與墨子正相反孟子曰『楊子取爲我拔一毛而利天下不爲也墨子兼愛靡頂放踵利天下爲之』然楊

荷箠而隨之則不能前矣。(劉向說苑列子楊朱篇字句稍異)其所操以爲治天下者要必有其具固不僅區區 為我而已也而惜乎其實之不盡傳也。 異耳觀其見梁王言治天下如運諸掌曰『百羊而羣使五尺盦子荷箠而隨之欲東而東欲西而西使堯牽一羊舜 墨子曰「國家務奪使凌卽語之彙愛非攻」(墨子魯問)楊子之爲我蓋亦欲正務奪使凌之失特所言之方有 為貴力之所賤侵物爲賤」嚴人己之界絕侵奪之萌故曰『人人不損一毫人人不利天下天下治矣』(並列子) 子為我非夫人之為我也其言曰『古之人損一毫利天下不與也悉天下奉一身不取也』又曰『智之所貴存我

楊子蓋惜世人之沈淫於名利為所束縛而不得一日自適其性故言之弔詭若此非果以縱欲為養生也故其言又 然以俟死一日一月,一年十年吾所謂養拘此廢虐之主錄而不含戚戚然以至久生百年千年萬年非吾所謂養。 所欲安者美厚而不得從謂之闕適意之所欲爲者放逸而不得行謂之閼性凡此諸閼廢虐之主去廢虐之主熙熙 於管夷吾管夷吾曰「肆之而已勿壅勿閼」晏平仲曰「其目奈何」夷吾曰「恣耳之所欲聽恣目之所欲視恣 者美色而不得視謂之關明鼻之所欲向者椒蘭而不得嗅謂之關頗口之所欲道者是非而不得言謂之關智體之 鼻之所欲向恋口之所欲言恣體之所欲安恣意之所欲行夫耳之所欲聞者晉聲而不得聽謂之賜聰目之所欲, 為我非不利天下而已也而必有以自得於己此楊子之學之本也是故託爲管晏問答之言曰「晏平仲問養生 見

各守其分而不相使害而為我之說立後人只知楊子爲我而豈知爲我亦不易哉。 曰「生民之不得休息爲四事故一爲壽二爲名三爲位四爲貨有此四者畏鬼畏人畏威畏刑此謂之遁人也可殺 夫曰不逆命曰制命在內此豈縱欲者之言哉唯其有得於此故不以天下之奉爲樂不以天下之奉爲樂故能人我 可活制命在外不逆命何羡毒不矜貴何幾名不要勢何羨位不貪富何羨貨此之謂順民也天下無對制命在內」

# 三論生死

身非愛之所能厚且久生奚爲五情好惡古猶今也四體安危古猶今也世事苦樂古猶今也變易治飢古猶今也旣 日「有人於此貴生愛身以斬不死可乎」曰「理無不死」「以斬久生可乎」曰「理無久生生非貴之所能存。 聞之矣旣見之矣旣更之矣百年猶厭其多況久生之苦也乎」孟孫陽曰「若然速亡愈於久生則践鋒刃入湯火、 不任何遠遲速於其間乎。」楊子又曰『太古之人知生之暫來知死之暫往故從心而動不違自然所好當身之娛、 得所志矣」楊子曰『不然旣生則廢而任之究其所欲以俟於死將死則廢而任之究其所之以放於盡無不廢無 夫人之所以不能自適其性者蓋有多端而惟生死之見爲尤甚故不通生死即不足以養生故孟孫陽問於楊子 在莊子一死生齊彭殤之先而能爲此言宜其與墨子相抗衡而從遊者之中分天下也。 去也故不爲名所勸從性而游不逆萬物所好死後之名非所取也故不爲刑所及名譽先後年命多少非所量

四輪名實

貴賤非所能也臭腐消減亦非所能也故生非所生死非所死賢非所賢愚非所愚貴非所貴賤非所賤然而萬物齊 之賓也而後不守名而累實執此以往夫何之而不適哉此養生之極致也。 賤之名安所立哉是故名之所立非其實也實之所在名之所不得加也名與實難而後知名者實之賓也知名者實 生齊死齊賢齊愚齊貴齊賤』(以上並列子楊朱篇)其言如此夫齊生齊死齊賢齊愚齊貴齊賤則生死賢愚貴 是矣故楊子曰『萬物所異者生也所同者死也生則有賢愚貴賤是所異也死則有臭腐消滅是所同也雖然賢愚 也」夫生死名也生爲暫來死爲暫往論生死之實則生死固無異矣然又豈徒生死而已哉一切賢愚貴賤固皆如。 欲知生死之不殊須知名實之有判楊子之言曰「實無名名無實名者偽而已矣」又曰「名者固非實之所取

# 第七章 商君 尸子附見

樂也漢實藝文志雜家有尸子二十篇謂商君實師之尸子名俊其舊个猶有存者其言『臣天下一天下也』一天下 君太史公作商君傳稱其天資劍薄而受惡名於秦爲有以然國家當百度廢弛之時若商君之術者亦其起弊之良 帛多者復其身事末利及怠而貧者舉以爲收孥卒以此強秦國霸諸侯及孝公死貴戚怨望者告商君反秦乃殺商 告姦之律民有二男以上不分異者倍其賦有軍功者各以率受上爵爲私關者各以輕重被刑傷力本業耕織致粟 商君者衞之庶公子也名鞅姓公孫氏以相秦孝公封於商故曰商君商君少好刑名之學旣相秦定變法之令行

為義分天下以生為神。 物以生益天下以財不可勝計 者合於天下則行、 禁焉 修先王之術除涮難之本使天下丈夫耕而食婦女樣 則 止桀紂令天下而不行禁焉而不止故不得臣也』又言、 也」與商君之崇法介重農戰頗多合者然則商君之說固 而衣 (皆得戴) 『猛天下以財 亦有所師 **共首父子** 為仁勞天下 承 相 **小歎漢志** 保此 其 以力 商君 分萬

驒 Ð, 下者不可不由之道也故其言曰、 不 誠 用 餬 Ŀ 二十九篇今存二十四篇實亡五篇。 能 П 也。 用、 見 死 商君之所以強秦者首爲農戰其言農戰条何曰『有土者不可以言貧有民者不可以言弱地誠任不惠無財民 。許不散則壹不詐則僕民壹且模斯一任上之所用而 也民見此三者之便且利 制 明君修政作壹。 然意 不畏強暴。 心以其旦暮從事於農夫民之不可用也見言談游士事君之可以會身也商賈之可以富家也技藝之足以 酒不僅: 其必兼言戰者何也人知戰之所以定外也而不知戰之所以安內也其言曰『彊國而不戰、 此。 ( 錯法) 又曰『地大而 去無用止浮學事詮之民壹之農然後國家可富而民力可摶也』( 夫國之所 也則必避農避農則必輕其居輕其居則 患者民之散而不可 二聖人 知治國之要故令民歸心於農歸心於農則民樸 不墾者與無地同民衆而不用者與無民同』(算地)此 摶 心民之詐不 無有不從矣是處彊國兵爭之世 而不可用 、必不爲上守戰也』 ( 農戰 ) 觀此、 也而農者著於土、 農戦 m 前不 可正 而欲 易散少於 叉曰、 也。 自存 毒輸於內醴。 Ü 其所以言農 --農戦 得志 夫民之親 則農之 知 慮、則 於天 文叉

然其招三晉之民農耕於內而出秦民攻戰於外卒以區區之秦雄於天下彊國請服弱國入朝則民之失正國之得 愈而國弱(用弱民原文)觀此則戰之用見矣老子曰聖人不仁以百姓爲芻狗若商君者其可謂芻 則輕死故戰事兵用而國彊民有私榮則賤列彊則卑官富則輕賞是以以刑治民則羞辱以賞戰民則畏死故兵農。 **令貧者富富者貧則國多力多力者王。(去彊)曰、『貧者益之以刑則富富者損之以賞則貧治國之學貴令貧** 之所樂民彊民彊而彊之兵重弱民之所樂民彊民彊而弱之兵重彊』(弱民)國欲其富而民欲其貧曰『治國能 力也以事敵勸民也是故國欲其彊而民欲其弱曰『民弱國彊國彊民弱故有道之國務在弱民』(弱民)曰『民人、 樂蝨官生必削國遂戰毒輸於敵國無禮樂蝨官必彊」(去彊)又曰「能生不能殺日自攻之國必削能生能殺、 者富富者貧貧者富富者貧國體」(說民)蓋民辱則貴虧弱則尊官貧則重賞是以以刑治民則樂用以賞戰民者富富者貧貧者富富者貧國體」(說民)蓋民辱則貴虧弱則尊官貧則重賞是以以刑治民則樂用以賞戰民 曰攻敵之國必彊」(去彊)又曰『夫聖人之治國也能摶力能殺力』(壹言)其摶力也以富國彊兵也其殺曰攻敵之國。 3.狗其民者也。

### 一開寒

利死則計名名利之所出不可不審也个使利一出於地則民莫不盡力矣名一出於戰則民莫不致死矣此所以開 夫農民之所苦而戰民之所危也然犯其所苦行其所危而民羣趨之而恐後者則有關塞之道也且人情生則計 民之所以不樂於農者為學問技藝商賈可以富也民之所以不樂於戰者為遊宦談說私門可以貴也今不肯

門之請則求貴者必出於戰矣此所以塞之也(以上攝取算地農戰二篇文意)開塞之道在於賞罰賞罰之行在 子人間 生。 威 辨智者貴游宦者任文學私名顯之謂也三者不塞則民不戰而事失矣故其賞少則聽者無利也威薄則犯者辨智者貴游宦者任文學私名顯之謂也三者不塞則民不戰而事失矣故其賞少則聽者無利也威薄則犯者 於重法故其言曰、民之外事莫難於戰輕法不可以使之奚謂輕法其賞少而威奪淫道不塞之謂也奚謂淫道爲 4 則欲國之無當不可得也故曰欲農富其國者境內之食必貴而不農之徵必多市利之租必重則民不得無田。 也。 禁則技巧之人利而游食者衆之謂也故農之用力最苦而贏利少不如商賈技巧之人。苟能令商賈技巧之人無繁、 輕法不可以使之奚謂輕法(舊作治以意校正)其農貧而商富故其食賤者錢重食賤則農貧錢重則商富末事不輕法不可以使之奚謂輕法(舊作治以意校正)其農貧而商富故其食賤者錢重食賤則農貧錢重則商富末事不 矣故民之力盡在於地利矣。」(外內)夫國之所與立不僅在農與戰也商君必欲驅其民於農戰之一途於是以 不得不易其食食貴則田者利田者利則專者衆食貴糴貴不利而又加重徵則民不得無去其商賈技巧而事 **證樂詩書舊修孝弟康辯爲國之蝨而盡屏詩書文學之士不取莊生有言『知有用之用而不知無用之用』** 門重商 故開淫道以誘之而以輕法戰之是謂殷鼠而餌以狸也不亦幾乎(幾殆也)故欲戰其民者必以重法賞則必多。 |黄使之忘死||而威使之苦生而淫道又塞以此遇敵是以百石之弩射飄葉也何不陷之有哉民之內事莫苦於農。 則必嚴淫道必塞為辯知者不貴游宦者不任文學私名不顯賞多威嚴民見戰賞之多則忘死見不戰之辱則苦 世)故其功至於富強而其禍至於終秦之世以嚴酷慘毒爲厲於天下吾觀其賞刑篇言『登賞壹刑壹教』 賈之征而技藝之民不用則求富者必出於農矣合國之大臣諸大夫不得進談說之士絕遊宦之途屏私 (莊 無害 地 無田 利

而盛道 深知禮樂之事者豈其專質農戰者特以急一時之利而待至功成治定固將有以易之數而情乎其死於惠文之黯、 『獨武旣破桀紂海內無害天下大定築五庫藏五兵偃武事行文教倒載干戈曆笏作樂以申其德』亦若

# **加未養所施設也**。

## 三更法

法。此 **个者先刑** 立中正設無私而民說仁當此時也親親廢上賢立矣凡仁者以愛爲務而賢者以相出爲道民衆而無制久而相出 私則 龍杜擊之爭而曾不之稍移也( 弊、而 官設而莫之一不可故立君旣立君則上賢殷而貴貴立矣然則上世親親而愛私中世上賢而說仁下世貴 為道則有(同叉)飢故聖人承之作爲土地貨財男女之分分定而無制不可故立禁禁立而奠之司不可故立官。 險民衆而以別險爲務則民亂當此時也民務勝而力征務勝則爭力征則訟訟而無正則莫得其性也故賢者 其意商君知之矣其首曰「天地設而民生之當此之時民知其母而不知其父其道親親而愛私親親則 治國之有法 所重 賢者以道相出也而立君者使賢無用也親親者以私爲道也而中正者使私無行也此三者非事相 易 丽 也世 法。 此俗之所惑也。 也獨醫人疾者之有方也醫之用方必中其疾國之用法必當其宜故醫無定方而國亦 事變而行道異也」(開塞)又曰『古之民模以厚今之民巧以偽故效於古者先德 \_ (同 見史記商君列傳)又其言曰『今世之所謂義者將立民之所好而廢其所惡也。 前) 惟其深明於古今之宜德刑之用故毅然爲孝公變法而不顧。 而雖 無不易之 而 反 治效於 心民道 貴 別愛 有甘 而奪

姦則民安其所樂以義教則民縱民縱則亂亂則民傷其所惡吾所謂利者義之本也而世所謂義者暴之道也夫正 則民安其所樂何以知其然也夫民憂則思思則出度樂則從淫則生佚故以刑治則民威(同畏)民威則 其所謂不義者將立民之所惡而廢其所樂也二者名質實易不可不察也立民之所樂則民傷其所惡立民之所惡、 言)若大有逕庭然而民之好惡正自難言有一時之好惡有本心之好惡其好治而惡亂者本心之好惡也而食於 民者以其所惡必終其所好以其所好必敗其所惡」(同前)此其言與儒者民之所欲與聚所惡勿施(孟子之 左傳)使必徇一時之好惡則有相與姑息而已矣是故商君之刻深商君之過也若其法必令行而不搖於一國之 目前之安苦於守法之不便則一時之好惡也故仲尼有臍裘之耪(見呂氏春秋樂成篇)子產有執殺之歌(見 無姦無

**誇議則非有高人之行獨知之盧者亦不足以幾之矣。** 之長十連爲鄉鄉有良人以爲軍合五家爲軌故五人爲伍軌長率之十軌爲里故五十人爲小戎里有司率之四之長十連爲鄉鄉有良人以爲軍合五家爲軌故五人爲伍軌長率之十軌爲里故五十人爲小戎里有司率之四 世多以管商並稱然管仲相齊桓公作內政以寄軍令制五家以為軌軌有長十軌爲里里有有司四里爲連連爲 商君令民爲什伍而相收司(同同)連坐(即改告姦之律見史記本傳)不侔也牧民以禮義康恥謂之四維。 里為連故二百人爲卒連長率之十連爲郷故二千人爲旅鄉良人率之五鄉一帥故萬人一軍五鄉 之 帥 (管子小匡) 其法蓋本周官鄉遂之舊而使人與人相保家與家相受祭祀相關死喪相如居處相樂行作 附論管商同異 :相和。

法、

故退道 不足當 然今觀仲書若 賣之以忠臣孝子難能之事則勢有所不行故其言曰**、國皆有法而** 諸侯 子恆 **诛之約而反驺侵地。(見左傳)與商君之欺魏公子卬(見本傳)又不侔也蓋春秋之世周之禮未盡廢當時** 卽 與商君之百縣之治一形民不貴學問(並墾令篇語)重關市之賦而驅商工一歸於農又不侔也。 與 也。 含嚴刑重誅無他道。 仲之力亦時爲之也及夫戰國兵禍 聘使往來揖讓折衝猶不必恃兵力故召陵之師楚以筌言而屈(見左傳)孔子稱桓公九合諸侯不以兵 |為士農之子恆爲農工之子恆爲工商之子恆爲商而制國以爲二十一鄉商工之鄉六士農之鄉十 與 先易 徳而 商 尺地寸兵之用商君所謂 商君之以 君 維絕則傾二維絕則危三維絕則覆四維絕則滅傾可正也危可安也覆可起也滅不可復安也。 合。 而 幷刑力廢詩 後 法禁篇云『昔者聖王之治人也不貴其傳學也欲其人之和同以聽令也』 蓋以法治者 難久而 禮樂詩書修善孝弟誠信貞廉仁義非兵羞戰之十二者爲六蝨(見斬令)又不侔也。 不勝其 其以農戰彊國而以刑法弱民者此也由是言之商君之與管仲治有不同。 **警而言農戰然力者世主之所重**。 必革姑息之政故子産猛以濟寬而孔子歎爲古之遺愛(見左傳)諸葛武侯亦言 渦法者先難而後易久而不勝其福故惠者民之仇讎也法者民之父母 ---民愚 則 日烈各國惟以兼幷是務苟可以強國 知可以王世知則力可以王**二** 而戰者忠臣孝子之所難素 無使法必行之法。 (開塞)若戰國 益地無不可為其視忠信仁 無仁 法法篇云『 丧策 義忠 固以 信 力王之時 蓋皆因 使 以 法 耤 恵者多 也。 使士之 必行之 Ā, 民 一義曾 二其 時 也。是 へ枚 へ小 ir. 而 丽

民

m

者彊貧者富聖人復起即亦有不可盡廢者商君曰、『凡世奠不以其所以亂者治故小治而小亂大治而大亂』 易者也夫管商皆遭時得用與孔老空言無施者不同雖其急一時之效不必悉軌於王道而齊民以法使 **愼法)今言法者紛紛藉藉於天下而致治無分毫長亂如丘山不又爲管商之罪人也乎。** 减之以法法行則知恩限之以舒舒加則知榮。<br />
(答法正書見三國志註)此則爲治之體要又非隨時代而 國之弱

# 第八章 莊子 附列子

終不相 牽而入 頗難知史記謂周掊擊儒墨而如人間世德充符諸篇其所以推崇孔子者甚至所爲掊擊者豈其然乎魏晉以來佛 ( 之與意益遠則甚矣讀書之難也(胡適之哲學史大綱創爲此說然萬物必不同形相禪句下卽職之以始卒若環 出 教入中國於是援莊老而入佛謂其有出世之思然七篇終之以應帝王而天下篇明明謂內聖外王之道則與 二家而又益之以恣肆天下篇曰『以天下為洗濁不可與莊語以卮言爲曼衍以重言爲真以寓言爲廣』 世 莊子 固 者宋國蒙人也名周嘗爲蒙之漆園吏惠施相梁惠王而莊子與惠施友計其時當與孟子相先後而兩家 迴殊矣至近人摭拾其萬物以不同形相禪之一言(見寓言篇)又取與達爾文之天演論相比附去莊子 於大廟雖欲爲孤犢其可得乎。」』史記以楚威王當之未知信否然卽此莊子之爲人可知矣其學實 開可異也列禦寇篇謂『或聘於莊子莊子應其使曰「子見夫犧牛乎衣以文稿食以芻叔。 (同菽 故其意 及其 佛之 孔老

而內 莫得其倫,夫言天演,言進化有始卒若環者乎即此胡氏之說不攻自破`) 漢志莊子有五十二篇今存者三十三篇。 七篇前後連貫當出周手若外篇雜篇或多其門下附益要亦七篇之羽翼也。

# 一大宗師

傳而不可受可得而不可見自本自根未有天地自古以固存。」此與老子有物混成先天地生吾無以名之強名之 及萬世而不爲仁長於上古而不爲老覆載天地刻雕衆形而不爲巧』明道也眞人也大宗師也名雖有三而及萬世而不爲仁長於上古而不爲老覆載天地刻雕衆形而不爲巧』明道也眞人也大宗師也名雖有三而 日道蓋同一意然其日大宗師者何也蓋道者處名也惟實證者得而有之故曰『有異人而後有異知』異人卽大 處順哀樂不入此豈無所得而能致然耶(並見本篇)今人談莊子不於此等處求之而樂其光洋之辯散於萬物 而不厭抑所謂棄照乘之珠而寶空櫝者非勲。 而萬物無足以撄其心者觀其所稱道如子配子與子犂子來子桑戶孟子反子琴張之倫類皆當生死之際而 莊子之眞實學問在大宗師一篇所謂大宗師者何也曰道也故於本篇明揭之曰、「夫道有情有信無爲無形可莊子之眞實學問在大宗師一篇所謂大宗師者何也曰道也故於本篇明揭之曰、「夫道有情有信無爲無形可 也特以其本體言之則謂之道以其在人言之則謂之其人謂之大宗師耳莊子惟得乎此故能齊生死一 也天下篇曰『古之所謂道術者果惡乎在曰無乎不在』曰、『不離於宗謂之天人不離於其謂之聖人』而本。 一語卽曰『知天之所爲知人之所爲者至矣』而終又引許由之言曰『吾師乎吾師乎整萬物而不爲義澤 安時 所指

# 二齊物論

第一編 上古哲學史

也謂之以明。 則。妄、 見天下 非 師。 物 是之妄卽以顯 非 果 非道之賊也通於物我是非則物我是非道之用也故齊物 終 EI. 相 謂之而 彼。 譬之绍井之蛙、 因 實 H 身 夫 役 随 合獎 有則 有 物 聖 m - 篇此莊子 · 他是乎哉B 無非 役 知是 人 其 即具。 和 然惡乎然然于然惡乎不然不然于不然物 天下之實有者、 不 成 之以是非而 是自彼則不見自知則知之故曰彼出於是是亦因彼彼是方生之說也』 其順也謂之因是知夫以明因是之說而 非 心 知 然 道 故其言又 共 illi 揠 而 用惠子以明己 可之本 果且 所 師 之真。 論四海 歸者、 之. 無彼是乎哉彼是 何物哉。 Ħ, 其 休乎天均! 蓋因其是非而是非之我無容心焉因其然可而然可之我無容心焉則 然 獨 則 之大 也。 日 H \_ | 因是因非 以明 無師 而 執 J意也) 總之曰、 是則 也此莊子齊物 於物 乎奚必知 者以 萬 我 世之後而 英得 因非 此言彼是之無定也又曰『是亦彼也彼亦是也彼 真 「樞始 之分。 明 安即以 因是。 其偶、 代 ---得其 則 而心自 論之所以 謂之道樞一: **亂於是非** 妄顯 此言 固 物論無不齊矣而道無不明 環中以應無 遇大聖知 有所然物固有所可無物 取者有之愚者 論者始 是 真 作 也然 之論。 (非之: 也然 其 此以彼是之無定而知彼是之非 **%房」曰『唯**治 於破物 相因 真 解 物 故物 者獨旦暮遇之者也( 我 旣 也又曰、 9與有爲( 是 明 我 《矣則妄亦》 之見不 我是非之爭終於 非果可泯 逩 可可乎 者知通爲一爲是不 用 不然無物不可。 矣請將得而論之其言 蚌、 是非之 非妄何 乎夫囿於物 齊物 可。不 ( 物方生方死本惠子之說、 論 可乎 齊物 ·亦一是非此亦一是非。 也、 順 稐 原文 妄 物 不 不 無 實有也夫彼是 ي 稐 我 我 泯、 此 可。 而以言· 顫 定。妄 語) 是非、 是 用 道行 愚者 菲 則 īfii 沒 之應。 無 是 日、 則 寓諸 是非之 實。 之 故 <del>---</del>1 物 夫 有 有 之、而 而 物 大宗 雛 破 其 我是 成。 是 彼 無 真 旣 破

可以壽、 是、 非 焉。 之得 其 者。 也 知 mi 而 乎殤子然彭祖 而有无 其所非未爲得也妄歸眞則是者非之非者是之未爲亂也是故其言曰【 有未始有始也 其環 是非 未 有 所至 始有是非也。 未 中 《矣而未知有无之果孰有孰无也』此以自有而之無言也自有而之無而妄歸其矣其發妄則、 也有 瞥有: 矣惡乎 至有以為未始有物者至矣盡矣不可以加矣其次以爲有物矣而未始。 可以夭則於是非無留滯。 也有然可、 丽 ||不有用| 是非之彰也道之所以虧 者有未始有夫未始有始也者有有也者有无也者有未始有无也者有未 為天天地與我並生而萬物與我爲一』(以上並本篇) 而然 而不用是則 河未 膏有 此不齊之齊齊物論 和 也。 也其有是非然可者庸也以應 也」此以自無 天均之休也今觀齊物論 而之有言也自無而之有而與發妄矣。 也。 篇其言有無之序者有二一曰、 無窮也而未皆有是非 天下莫大於秋毫之末而 知秋毫可以大而泰山可以小殤子 有封 始有夫 然可 也。 其 其 次以 者、 未 始 泰 曰、 不用 小山爲小。 古之人 是其所 為有封 有 **—** 有 也。 无 也 始 樞

#### 養 生主

而彭祖

之極

軌

以 也。 这 大宗師篇日『 知之所. 保 生 主 身可以全生可以養親。 者、 知以 主於養生也養生奈何欲知養生之說當先知生之爲何物生者大宗師之謂 養其知之所不 殺生者不死生生者不生」 可以盡 知」而養生主篇亦曰、「天也非人也天之生是使獨也人之貌有與 年。此 又曰 『 其合者一也大宗師篇曰 **善吾生者乃所以善吾死** 『知天之所爲 九也」而養生 者天而: 也。 |主篇| 何以知生之為 生也。 日、 知 <del>---</del> 《也以是知: 人之所 綠 督 大宗師 以 爲者、 爲經。 其

天理批大郤導大級因其固然。其工夫之熟也爲何如『雖然每至於族吾見其難爲愧然爲戒視爲止行 何 硼其刀同而巧拙之異若此者養與不養之別也今觀其言曰『始臣之解牛之時所見無非牛者』其心之專。 E. 天也非人也』( 也夫楊朱言養生而莊周亦言養生然楊子之言疎而莊生之言實若莊生者可謂體明而用備。 其宗主言之,其實一也然生何以須養夫族庖月更刀折也良庖歲更刀割也而庖丁之刀十九 其意之惧 如『三年之後未嘗見全牛也』其理之明也爲何如『方今之時臣以神遇而不以目視官知止而: 同、 大宗師日、 傗 注以獨指足言全誤)皆於天人分合之故言之甚詳此其合者二 也爲何如臨之以專心持之以愼意理 其為物無不將也無不迎也無不毀也無不成也其名為嫪寧嫪寧也者攖而後成者也」是之謂 與與獨對文外篇田子方孔子見老聃老聃熱然似非人孔子稱 明而工夫熟豈必解牛哉固無往而不善矣へ以上須 心是故生者以其本來言之大宗師 其遺物 雛 人而 者 年而 也。 立 於獨、 刀刃岩新 一个多看 神欲 與 為遲。 行。 本文全 此 依乎 也為 發於

# 四應帝王

式義度爲欺德(並見本篇)此其意於天道篇實發之曰『古之明大道者先明天而道德次之道德已明、 次之仁義已明而分守次之分守已明而形名次之形名已明而因任次之因任已明而原省次之原省已明次之后, 樊以應帝王旣養生之實,其言曰、『聖人之治也治外乎。正而後行確乎能其事者而已矣』 莊子天下篇言內聖外王之道此莊子之眞實語也故其養生也所以爲己也卽以爲天下也以人間莊子天下篇言內聖外王之道此莊子之眞實語也故其養生也所以爲己也卽以爲天下也以人間 惟以治外為末故以經 世 入養生之 m 而

安能治人 名可舉九變而賞罰可言也驟而語形名不知其本也驟而語賞罰不知其始也倒道而言迕道而說者人之所 **次之是非已明而賞罰次之。』曰、『書曰、「有形有名」 形名者古人有之而非所以先也古之語大道者五變而形** 欲而天下足无爲而萬物化淵靜而百姓定』且夫帝王者大物也有大物者不可以物物而不物故能物物(不可 天下之君正以道觀分而君臣之義明以道觀能而天下之官治以道汎觀而萬物之應備」曰『古之畜天下者无 為內故以治天下爲不足威於其心此其意於天地篇實發之曰「玄古之君天下無爲也天德而已矣以道觀言而 篇曰「道之其以治身其緒餘以爲國家,其土苴以治天下」者莊子者,其土苴治天下者哉嗚呼遠矣。 王明矣若是獨往獨來出入無旁處乎無響(同嚮)行乎無方其於治天下獨一映也(一映語見則陽篇)讓王 下則可以寄天下。(本老子語而莊子在宥篇亦稱之)今曰應帝王則其視帝王會不若蚊宜之過目其不物於帝 以物物不可以為物所物也能物物能物夫物也語見在宥篇)故貴以身於為天下則可以託天下愛以身於為天 、驟而語形名賞罰此有知治之具非知治之道可用於天下不足以用天下。」惟以正而後行確乎能 其事

事而稱无人爲先生(見田子方)今所傳列子卽言其師壺丘子林而友伯昏无人(仲尼篇)又其黃帝一篇謂 列子師老商氏友伯高子其言信否皆未可知然觀其載列子所自言謂『自吾之事夫子友若人也三年之後心不 敢念是非口不敢言利害始得夫子一眄而已五年之後心庚(同更)念是非口庚言利害夫子始一解顏而笑七 先乎莊子者有列子。列子者鄭人名禦寇莊子之當多稱之謂其學於壺子。(見應帝王)又載其爲伯昏无人射

與物 而笑而莫逆於心者豈獨南郭子連牆二十年而得慮無言目若不相見哉(事見列子仲尼篤、 華胥氏之國藐姑射之山(華胥氏之國見列子黃帝篇藐姑射之山見莊子逍遙遊蓋 與莊子合其言『有生不生有化不化不生者能生生不化者能化化』(列子天瑞)即莊子所謂『生生者不生。 矣而後眼如耳耳如鼻鼻如口無不同也心疑形釋骨肉都融不覺形之所倚足之所履隨風東西猶木葉幹殼竟不。 卽 知風之乘我邪我乘風平」 道其學之進親切若此疑非後人所能託為則其書之或真或偽難隱定矣要其所言概 年之後從(同縱)心之所念庚無是非從口之所言庚無利害夫子始一引吾並席而坐九年之後橫心之所念橫年之後從(同縱)心之所念庚無是非從口之所言庚無利害夫子始一引吾並席而坐九年之後橫心之所念橫 口之所言亦不知我之是非利害與亦不知彼之是非利害與亦不知夫子之爲我師若人之爲我友內外進口之所言亦不知我之是非利害與亦不知彼之是非利害與亦不知夫子之爲我師若人之爲我友內外進 莊子所謂 化 者 一不化者也。(上句大宗師已見前下句知北游)其言『有太易有太初有太始有太素』(天瑞 知大一知大陰知大目知大均知大方知大信知大定』也(徐無鬼) 莊列以自託 是故附列子於莊子後以見 者)蓋有相 同 視

# 第九章 孟子 附骨子子思 叉告子附見

於子思之門人然其自謂『乃所願則學孔子』又曰『子未得爲孔子徒也予私淑諸人也』 孟 子名軻字子輿鄒人也生於周烈王四年卒於赧王二十六年年八十四(據淸狄子奇孟子編年)史稱受業 『誠者天之道也思誠者人之道也』與子思之中庸合而亦未明言出於子思即不得必其爲子思之徒史書 則其學實上接孔子。

子時楊墨之道與縱橫長短之說並盛曰『楊墨之道不息聖人之道不著』於是距楊墨放淫辭景春(春孟子弟 雖不見用於齊梁之君而其言性言仁義唐宋以來儒家蓋不能出其範圍韓昌黎且謂求觀聖人之道必自孟 日、 昌黎集送王塤秀才序)非所謂豪傑之士耶茲撮其犖犖大者如左。 稱公孫衍張儀爲大丈夫而孟子則曰『以順爲正者妾婦之道也』曰『今之所謂良臣古之所謂民賊也』 虀 無據未可知矣歷游梁齊宋魯滕諸國今七篇所載與梁惠王齊宣王滕文公之言多稱述堯舜湯武而論書則無據未可知矣歷游梁齊宋魯滕諸國今七篇所載與梁惠王齊宣王滕文公之言多稱述堯舜湯武而論書則 信 害不如 無 派書」論詩 則曰『說詩者不以文害解不以辭害志』信古而能斷孔子以後蓋一人而 巴當孟 子始。

**柘棬**一即性云 此二說也 名不害疑亦非是)一篇當時言性者蓋有三說曰「性 懿德』作於尹吉甫實在宣王之世則天命性善之說其由來蓋久矣令觀告子(告子事迹不可考或曰孟子弟子、 然以與孟子問答之言觀之知決 孔子言性相 也。即 口「有性善有性不 有不善既又言「性猶滿水也。 近而子思曰『天命之謂性』至孟子則言性善然烝民之詩『天生烝民有物有則民之秉彝、。 性可以爲善可以爲不善又曰『生之謂性食色性也』則又似性無善無不善蓋反復其說總歸 善。」此三說也而告子始言、「性、 非弟子也要是當時一大家至以後盡心篇浩生不害與告子認爲一人而謂: 決諸東方則東流決諸西方則 |無善無不善] 此一說也曰「性可以爲善可以爲不善」 **通杞柳也義猶桮棬也以人性爲仁義猶以杞柳爲** 西流。 人性之無分於善不善也 猾 水之無 好是 告子

幾希。 指之 於 矣。 彩。 非 難 而 ء 日、 之於 君 明。 静 語 隨 性質 子有不能 子不 為 盡 堯舜 性之 命 方 日 心 性故 以 敀 性 指 也。 帽 韭 篇 E 威 其 有。 難 即 點。 惻 於物 能 日 情、 無以 丽 隠 是 性 Ħ, 羧 同 可 如 内日 **—** 物蓋告子之言性乃 則 \_ 以 及 衆 也仁之於父子 챮 之心仁之端 此、 仁義禮 n) 其 見性之善亦即無以 丽 道 其 故 人 性者 本心(以上 以 動 義 性 其 所 1善必以5 爲 以 與 者 外 《善矣乃所》 矣。至 爲 智 恆 爲 言、 性 非 性。 也。 人 羞惡之 推 日『口之於 言、 也義之於君 由 故 堯舜爲言蓋惟堯舜性之(孟子曰、 者、 外 君子不謂之性衆 日、 知 並告子) 不 岐 决 謂 也故孟子駁之日、「人性之善也婚 鑅 日 我也。 於 心心 諸 善 性、 見性之爲性此孟子之微意也今人只知孟子言性善而於其所謂 則不盡其心性有不可得而知者矣日『君子所 也。 義 東 物 而 臣 、味也目之於色也耳之於聲也鼻之於臭也四肢之於安佚 是故告子之言性也、 之端 我 方 m 曰 則 欲 也禮之於賓主也、 固 動 -性之欲 有 知 東 也。 良 之也。 人所以 流、決 一辭讓之心禮之端 知 孟子之說與告子之說之所 良能。 \_\_ 諸 也之性孟子之言性乃 故 西 爲 <del>ي</del> 方 非 日 É, )其解難 (性之所) 則 智之於賢者 ----堯舜性之也又曰 天之降. 其日 西 也是非之心智之端也。 流。 水之就 曉、 夜之所 故日、 得而 才。 而性易見孟子之言性 也聖人之於天道也命 義 為者、 C== 外故 入生 下也。 息平旦之氣其 以 曰 君子則謂之性尤其 異、 رك 堯舜性者 (當知孟) 認生之爲性、 不 而 人 八無有不 忍 静天之性 人之心。 性仁義禮智 子所 ها 也並見盡 善。 好 皆從性之本源 指之性的 食色為 也 惡與 也 水 之性。 其 無有 曰 也。 彰 有 也、 根 飦 人 一心篇) 不下。 於心。 性以以 性所 性 易 相 奥 心之 明 性 用 知。 告 較 也。 近 不原 謂 君子 所 有 丽 也 旜 流 則 又 生 命 所 性 者 樂 者 百

者弗思耳見告子篇、 深察而 明 "辨之或且疑其不如告子之言爲近人則甚矣有貴於己而弗思者之衆也(孟子曰人人有貴於己

# 二爌充

也。 提之童 爲所識窮乏者得我而爲之是亦不可以已乎』蓋人惟 與之行道之人弗受蹴爾而與之乞人不屑也萬鍾則不辨禮義而受之萬鍾於我何加焉爲宮室之美妻妾之奉所與之行道之人弗受蹴爾而與之乞人不屑也萬鍾則不辨禮義而受之萬鍾於我何加焉爲宮室之美妻妾之奉所 之實無所往而不爲義也」皆是也而其言之尤剴切明著者則如曰「一簞食一豆羹得之則生弗得則死哮爾而 之於其所爲義 識窮乏者得我與鄉爲身死而不受今爲宮室之美爲之鄉爲身死而不受今爲妻妾之奉爲之鄉爲身死而不受今識窮乏者得我與鄉爲身死而不受今爲宮室之美爲之鄉爲身死而不受今爲妻妾之奉爲之鄉爲身死而不受今 語 顧孟子之言擴充有二一者由小而擴充之大如曰『 吾老以及人之老幼吾幼以及人之幼』又如 充之足以保四海。苟不充之不足以事父母。」又如曰、『人皆有所不忍達之於其所忍仁 並見告子)欲其不以小而至於梏亡故曰。 無不知愛其親也及其長也無不知敬其兄也親親仁也敬長義也無他達之天下也」皆是也而 以惻隱羞惡辭讓是非爲仁義禮智之四端則非擴充卽不足以盡其性此擴充之說所爲職性善之說, 也人能充無欲害人之心而仁不可勝用也人能充無穿窬之心而義不可勝用也人能充無受爾汝。 日『人之所不學而能 立乎其大者則其 明於小而暗於大放養一指而失肩背養樲棘 凡有四端於我者知皆擴而充之矣若火之始然泉之始達。 小 者不能奪也」 者其良能也所 者由近 不 魐 而 也人皆有所不爲達 而 知 者、 擴 充之遠。 其良 m 其言之尤 知 而 也,孩 如

沉痛 忍於觳觫之覺牛而忍於肝腦塗地之士臣不宥於失伍之戟士而宥於立而視民之死之大夫(上句見梁惠王下 見公孫 警覺 丑)欲其不以近而爲之陷溺故曰「鲁推其所爲而巳」由前之說則體立由後之說則用全程子曰『孟 則 如曰、 仁者以其所愛及其所不愛不仁者以其所不愛及其所愛』蓋人惟察於近而忽於遠故不

言性也: 害則塞於天地之間。」其始充之一身而其極塞於天地非擴充何以 大至剛。 之所 不能 於集義則本體在是工夫亦即在是知言以辯之持志以守之而義無不集矣此所以知言與養氣並提也抑養氣雖 孟子之其實學問在知言養氣而知言養氣卽擴充之功何以言之孟子曰『氣體之充也』又曰『以直養而』 有二矣雖然、 擴充其功不在禹下」信夫。 有 固 無惡焉是故公孫丑問何謂浩然之氣而孟子亦曰難言難言而不得不言於是先虛 就心言則曰性就身言則曰氣。 三知言餐氣 也言浩然之氣則非盡人之所得有也於其所有而實以指之雖愚者易明焉非其所有。 無以見性故特區 而卽 氣之同於性者其生也而氣之異於性者其智也居移氣養移體斯氣有非其性者矣氣有非其 實以案之曰、「其爲氣也、 |而別之曰浩然之氣而於其徼之徼也則曰平旦之氣曰夜氣然言平旦之氣、 盡心章曰「存 配義與道」日『 其心養其性所以事天也」於氣曰養於性亦曰養明氣 是集 《義所生者』 至此。 顧擴充以性言、 非義製而 取之 以象之日 而此以氣言何也言氣 也。 而虛以象之雖 夫知浩然之氣之本 不言夜氣、 其 為氣 性則 與 智者 也至 狍 性

文熟玩之不然不易曉也、 節者吾嘗言莊孟同時而所言多合惜其不得一相印證道術之裂往而不反豈非天哉(宜取孟子不動心節者吾嘗言莊孟同時而所言多合惜其不得一相印證道術之裂往而不反豈非天哉(宜取孟子不動心 卽 力於勿忘勿助之間。 喻口。「天下之不助苗長者寡矣以爲無益而舍之者不耘苗者也助之長者揠苗者也非徒無益而又害之。」致 擴充而言養亦與擴充有別擴充如火之然如泉之遠養如雨露之潤如草木之長擴充見其力養不見其力故擴 可以氣魄承當可以意見湊迫而餐則須義精仁熟渣滓俱融故擴充未必能養而養則無不能擴充觀其宋人 而守約於自反而縮之內以此不動心亦卽以此踐形其與蒙莊之養生主德充符蓋有若合符 章本

# 四義利之辨

天下者曰『交相利。 國戰必克』循此而不變勢非至率獸食人而人相食不止當時如墨翟楊朱之徒未嘗不思有以捄之而 **孳**為善者舜之徒也雞鳴而起孳孳為利者跖之徒也欲知舜與跖之分無他利與善之間也』 非孟子之必異於孔子也蓋至戰國之世、 君子喻於義小人喻於利與言君子懷德小人懷土君子懷刑小人懷惠一意注誤)至孟子則曰『 孔子罕言利而曰『君子喻於義小人喻於利』意謂義可以喻有德而利可以喻齊民則未始絕人 以 言 水以火救火益多而已未見其有濟也故孟子首絕言利之萌其答梁惠王利國之問、 』(墨子之言已見前)日『利物不由 言利之風益盛或日「我能爲君辟土地充府庫」或曰「 於義』(楊子之言見列子楊朱篇)以利 則日『王日 辨義利之嚴如 我能 何以利吾國。 雞鳴而起孳 止利、 爲君 其 所 此。是 號於 循以 約與

利以 之至明故言之至切而奈何齊梁之君見以爲迂闊而遠於事情卒不果用一薛居州獨如宋王何(本孟子語見滕 以罷三 事 13 欲以 ,其兄是君臣父子兄弟終去仁義懷利以相接然而不亡者未之有也』(見告子篇)於當時功利之害見。 何 以 軍之師是三軍之士樂罷而悅於利也爲人臣者懷利以事其君爲八 利 利 吾家士 說 止 秦楚之兵孟子則曰、 庶 人日 何以 利吾身上下兖征利而國危矣。日『亦有仁義而已矣何必 『先生之志則 大矣先生之號 崱 不可先生以 子者懷利以事其父爲人弟者 利說秦楚之王秦楚之王 曰 利。而 宋 摼 ģŗ 懷

養公田。 文公 ) 一孟子又獨如天下何哉。 五十 者不負 足以 **十者可以食肉矣百畝之地勿奪** 孟 而貢殷人七十而助周人百畝而徹其實皆什一也』曰『方里而井井九百畝其中爲公田八家皆私百畝、 事父母俯足以畜妻子樂歲終身飽凶年免於死亡』曰『有恆產者有恆心無恆產者無恆心』曰、 子之言王政一 相友守望相 戴於道路矣」所以教民 五王 政 「野九一而 品助疾病相及 孔子之言富教也其曰『五畝之宅樹之以桑五十者可以衣帛矣雞豚 助國中什一使自賦卿以下必有圭 扶持、 則百姓親睦。 也然而孟子之言尤詳於制民之產與通功易事之道曰、 其時數口之家可以無饋矣。 雖曰此其大略而仁政必自經界始得是猶足見聖王之制。 田圭田五十畝餘夫二十五畝死徙無出 ۳ 所以富民 也。 謹庠序之教申之以孝 明明 狗 君 彘 之畜、 制民之產 **一悌之義**、 鄉。 無 ··失其時、 鄉 \_ 固 田 夏后 必 非託 使 頒 氏 七

呼、 下下罷極則以殘賊怨望於上於是視治人治於人之名同於蠱毒之足以禍人至乎近世乃欲盡撤貴賤上下之防。 舆 之空言 丽 相 取之於民者 丽 猶 去之使更無治與被治之別或且疑孟子之言為據亂之制而非大同之道奉許行並耕之說以爲足以治天下鳴 兩賤不能相使(荀子語見王制篇)使天下之民無有須待人而治者也則上下之等信可廢也使天下之民 未 有須待人而治者也則上下之等如之何其廢之自後世在高位者多驕淫不仁阻法治之威而以貢賦督責於 械 栗相 可强 也然孟子雖 稍稍得以自肆則攀起而辨擊之曰是何得獨享其當厚卽言報施之道是亦不能謂平 易不爲相厲今賢者居民之上憂民之憂事民之事旰食而宵衣勞苦百倍於農夫而 比 iffi 烈矣(參看有為神農之言者許行 同之故曰、『或勞心或勞力勞心者治人勞力者治於人治於人者食人治 貴民而欲使天子公侯下而與齊民同其勞苦民上下之等廢治養之別則又其所 一章全文) 人者 食於人. 未 矣。 且 止。 不然。 而 兩 衣食之牽 夫 貴 蓋物 不能 陶 冶 有

之賤儒。 子』(昌黎集送王塤秀才序、 儒。 有孫1 牄 韓 語有孟懿子孟 非 氏之儒有樂正氏之儒』 則 胍 仲尼既沒弟子分散諸侯之國源遠而末益分宜其相遠異矣韓昌黎謂『孟子師子思子思之學蓋 學 **第**言、 自孔 武伯安知非其人耶。 子之死也有子張之儒有子思之儒有顏氏之儒。 )而宋儒乃推大學中庸以繼論語然大學果否出會子之手世多疑之今大戴 說者多謂孟氏之儒卽指孟子然列於漆雕氏仲良氏之前似當受業於孔子之門 荀卿非十二子篇罪子思孟子而言子張氏之賤儒子 有孟氏之儒。 有漆 、雕氏之儒 夏氏之賤儒 有 仲 子 良氏之 游氏 出 有

仁義

**充塞之禍** 

言、 曰、 作中庸自比於文王之囚羑里而演易孔叢子偽書其說出於附會顯可見也大學中庸得宋明諸儒發明而始著故 謂子思居於衞有齊寇子思曰「如伋去君誰與守」則子思固當仕於魯衞者至今傳孔叢子載子思困於宋兔而 母全而生之子全而歸之可謂孝矣」之言觀之可謂行踐其言者矣然孟子語勇而謂孟施舍似會子又道: 傳孔子之學事有足據初不必大學一會之出於會子之手也又史記稱孔子以會子能通孝道授之業作孝經。 配二書所載會子語甚衆會子曰『傅不習乎』而孔子之語會子則曰參乎吾道一以貫之會子曰唯然則會子之配二書所載會子語甚衆會子曰、傳不習乎。而孔子之語會子則曰參乎吾道一以貫之會子曰唯然則會子之 身皆孔門之微言大義孟荀書外可見孔門之正學者惟此而已會子名參字子與魯人少孔子四十六歲个論語禮、 會子立事等十篇與大學不類而孟子之書稱道會子亦無引及大學之文要之大學言正心誠意與中庸言 大戴曾子十篇本孝立孝大孝事父母占其四及其死也曰『而今而後吾知免夫』(見論語)合禮祭義所 二十三篇今不可考而子思作中庸見於史記孔子世家史公近古言自可信孟子稱魯繆公之時子柳子思爲臣又 l亦散見諸儒章中茲不具述而僅識自子子思之大略如左**曾子年七十子思年六十二**。 『自反而縮雖千萬人吾往矣』 (見哲學史大綱) **豈直失言而已乎子思名佼孔子孫孔子生伯魚(名鯉)伯魚生子思漢志儒子有子思** (見不動心章)是戰兢惕厲之功乃發揚蹈厲之本而胡適之乃職會子爲 明 含子之 稱 善誠 而今 「父

第十章 惠施公孫龍 的尹文子

得自施 **宥鈎有須卵有毛則與公孫龍同龍之書漢志八篇今存六篇而跡府一篇記龍與孔穿問答疑後人所集錄以冠其** 子產同時實在墨子之前則名家自有淵源本末尤不得謂墨家之後始有名家也至墨經與施龍之說多同者墨之子產同時實在墨子之前則名家自有淵源本末尤不得謂墨家之後始有名家也至墨經與施龍之說多同者墨之 成理足以欺惑愚衆是惠施鄧析也漢志名家首列鄧析有書二篇今其書傳者蓋出偽託然其篇名或有所本惠子 荀子非十二子謂『好治怪說玩琦辭甚察而不急辨而無用多事而寡功不可以爲治綱紀然而其持之有故言之 發則龍與蒙叟之相聞為無疑矣又漢志以施龍列之名家而胡適之則謂名家出於別墨蓋以其言多與墨經。 **岩容莊子秋水篇載公孫龍與魏公子牟問答之言謂『龍困百家之知窮衆口之辨自以爲至達而閒莊子之言則** 無鬼篇對惠子言「儒墨楊乗四與夫子爲五」惠子亦自言其與四者相拂以鮮相鎮以聲則安在其爲墨之徒也。 入然莊子天下篇言墨者不及施龍乃置施龍於周之後且惜其才駘蕩而不得逐萬物而不反引之與己相。 指喻指之非指也以馬喻馬之非馬不若以非馬喻馬之非馬也」即對龍物莫非指而指非指與白馬非馬之說而 無所開其喙」胡適之非之以爲公孫龍實不及與莊子相見然吾觀莊子齊物論言『以指喩指之非指不 『無厚不可積也』 而鄧析亦有無厚之說所**首甚廣淺疑名是而鮮貿易矣吾意當與惠子之言相近夫鄧析與** 與莊子同時者有惠施公孫龍惠施相梁惠王莊子與之友其相爲辨論散見於莊子各篇公孫龍趙人嘗爲平原與莊子同時者有惠施公孫龍惠施相梁惠王莊子與之友其相爲辨論散見於莊子各篇公孫龍趙人嘗爲平原 《龍耶施龍之得自墨耶要未可以定矣惠子書漢志一篇今佚而見於莊子天下篇者有十事荀] 子不苟籍別 近而徐 者以 相 出

地

反人為實而 其所知識其所不知而使人知之今王曰 王曰「未諭也」「於是更應曰「彈之狀如弓而以竹爲弦」 生言事則直言耳無臂也」惠子曰、「今有人於此而不知彈者曰「彈之狀何若」應曰、「彈之狀如彈」則諭「 環可 之見齊異同之分如曰、『至大無外謂之大一。至小無內謂之小一。』又曰、『無厚不可積也其大千里』又曰、『天 輿 所 莊子天下 地 天地一 也。 秋水)非即是說乎如曰、 楚越 班子曰 [ 以不墜不 解 卑。 m (同 心自 ·昔來』 皆所以破時之見也蓋時無來去則旦暮一 也」皆所以破空之見也蓋空無局量則大小厚薄一也空無方位則高下中邊一也空無分際則遠近斷續、。 **禮**」皆所以齊異同之分 ·籍言『 欲以勝人爲名』今其書已佚所謂徧爲萬物說者不知何若吁可惜也說苑載梁王謂惠子曰、 比 其同者視之萬物皆一也」 陷風雨雷霆之故惠施不辭而應不慮而對偏爲萬物說說而不休多而 天下莫大於秋毫之末而秦山爲小』非卽是說乎如曰「日方中方睨物方生方死」又曰「今日 山與澤平」又曰「 惠施多方其書五車』又言『惠施之口談自以爲最賢』又言『南 一大同 也。 也、 我知天下之中央燕之北越之南是也』又曰『南方無窮而有窮』又曰、 蓋物 而 無響則不可 (德充符)非卽是說乎然而莊子與惠子 與小同異此之謂 無 是非、 p 則 公異同、 矣』惠子之嘗其猶 小同異 也時無久暫則今昔一也莊子曰「時無止終始 一也。 則知乎」王曰『可知矣』 物無彼是則 萬物畢同 莊子之寓言乎故其言十 畢 物 我、 一 異 此 也莊子曰、 異者莊子明宗以破相惠子破 之謂大同 無巳猶以爲寡益之以怪以 方有倚人焉曰黄繚問天 惠子曰、 異。 自 **ص**ط **又** 曰、 事要 <del>س</del>ا 其 夫 異 皆破 說 者視 「願先 汎愛萬 者. 連 固 脐 之肝 夲 以

公孫 育、 地之 以見也是故吾於惠子終謂其與莊子近而與墨子遠。 及施之死乃曰、自夫子之死吾無以 又言道之所以虧 相 括。 言而 列子 以 人 怖 相 舆 之引烏號之弓綦衞之箭射其 發發相及矢矢相屬前矢造準、 天下篇謂『桓團公孫龍辯者之徒飾人之心易人之意能勝人之口不能服人之心』 m 道觀 移引人 知焉 子亦曰『天下之辯有五勝三至而 未 以為尤也尤其在子矣」此 仲尼篇載樂正子輿譏 不 成乎 必 不務相 明宗。 惠 聲使不得及 施之能 心而有是非是今日適越 夫由 迷也故 愛之所以成有成即 本以 其猾 其 之末 勝 公孫 者不 意。 蚁 小也順而. 如 失其 目矢來注眸子而眶不睞矢墜地而塵不揚」(並見列子仲尼篇) 龍 此害大道」(見宋謝希 而無絕落後矢之括猶衝弦視 與莊子逍遙遊肩吾問連 **重之勞者也其於物也** 好怪而妄言而公子牟 **所守不** 而昔至也。 有虧、 為質矣。則施之去周亦只一問觀「 由 聯至為下院 末以尋本 故以未 勝者得 辯者別殊類 也逆故莊子天下篇曰「 成乎心而有 未成乎 其所 何 权接 方 曰、 深公孫龍子序) 水岩 庸。 心 足故辨可為 是非 蓋深 與之詞? 使不 之若一焉。又日、『逄蒙之弟子曰 丽 <del>----</del> 智者之言問 有 :是非舊: K 惜 相害序異端使不相 何以 至此莊子之意也) 之也然莊子齊物論貫「彼是方生之說也」 異也。 由是言之信乎龍爲辯 愈貴道幾矣」之言(見天下篇 注誤莊子言 其道舛駁其官 也及至頃文以 『非愚者之所曉。 舰其言、 亂。 而鄒行過趙與平原 **--**---善射 皆引施說以明己意而 受其成形不亡以待盡 也不中」又曰、 相 抒 蒠 假、 又曰、 通指、 飾辭 者、 |鴻超 者 能 可謂 令 之囿 明其 以 怒 子 相 俊 一一由天 所謂。 亦 惇、 其 鏃 也。 然今 巧醬 君言 妻 中 諭 使

而

在 白 馬指物堅白名實之論今故詳之若所云有意不心有指不至有物不盡有影不移髮引千鈞輪不同 難三足之說見於莊列者注解甚明。 中前括者約後於前也矢注眸子而腒不腴者盡矢之勢也(本龍之言)則其理何嘗不至顯哉。 可 按而知 也。 龍 굕 之所操尤 地以 及

# 白馬

白馬非 可」曰「以有馬爲異有黃馬是異黃馬於馬也異黃馬於馬是以黃馬爲非馬以黃馬爲非馬而以白馬爲有馬此。」、 之非馬審矣」』又曰『以有白馬爲有馬謂有白馬爲有黃馬可乎(此龍周與前殼爲他人問龍者不同)曰「 非 馬、 飛 曰「求馬黃黑馬皆可致求白馬黃黑馬不可致使白馬乃馬也是所求一也所求一者白者不異馬也」。 馬之全· 同 其言 兩馬 以 者 別 面 池 ( ) 黄黑馬有可有不可何也可與不可其相非明故黃黑馬一也而可以應有馬而不可以應有白馬是白馬 《馬」曰「有白馬不可謂無馬也」不可謂無 。 Ħ, in 亂 心白馬 四足 全將 「白馬非馬可乎曰「可」曰「何哉」曰「馬者所以命形也白者所以命色也命色者非命形 而棺槨異處此天下之悖言亂觪 也一馬馬也二馬馬也馬或白者二馬而或白也非一 逐於萬物而 馬之別 也。 不反此 使謂白馬爲馬、 龍之所大 色. 則全別 懼 也。 **八之差失矣**。 墨子小取篇云、 其言大略 派馬者非 3 如此夫馬之名,一也而或以命馬之全或以命馬之別。 馬也(同耶)「有白馬爲有馬白(馬)之非馬。 夫失全別 一一一馬馬 馬而或白 之差 可也。 也二馬馬也。 然以 其說亦與龍同然墨之意、 全泯別、 馬四 前可以 足 者、 別亂 馬而 所 求 在桁 也。 四 全、 不 何 則不 異如 足 也。 末 其

非碧」(見通變論)可以見也然則說雖同而意達矣(通變論曰『兩明者昏不明非正舉也非正學者名實無 當飄色章焉故曰兩明也」是故兩明者卽一名兩解之失) **兼愛之旨觀言「盗人也多盗非多人也無盗非無人也」又「愛盗非愛人也不愛盗非不愛人也殺盜非殺人也」** 亦見小取)可以見也而龍之意在發夫兩明之非觀言「羊合牛非馬牛合羊非雞」又「靑以白非黃白以青、

# 二指物論

下之所有也以天下之所有爲天下之所無未可。」指何以言天下之所無也夫指若爲有則指亦一物耳指亦一物、 指者我以所指言之卽物莫非指以能指言之則我非物卽指非指矣故其言曰「指也者天下之所無也物也者天 指也」(指之言非指者以其與物爲指)此解非指之指亦非非指者三也一者標能以別所二者因所以見能三 謂無指)不可謂無指者非有非指也非有非指者物莫非指指非非指也(物莫非指指自成其爲指)指與物非 物莫非指者,一也只不下無指而物不可謂指者非有非指也非有非指者物莫非指也物莫非指者而指非指也」 者即承上指也者天下之所無而言)不可謂指者非指也非指者物奠非指也」(物旣非指則物奠非所指)此解 則物不特指而有而物莫非指之說不且破乎抑觀其言之等蓋有三曰「天下無指而物不可謂指也(天下無指則物不特指而有而物莫非指之說不且破乎抑觀其言之等蓋有三曰「天下無指而物不可謂指也(天下無指 物奠非所指而指非所指)此解指之非指者二也曰「天下無指者物不可謂無指也(指雖不指物而不可便 指物之說二語畫之矣曰「物莫非指而指非指」雖然指者何也指者我之指物也我之指物則所指者物而能

之非 明 運致然惜乎未能見及此也(指物之說不易明故逐句粗爲解釋、 指 能不從所 不 若以 非指喻指之非指且如指固自爲非指云云髓不亦自知以非指喻指之非指乎謝希深注指物論違 起亦卽不隨所亡故終之曰「指固自爲非指奚待於物而乃與爲指」莊子作齊物論謂以指喻指。

# 三壁白輪

故離。 其堅· 日、一 堅焉不定其所堅不定者兼惡乎其石也」莊子曰「合異以爲同散同以爲異令指馬之百體」 而 有馬石者何也馬石之無有者在馬石而有馬石者在人也故其言又曰「且猶白以目以火見而火不見則 :者立其百體而謂之馬也』(則陽)夫析馬之百體而馬無有則析石之堅白而石無有其理一也: 無 也。 堅白之論略似白馬非馬而其剖析則益精曰『堅白石三可乎曰「不可」曰「二可乎」曰「可」曰「何哉」 無堅得白其舉也二無白得堅其舉也二」曰「得其所白不可謂無白得其所堅不可謂無堅而之石 雕 也 百不 非三也」(同耶)曰「視不得其所堅而得其所白者無堅也拊不得其所白而得其所堅者無白也」曰「天 也者藏也」曰「石之白石之堅見與不見二與三若廣修而相盈也其非舉乎」曰物白焉不定其所白物 而 神見神不見而見離堅以手而手以捶是捶與手知而不知而神與不知神乎是之謂離焉離也者天下故。 石必得以相盈(盈猶劑也)盈其自藏奈何」曰「得其白得其堅見與不見離見不見離」一不相盈、 可以視石天下無堅不可以謂石堅白石不相外藏三可乎」曰「有自藏也非藏而藏也」曰「其白也、 而不得馬 然馬石 而馬 也 月與 保

E

哉。

# 四名實論

產皆物 雖 IE 此、 應。 以 然名何以正夫使物物各當其物則名無不正矣故其言曰「謂彼而彼不唯乎彼則彼謂不行」 其所不正疑(同擬)其所正其正者正其所實也正其所實者正其名也」夫知以正名者正實、 則 楊朱嘗論名實矣曰『實無名名無實名者僞而已矣』此一邊之見也公孫之說則進乎此曰『天地與 此 此 卽 而當也以當而當止也故彼彼止 也物以物其所物、 謂不行其以常不當也不當而亂也故彼彼當乎彼 顯宗由吾觀之龍 物 而 冥惡有狂舉 照非施之比也。 而不過焉實也實以實其所實而不曠焉位也出其所位非位位其所位焉正也以其所正、 而昏不明者哉公孫子惟以 丽 於彼此此止於此可彼此 太炎章氏作明見乃揚施 此 說 往故能持白馬 則 唯乎法 而彼且此此彼而此且彼不可」信 彼其謂行彼此此當乎此、 而抑龍、 非馬、 何哉(明見見國故 堅白石二而指之非指以 、則唯乎此意 論 謂 衡、 則名何可廢也。 如 此、 是則 其謂 而此 此破相。 不唯 逩 行 (其所 此。其 物 亦 丽

言形名之分曰『名者名形者也形者應名者也然形非正名也名非正形也則 志名家又有尹文子一篇注云說齊宜王先公孫龍。 相 無一又曰、 『善名命善惡名命惡故善有善名惡有惡名聖賢仁智命善者 而仲長統撰定尹文子獨謂學於公孫龍疑非是也今其書 也頑囂凶愚、 形之與名居然別矣不可相 命 惡者也今卽聖

之說並起雖各有宗主而不能不稍稍糅雜故惠施有氾愛萬物之談公孫龍有偃兵之對而尹文亦與宋钘見侮不之說並起雖各有宗主而不能不稍稍糅雜故惠施有氾愛萬物之談公孫龍有偃兵之對而尹文亦與宋钘見侮不 治獨治者也聖法之治則無不治矣』(莊子天下篇以彭蒙與田駢愼到並稱)又頗類法家之言蓋當其時百家 不如巳也。則與施龍之日以其知與天下辯皦然有別而其言『名定則物不競分明則私不行物不競非無心由 以尹文與朱鈃並稱謂其『接萬物以別宥(同囿)為始曰君子不爲苟察不以身假物以爲無益於天下者明之以尹文與朱鈃並稱謂其『接萬物以別宥(同囿)爲始曰君子不爲苟察不以身假物以爲無益於天下者明之 賢仁智之名以求聖賢仁智之實未之或盡也即頑嚚凶愚之名以求頑嚚凶愚之實亦未或盡也使善惡盡然有分、 將孟荀亦墨之支流歟天下有舉一端以論人而往往乖刺者此類是**也**。 辱教民之鬭禁攻蹇兵救世之戰胡適之乃據以為此三人者皆所謂別墨若然孟子斥善戰荀子醜鬭(見榮**辱篤)** 也。」又稱『彭蒙之言曰「聖人者自己出心聖法者自理出心理出於己己非理也己能出理理非己心故聖人之。 名定故無所措其心私不行非無欲由分明故無所措其欲然則心欲人人有之而得同於無心無欲者、 以通稱隨定形不可窮極者也設復言好馬則復連於馬矣則好所通無方也設復言好人則彼屬於人也則好非 非 「未能盡物之實猶不患其差也」此與公孫龍之審名實相似也又曰「 :好也則好牛好馬好人之名自離矣故日名分不可相亂也』此與公孫龍之白馬非馬相似也然莊子天下篇、 語曰好牛好則物之通稱牛則物之定形。 制之 有道

# 附名家不出於別

晉魯勝作墨辯註序曰『墨子著書作辯經以立名本惠施公孫龍祖述其學以正刑(同形)名顯於世』孫仲晉魯勝作墨辯註序曰『墨子著書作辯經以立名本惠施公孫龍祖述其學以正刑(同形)名顯於世』孫仲

莊 墨之徒其見有過人者然指施龍皆爲別墨而謂古無所謂名家並力詆劉子政父子以名家別於儒墨道法爲觀 惠子曰「可。」莊子曰「天下非有公是也而各是其所是天下皆堯也可乎」惠子曰「可。」莊子曰「然則懂 所闡陳乃今觀之其敍惠施公孫龍與墨子竟若風馬牛之不相及是不亦可異乎且惠施者莊子之友也施之死、 使施龍果出於墨者即應列之於墨翟禽滑釐之後而與所謂別墨者相次比即不然亦應於其源流授受之迹有 **般宋鈃尹文彭蒙田駢愼到關尹老聃之流而以周繼之後乃言『惠施多方其曹五車其道舛駁其言也不中而** 蒙莊自作·未敢應定要為戰國時人之言必有所本。非如後之隔世論人多憑想像得之也其言首及墨子中間**歷** 壁虛構不能不惜其於兩家之旨猶有未盡釋然者也夫當時能言各家之流別者莫過於莊子天下篇此其是否 容因之於其墨子閒酤頗牽合施龍之談以較釋經與經說至近人胡適之乃辯墨經非墨子自作而成於所謂別 周之言必係後 水篇記公孫龍與魏牟問答謂龍聞莊子之言泣然異之胡氏考周龍二人年月斷周與龍二人不同時龍安得聞水篇記公孫龍與魏牟問答謂龍聞莊子之言泣然異之胡氏考周龍二人年月斷周與龍二人不同時龍安得聞 墨楊秉四與夫子爲五果孰是耶」」施之學之異於墨莊子明言之而惠子明受之乃必謂其出於墨何哉又秋 語稱及於墨子之學者乎不獨是也徐無鬼篇載「莊子曰「射者非前期而中謂之善射天下皆羿也可乎」 「子嘆曰「夫子之死吾無以爲質矣」則其與莊子言宜無不盡令施周往復辯難之詞多見於三十三篇會有 | 國公孫龍辯者之徒( 之徒猶言之流也胡氏謂徒是後輩可謂曲解 ) 勝人之口不能服人之心」區別甚悉。 人偽作羼入然莊子齊物論云『以指喻指之非指不若以非指喻指之非指也以馬喻馬之非馬、

之字。 之不 聞、 之實荀子非十二子篇云『治怪說玩琦餅甚察而不急辯而 其述陰陽儒墨名法道德與劉氏父子豈異乎然司馬淡者固 析能之」屢以惠施鄧析並稱與七略名家首鄧析正合情析之書已佚个存者不足信然呂氏春秋記 故言之成理足以欺惑愚衆是惠施鄧析也。一不苟篇亦云「山淵 曰、 此。 · 岩以 ·可。 困 實未 可髣髴其面 厚。 與施之以反人爲實 「安之人必英之賣矣」 使此 達其意而 目 足據秋 蓋至膚淺如 非馬喩 百家之智窮衆 是而解則非矣今惠施猶有「 爲不誤龍之非墨尤彰彰矣夫劉氏父子九 師停其 水之言亦難定其必偽矣夫龍自稱「 馬之非馬也』即對公孫「白馬非馬」與「 目其言曰、 荀子 (時各家之學猶有存者故談智遺論於黃子學天官於唐都於諸家本末槪) 口之辯一( ·曾言 「 面 龍 洧水甚大鄭之富人有溺者人得其死者富人請贖之其人求金甚多以告鄧 得死者患之以告鄧析鄧析又答之曰、 之然不然可不可者寧有 堅白異 卽 秋水篇所記) 無厚不可積其大千里」之論竊疑其本之鄧析則名家之起實自鄧析始。 戸 有厚 無厚之察非 則又豈似爲別墨者乎莊子言儒墨楊秉四、 少學先王之道長而明仁義之行合同異雕堅白然不 達乎今傳 流之分亦有所自來矣漢初司馬談 不察 物 無用、 胡氏所與向歆並斥者也此姑 英非指而指非指」而 鄧析 也然而君子不辩 平天地比齊秦襲是說之難持者也。 多事而寡功不可以爲治綱紀。 「安之此必 書 有 無 厚 一篇所言 無所 止之也。 更買 ||發則周龍| 矣。 論六家要旨謂 ججا 不論試 意 天於 其 不同 平蓋嘗 舊注 伙 析 說 人 更徵之荀子 必其 之解 तित 無厚 比析之持論、 時、 謂 其 而 愍學 析鄧 有 秉 無 持之有 惠施 難。 君 之詭 聞 18 然可 由 相 者。 者 析 析 鄧 民 如

苦獲 之政 字之譌孫 尊卑 子言意爱上推之於天志以爲「上之所是必皆是之所非必皆非之」又謂「義者政也無從下之政上必從上 志士仁人思救民之患莫不以弭兵愛人為言正不獨墨者云爾也若執此一端爲論則孟子言善戰者服 子言鬭者不若 析 m 施 未足以爲兩家同條共貫之證當戰國時爭地以戰爭城以戰原野塗膏血溝壑滿骸骨民之苦於兵禍 取 與子產同 己做鄧 产。 別 出於是人而 施龍 則 齊上 墨者乃指斥 日 為詞 校謂脫不字非)而龍曰 則 下與墨子之意且背道而馳矣故墨經言、厚有所大 其算卑之辨甚明 『日方中 在 者. 時先墨子且數十年胡氏哲學史於時代先後認之最嚴令謂名家出於墨則何解於鄧析乎。 無差異上立論雖經說往住摭拾施龍緒餘冀以自圓然絕相 |狗彘卽孟荀亦出於墨矣莊子言萬物與我爲一言至仁無親卽莊子亦出於墨矣然乎否乎且墨 謂惠施言泛愛萬物而公孫 處處 **,他方之辭**言 方睨」墨經言『堅白不相外』 |與之立異者乎吾嘗細究天下篇之文以爲其云「相里勤之弟子五侯之徒南-也而呂氏春秋愛類篇匡章謂惠子「公之學去傳」 言其不如己所傳之正非自稱爲別墨也胡氏謂其自己相稱爲別 『火不熱』墨經言『狗犬也』 龍有與趙惠王燕昭王言偃兵之事會無殊於墨之衆愛非攻 而龍日 **—** 堅白雕 也。 而龍 而施則 旱ळ蜜 日 臼, ¬ 之談與執相 狗 非犬」 無 按之施天地一體之說信其冺 **「火熱」**( 源」墨經 者固 蓋墨經多 舊作 有別 言日 **暴實**誤,其云以 矣夫天下豊 在 必熱 1中正南也] 差異 方之墨者 必 然胡氏 上 深 也。 Ŀ 為火 矣故 然此 刑。 調 Ŋ. 荀

丽

固

家為墨之支流不亦因果倒置乎哉是故吾謂名家自有宗趣決不出於墨若必求其相似亦與莊子近而與墨子 堅白同異之辯相訾以觭偶不仵之辭相應相營者攻彼之過相應者救己之失而堅白同異之辯觭偶不仵之騂、 則其所假以爲攻敕之具者也由是論之墨經與施龍之說時有出入者亦墨之得於名非名之得於墨而轉抑名

乎動靜端而言雙而動一可以爲法則」(勸學篇)一孟子睟面盎背之功也至其言俗儒雅儒大儒之別而謂『大 之論者以其主性惡而言富國彊國大異於孟子又韓非李斯之徒世所詆斥皆出於其門下遂幷歸罪於荀子之持 為季路也其書三十二篇而大略以下數篇頗記孔門師弟問答之言必有所受之即其學之出於仲弓無疑矣而後 而荀子三爲祭酒焉入秦見昭王應侯昭王謂儒無益人之國荀子乃極明儒效蓋自孔子沒而儒術分散能振其業 知者不怨人知命者不怨天』(榮辱篇)一中庸居易俟命之願也其言『君子之學入乎耳箸乎心布乎四體形 者在前惟孟子在後惟荀子言雖不同而其粹然爲聖人之傳則一也荀子書每道仲尼子弓子弓即仲弓猶子路之 論不慎然以今觀之其言『君子養心莫善於誠順命以愼其獨』(見不苟篇)一大學愼獨誠意之旨也其言『自 逡。 荀子名況亦曰荀卿或稱曰孫卿趙人也以齊襄王時游於稷下距孟子至齊五十年矣是時齊尚修列大夫之缺。 第十一章 荀子

老莊孟之數聖人者所遇皆如此故曰「君子能爲可貴不能使人必貴已能爲可信不能使人必信己能爲可用不 主下遇暴秦當是時也知者不得慮能者不得治賢者不得使故君上蔽而無賭賢人距而不受』吾觀春秋以 子之為荀子豈淺見寡聞者所可得而妄識者哉旣不遇於齊秦乃歸趙趙亦不能用去而之楚春申君以爲蘭陵令。 儲者法先王統禮義一制度以淺持博以古持今以一持萬芍仁義之類也雖在鳥獸之中若別白黑倚物怪變所未 而荀子已老矣及春申君死乃廢居臟陵列著數萬言而卒堯問篇云『孫卿迫於亂世魋(同蹟)於嚴刑上 、也所未嘗見也卒然起一方則舉統類而應之無所傑您張法而度之則隨然若合符節』(見儒效篇)是荀、 無賢

能使人必用己』(荀子非十二子篇語)嗚呼傷已 兄子之代乎父弟之代乎兄此二行者皆反於性而悖於情者也然而孝子之道禮義之文理也故順情 休此人之情性也令人飢見長而不敢先食者將有所讓也勢而不敢求息者將有所代也夫子之讓乎父弟之讓乎 爲然則從人之性順 **辭讓亡焉生而有疾惡焉順是故殘賊生而忠信亡焉生而有耳目之欲有好聲色焉順是故淫亂生而禮義文理亡** 矣觧讓則悖於情性矣用此觀之然則人之性惡明矣其警者偽也』 ( 偽非虛偽之偽猶言爲也 ) 顧荀子所言之。 荀子與孟子不同者厥爲性惡之說其言曰。「人之性惡其善者僞也令人之性生而有好利爲順是故爭奪生而 性惡 人之情必出於爭奪合於犯分亂理而歸於暴」又曰『今人之性飢而欲飽寒而 性則不 欲暖勞而欲

所事 繑 及知 子曰『乃若其情則可以爲善矣乃所謂善也』故孟子之所謂性幷荀子之僞在其中而荀子之所 性、 理。 内不可 以 所云「性也有命焉君子不謂之性」者也荀子譏孟子為不知性僞之分以荀子觀之則固如是矣若以孟子觀之、 以 此不知性僞之分者或且在此 以知之質其可以能之具其在塗之人明矣今使塗之人者以其可以知之質可以能之具本夫仁義之可 法 知 能仁 與孟子所言之性蓋各有所 Ī. 為 )夫荀子以可 也所 人之 不 丽 成者 《其可以爲禹明矣』(性惡篇) 以知父子之義外不可以知君臣之正今不然。 **輚**法正之具然則 者以其為仁義法正 不慮而能者其良能也」耶特荀子鑒於當時學者之縱情性安恣睢而慢於禮義欲以矯飾擾化爲教故不 能仁義法正 性. 也。 丽 不可學不可事、 不 単 察乎人之性僞之分者也凡性者天之就 心將使塗之人固無 而能可事 以其可以 也然則仁義 而在 而不在彼然荀子亦非不知性之善者也曰「塗之人可以爲禹曷謂也曰凡禹之所 指。 而成者謂之爲而此僞者誰爲之非我爲之乎我何以能爲此 爲禹明矣今以仁義法 觀荀子駁孟子之言可見也孟子曰『人之學者其性善』荀子曰『是不然是不 人者謂 夫此可以知之質可以能之具非卽孟子所云「人之所不學而 可以知仁義法正之質而 法正有可知可能之理然而塗之人也皆有可以知仁 之性可學 **※塗之人** 而能可事而 正為 也。 (固無可· 皆內可以知父子之義外可以 不可學不可 固 成之在人者謂之偽是性偽 知可能之理耶然則 無可以能仁義法正之具 事。 禮義者聖人之所 唯 知君臣之正。 偽。 郭然則 生也。 同 義法正之質皆有 之分 非我之性有 雖 謂 人之所 也。 性則 逸之 禹不 知可 知 然 者 孟子之 是乎孟 知仁義 則 學 人 並 心且 其良 能之 其可 性惡 m 可

上古哲學史

天下者也夫工匠農賈未嘗不可以相為事也然而未嘗能相為事也用此觀之然則可以為未必能也雖不能、 **塾之人可以爲禹則然塗之人能爲禹未必然也雖不能爲禹無害可以爲禹足可以獨行天下然而未** 不肯為君子君子可以爲小人而不肯爲小人,小人君子者未嘗不可以相爲也然而不相爲者可以而 荀子而得性惡則君子有不敢以自恃者矣天下之言有相反而實相成者若孟荀之論性是也。 為善而發非爲人之不可爲善而發其貶性也正所以反性也是故於孟子而得性善則君子有不敢以自諉者矣於 可以爲然則能不能之與可不可其不同遠矣』(性惡篇)觀於此言則荀子之所以謂人之性惡者爲人之不肯 然而 為性而以爲偽曰『人無師法則隆性矣有師法則隆積矣性也者吾所不能爲也然而可化也積也者非吾所有 ·可爲也』(儒效篇)又曰『聖可積而致然而皆不可積何也曰可以而不可使也故小人可以爲君 不可使 當有能 子而 也。

以

也。

趨行、 慮、 由禮、 子言性善故有擴充而已矣荀子言性惡則取矯飾擾化而矯飾擾化之用莫大於禮故曰『凡用血氣 論篇稅斂也 禮則治通不由禮則勃(同悖)亂提慢食飲衣服居處動靜、 則一之以易 則雅不由禮、 良勇膽猛戾則輔之以道順齊給便利則節之以動止狹隘褊小則廓之以廣大卑溼重運貪利則。 )惟始乎稅故曰、『治氣養心之術奠徑由 則夷固僻 : 違庸衆而野 』 ( 修身篇) 雖然禮者始乎稅成乎文終乎悅恔者 禮」(修身篇 由禮則和節不由禮、 **ご** 目、 <del>رس</del> 血 氣剛 則觸陷生疾容貌態 强、 則柔之以調 也。 へ本 度進 荀 志意知 和。 知 子 退 盧

如是則老弱有失養之憂而壯者有分爭之關矣事業所惡也功利所好也職業無分如是則人有樹事之息而有爭如是則老弱有失養之憂而壯者有分爭之關矣事業所惡也功利所好也職業無分如是則人有樹事之息而有爭 而無分則爭窮者患也爭者禍也救患除禍則莫若明分使羣矣彊脅弱也知懼愚也民下違上少陵長不以德爲政。 欲給人之求使欲必不窮乎物物必不屈於欲兩者相持而長是禮之所生也」(禮論)曰「難居不相待則窮事、。 欲欲而不得則不能無求求而無度量分界則不能不爭爭則亂亂則窮先王惡其亂也故制禮義以分之以養人之。 天下有禮則治無禮則亂故曰「天地者生之始也禮義者治之始也」(王制)且其言富國也必歸於節用裕民。 功之祸矣男女之合夫婦之分婚姻妈內送逆無禮如是則人有失合之憂而有爭色之祸矣』(富國)由是觀之、 nu 所以養財也。 於性之所偏而矯以飾之而性由醴而立矣惟終乎悅惔故曰「孰知夫出死要節之所以養生也孰知夫出費用之 疣之以高 志庸衆 駑散則劫之以師 友怠慢 傳弃則 炤之以鵑炎愚款端 慇則 合之以禮樂通之以思索』 (同: 性由 見藏兵篇)舉一 見富國篇)言彊國也必歸於節威反文(見彊國篇)言樂則曰謹爲之文(見樂論篇)言兵則曰妙之以節。 護而 成矣此荀子首禮之精也而由是而推之所以爲治於天下者亦不出此曰『禮起於何也曰人生而有 · 孰知夫恭敬辭讓之所以養安也孰知夫禮義文理之所以養情也』(同上)於性之可化而久以擾之。 切而納之於禮之中而莫之敢過故曰『禮者法之大分類之綱紀也』(勸學篇)嗚呼荀子 上

三华长

之於禮可謂至矣。

蚐 彼何也則其心不能無蔽也心之所以;有蔽何也曰:人何以。 申子 知 亂 察物、 也。 以見 劇 也。 也 者、 然 得。 也。 也。 亂 然 者、 荀子曰 臧 當荀子之時、 並見 慎子蔽於 不足 亦 則 而有所謂 知、 而 者、 Ď 眉、 有 謂 有 也。 之靜。 然 後韓 断長 所謂一不以 奥 解之其樞機在心故曰『 而 餘 察層理矣。 不足之情俱感。 iffi 有 **「人之所欲生甚** 非章、 ) (同· 有所謂 虛心未管不滿也然而有所謂一心未嘗不動也然而有所謂靜人生而有知知 法、 餘、 續 而不 並也。 短、 百家之說衆 損有餘益不足達愛敬之文而波成行義之美者也(用禮論 \_ 知賢。 微風 上 夫一 夫之數子者 而學 虚不以所已臧害所將受謂之虛心生而有知知而有異異。 **害此一**、 (申子蔽) 夫 過之湛濁動乎下清明 俱 者治者之蔽見其長則 感則 矣而 矣人之所惡死甚矣然而人有從生成死者非不欲生而 存 此 於勢而不知 į, 不能 非果 荀子以 啟 謂之壹心臥別夢偸則自行。 登 也者道之工宰也。 所謂: 無 m 醴 敝 靜 · 知 知 。 者以 矣。 曲 觀之卽皆不能 放日、 知之人· 惠子蔽 亂 察 忘其短見其有餘、 物則 於 -八也然長於此 上則不可以 人 』(正名 於解而不 Ľ 有餘不足之情 無失。 知道日心心何以知曰處費而靜心未嘗 嘗如 使之則謀。 が、故口に 槃 夫**言性**則 水正 則忘 得大 即不能不短於彼有餘於 知實莊子蔽 5俱見俱 墨子蔽 (形之正· 其不足。 錯 故 心未 丽 荀子與孟 勿 他者同 原文)夫天下之所患者短 見則 於天而 於用、 也。 當不 此 動、 心之所以易惑 則 欲 湛 無 動 而 也然 不 子有不同 時兼知之同 同 不知文宋子蔽 死也不可以生、 濁 在 知 上 此即不能無 人。 下, 丽 M  $\overline{\phantom{a}}$ 有志。 有所 是故 此 而 m 虛 也。 淸 解蔽篇 謂 時 蔽 行之所以易 不 明 壹 (同 m 於欲、 兼知之雨 城(同 者、 在 靜。 丽 可 識 不足於 i. 1 上。 艜 不 與長、 志 慎子 以夢 以 蔽之。 而不 則 則 者以 死 足

死者非獨賢者有是心也人皆有之賢者能勿喪軍』此其同者一也荀子曰『耳目口鼻形能各有接而不相能夫 欲 也故欲過之而動不及心止之也心之所可中理則欲雖多奚傷於治欲不及而動過之心使之也心之所可失。 也所欲未嘗粹而往也故 之而已矣心之官則思思則得之不思則不 是之謂天官心居中虛以治五官夫是之謂天君』(天論)而孟子固曰『耳目之官不思而蔽於物物交物、 雖 心為甚。」此其同者三也夫性而善也則思何以率其性含心而性不 寡奚止於亂故治亂在於心之所可亡於情之所欲』(正名)而孟子固曰『所欲有甚於生者所惡有: 人無動而可以不與權俱。(正名)而孟子固曰、 得也」此其同者二也荀子曰『凡人之取也所欲未嘗粹而 ·達也性而惡也則思何以 『權然後知輕重度然後 矯其 性。 知長 來 也。 短。 物皆 其去 理則 甚 而性 則引

非馬 聖人不愛己殺盜非殺 者之制名名定而實辯、 領 醴 宋餅之言見上) 芻豢不 心(上句有闕誤下句卽公孫龍白馬非馬之說)此惑於用名以亂實者也惑於用名以亂名驗之所爲有名、 以 也性之途歧而心之用一此荀孟之所以不得不同 明分而分之明,則自正名始故孔子曰『必也正名乎名不正則言不順言不順則事不成』而荀子亦曰。『王 四正 道行而志通 人也(墨子之言見上)此感於用名以亂名者也山淵平(卽惠施山與澤平之說)情欲 加甘大鍾不加樂、 即愼率民而一焉。 (正名)夫名之所以亂者三見侮不辱(宋鈃之言見上) ( 卽墨子非樂之說 ) 此惑於用實以亂名者 也。 也。 非而 謁 楹 有牛馬

差然 指 道而辨姦猾引縄以持曲直是故邪說不能亂百家無所竄(以上用原文)曰『君子之言涉然而精俛然』 無勢以臨之無刑以禁之則不得已而有辨說實不喻然後命命不喻然後期期不喻然後說說不喻然後辩故 禁之以刑其有析辭擅作名以亂正名使民疑惑人多辨訟則謂之大姦其罪猶爲符節 **辦足以見義則含之矣外是者謂之訒。(同上)夫如是則君子之辯豈與彼名家爭爲難持之說者比哉。** 而 正名篇)夫民易一以道而 膏彼正其名當其解以務白其志義者也彼名解也者志義之使也足以相通則舍之矣苟之姦也故名足以。 不可與共故故聖王有作則臨之以勢道(同導)之以道申之以命章之以論、 度量之罪也。 心聖王不作。 而 以正 | 君子 類、差

其天功如 然重 夫是之謂能參舍其所以參而 一天下之功於是就也」(禮論篇)重人而未始以爲人之可以敵天也故亦曰『天有其時。 天 荀子之言天猾其言性也言性不重 (角而未始以為偽之可以 論篇 應 辟 **无** 是則 (1) 是故: 天 而 :使之因物: 知其所為知其所不為矣則天地官而萬物役矣其行曲治其養曲適其生不傷夫是之謂知天』(以 其言、 丽 大天而思之孰與 多之孰與騁 願其參則惑矣』曰『聖人清其天君正其天官備其天養順其天政養其天情以全 滅性也故亦曰「 能而化之思物而物之孰與理物而 性而重偽故曰性惡言天不重天而重人故曰惟聖 物畜 無性則 而 制裁之從天而頌(同 偽之無所加無偽則 勿失之也願於物之所以生孰與有物之 訟)之孰與制天命 其性不能自美性偽合然後聖人之名 人為不求知 丽 地 ||用之望時而空 有 其 天(天論 財。人 有 其治。

史公作 所 今人自不信天乃假此以攻孔孟天命之說不知人之命在天 ( 見天論**篇** ) 意 也。 띯 修、 德 盡 成。 :荀卿傳記 行 人 知命其道未嘗悖 厚、 知 同 E 啟 謂「其嫉濁 似明生於今~ 所 以 盡 上也不然荀子歌 一世之政亡國亂君相屬不遂大道而營於巫祝信機群。 而志乎古則是其在我者 人也其言「 楚王後車千 頀 莊子為蔽於天而 也。 乘、 放君 非知也君子啜菽飲水非愚 不知人个乃以 子敬 其 在己者。 荀子固自言之此所謂 人而 m 不 **三奪天不為** \_ 基基 是則 也。是 在 《其爲論》 節 天者。 蔽 於 同 **L** 固有 適 人 66其所私; 同 丽 然 為而 不 上 知 也。 ... 發者矣。 若 天 所 以觀 (乎。 以 夫 知

観聖王之 則 小 也。 法 而 術、 謂之先王自上古言之則謂之後王其實皆指周 Mi 荀 不若周之察 不 後王、 面 非 知其大也』( 因 Ħ, 六 (法後王 一謂之不 跡. 以失其正求者非耶(倚其所私以觀異術本荀子語見解蔽篇、 『醴莫大於聖王聖王有百吾孰法焉曰文久而息。 相 則 簱 叉曰、 也。 於其粲然者矣後王 非無美政也久故也傳者久則論略。 衣 同上)此荀子所以法後王也然荀子之言後王與孟子之言先王會無以異。 服 『五帝之外 有制。 宮室有度人徒有數喪祭械用皆有等宜聲則 是也。 無傳人非無賢人也、 彼後王者天下之君 也。 故曰『王者之制道不過三代法不貳後王道過三代謂之舊。 近則論詳略則舉大詳則舉小。 **入故也五帝之中** 也舍後王而道上古譬之是猶舍己之君、 節 族  $\overline{\phantom{a}}$ 同 奏 無傳政非無美政也、 久 凡非雅聲者 m 絕。守 患者聞其 法數之有司 舉廢色則 **人**故 略 而 極 凡非舊文者舉 蓋自戰國 也。 不 知 禹 丽 而 其 褫。 湯 事 群。 故 有 人 言之、 聞 傳 之 Ħ, 欲

### 界一概 上古哲學史

子也、曰、 子之書、 先王以 旁)皇 統禮 禮 息。 義謂之姦言。 義 用 | 欺愚者而求衣食焉』(儒效篇)亦責其欺愚者求衣食非貴其呼先王也不然其稱大儒乃亦以法先王 略 稱先王 周 則 一制度為言何哉後人不察以為荀子之法後王為對孟子之法先王而起則何不於荀子全書而熟考之。 挾 法先王而不知其統。 非 同 雖辯、 後王亦至不一曰『將原先王本仁義則禮正 舊器者舉毀夫是之謂復古是王者之制也」 (王制篇) 夫謂之復古則何以異於稱先王也且荀 |浹)於天下動 (君子不聽』(非相篇)日『先王之道仁之隆也』(儒效篇)日『古者先王審禮以方 』(非十二子篇)亦過其略而不知其統非過其法先王也。 無不常也』(君道篇)言先王言後王隨宜而言之非有定也是故其 |其經緯蹊徑也』(勸學篇)曰『言不合先王不 其機 俗儒也日、 非子 思孟 呼 同 順

# 第十二章 韓非 申子傾子附見

之所 外儲 名譽之人急 以 鸖 韓非 著書 說、 諫 說林、 韓王。 者韓之諸公子 也。 說難十餘萬言人或傳其書至秦秦王曰『嗟乎寡人得見此 則用介冑之士以爲所養非 韓 秦因急攻韓韓王始不用非及急乃遣非使秦秦王悅之未用會李斯讒之曰、 王不能用於是韓非疾治國不務 也。 好刑名法術之學而 所用所用非所養悲廉直不容於邪枉觀住者得失之變而作孤 與李斯同學於荀卿非爲人口吃不能道說而善著書見韓之削弱數、 7修明其法制 而以求人任賢反舉浮淫之蠢加於功實之上寬則龍 人與之游 死不恨矣』 非終爲韓不爲秦今 李 斯 Ħ. 憤五 此 蠢、內 韓非

塗之人 王不用、 不得見當塗之人乘五勝之資而且暮獨說於前法術之士焉得不危。然則非之死非自知之矣而太史公謂 爭其數不勝 知 說之難爲說難書甚具終死於秦不得自脫』(史記韓非列傳)若譏貶之者何哉非之實五十五篇今具存而 不可 久留 也以輕賤與貴重爭其數不 兩 而歸之此自遺患也一王信之下吏治非李斯 存之仇 也。 又曰、 以疏 一勝也以 **遠與信 『愛爭其數不》** ----П 與 國 使人遺非藥非遂自殺非孤憤之篇曰「智法之士與當 「爭其數不勝也法 。 勝 也以新旅 與智 故爭其數不勝也以 術之士操五不 勝之勢以歲 (反主意 數 奥 二非 同 而

初 所以成 威之所以立者恭儉聽上也而嚴居非世者顯倉廩之所以實者耕農之本務也而綦組錦繡刻畫爲末作者富名之 利 攻取之士勞而賞不霑卜筮視、 主利 也夫 見秦見於戰國策以爲張儀之詞存韓乃具載李斯奏亦不類疑有後人附會入之者矣。 在有能而 天下之患在欲治而惡其所以治惡危而喜其所以危(姦劫弑臣 地之所以廣者戰士也而死之孤飢餓乞於道優笑酒徒之屬乘車衣絲賞。 以下孤憤原文)由前之道則所以治也由後之道則所以危也然而天下之爲人臣者莫不欲無 社稷之所以立者安靜也而躁險讒諛者任四封之內所以聽從者信與德也而陂知傾覆者使命之所以行、 任官臣 利 在. 無能而 手理狐蠱為順辭於前者日賜上握度量所以擅生殺之柄 得事。 主利在有勞而 舒祿。 臣 利 在無 原文) 功而 富貴主利 惡其所以治而喜其所以危何也夫主 **滁**所以盡民力易下死 在豪傑使能。 也而守度奉量之士欲以 臣利 在朋 能 也。 而戰勝 黨 丽 得事 用 私。

忠婴上而 路施順· 治能去私行行公法者則兵強而敵弱』(同上)又曰「明主使其羣臣不遊意於法之外不爲惠於法」 為人上者莫不樂於任夫躁險讒諛者也蓋利於公者法便於己者私私者所以亂法也而立法令者以廢私為人上者莫不樂於任夫躁險讒諛者也蓋利於公者法便於己者私私者所以亂法也而立法令者以廢私 有上下內外不知奉公守法而可以治者哉即安見儒之與法之必有二說也。 私 於公私道 荀子不云乎。 枉 法所以遇涉外私也。(同上)夫巧匠目意中縄然必先以規矩為度上智捷舉中事必以先王之德為比故 事 翼 木斵準夷而 者飢治、坛者治上無其道則智者有私詞賢者有私意上有私惠下有私欲(故曰下說使原文)是故韓。 也不 天下歸之然後明分職序事業材技官能奠不 有治人無治 無常強無常弱率法者強則國強率法者弱則國弱」(有度)又曰「當个之時能 意 比周 法之間 從欲以危世 不得見巧言 高科削。 不朋黨倜然莫不明通而公也古之士大夫也故四世 逄 抑何其斤斤爲且荀子之入秦也、 禮至法則國有常尙賢使能、 法法不能獨立類不能自行。」(荀子君道)今韓非一以奉法爲言亦異於其所受之者矣雖然、 者近習(社稷以下詭使原文)由前之道則所以治也由後之道則所以危也然而天下之、 利辭行姦 權衡縣而 一軌以 重益輕斗石設而多益少(以上有度原文)若法者亦治國之度已或曰荀子之言 (倖像 世者數御據法直言名刑相當循繩墨誅姦人所以 則 民知方纂論公察則民不疑賞免(同勉)罰偸則 小治理則公治 一稱其士大夫曰「 道達而 有勝、 出於其門入於公門出於公門歸 **私門塞矣公義明而** 非幸也數也。 \_ 去私曲就公法 私事 ( 荀子彊國 ) 夫天下世 息矣。 爲上治也而 (民不息) -之內。 者民 於其 同 安而 上) 其 家. 兼聽齊 縄 動 也。 無非 直 有 日、 而

### 三柄

其大利: 於子者十二 食相惠以佚樂天饑歲荒嫁妻實子者必是家也故法之爲道前苦而長利仁之爲道偸樂而後窮聖人權其輕重出 矣】(二柄)何謂爲於參驗人皆寐則盲者不知皆嘿則暗者不知覺而使之視問而使之對則暗盲者窮矣不聽。 君見惡則 反)又曰『今家人之治產也相忍以饑寒相強以勞苦雖犯軍旅之難饑饉之患温衣美食者必是家也相憐以衣 原文)故 功不當其 非不說於大功也以爲不當名也害甚於有大功故聞」 術 也則 也取信於參驗者法也術得於道德法合於形名得於道德則以怨行其慈故曰「母之愛子也倍父父令之行。 之所以行 子 故用法之相忍而棄仁人之相憐也。(同上)合於形名則因任而不過故曰「功當其事事當其言則賞。 白一臣 年事不 母吏之於民無愛合之行於民也萬父母父母積愛而令窮吏用威嚴而民聽從嚴愛之策亦可決矣』(六 曰『盡思慮揣得失智者之所難也無思無慮挈前言而實後功愚者之所易也』 無備 | 羣臣匿端君見好則羣臣誣能(君見惡二句原文)故曰 『去好去惡羣臣見素羣臣見素則大君不 者不知不任其身也則不肖者不知聽其言而求其當任其身而實其功則無術不肖者窮矣(六反 者曰刑與德殺戮之謂刑慶賞之謂德是治之二柄也二柄者飢於好惡而信於參驗何謂飢於好惡。 當其言則罰故羣臣其言大而功小者則罰非罰小功也罰功不當名也羣臣其言小 聞服 禮辭讓全之術也修行退智慾之道也今先生立法術設度數臣稱以爲危於身而殆於軀何 ( 二柄 ) 若是故明主之治國也衆 (八說)不亂於好惡 其守 而重 而 其罪。 功 关 者亦

以爲立法術設度數所以利民萌便衆庶之道也故不憚飢主關上之患禍而必思以齊民萌之資利者仁智之行也。 以効之。」韓子曰、「夫治天下之柄齊民萌(同氓)之度甚未易處也然所以廢先生之教而行賤臣之所取者稱 **憚齓主誾上之患禍而避乎死亡之害甸明夫身而不見民萌之賢利者貪鄙之爲也臣不敢嚮貪鄙之爲不敢**。 子也產男則相賀產女則殺之此俱出父母之懷衽然男子受賀女子殺之者盧其後便計之長利也故父母之於子 智之行』(以上問田)由是觀之司馬邊謂非之慘徼少恩者(見列傳)豈其實哉雖然非之言曰『父母之於 故李兌傅趙王而餓主父爲人主而大信其妻則姦臣得乘於妻以成其私故優施傅麗姬殺申生而立奚齊夫以妻 **也猶用計算之心相待也而況無父子之澤乎」(六反)又曰「爲人主而大信其子則姦臣得乘於子以成其私。** 傷仁

**益吾面用脂澤粉黛則倍其初矣(顯學原文)是故非之言曰「明主學實事去無用」(顯學)又曰「力多則** 之近與子之親而猶不可信則其餘無可信者矣」(備內)賊天恩害人倫則非之言亦太甚矣哉。 亡之術有必滅之事必不亡之術若何曰『明其法禁必其賞罰盡其地力以多其積致其民死以堅其城守天下得。 其地則其利少改其國則其傷大萬乘之國莫敢自頓於堅城之下而使強敵裁其弊也此必不亡之術也」(同上) 夫不能具美食而物餓人飯不爲能活餓者也不能辟草生栗而貨施賞賜不爲能富民者也善毛婚 力寡則朝於人故明君務力」(同上)又曰『治強不可實於外內政之有心』(五蠹)然而天下有必不 西施之美無

黨。 談者 務本作 且當 之言曰。『且夫世之愚學皆不知治亂之情臟挾多誦先古之書以亂當世之治智慮不足以避穽井之陷又妄非有 農夫之利此五者邦之藏也不除此五藏之民不養耿介之士則海內雖有破亡之國削滅之朝、 御者積於私門盡貨賂而用重人之謁退汗馬之勞其商工之民修治苦窳之器聚弗靡之財舊積待時、 必滅之事若何曰『其學者則稱先王之道以籍(同藉)仁義盛容服而飾辯說以疑當世之法而貳人主之心其言 則非之去先王退仁義而尙嚴刑峭法豈非論世之事因爲之備者乎(論世之事因爲之備本非語見五鑑) 世之民猶無轡策而御駻馬此不知之患也故古者有懿曰爲政猶沐也雖有棄髮必爲之(以上皆用原文意 益於人之國 術之士』( 俗儒 有仇讎之忠而借力於國事成以權長重事敗而以富退處七國皆然此亦可謂極敵矣夫欲以寬緩之政治急 日非之時儒以文亂法而俠以武犯禁士民縱恣於內而言談者爲勢於外故羣臣之言外事也, 於理者舍之夫是之謂中說」(儒效)又曰「略法先王而足亂世術繆學雜學呼先王以 設計 而 者也。 好 姦劫 末 稱借於外力以成其私而遺社稷之利其帶劍者聚徒屬立節操以顯 也。 故荀子亦曰、 事。 知道 (同上)如非所云亦俗儒而已耳雖誦先王之**智**治世之所棄也則非以其無 虛 聖以 『凡事行有益於理者立之無益於理者廢之夫是之謂中事凡知 **說民」**(八說 今學者皆道曹筴之頌語不察當世之實事」(**六反)**又曰、 夫所貴於學者為其言必當理事必當務智足以應當 其名而犯五官之禁其患(同 な説有益: 亦勿怪 『今學者之言 用而掊之豈不宜 欺愚者而 非有分於從 矣」(同 於理 時之變而有 而侔(同 一者爲之。 水衣 抑非 横之 也不 )然 F 车 串

哉而世或以此謂非之與懦爲仇抑可謂不能知非者矣.

### 四難勢

亂 不肖 仲 數 則 背 治 **肖者用之則天下亂人之情性賢** 之言勢寄於 Ħ. 浴也。 天下者寡 也故 爲 亂。 法. 若 单, 而 良馬 與治一 m 不能 Ë, 夫堯舜生 能 吾所言謂人之所得設也若吾所言謂人之所得勢也而已矣」(以上 待堯舜堯舜 非者、 勢治 服 固 於 矣」( 成 法。 車五 m 賢者、 者不 有愼 輪。 亂千也是猶 惟勢與法分故得而難之曰『 īfii + 可亂而 則 無慶賞之勸、 到。 同上) 在 里 至 超人也漢志亦 上位、 權 乃 而 币 治、 乘驥駬 置。 惟勢寄於法、 勢亂者則不 雖 位 是千 使 有十桀紂 尊 也。 (者寡而) 刑罰之威釋勢委法堯舜戶說而 中手 世 吾以 亂 m 在: 分馳 御 而 不肖者衆国 可治 故得 此 法家然其書 不 之追速 能亂 知勢 也相 治 也此自然之勢也非人之所得設也夫棄隱栝之法、 勢者非能必使賢者用己而不肖者不用己也賢者用之則 m 也。 位之足 者則 致 應之日、 抱 去 4亦遠矣。 法 遠、 M (勢治也) 存 以威 處勢、 可 者五篇而 特而賢智之不 以及 **—** 勢之利、 吾所以爲言勢者中 -而 桀紂 也而千里可 待桀紂桀紂 同 已慎子日、 亦生而 人辯之不能治三家故抱法處勢則治。 上 濟亂世之不肖人則 足 到 在上位: 奥非同 至乃亂。 日致 慕 \_ 也。 他且夫 贀 \_ 並難勢)愼子之言勢與 也。 中者、 韓非應之日、 雖有十堯舜 人 是千 爲法家然非之言益密 而眦於不肖 **、堯舜桀紂** 世 是以 上不及堯舜、 治 勢亂天下者 揃 ---丽 者則 去度量之數、 勢 亦 亂 Ŧ 者名 不 世 也。 而 能 權 且 下 面 《法分韓子 多矣。 关下: 背法 矣且 治 輕 亦 夫 位 者、 出。 而 治 不 -治。 不 使奚 卑也。 到日、 去勢 則勢 為桀 千而 廢勢 以 無 \*

者不 人之行 法 知所 雖不 त्ती 善循 以惡此所以蹇願 至死人之理也(見莊子天下篇) 愈 於無法所以一人 望 也。 心也夫投鉤以分財投策以分馬非鉤策爲均也使得美者不知所以美使得惡 <u>\_</u>\ 慎子)然法之爲用豈塞願望而止哉則宜乎莊子之笑之而以到之道非生

### 五定法

不休逐 他實真由窺其全也而韓非稱『申不害言術而公孫鞅爲法術者因任而授官循名而實實操殺生之柄課摹臣之世之言刑名者輒曰申韓申不害相韓昭侯與商鞅相先後蓋去韓非百餘年漢志有申子六篇今已佚雖或見於 不益 不勤飾於官之患也公孫鞅之治秦也設告坐而實其實連什伍而同其罪實厚而信刑重而必是以其民用力 能者也法者憲令著於官府刑罰必於民心賞存乎愼法而罰加乎姦令者也』(定法)然徒術 法未 **悖則申不害雖十使昭侯用術而姦臣猶有所譎其辭矣故託萬乘之勁韓十七年而不至於霸王者雖用術於上法** 害不擅其法不一其意合則姦多故利在故法前合則道(同導)之利在新法後令則道之利在故新相反前 術皆有所不可故曰「韓者晉之別國也晉之故法未息而韓之新法又生先君之令未收而後君之令又下。 败 心也而 敵危而 尺之地乃 張 不卻。 機以秦殉 成其陶邑之封應侯攻韓八年成其汝南之封自是以來諸用秦者皆應穩之類也故戰勝則 故其國富而兵強然而 韓惠王死武王 即位甘茂以秦殉周武王死昭襄王即位穰侯越韓魏 無術以知姦則以其富強也費人臣而已矣及孝公商君死、 Mi 而 東攻 無法、 恵王 齊五年、 舆 節位、 徒 大臣 後相 申不 勞而

**拿**盆地 是以 治不識官謂之守職也可知而弗言是謂過也人主以一國目視故視莫明焉以一國耳聽故聽莫聰焉今知而 流如 齊樂也而以斬首之功爲之則不當其能今治官者智能也今斬首者勇力之所加也以勇力之所加而治智能之官。 之官」官衙之遷與斬首之功相稱也今有法曰「斬首者令爲醫匠」則屋不成而病不已夫匠者手巧也而醫者、 則 飾 人主尚安假借矣商君之法曰「斬一首者虧一級欲爲官者爲五十石之官斬二首者爵二級欲爲官者爲百石 者亦才士也夫。 於官主無術於上之患也」(同上)又曰「申子未盡於術商君未盡於法也申子言「治不踰官雖知不言」 商 | 斬首之功爲醫匠也」(同上)非學於荀卿而顯 別 軟 私 ,申不害慎到之徒又皆用其長而救其所不足故吾謂法家至非而集大成儒道名墨亦至非而冶一爐若。 封立主無彿以知姦也商君雖十飾其法人臣反用其資故乘強奏之資數十年而不至於帝王者法雖。 學篇言儒墨之流別甚晰又有解老喻老之作其於法家者

## 第十三章 秦滅古學

十三年初有史以紀事(史記秦本紀)則其時之草昧未盡開也卽其後之強亦率以用客卿之故秦土未始有傑 而其是非亦有可得而 ·秋以來百家諡起及秦混一天下遂有焚書阬儒之禍舊時學術一時斬焉中絕稱嘗考秦滅古之故蓋有數端。 論者秦本僻在西戎不與中邦之文教襄公之後徙居岐豐之地漸與諸國往來然史稱 文公

獨得法治之力而法家之意惟知近功故商君謂「 言飾 **今飾虛言以亂實人善其所私學以非上之所建立今皇帝幷有天下別黑白而定一尊而私學相與非法** 皇本 本在學字下以意移上,人配分下則各以其學議之入則心非出則巷臟夸主以爲名異取(同趣)以爲高、 而舉者以其所聞時相嘗議不能不疑亂天下故李斯曰【古者天下散亂奠之能一是以諸侯並作語皆道古以害 官 以致成焚膏之跫者則博士淳于越也始皇東行郡縣上泰山登之罘議刻石頌秦德議封禪望祭山川 亦類 |表)今見於藝文志者儒家有羊子四篇凡書百章名家有黄公四篇皆奏博士而僕射周靑臣用面 辭、 紀)蓋漢之罷黜百家所以尊儒而秦之焚曹阬儒則以申法此其忍於滅古者二也稱帝之後所爲多不師古。 造謗如 詩 故其自言亦曰『吾召文學方術士甚衆欲以興太平』(始皇本紀)徒以諸生非議法令不當其意又盧生 會之體不足當一家之說秦旣素不知學其親諸家之存廢固不足以措意此其忍於焚書者一 統觀戰國以至秦始稱帝秦人之好士尚文藝者惟有一呂不韋而不韋本陽翟人(陽翟屬韓)且其所著 而 本此其忍於滅古者三也然其先亦嘗重用諸家之士矣漢書秦博士之官員多至數十人掌通古今(見百 書百家語又曰、 無實用。固以爲法令之外皆可廢絕故異時旣焚百家之學猶曰『欲學法令以吏爲師』(見史記始 此弗禁則主勢降於上黨與成乎下」(同上)當時是古而非今者以儒者爲盛故儒之罹禍 『有敢偶語詩書者樂市以古非今者族』(同上)蓋其視儒者之道仁義稱先生皆將不 明君修政作壹去無用止浮學事淫之民。又謂「 也。 說者 一諛面斥其過、 皆 秦之強霸、 数(而) 典 成伍煩 最 酷。旣 字

己抑 今一也姦利相告不惜自潰二也侯生盧生皆類知道者而乃爲始皇求仙藥終亦不驗三也蓋自百家爭。 誹謗而逃之遂一怒而阬者四百六十餘人亦酷已然吾以爲當時之士卽亦不能無 之廢後世學術遂不如古此豈爲明於當時之勢與古今之變者哉。 破海內統一曩時所持以應世者已無所用此譬之病起人愈雖有良樂亦將斥去故百家之傳至秦而絕猶王官六、 天下分裂憂時之士各出其所尚以救當世之急此臂之人有疑難之症為之子者奇方異術無所不搜及夫六國旣 者更益之以神仙之說易老聃長生久視之道而爲海上不死之方此雖無始皇之焚阬其亦不能不自螴滅矣且當、 藝之學至春秋戰國而分斯二者皆勢之所必然非人力所得而爲也而昧者不察專以滅古爲秦之罪或以爲百家 人已成風氣而又昧於道備之全不明損益之爲用鶩空談而遺實際以是言多失中往往繆盭於理其好怪異 過。 不通時變之宜好執古以非 鳴 以 來尊

## 第二編 中古哲學史

## 第一章 兩漢儒學之盛

過魯即不得不以太牢痾孔子(漢書高帝本紀)魯爲項羽守當圍城之中而諸儒講誦習禮樂絃歌之音不絕即 初定遠方黔首未集諸生皆誦法孔子今上重法繩之臣恐天下不安」(史配始皇本紀) 害法』(五蠹)即其力攻仁義文學知其時爲仁義文學者之多也及始皇院儒生於咸陽長子扶蘇諫曰『天下 泰韓非以儒與墨為當時之顯學而一則曰、「行仁義者非所譽譽之則害功」再則曰、「工文學者非所用用之則。。 奔走天下之王侯致身富貴而儒者獨與世鑿枘未嘗得憑權勢而有所為可謂窮矣然而及六國之滅信儒術奔走天下之王侯致身富貴而儒者獨與世鑿枘未嘗得憑權勢而有所為可謂窮矣然而及六國之滅信儒術 儒林傳)當百家並爭如申不害商鞅法術之士旣得志於韓秦而縱橫家之蘇秦張儀陰陽家之騶衍亦以其口辯、 亡其事至微淺然而搚紳先生之徒負孔子禮器往委質爲臣者何也以秦焚其業積怨而發憤於陳王也」(史記。 亡去至是亦歸涉爲博士卒與俱敗死太史公曰【陳涉起匹夫歐瓦合適(冏謫)戍旬月以王楚不滿半歲竟滅。 至慮及天下不安非儒之重於天下者然乎是故以漢高之不好儒見輒解其冠溲獨其中(漢書酈食其傳) 秦之焚書惟儒生受禍最酩故及秦之飢而陳涉起魯諸儒乃持孔氏之禮器歸之孔甲爲秦少傅會李斯議焚書、 夫以殺儒生數百 而行 人而 者益

之禁孝文帝立欲廣遊 不得不爲之歎息(漢書儒林傳)其於陸生馬上不足以治天下之對而爲之有所惭色者(漢書陸賈傳 弊此儒之得與於漢者二也秦之遇儒至虐故儒之處境至苦而惟其處境之苦乃以成其自守之堅秦禁偶 以前儒爲九流之一漢以後儒爲百家之宗嚮使無儒則中國學術之亡久矣而尙有今日哉。 六亿而已次知者矣蓋自七國之世儒之道雖不見用儒之說則深中於人心孟子曰『仁言不如仁聲之入八深也。 存 秦終不悟途以亡其社稷於時賈生論秦亦推言其過在於仁義不施(過秦論)漢與懲秦之亡故不得不反秦之 於天子之前(賈誼傳 而伏生之尚書即以口授而傳詩三百篇亦以觀誦而得不絕禁藏詩書百家語令下三十日不燒者黥爲城旦而 於儒 :而不失一皆儒者之力而他家不與焉此儒之得與於漢: 秦禮義其效至於富強而其弊則至於君臣父子不相顧故荀卿所以策奏者曰、 政不如善教之得民也。」故語近功則儒不及百家而言長效則百家不及儒此儒之得與於漢 向父子安帝時之劉 說、 逸書即 非一日矣既 ;出於壁中蓋當秦漢之交儒者之抱殘守缺出入於死生之際者不知其幾何人矣故三代古籍之 、珍順帝時之伏無忌黃景即皆儒者是不獨六藝由儒者 學之路於是論語孝經孟子爾雅皆置博士是時民間藏書漸出而賈生方日以仁義之說、 即帝位用叔孫通制朝儀張蒼定律令是二人者皆秦博士故儒生也及孝惠四年遂除挾 )雖曰公卿皆武力功臣薄太后又好黃老術皆不知重儒然儒 者三也不特此也自是以 而復 1 『力術止 後其校定諸子 题。 術之與有不待武帝之表 即諸子亦賴 義術行。 者、 儒者而 者如 一也秦尙首功 』(荀子彊國) 成 語詩書。 後傳漢 哀 蓋斯 時之 書

家之宗者此

也。

學黄 父偃學長短縱橫術著書二十八篇與鄒陽徐樂嚴安聊蒼所著之書皆見於藝文志是漢有蘇張縱橫之學矣田蚡 講授徒衆常數 武帝以後黃老之學猶存也路温舒學律令于定國少學法於父(漢舊各本傳)郭躬父弘習小杜律躬、 秦張儀之言亂國政請皆罷奏可(武帝本紀)此史所稱武帝之表章六經罷黜百家者、 中有陰陽矣董君(卽仲舒)以春秋決事比張湯決大獄欲傳古義乃請博士弟子治尙 :特盛其顯名於時者又彬彬皆儒學之臣百家遂不能不瞠乎其後矣抑吾觀董仲舒以春秋災異推陰陽所以。 (漢書湯傳) (本傳)高相專說陰陽災異(漢書儒林傳)京房長於災變翼奉好律曆陰陽之占(漢書各本傳)則儒之 武帝 孟書爲雜家而淮南內外篇與東方朔所著音亦見於志是漢有雜家之學矣不過國家以五經立學緣是 老之后(漢書楊王孫傳)耿况學老子於安丘先生(後漢書耿弇傳)矯愼少學 國志亮傳 以來儒 時董仲舒以賢良對策律孔氏而抑百家(見漢書董仲舒傳)丞相衞綰奏所舉賢良或治申商韓、 百人(後漢書躬傳)陽球好申韓之學(球傳 則儒之中有法矣劉向有說老子四篇(藝文志)則儒之中有道矣是故諸葛亮以 者不必皆治道德名法而治名法道德則無不儒者故吾謂漢以前儒爲九流之一漢以後儒爲百 )未嘗謂亮爲法家 而非儒也范升習老子教授諸生(後漢書升傳 )則武帝以後申韓刑名之學曆存 未嘗謂: 黄 **曹春秋補廷尉** 也然觀前後漢書楊 老(後漢逸 升為道家 也。 申 示 獨此 少傳 韓 民 史平亭疑 教 傳 而 王孫、 非儒 也。 而 太子 〕則 錯

楠

法。

又用三德· 然呂氏 以五行 武王陳洪範(尚書)初一曰五行次二日敬用五事次三曰農用八政次四曰協用五紀次五曰建用皇極次六曰 **黑其事則水。可謂怪迂者矣而漢與賈生首謀改正朔易服色悉草具其事儀法色尙黃數用五(史記賈誼列傳)** 丹 則 氣 義和之官(漢書藝文志)以今考之殆古巫祝之遺也鄒衍之書四十九篇又終始五十六篇(見藝文志)皆佚。 蓋本陰陽終始之理自是以後儒者莫不通陰陽之學而劉向爲洪範五行傳儒與陰陽一合遂不可分稱考箕子爲 而論六家要旨則謂『陰陽之術大群而衆忌諱使人拘而多所畏』(見史記太史公自序)劉歆以陰陽爲出古 五 木及湯之 帝本紀、 書集於周祉文王曰「火氣勝」火氣勝故其色尙赤其事則火火者必將水天且先見水氣勝水氣勝、 勝。 行何以配之荀子非十二子篇斥子思孟子案往舊造說謂之五行而孟子七篇今具存無有道及五 土氣 春秋 配之 隨衆流而 次七日明用稽疑次八日念用庶徵次九日嚮用五福威用六極以五行與五事八政並列未嘗舉一 即言「宰予問五帝德及帝繁姓儒者或不傳」則其言孔子所傳者固未可信矣司馬談學天官於唐都。 勝故 應同 也且五事五紀庶 時天先見金刃生於水湯曰、 其色尙黃其事 篇猶存其說曰『凡帝王之將輿也天必先見祥乎下民黃帝之時天先見大螾大 為一而儒之道乃益大然漢志九家惟陰陽之言為最誕雖五德終始之說亦見於大戴記而史公。 徵、 則土及禹之時天先見草木秋冬不殺禹曰「木氣勝」木氣 五福、 工其數皆一 「金氣勝」 Ħ. 固 與 金氣勝故其色尙白其事則金及文王之時天 五行 配矣而 八政則 八皇極則一三德則三 勝故 稽 先見 疑則七六 **蟻**黄帝曰「土 其色衍 火赤 故 者且 其色尚 靑。 切而 極 鳥 其 論 則 專 衝

奇物震動。 託 以山 月之有蝕風 偶之 緯 Ħ 有奇 折 記 其後張衡 於子思孟子荀子 則 至者無益也。又曰、「夫星之隊木之鳴是天地之變陰陽之化物之罕至者也怪之可也而畏之非也」 動 流 入 が儲 於貌。 崩 而漢 類。 怪虚 行。 時、 地 光武 盡 亦言 動由於二后之黨滿 叉曰 誕之事个諸巧慧 儒則以爲休咎之徵與政事之得失相應如京房以日月失明星辰逆行所有災異皆由於信任石顯翼奉、 譚 者。 所 以然者陽用其精陰用其形猶人之有五藏六體五藏象天六體象地故藏病則氣色發於 信 獨以 紹復 雨之不時怪星之黨見是無世而不常有之上明而政平則是雖並 終乃儒爲陰陽所奪以鄭康成 ( 翼奉傅 書 識者 不 非識 舊物 **讖出河圖洛書但有股兆而不可知後人妄復加增依託稱自孔子誤之甚也』(後漢** 未察乃以爲二賢罪耳顧荀子亦儒家荀子而不取五行卽 如 見放今觀力 無 亦以赤符自累至正 虚偽之徒以要世取資或復采前世成事以爲證驗譬猶養工惡嗣犬馬而 **青」書之有者不肖盡信況肯為書之所無者乎荀子之言殆** 此與萬物之怪書不說者蓋大異矣(萬物之怪書不說荀子天論 小才伎數之人增益圖 朝(見漢書各本傳)並言『人氣內逆則處動天地天變見於星氣日蝕。 其言曰『凡 五 玄 經章句皆命從識於是以陰陽穿鑿說理以圖 人情忽於見事而貴於異聞觀先王之所 東漢 書矯稱讖記以欺感食邪註誤人主其事雖有時台譬猶 大 儒、 m 解經時取諸緯又爲諸緯作法。 五行不 世起無傷 出 記述、 非其實不然則 心上關而; · 於儒明: 緯 成以 語、 附 其他又何 降 矣。 好作鬼 信 會 政險、 徵 至哀 荀 義正 子 妄者 信。 面。 || 武乎當 道爲本。 始 日, 平 則 地變見於 曹 體 為之而 之際讖 之陰陽 誠以 是 病 譚 則欠 並天 夫日 數 俥 隻 非

九十四

事難形而虛偽不窮也』(衡傳 **儒術之盛漢儒之功而陰陽識緯之行亦漢人之罪。** )夫罔人者其害小而賊理者其害大以陰陽臟緯言學而學乃不得不晦矣是故

## 第二章 賈生

所欲出諸生於是乃以賈生爲能文帝說之一歲之中超遷至大中大夫於是天子議以誼任公卿之位絳湛東陽侯、 篇高帝未嘗不稱善者不類又漢志有平原君(朱建)七篇劉敬三篇皆與賈同時而書並佚故言漢之儒者自賈 年三十三漢志其書五十八篇今所傳新書五十六篇所爲過秦論治安策世多知之者治安策雖不見用然其後諸 事』於是帝亦疏之不用其識以為長沙王太傅久之文帝徵賈生入見因威問鬼神之事至夜半前席旣罷曰『吾 諸家之書文帝召以爲博士是時賈生年二十餘最少每詔令議下諸老先生未能言賈生盡爲之對人人各如其意 秀才召置門下文帝初立聞河南守吳公治平第一故與李斯同邑而當學專焉徵以爲廷尉廷尉乃言誼年少頗通 生始生洛陽人名誼酱從張蒼受左氏春秋蒼故秦博士也誼年十八以能誦詩書屬文稱於郡中河南守與公聞其。、 久不見賈生自以爲過之今不及也」然終莫能用拜爲梁懷王太傅後懷王墮馬死賈生自傷爲傅無狀歲餘亦死。 馮敬之屬盡害之(絳絳侯周勃灌灌將軍嬰東陽侯張相如也)迺毀誼曰「洛陽之人年少初學專欲擅權紛亂諸 澳初以詩書進說者首陸賈然觀其使尉佗事頗似縱橫家所爲今猶傳陸賈新語而多庸廓不切與史稱每奏一

### 一道病

物 謂 韒、 有端 無 事命行者必護於言則過敗鮮矣此術之接物之道也」」(以上皆新書道術)是即孔子所謂。 必則令行周聽則不蔽稽驗則不惶明好惡則民心化密專端則人主神術者接物之隊(同途)凡[《 也。 也動靜之數也凡此皆道也」曰「請問虛之接物何如」對曰「鏡戲而居無執不臧美惡畢至各得其當衡 私平靜而處輕重單懸各得其所明主者南面而正清虛而靜合名自宜命物自定如鑑之應如衡之稱有臺、、 故 人主仁而境內和矣故其士民莫弗親也人主義而境內理矣故其士民莫弗順也人主有禮、 随之物鞘的 养敬也。 至人之用心若 生之說英精於論道術之分蓋合儒道兩家而一之者也其言曰『數聞道之名矣而未知其實也請問道者何 敢 其士民夷弗 對日 人主有信而境內貞矣故其士民莫弗僧也人主公而境內服矣故其士民莫弗戴也人主法、 荀子 道者所從接物也其本者謂之虛其末者謂之術盧者言其精微也平案而無設施也。 其極而以當施之此 輔也學賢則民化善使能則官職治英俊在位則主尊羽實勝任則名顯操德而固則 所謂、 鏡不將不迎應 「原清則 而不敷故能勝物而不傷也」 **虛之接物也**]]是卽 流濟原獨則流獨上好禮義尚賢使能無食利之心則下亦將茶牌。 老子所謂、 (應帝王)『曰「 我無 為而 民自化我好靜而 請問 術之接物何 而境內 政 民 自正。 權重 侑 者正 篇矣故 成立。 心者、 也子帥以 如」對日、 者必護 ||致忠信| 而境內 莊子所 所從 教順 其 和 於 士 之。 而 軌 而

明 謹 於臣子 見前 申 韓。 疑非其實矣。 也。 賈生之言術欲以好惡公之天下故曰『明好惡則民心化』此儒之與法之大不同 君 道 買生之言術與法家之言術異法家之言術不欲以好惡示人故曰『去好去惡』 (也而史公乃謂) 奉臣見素」 買生

明 之 化 離 存 Û 德、 謂 則 也。 性立 無 神 乎所生之內。 賈 者道 嗜 有輝於外矣。日『光輝之謂明』曰『明生識而通之以知。 im 生 一之說尤有 則 之有。 欱 目, 者也何謂性。 (道 取 德神氣發於性 『命者物皆得道德之施以生則 神氣曉曉然 捨然也其受此具也聲然有定矣不可得辭也故曰命」曰『命者不得毋生生則有形形而道德 僡 日、 「 說 (六 與道家相似者其言德有六理曰、 道雖神。 此 日、 礼井子所云、 一性 發而 術 也一日了 何謂 者道德造物、 通行於外矣』(同上) 必載於德而 道曰「道者」 「一之所起有一而 物理及諸變之起皆神之所化也』何謂明。 物有形而道德之神專( **졬乃有所因以** 澤潤 無形。 性氣 此莊子所云「形體 未形. 道德、 神明及形體 日『未變者道之頌(同容)也』日『 一發動 性神明命此六者德之理也六理無不生也已生而六 變化 者也。 之位分數度各有極量指奏矣此皆所受其 一此莊子所云「立之本 同 何謂德曰『道冰 而 爲變。 摶  $\overline{\phantom{a}}$ 保神各有儀則謂 而 こ (同· 爲 氣。 白「明 于  $\overline{\phantom{a}}$ · 者神氣 日『性神氣 此莊子所云、 同 疑)而爲德』曰『 之性、 原、 變及諸生之理皆道之 丽 在 知 内, 者也。 通 則 之所 物 於 無 光 會 得 何謂 者 以生 丽 也。 神。 道 德 爲 知、 者 理

何

非

皆禁· 樫。 天 空虛此老莊之所以難學也以工夫而造本體不及者猶能循其塗轍此孔孟之所以無弊也吾觀於賈生之書而知 天立論故曰『下學而上達知我者其天乎』先天者本體也後天者工夫也以本體而賅工夫過之者或不免墮於 醴。 之治禮義之化然後皆出於治合於善』(見性惡篇)更無以異故荀子重禮謂: 樂與則六此之謂六行」(六術)則又與儒者之言合又曰「人雖有六行微細難識唯先王能審之凡人樂與則六此之謂六行」(六術)則又與儒者之言合又曰「人雖有六行微細難識唯先王能審之凡人 歪。 朋 (地籍 凶 立 是故必待先王之教乃知所從事』(同上)此與荀子謂「聖人積思慮習僞故以生禮義而起法度必待聖王 「陰陽天地人盡以六理爲內度是以陰陽各有六月之節天地有六合之事人有仁義禮智信之行行和則樂與。 也』蓋儒本出於道惟道家多從先天立論儒家多從後天立論從先天立論故曰『天法道道法自然。 修身已見前) 坐行趨莫不有容曰『立而跂坐而騙體怠懈志驕傲趮視數顧容色不比動靜不以度妄欬唾、 載於物形故碧堅謂之命」(並同上)此莊子所云、「未形者有分且然無問謂之命」者也(莊子語並見 )先乎性以道德明性之所受也繼之以神明明性之用也終之以命明性之有定也此寶生言性之精 而賈生亦曰『 動有文體謂之禮反禮爲濫容服有義謂之儀反儀爲詭』 食飲衣服 居處動 (道 術) 靜 疾言嗟氣不順、 無 且 二從後 (弗能· 可不 制 寫 也。 容 由 自 丽

### 三蚤諭教與胎数

漢初之學之殙近古

也。

賈生於濡實與 荀子爲近惟 未嘗言性惡耳其曰『胡越之人生而同聲嗜慾不異及其長而成俗 也累數譯而

第二編 中古哲學史

之世固爲能推見爲治之本原者矣然賈生又不僅言數太子然也其言數常人亦然『曰「古者年九歲入就小學曝之世固爲能推見爲治之本原者矣然賈生又不僅言數太子然也其言數常人亦然『曰「古者年九歲入就小學曝 關之誹謗深爲之計者謂之妖言其視殺人若艾草皆然豈胡亥之性不善哉其所以道之者非理故也夫存亡之反、 曰「少成若天性習慣如自然」是殷周之所以長有道也及秦而不然其俗固非貴辭讓也所上者告託也固非貴 不能無不正也猶生長於楚之不能不楚言也故擇其所嗜必先受業乃得當之擇其所樂必先有習乃得爲之孔子 以禮使士負之有司齊肅端冕見之兩郊見于天也過誤則下過廟則趨孝子之道也故自爲赤子而數固已行矣昔。 治亂之機其要在是失。且孟子言政必首曰格君心之非賈生言政必首曰早齡教太子此在天下爲家君主世及 禮義也所上者刑罰也使趙高傅胡亥而教之獄所習者非斬劓人則夷人之三族也故今日卽位明日射人忠諫者、 事師正言行正道左右前後皆正人也智與正人居之不能無正也猶生長於齊之不能不齊言也習與不正人居之、 去邪人不使見惡行於是皆遭天下之端士學弟博聞有道術者以衞奠之使與太子居處出入故太子初生而見正 於是爲置三少皆上大夫也日少保少傳少節是與太子燕者也故發提有識三公三少因明孝仁禮義以道習之逐 **清周成王幼在襁褓之中召公爲太保周公爲太傅太公爲太師保保其身體傳傳之德義師道之數訓三公之職也。** 為天子二世而亡人性非甚相遠也何殷周之君有道之長而秦無道之暴也其故可知也古之王者太子初生固學 命縣於太子太子之善在於蚤論教與選左右曰「殷爲天子二十餘世而周受之周爲天子三十餘世而秦受之秦 能相通行有雖死而不相爲者則數習然也」(保傳)即荀子勸學篇意惟視習尤重於性故治安策極陳天下之能相通行有雖死而不相爲者則數習然也」(保傳)即荀子勸學篇意惟視習尤重於性故治安策極陳天下之

則太師撫樂而稱不習所求滋味者非正味則太宰荷斗而不敢煎調而曰不敢以待王太子」』曰『周妃后妊成 五十七篇注曰古史官配事也)曰「古者胎教之道王后有身七月而就宴室(本作蔞室從大戴禮改)太師持 十倍邪辟無由來。」古之人其謹於所近乎。」(容經)又不僅言諭教之宜早也更進而言胎教之要日『謹爲子 銅而御戶左太宰持斗而御戶右太卜持蓍龜而御堂下諸官皆以其職御於門內比三月者王后所求聲音非禮樂、 孫婚妻嫁女必擇孝悌世世有行義者如是則其子孫慈孝不敢淫暴」曰「青史氏之記(漢志小說家有靑史子 小節爲業小道爲束髮就大學蹍大節爲業大道爲是以邪放非辟無由入之爲諺曰「君子重襲小人無由入正人 亦不認其可以自善故曰、【似練絲染之監則靑染之緇則黑】(連語)以爲人之書惡惟教實操其樣而教必施之 王於身立而不跛坐而不差笑而不誼獨處不倨雖怒不駡胎教之謂也』(並胎教)蓋賈生言性雖本之道德而 其有類於告子也。 於豫故由蚤諭教更推之於胎教而其說益密矣至其曰『有上主者有中主者有下主者上主者可引而上不可引 而下下主者可以引而下不可引而上中主者可引而上可引而下』(同上)雖分三等而實取中者爲論不得疑

## 第三章 董仲舒

**薏子名仲舒廣川人景帝時以治春秋爲博士下帷講誦弟子傳(同轉)以久次相受業或真見其面蓋三年進** 

第二編 中古哲學史

及上疏條教凡百二十三篇而說春秋事得失聞舉玉杯蕃露清明竹林之屬復數十篇』今傳春秋繁露八十二篇。 陰陽入儒實自仲舒始而卒以所爲災異之記有刺譏幾死則不能無譏爲漢書仲舒傳稱『 位歸 而闕文者三篇實七十九篇然以漢書觀之玉杯繁露似各自爲篇而今以繁露名書疑出後人掇拾篇第有非其舊 自武 見賢良策)粹然皆儒者之言惟以春秋災異之變推陰陽所以錯行以爲求雨閉諸陽縱諸陰止雨 帝初立、 正, [仲舒發之其言『天不變道亦不變王者任德而不任刑與仁人者正其誼不謀其利明其道不計其功』 ( 並 居 非禮 終不問家人產業修學著書為專以壽終於家當仲舒在家朝廷有大議使使者就其家問之其對皆有 魏其武安侯(田蚡)爲相而隆儒矣及仲舒對策推明孔氏抑黜百家立學校之官州郡舉茂才孝康、 學士皆師尊之武帝元光元年以賢良對策天子異焉至於三策之以爲江都相復相膠西王及去 仲舒所 反是漢儒· 著明 經 衠 明法。 之援

### 天人合一說

苔也哀冬之苔也天之副在乎人人之情性有由天者矣』(爲人者天篇)又曰、『天地之精所以生物者莫貴於 喜怒化天之寒暑人之受命化天之四時人生有喜怒哀樂之荅春秋冬夏之謂也喜春之荅也怒秋之荅也樂夏之喜怒化天之寒暑人之受命化天之四時人生有喜怒哀樂之荅春秋冬夏之謂也喜春之荅也怒秋之荅也樂夏之 所以乃上類天也人之形體化天數而成。 **藁子之學之精在** 其天人合一之說日『爲生不能爲人爲人者天也人之人本於天天亦人之會祖父也。 人之血氣化天志而仁人之德行化天理而義。 人之奸惡化天之暖 此 人之 人之

身與人俱生比而偶之弇合於其可數也副數不可數者副類皆當同而副天一也是故陳其有形以著其無形者: 副畫夜也下剛乍柔副冬夏也乍哀乍樂副陰陽也心有計戲副度數也行有倫理副天地也此皆暗 此見人之絕於物而參天 赐 中、 本於天故不可不循天之道如天之爲其言曰『君子法乎其所貴天地之經生至東方之中而所生大養至 其可數以著其不可數者以此言道之亦宜以類相應獨其形也以數相中也 人之身故小節三百六十六副日數也大節十二副月數也內有五臟副五行數 凡物之形莫不伏從旁折天地 喜怒神氣之類也觀人之體一何高物之甚而類於天也物旁折取天之陰陽以生活耳而 三百六十節、 人人受命平夫也故超然有以倚物疢疾莫能爲仁義唯人獨能爲仁義物疢疾莫能偶天地唯人獨能偶天地。 ılii 之 止於北方之中陰陽之道不同至於盛而皆止於中其所起始皆必於中中者天地之大極也日 有 所 也。其 養大成。 不中者必止之於中而所為不失是故陽之所行始於北方之中而止於南方之中陰之所 氣 偶天之數也形體骨肉偶地之厚也上有耳目聰明日月之象也體有空竅理脈川谷之象也心有哀樂 一歲四起業而必於中中之所爲而必就於和故曰、 最 良物之所生也誠擇其和者以爲大得天地之奉也天地之道雖有不和 地。 而行人獨題直立端尚正正當之是故所取天地少者旁折之所取天 人副天數篇)又曰「身猶天也數與之相參故命與之相連也天以終歲之數成 和其要也和者天(天下當有地字)之正 也外有四肢副 (同上)其言人之本於天如 者 人事爛然有其文理 必歸之於和、 四時數也。 行始於南 月之所至而卻也。 八地多者 層( 乍視. 间 而 西方之 方之中。 所 附 IE 此惟 乍瞑、 人有 也。 陰 拘 著

惡以不意。 之大者乃在愛氣氣從神而成神從意而出心之所之謂意意勞者神擾神擾者氣少氣少者難久 其意 道而美於和是故物生皆貴氣而迎養之孟子曰「我善養吾浩然之氣者也」謂行必終禮而心自喜常以陽 進者節天之制也(舊作節者以意乙改)陽者天之寬也陰者天之急也中者天之用也和者天之功也舉天地之 時。 之 喜 長 秋 短之隆不得過中天地之制也量和與不和中與不中而時用之盡以爲功是故時無不時者天地之道也順天之 心修義而。 态 厠 一也是故志意隨天地緩急做陰陽然而人事之宜行者無所鬱滯且恕於人順於天天人之道兼舉此。 亦立行方致清之時見大善亦立舉之方致寬之時見大惡亦立去之以效天地之方生之時有殺也方殺之時有 以 如天之爲篇)又曰、「天地之間有陰陽之氣常漸人者若水常漸魚也所以異於水者可見與不可見耳其濟澹 其欲 E, 心泰實則氣不通泰虛則氣不足熱勝則氣□寒勝則氣□秦勞則氣不入秦佚則氣宛(讀鬱)至怒則氣高。 氣散憂則氣狂懼則氣懾凡此十者氣之害也而皆生於不中和故君子怒則反中而自說以和喜則反中而收氣, **燙則反中而舒之以意懼則反中而實之以精氣不傷於以盛通而傷於不時天幷不與陰陽俱往來謂之不**。 平意以靜神靜神以養氣氣多而治則養身之大者得矣』(循天之道篇有節文)又曰『春 求惡冬修刑 ता 不顧 天數謂之天幷君子治身不敢違天天氣之於人重於衣食衣食盡尚猶有間氣靈而 而致清夏修德而致寬此所以順天地體陰陽然而方求善之時見惡而不釋。 《矣故君? 方求惡之時見 2謂執其 修仁 立終故養生 子 開欲止 而 水善。

也。

人常漸是潛濟之中而以治亂之氣與之流通相殺也故人氣調和而天地之化美」(同上有節文)易傳言「聖

易然觀其所言抑何與易理之相合也吾以爲仲舒之明陰陽惟此言中和養氣通於道家而與儒者之旨不悖若其。 則火不炎上而秋多電聽不聰則水不潤下而春夏多暴雨心不能容則稼穡不成而秋多雷」(五行五事篇)此 推以廣說萬事至謂『王者與臣無禮貌不肅敬則木不曲直而夏多暴風言不從則金不從革而秋多霹靂視不明、 人之作易也將以順性命之理是以立天之道曰陰與陽立地之道曰柔與剛立人之道曰仁與義』史不言仲舒通

陰陽家之瞽說吾所不取故不贅述焉。 之善此孟子之善循三欄五紀通八端之理忠心而博愛,敦厚而好禮乃可謂善此聖人之善也是故孔子曰「善人 名號篇)又曰『或曰「性也善」或曰「性未善」則所謂善者各異意也性有善端動之愛父母善於禽獸則謂 **佛中之奥(同飲)旣不能中矣而尚謂之質善何哉性之名不得難質難質如毛則非性已不可不察也」(深察** 世關於性言之者不同胡不試反性之名性之名,非生與如其生之自然之資謂之性性者質也詰性之質於善之名、 吾不得而見之得見有恆者斯可矣」由是觀之聖人之所謂善未易當也非善於禽獸則謂之善也使動其端善於 (清汪中荀子通論考證甚詳)故劉向謂仲舒作書美荀卿耍之賈萱之學皆出於荀子爲無疑也董子之言曰「今 禽獸則可謂之善善奚爲弗見也夫善於禽獸之未得爲善也猶知於草木而不得名知萬民之性善於禽獸而不得 董子言性亦與荀子爲近賈生學左氏春秋於張蒼蒼受之於荀子董子治公羊春秋而公羊春秋亦 荀 子 所 傳。 二性

善。此 仁貪之氣兩在於身身之名取諸天天兩有陰陽之施身亦兩有貪仁之性天有陰陽禁身有情欲恠與天道一也」 內 未 有善質而不可謂. 後 所至而止止之內謂之天性止之外謂之人事事在性外而性不得不成德。又曰『性有似目目臥、 與荀子巽董子亦然其言性不得謂善與荀子同而謂善出於性則與荀子異其言曰「性比禾善比於米米出禾中。 教於王王承天意以 m 能 於人道之善則民性弗及也」 為無王之世不教之民莫能當善善之難當如此而謂萬民之性皆能當之過矣質於禽獸之性則萬民之性善矣質 **次答謂性** 見當其未覺可謂有見質而不可謂見今萬民之性有其質而未能覺譬如瞑者待覺教之然後善說 ·禾未可全爲米也善出性中而性未可全爲善也善與米人之所繼天而成於外非在天所爲之內: 自至必待先王之教乃知所從事』(新書六術)與荀子同而言人生而有仁義禮知信和(同上已見前。 ;使得發於外者心也故心之為名栣也人之受氣苟無惡者; |為惡也蓋董子之說一本之陰陽天不能有陰而無陽人性卽不能有惡而無善故其言亦曰『栣衆惡於 真天天生民性有善質而未能善於是為之立王以教之此天意也民受未能善之性於天而退受成。 籍作 知以意改正) .善與目之瞑而覺一槪之比也』又曰『性如繭如卵卵待覆而爲雛繭待鏁而爲絲.。 成民之性爲任者也。」(以上皆深察名號篇)曰善出性中曰性有善質是雖不以性爲善。 之名乃取之聖聖人之所命天下以為正正朝夕者視北辰正嫌疑者視聖人聖人以 (同上)董子不從性善之說非近於荀子乎然與荀子亦有不同賈生謂『凡人』 心何椎哉吾以心之名得人之誠人之誠有 也天之所為有 幽而瞑待覺而 當其未覺可謂 性待 資有仁。 数而! 而亦 則 爲 弗

義。 謂其說雖 流能 義與 上)惟以性爲兼有貪與仁故不認性爲純惡而亦惟以性爲兼有貪與仁故不謂性爲能自善然荀子不 利 殊其意可以相 ·使其好義不勝其欲利也』 (大略)即荀子亦不能定言人性之有惡而無善故吾囊於孟荀之言性而 者人之所兩有也雖堯舜不能去民之欲利然而能使其欲利不克其好義也雖桀紂亦不能去民之好 通觀於賈生董子之書乃益信古人之或取於此或取於彼意皆各有所爲若必執其。 而

### 三仁義

強分之,豈爲能知言者之意者乎。

爲也。 義者、 誹諸人人之所不能受也其理逆矣何可為義義者謂宜在我者宜在我者而後可以稱義故言義者合我與宜以爲 **IE** 人也義之爲言我也」(仁義法)而尤莫精於以人我言仁義之分其言曰「仁之法在愛人不在愛我義之法在 言。 我不在正人我不自正雖能正人弗予為義人不被其愛雖厚自愛不予為仁」曰「夫我無之求諸人我有之而 以此 一子以陰陽言性亦以陰陽言善故或仁智並言或仁義並言曰「仁而不智則愛而不別也智而不仁則知 謂之不自好以此參之義我 」(必仁且知篇 義主 操之義之爲言我也故曰有爲而得義者謂之自得有爲 我也。 故 以 日 仁 者 人 曰『春秋之所治人與我也所以治人與我者仁與義也以仁安人以義正我故仁之爲言 也義者我也此之謂也君子求仁義之別以紀人我之間然後辨乎內。 也明矣是義與仁殊仁謂往義謂來仁大遠義、 而失義者謂之自失人好義者謂之自好。 大近愛在· 人謂之仁宜 外之分而 在我謂-著於 而不

明白者鮮矣此其醇粹以精之言深有得於儒之精神命脈者而世之談童子者往往遺之反糾纏於其陰陽五行之明白者鮮矣此其醇粹以精之言深有得於儒之精神命脈者而世之談童子者往往遺之反糾纏於其陰陽五行之 之情稱人之惡謂之賊求諸己謂之厚求諸人謂之薄自貴以備謂之明實人以備謂之惑是故以自治之節治人是。 順 弗爾則弗敬仁義之處可無論乎」(以上皆仁義法)自孟子言仁義而仁義之言遍天下然如遵子分析若是之弗爾則弗敬仁義之處可無論乎」(以上皆仁義法)自孟子言仁義而仁義之言遍天下然如遵子分析若是之 居上不寬也以治人之度自治是爲禮不敬也爲禮不敬則傷行而民弗奪居上不寬則傷厚而民弗親弗親則弗信。 (本論語孔子語)不攻人之惡非仁之寬歟自攻其惡非義之全歟此謂之仁造人義造我何以異乎故稱其惡謂(本論語孔子語)不攻人之惡非仁之寬歟自攻其惡非義之全歟此謂之仁造人義造我何以異乎故稱其惡謂 《逆之處也是故內治反理以正身據禮以勸福外治推恩以廣施寬制以容衆』曰『「君子攻其惡不攻人之惡」 :非藥周鼎而實康瓠者耶。

# 第四章 淮南王安 附劉向

名譽招致資客方術之士數千人作爲內書二十一篇外書甚衆又有中篇八卷言神仙黃白之術亦二十餘萬言』 曰『鴻大也烈明也以爲大明道之書也』又曰、『其義也著其文也富物事之類無所不載然其大較歸之於道』而 二十一篇而如 (安本傳)則固非出自一手漢志雜家有淮南內二十一篇外三十三篇師古曰『內篇論道外篇雜說』今所傳 南子者言淮南王安所作漢書曰『淮南王安爲人好嘗鼓琴不喜弋獵狗馬馳騁亦欲以行陰德拊循百姓流 說山說林等訓皆雜說之類疑內外篇已錯亂不盡當時內二十一篇之舊也其書亦名鴻烈。

**个原道** 之言然當漢時儒道雜糅即諸家不免淮南如是又無足異也淮南王安後坐謀反誅其事甚冤而世或傳其仙。 末 於 世 |人四駅| 縄 **訓言『大丈夫恬然無思澹然無慮天下之事不可爲也因其自然而** 縄乎唯恐失仁義」秦族訓又言『善言歸乎可行善行歸乎仁義仁義者治之本也』先後乖迕不 不動思慮不用事治水澹(通贍)者未之或賜』繆稱訓言『上世 推之一修務訓又言、「自天子以下」 一體道而可 不德中世守德而 皆道家 弗 **宝、**則 愎也。

#### 一原道

**固挺妄不足道**。

先唱威而 而獨 者不先物為也所謂無不為者因物之所為也所謂無治者不易自然也所謂無不治者因物之相然也萬物有所生、 淮南 必以柔守之欲強者必以弱保之積於柔則剛積於弱則强觀其所積以知禍福之鄉」(原道訓)老莊只言柔而必以柔守之欲強者必以弱保之積於柔則剛積於弱則强觀其所積以知禍福之鄉」(原道訓)老莊只言柔而 而 則柔 ,强心盧而應當所謂志弱而事強者柔毳安靜藏於不敢行於不能恬然無慮動不失時與萬物。 , 知守其根百事有所出而獨知守其門故窮無窮極無極照物而不眩響應而不乏此之謂天解。 南之言道一本於老莊觀其原道訓可見也然亦有發老莊之蘊而爲老莊之所言之而未盡者曰「所謂」 而合於時也夫執道理以無變先亦制後後亦制先是何則不失其所以制人人不能制也時之反側間不容息。 剛並言焉又曰「先唱者窮之路也後動者達之原也所謂後者非謂其底滯而不發疑結而不流貴 應之所謂其事強者遭變應卒(同猝)排患扞難力無不勝敵無不凌應化揆時、 莫能害之是故欲 回 故得道者志弱 周 旋 轉 開者、 不爲 、其周

爱悲多志 先之則· 喜怒者 無有 之效在先 之、則 之舍也氣者生 平之至也不與 典 也、 道之本 則 非 履 物 外能牧之。(並同上)此與孟子稱「養心莫善於寡欲寡欲不存焉者寡多欲存焉者寡」合曰「 失是則淮南爲老莊之功臣 異於柔之謂也柔以成剛剛之用在柔柔之道在剛也其言先者亦非異於後之謂也後以處先先之要在後、 遺 接、 太 道之邪 क्त m 原 好僧 也是故得淮南之言而後老莊尚柔主後之意乃明而後爲老莊之學者乃於剛柔先後之間知所以 弗 過。 病乃 則 取 後之則不 無二觀 同 生焉好僧。 冠 《物散粹之至也能此五者則通於神明通於神明者得其內者也是故以中制外百事不廢中能得之、 之充 成積好憎繁多嗣乃相隨故心不憂樂德之至也通而不變靜之至也嗜慾不載虛之至 也憂樂者德之失也。 上 挂 丽 於淮 此 也神者生之制 -速夫日 弗顧非爭其先也。 興 孟 成 南 形而 而益信吾之所見不妄也。 子 回 稱 也又其言[ 而月周時不與人游故聖人不貴尺之壁而重寸之陰時 知誘於外不能 好情者心之過也嗜欲者性之累也人大怒破陰大喜墜陽薄 也。 持志蹇氣」 形者、 而 爭其得時也」 (同上) 非其所 E, **—**3 反躬而 Ţ 亦 合吾囊 生而靜天之性也感而 安也 天理滅矣』( 丽 論 處之則廢氣、 莊孟謂其有極相似處因 老莊只言後而淮 此文 不當其所充而 後動 小 戴樂記· 性之容也物 南 用之則泄 以為儒道 亦 有之但文稍 則先後並言焉然 難 得而易失也禹 至 गा 氣發瘖、 神、 神 用 應 非 有 也。 其所 異、 知之 不同 夫形 無所 熱怖 動 之趨時 日、 其言剛 īm 宜 好僧、 爲狂。 者、 用 其於 也。 āħ 後 知 而

二損益

其父日 「· 明易者九人所作號九師易若人間訓者亦九師易之流也且常人惟不知禍福之門故求福而福愈遠避禍 敗之。或備之適足以致之或遠之而近或近之而遠或貪生而反死或輕死而得生。」反覆於人事倚伏之無常繁徵 弦 夕惕若厲以陰息也因日以動因夜以息唯有道者能行之』曰『所以貴聖人者以其能龍變也』曰『 博引而爲之說可謂深切著明者矣而其歸則仍反之於易曰『君子終日乾乾夕惕若厲無咎終日』 為知人之所行則有以任於世矣。非深通於易者能言之乎今漢志易十三家有淮南道訓二篇以爲淮南王安聘、 Ħ, 君子居易以俟 而 皇皇然而莫知所以措此亦人世之大苦也而觀人間訓所稱『近塞之人有善術者馬無故亡而入胡人皆弔之。 道之運見於消息消息之應在於損益損益之理易之幾也老子知易者也故曰「物或損之而益或益之而損」 戰近 良以意乙改)其子好騎墮而折其髀人皆弔之其父曰「此何邈不爲福乎」居一年胡人大入塞丁壯: 『事或欲以利之適足以害之或欲害之乃反以利之事或奪之而反與之或與之而反取之事或爲之適足以 刷兮福所倚]。 蚁』(見淮南人間訓亦見說苑家語)夫欲明道而不通消息損益之故道未有能明者也善乎淮南之人間 塞之人死者十 此何遠不爲關乎」居數月其馬將胡駿馬而歸入皆賀之其父曰「此何遠不能爲禍乎」家富良馬(舊 命。 福者禍所伏。] 孔子知易者也故讀易至於損益未嘗不嘖(同喟)然而歎曰、『損益者其王者 丽 九此獨以跛之故父子相保」 班子亦曰「知其不可奈何而安之若命」( 莊子人間世)嗚呼此知命之學儒與 則禍之爲福福之爲禍豈人之智所 可盡 測 I乾乾以陽i 哉。 是以 知天之所 面 者引 動也。

### **所共之者**均

### 三天文地形

地清妙之合專(同 水月內景吐氣者施合氣者化是故陽施陰化天之偏氣怒者爲風地之合氣和者爲兩陰陽相薄或而爲雷。 月星辰地受水液塵埃天道日圓地道日方方者主幽圓者主明明者吐氣者也是故火日外景幽者含氣者也是故 異冥洞洞**獨**獨故曰太始太始生盧默盧戰生宇宙宇宙生元氣元氣有涯垠清陽者薄驟而爲天重濁 中土多聖人皆象其氣皆應其類。一日,東方川谷之所注日月之所出其人兌(同銳)形小頭隆鼻大口處肩企 類生是故山氣多男澤氣多女水氣多暗風氣多歸林氣多癰木氣多傴岸下氣多爐石氣多力險阻氣多壞暑氣多類生是故山氣多男澤氣多女水氣多暗風氣多歸林氣多癰木氣多傴岸下氣多爐石氣多力險阻氣多壞暑氣多 蠢。 為萬物積陽之熱氣生火火氣之精者爲日積陰之寒氣爲水水氣之精者爲月日月之淫氣精者爲星辰天受日。 亂 寒氣多壽谷氣多痹丘氣多尩衍氣多仁陵氣多貪輕土多利重土多遲濟水音小濁水音大湍水人輕遲水人重。 **籔通於目筋氣腦焉養色主肝長大旱知而不審其地宜麥多虎豹南方陽氣之所積暑溼居之其人** 南之書於備道外亦雜有陰陽之說然其言天地生成人物變化之理頗有足紀者天文訓曰「 而 、吡竅通於耳血脈腮焉赤色主心早壯而夭其地宜稻多兇象西方高士川谷出焉日月入焉其人末僕修 為霧陽氣勝則散而為雨露陰氣勝則疑而爲霜雲」此其言天地之所以生成也地形訓 · 摶)易重濁之凝竭難放天先成而地後定天地之變精爲陰陽陰陽之專精爲四 百, **一** 天 (地未形) 者發滯 時四時之散 土地 修形兌上大 各以其 激 題 而為 爲

四達風氣之所通雨露之所會也其人大面短頤美獨(同體)惡肥竅通於口膚肉屬焉黃色主胃慧聖而 蟄蟲之所伏也其人禽(讀脅)形短頸大屑下尻竅通於陰骨幹屬爲黑色主腎惷恩而毒其地宜菽多犬馬中央 地宜 而不可考矣至其說有合有不合固不得以今日之學術例之。 大沙土之人細息土之人美耗土之人醜。而呂氏春秋園道畫數等篇說亦略同意者淮南之論亦述而非作數然、 景等說以爲會子之言(荀子解蔽亦有精明外景濁明內景云云)易本命篇亦言『堅土之人肥虛 | 禾多牛羊及六畜|| 此其言人物之所以變化也考大數記骨子天圓篇已有天道曰圓地道曰方火日外景、 仰)行竅通於鼻皮革屬焉白色主肺勇敢不仁其地宜黍多旄犀北方幽晦不明天之所閉也寒冰之所 土之人 好治其

略。班 成間所上封事與京房翼奉蓋相類(見漢書本傳)然說苑反質篇謂『信鬼神者失謀信日者失時』而敬慎篇 周 之務民之義近鬼神而遠之者不同也而向之論如此則獨與儒爲近成帝時向領校中五經秘書子歆繼之遂傳七之務民之義近鬼神而遠之者不同也而向之論如此則獨與儒爲近成帝時向領校中五經秘書子歆繼之遂傳七 稱孔子之言曰「存亡瀾鶥皆在己而巳天災地妖亦不能殺也」夫陰陽家舍人事而任鬼神(見藝文志)與備 在外戚故卒不至柄用向所著書有洪範五行傳說苑新序列女傳等而五行傳已佚大抵其學頗難陰陽觀 漢宗室能著書立說者淮南王安外有劉向向字子政本名更生專宣元成三朝前後居列大夫官者三十餘 古文 同因以 (尚書而· 爲藝文志者也而志有向說老子四篇諸子之書得以不墜者向之功爲多其後子歆好左氏春秋毛時、 古文之學遂顯於世故治漢學者輒稱向父子云向之說性見後王充荀悅章茲故 年值 其元

## 第五章 揚雄

君山、 容貌不能動人故輕其實若使遭遇時君更閱賢知爲所稱善則必度越諸子矣」(並見雄傳)今法言十三卷太 審稱 三公權傾人主所薦莫不拔擢而雄三世不徙官及莽篡位談說之士用符命稱功德獲封爵者甚衆雄。。 好詞 桓譚曰【子常稱揚雄書豈能傳於後世乎」譚曰【必傳顧君與譚不及見也凡人賤近而貴遠親見揚子雲祿位 卷具存然玄文詞艱深不如法言之大行也。 著有新論已佚)雄以成帝時游京師給事黃門與王莽劉歆並哀帝之初又與薰賢同官成哀平間莽賢皆爲 其不汲汲於富貴不戚戚於貧賤用心於內不求於外(雄本傳)非耀言也雄旣死大司空王邑納言嚴尤謂其不汲汲於富貴不戚戚於貧賤用心於內不求於外(雄本傳)非耀言也雄旣死大司空王邑納言嚴尤謂 雄字子雲蜀人少而好學不爲章句訓詁通而已傳覽無所不見簡易佚蕩口吃不能劇談默而好深沈之思當、 赋、 既而 小之以爲壯夫不爲也於是作太玄以擬易作法言以擬論語然時人皆忽之惟桓譚以爲絕倫。 復不侯 (譚字 故漢

#### 一太玄

轉故有九州。部三而轉故有二十七部家一而轉故有八十一家一爲天二爲地三爲人故有天玄有地玄有人: 方日州日部日家最上爲方順而 玄挺易之膏也易以八八為敷故其卦六十有四玄以九九爲數故其首八十有一易卦之爻三玄首之位四曰、 數之至於家易之爻分陰陽玄之位分一二三方二十七首而轉故有三方州 九而

之說是玄取意於易取象於洪範以洪範言易者蓋自雄始矣。 下相因醜在其中。」玄數旣以三八爲木四九爲金二七爲火一六爲水五五爲土而贊辭亦象金木水火之形而爲 者易言陰陽而不言五行而玄首有九贊所以擬易之爻辭者也則以五行配之故玄瑩曰「鴻本五行九位施重上。 也君子日彊其所不足而拂其所有餘則玄道之幾矣』然則極深而研幾者其唯易與玄乎雖然玄亦有與易不同。 子其始庶幾乎有不善未嘗不知知之未嘗復行也」而玄亦曰『人之所好而不足者善也人之所醜而有餘 地其難知者吉凶之幾而易知者善惡之應故易繫曰「善不積不足以成名惡不積不足以滅身」又曰「顏氏之地,其難知者吉凶之幾而易知者善惡之應故易繫曰「善不積不足以成名惡不積不足以滅身。」又曰「顏氏之 之在前忽焉在後仰之彌高鑽之彌堅』孔子與老無二則易之與玄亦無二也且易之崇高也如天其卑近也之在前忽焉在後仰之彌高鑽之彌堅』孔子與老無二則易之與玄亦無二也且易之崇高也如天其卑近也 者失亦得之。」此揚雄之所本也然孔子繁易亦言『易之爲書也不可遠爲道也屢遷』而顏子之歎孔子則曰『瞻 事於道者道者同於道從事於得者得者同於得從事於失者失者同於失於道者道亦得之於得者得亦得之於失事於道者道亦得之於得者得亦得之於失。 名本於老子老子曰『玄牝之門是謂天地之根』而其所以狀玄者曰『迎之不見其首隨之不見其後』曰『從 若天蒼蒼然在於東面前面西面北面仰而無不在焉及其俛(同俯)則不見也天豈去人哉人自去也』蓋玄之 天名之』是故 而望之在乎前 二十七玄告曰『善言天地者以人事善言人事者以天地』玄罽曰『夫玄也者天道也地道也人道也兼三道而二十七玄告曰『善言天地者以人事善言人事者以天地』玄罽曰『夫玄也者天道也地道也人道也象三道而 棄而忘之在乎後欲違則不能默則得其所者玄也」又曰『近玄者玄亦近之遠玄者玄亦遠之臂 [言天地人則三而言玄則一也雖然所謂玄者何也玄辮曰、[仰而視之在乎上俯而窺之在乎下企 亦如

### 二法官

所以求爲君子也求而不得者有矣夫未有不求而得之者也歸驥之馬亦驥之乘也歸顏之人亦顏之徒也」(學 曰『山經之蹊不可勝由矣向牆之戶不可勝入矣曰「惡由入」曰「孔氏」孔氏者戶也」(吾子)曰『學者、 行)其論諸子也一折夏於孔氏故曰、『萬物粉錯則懸諸天衆言淆亂則折諧聖』(吾子)曰、『莊楊蕩而不法。 又或問「鄒莊有取乎」曰「鶴則取愆則否」「何謂德愆」曰「言天地人經德也否愆也」(問神) 國者各十餘年是夫。」曰「詐人也聖人惡諸」曰、「孔子藏而儀案行何如也」曰、「甚矣鳳鳴而驚翰也」(淵 概革為鞠亦皆有法焉不合乎先王之法者君子不法也」(吾子)或問「僕秦學乎鬼谷術而習乎縱橫言安中 墨晏儉而廢禮申韓險而無化鄰衍迁而不信」 (五百)或陶「公孫龍龍辭數萬以爲法法與」曰『籔木爲基、 成曰「孫卿非數家之書倪也至於子思孟軻詭哉」曰「吾於孫卿與見同門而戶也惟聖爲不異」(君子)蓋 言有合於聖人則取之言有背於聖人則弗取故其於老子亦然曰「老子之言道德吾有取爲耳及搥提仁義絕滅 論孟子荀子可以見其意或曰、「子小諸子孟子非諸子乎。」曰、「諸子者以其知異於孔子者也孟子異乎不異。 學吾無取焉耳』(問道)抑雄雖言必稱孔子而亦非墨守孔子之道而不知變者或曰『以往聖人之法治將 妻之學雖兼孔老而作法舊則以孔顏爲歸故曰、「有教立道無心仲尼有學術(同述)業無心顏淵。」(學行) 然雖過諸子而亦未嘗無所取之故或曰【莊周有取乎】曰【少欲】【鄒衍有取乎】曰【自持】(問道) 此親其

所自得其所宗不敢與前人建其所自得亦不嫌與前人異此所以能成一家之學而不同人云亦云也數。 矣』(先知)故其稱孟子以爲知官之要知德之與(君子)而言性則與孟子異曰「人之性也善惡混修其善矣。」 關於表焉,昔者堯有天下舉大綱命舜禹夏殷周屬其子不膠者卓矣唐虞象刑惟明夏后肉辟三千不膠者卓矣堯 來醬猶膠柱而調瑟有諸」曰『有之』曰『聖君少而庸君多如獨守仲尼之道是漆也』曰『聖人之法未嘗不 則爲善人修其惡則爲惡人氣也者所以適善惡之馬也與」(修身)大抵古之學者於道必有所宗而於學必有 親九族協和萬國湯武桓桓征伐四克由是言之不膠者卓矣禮樂征伐自天子所出春秋之時春晉實予不膠者卓

# 第六章 王充 附王符仲長統

欲也不以其道得之不居也貧與賤是人之所惡也不以其道得之不去也」案其語氣本於不以其道句斷卽謂人 為象類之驗終不免陰陽之疑說而問孔刺孟所以証機二聖者又皆不會孔孟之意如孔子言「富與貴是人之所為象類之驗終不免陰陽之疑說而問孔剌孟所以証機二聖者又皆不會孔孟之意如孔子言「富與貴是人之所 則有變虛異虛歧虛膈虛漏虛調時譏日難歲之作可謂不惑於流俗者矣然盛稱瑞應又以董仲舒設土龍 可聽不務深迂而難賭」(自紀)故其書務在露文不以深覆典雅爲尙當東漢時學者奠不言陰陽尊識緯而充。 其其乃閉門潛思著論衡八十五篇二十餘萬言而謂『筆著者欲其島晚而難爲不貴難知而易造口論務解分而 王充字仲任會稽上虞人嘗受業太學師事扶風班彪好博覽不守章句博通衆流百家之言以爲俗儒守文多失 以

邌 道 **IIIE** 政 m 不 "得富貴" 易。 숛 務 充不 書、 養性 詳 ր IÍI 也。 書。 審、 荀 不以 不以 乃謂 見漢 /其道而 其道 **貧賤當言去不當言得以爲孔子吐辭未** 書本傳 ) 雖欲富貴不可終處人無不惡貧賤而苟不以其道雖惡貧賤不可卒去。 得貧賤如何(本充語)不知 **今惟** 論 衡具存章帝時, 公車徵。 此 自當 悉信己太過、 充以 時 說論 病不行和帝永元 ?疑古太甚此 語者誤以不以 中卒於家蓋七 則 充之失也。 )其道: 連 下得 m 充又作 充 干 之爲 疑 餘 譏 句、 以 其 俗

宗之命 之生含血之類知 此 iffi 仲 故 是 生五 子自生矣天動 天之 任之 謂 自長。 天 星 學亦 常 穀 動 爲 自然 終麻 同 非關桑穀之存 人作農夫桑女之徒也不合自然故其義疑未 行 自 本之黄 去。 髲 也、 以衣食 施 未 於人心 景 飢 不 氣 老故故 欲以生 自不 知寒見五 也。 體 人由(同猶 七也。 矣如 動、 說 死。 氣 天地生: 非 物、 乃出、 天瑞 一穀可 以 而 物 善 食取 自生、 異虚 物 物、 爲 言 )其有災變不欲以譴 乃生 可 故。 而 出 自然爲在無 此 使 \_ 於自然曰、 矣。 **札梁之妻嚮城** 則自 食之見絲麻可衣、 星 卻 然也。 也。 人 動 為何 施氣 氣 - $\overline{\phantom{a}}$ 可從 變虛 天 也、 居。 體 而 告人也物自生而人衣食之氣自變而 不 地 欲 他」( 合氣、 | 哭而城爲崩充曰、 取 動 桑穀生物 爲物、 (自 而 氣 萬 衣之或說以爲天生五 75 【物自生 同上) 然) 出、子 而 朝、 物 自為此 故 高宗 亦生 以 熒惑守心 推此 獪 也。 夫 側 則 以释災變威應則 城 身行 夫人之施 婦合氣子自 適自崩 無 宋景有三善言而 道、 爲 心而桑穀亡。 也。 穀以 **杞梁妻適哭下** 氣 食人生 生矣。 也、 (同上) 人畏懼之以若 非 充臼、 日、 欲 -叉曰、 絲 以 夫天之 生子。 自 星 麻 · 徙 充 然 世好 是高 以 萬 衣

不

日,

物

人。

施

曰、

坐僉曰、 以言天 以 父之於子用意 之書 人、 蚓 孔 歎 羲始嘗草木可食者一日而 慮、 叢子 創 人物 À 丽 不 。 蟲生· 晚 原 見而附 而 霜 之所生以 出不能 人之際者也此 配天 載 下 其 誠如 則鄒 孔季彦見劉公客適有獻 土 實。 也。 致之優勝劣敗之說若然則傳言強凌弱衆暴寡不尤遠在仲任之前 者終乃以天而 成崩城之名、 至厚。 公教」季彦曰、 必爲列子之言) 』季彥孔僖之子見後漢書僖傳蓋亦章和時 行歎之致 為二 M 一者肾 凡 亦一 風雨 也。 至今不滅 胩 秉 发 遇七十二毒然後五穀乃形非天本爲人之生也蚊蚋食人蚓 <u>\_\_\_</u> 論之必至。 氣於 人。 雷霆星流 「愚意竊與 蓋自上 感 天地。 魚者、 H 虚 也。 **缚於天人威應之** \_\_\_ **充**自紀、 固非獨 <u>{#</u> 公孰 鄒 111 H 所見拘、 智力强 蝕之變以及 以 衆君子不同以爲萬物之生各稟天地未必爲人人徒以 À 視 仲 魚歎 與天 謂 常夏而 弱、 任 -更相役 地 曰, 浮 草木 人識 参其 цþ 華 「厚哉天之於人也生 以數天爲隕 虛 Im 能 鳥 偽之語、 屬。 視 人而所言與充甚相似(列子說符亦有 無復 見及於此也。 置 獸奇生異類之出沒變現一皆爲人 人不與物 可以 其 在己而 霜。 莫不 光 曰、 自 主勢極 證 定。 比故漢儒自董仲舒皆以爲天之於人如 幕其 **今人罕見季彥之書見仲任所**: <del>---</del> 五穀以 衎 <u>\_\_</u> 則 觀此、 耶。 在 Ŋ 天、 反。故 拘 為食育鳥歌 信 Ifri 本荀 說 蟲食土非天 **歎、** 11. 者逐託 能 子語! 時 為實 獣以 霜 見 意 適白 丽 知、 綸 天論、 有於是始之 此 於自 故 得而 為之 者 為蚊 論、 矣。 下。 然列 作、 然、 玆 食 肴。 世 乃詫 爲伏 非 蚋生 ൬ 卋 見適 所 窮 子 衆 觀

### 二命義

伸 任 著 膏、 多 非 儒 者。 而 喜 命、 뗏 圍 有取於儒曰。、 「墨家之論以爲人死無命儒家之議以 爲人死有命子夏曰、 死

## 第二編 中古哲學史

於外面 何故 同 豫雕。 其禍乃以壽 以 成、 生 雷富貴遺當盛之祿 而吉自至故曰正 者。 审 不 遺凶顏 可 充不取 日、 一 冶 其樣之半者也今充以行有善惡不能移命而謂『命吉之人雖不行善未必無肅凶命 遭遇幸偶遂以 得凶 首之、 富貴 談命之書 當得 小 傳 大。 副編故日 《淵困於學以才自殺伯牛空居而遭惡疾及屈平伍員之徒盡忠輔上竭王臣之節而楚放其身吳烹其は終夫如是隨命之說安所驗乎又若顏爛伯牛之徒如何遭凶顏淵伯牛行善者也當得隨命福祐隨至。 百、 二 人 随 随 人 在 命 、體已定不可 命之福乃觸遭 天。 命、 說命有 莫過於易易大有之象曰 而 短 A 遭命夫行惡者禍 命随命者数力操行、 長 成完遭遇不幸偶遂以 常安不危以命當 取 心道命故其言 미 稟元氣於天各受壽天之命以立長短之形猶 得 可 三一曰正命二曰題 減 論 命之嗣、 增。 也。 用氣 言 」(富貴 命机、 随而至。 賃 賤、 何 爲 哉。言 日、 一 性、 而吉福至縱情施欲、 敗 遇 Œ 性 <del>-</del> 命三日遺命。 《傷是典》 君子以 随命 成 當衰之祿則 Ý 而盜跖莊蹻橫行天下聚黨數千攻奪人物斷斬人身無道甚矣宜 天 **於命定體氣與** 有命 上 則 見 有験。 命義以下日 命融 遏惡 無遭 湯養順一 上正命 有遭遇、 幷 禍 命言遺命則無隨命儒者三命之說、 而凶 殃 形 者 乃至、 也中不 見無 骸相 天休命』 石字偶命者 嗣到。 謂本稟之自得吉也性然骨善故 常苦不 抱生死與期節 陶 形 春用· 遂成、 故曰隨命遭命者行善得惡、 此其取儒家 土爲鹽廉公 命在 (善轉) ·樂。 故· 有貧富貴賤也沒 為惡若是 天而 <del>大</del>遭遇幸偶 相 順命 須。 有命之說 冶者用銅 形不可 者在 奥 滁 之人強勉操行未 命 或 者、 竟何所定乎」(命 變化命不可 爲杵杅矣器 人。 也。 滁 典 盛 非所 故 離 不 然 命 衰 假 亦有 命 者 祿 奥 冀望逢 操 者天與 也。 井、 廢 行以 奥 或 也。 形 必 以命 儶 奥 命 遇 遇 求 不 加。 無 兪

奥旨充亦未之能及也。 刻意 子)充於有命無命含墨而取儒而於隨命遭命則含儒而取道蓋以自然爲宗連類必至於此然老莊歸根復命之 其久也。』稱孔子戒愼已甚(見幸偶)使人之力無與於命則孔子之趣而疾行不已怯乎且古之說命者有三墨子 向行故主無命道家因任自然故言有命儒家雖言有命而實在道墨之間故曰「求之有道得之有命」(孟 (命義)其亦異於易之云矣且充書引魯城門久朽欲頓孔子過之<u>越而疾行左右日</u>『久矣』孔子曰『惡

### 三本性

之徒、 孩子始生未與物接誰命悖者孟子之言情性未爲實也然而性善之論亦有所緣一歲嬰兒無爭奪之心畏大之後、 無親非是莫滅羊舌氏。」途不肯見(見左傳昭二十八年國語晉語))紂之惡在孩子之時食我之亂見始生之聲。 之性性惡不出長大爲亂不變故云也羊食我初生之時叔姬視之及堂閒其啼聲而還曰「其聲豺狼之聲也野心之性性惡不出長大爲亂不變故云也羊食我初生之時叔姬視之及堂閒其啼聲而還曰「其聲豺狼之聲也野心 之言人幼小之時無有不善也微子曰、「我舊云孩子王子不出」(見尚書微子)村爲孩子之時微子賭其不善 則善長惡性養而致之則惡長」如此則性各有陰陽善惡在所養焉故世子作養書一篇宓子賤漆雕開公孫尼子則善長。 **論孟荀以下言性之不齊而獨以世碩之說爲正其言曰「周人世碩以爲「人性有善有惡舉人之善性養而致之、** 仲任言命謂『性與命異性自有善惡命自有吉凶』(命義)其性有善惡之論蓋本之周人世碩故本性無歷 亦論情性與世子相出入皆言性有善有惡孟子作性善之篇以爲「人性皆善及其不善物亂之也」若孟子

其 移。 遠 胶 分 也。 於東 漸 傳 日「譬婚す 上智下愚不 利 夫中 西、 狂 楢 人之性在所 ų, V 無 悖 練 :分於善 移紋知告子之言未得實也夫告子之言亦有緣也詩曰「彼姝之子何以與之」(詩腳風干旄) 行, 絲染之藍則 由 此 **乃習焉習善** 惡也。 生也告 青染之朱則亦」夫決水使之東 無分 子與孟子同時其論「性無善惡之分譬之湍 而爲善習惡而 | 於善惡| 可推 為惡也。 移者謂 至於極善極惡非復在習故孔子曰「惟 中人也不善不惡須 西、 酒染: 綠令之青赤也孫卿又反孟子作性惡之篇。 水决之東 教成 《者也孔子》 則 東決 日、 之西 -- ¬ 上智 性 則 相 與下患不 近 四。 夫 担っ 水無 習相

以爲 莊 蹯 性 司 未 一人性惡。 勵 爲得 惡 刺 人之盗 者、 為善 實。 雖 能 然 其善者 也。 矣。 而 察之猶背醴 (陸賈) 性 明 惡之言 能察己口能 曰、 偽 也。 「天地生 畔義。 有 若孫卿· 緣 論賢、 義挹: 也。 Λ 之言人幼 歲嬰兒 於惡( 、性惡不爲何益於善陸賈之言未爲得實董仲舒覽孫孟 也以以 禮 原作 義之 無推 小無有善也。 善誤)不能爲也。 性人能察己所以受命、 讓之心見食號欲 稷爲兒以種樹 故貪者能言廉亂者能言治盜 食之睹好啼 則順。 爲戲。 順之謂 **微玩之長** 孔子 能行、 道。 夫 性 以 大之後禁 俎 之書 <u>ज</u>. 萰 為弄夫 作情 跖 者 情 不 非 待 割 性 人 之說。 八之竊也。 察 孫 欲 卿之 而 勉 Ħ, 厲 自

**於陰者也。** 天之大經一陰 若仲 舒之言謂孟子見其陽孫 陽人之大經一情一性。 卿見其陰也。 性生於陽情生於陰陰氣 處二家各有 見可 鄙陽氣仁曰性善者是見其陽 也不處 人 之情 性。 懵 性 有 善有 也 調 惡未 惡者 也。 是見

物 情 而 然者 性 雨 也。出 生於 形於外形外則謂之 陰 陽。 情 性 於陰 陽 安 能 陽。 不 純 發者則謂之陰」 善。 仲 · 舒之言· 未能 夫如子 得實。 劉子 政之言乃謂情爲陽性爲陰 政日、 性、生 而 然 者 也。 在 也惻 於身 隱不 m 不 忍电 發。 接於

焉。 以為 然充作率性黨謂『人性善者固自善矣其惡者故可教告率勉使之爲善』又謂『人之性善可變爲惡惡可』 之善惡爲有定是故上智下愚不移者乃其不肯移非不可移也荀子曰、「小人可以爲君子而不肯爲君子君子可之善惡爲有定是故上智下愚不移者乃其不肯移非不可移也荀子曰、「小人可以爲君子而不肯爲君子君子可 善』又謂『堯舜之民可比屋而封桀紂之民可比屋而誅如此竟在化不在性』則充雖主性有善惡、。 上)充之意世碩言性有善有惡足兼三家之義故獨取之而於孟荀之主性善性惡卽亦謂其言有緣不盡非之也。 者又充曰『孟子言人性善者中人以上者也孫卿言人性惡者中人以下者也揚雄言人性善惡混者中人也』 (同 著於志而公孫尼子註亦云七十子之弟子令其書皆佚以充之所言推之要守孔子性近習遠上智下愚不移 考漢志儒家有世子二十一篇注名碩陳人也七十子之弟子又漆雕子十二篇宏子十六篇公孫尼子二十八 不 讓、 .性之發也有與接會故形出於外謂性任內不與接恐非其實且子政之言以性爲陰情爲陽夫人稟情竟有善惡. 性 也。 自孟 者 小 多矣然而於可相爲之道則皆莫能非充之瞽載論性之言最備而大旨亦不離此故比而。 人而不肯為小人小人君子者未當不可以相爲也然而不相 子以下鴻儒博生聞見多矣然而論情性竟無定是唯世碩公孫尼子之徒頗得其正』(本性有節文) 爲者可以而 不可使也』(荀子性惡)古令 述之以爲學者觀 而亦 非謂 之說 性

### 四訂鬼

既非墨家 **水之無命**。 而亦不取墨家之有鬼墨子明鬼篇具引杜伯殺周宣王莊子儀殺燕簡公( 論衡死僞作

萬、滿 然 復 爲 謂 以 若 無 所 思 何 效之傳曰、 以生 簡 世 見。 中 耳 鬼。 火 念存 由。 公、 題 能 堂 年夭 目、 A ٨ 曲 L 於疾病。 者、 死 爲 使 盈 則 想、 有 之事。 廷填 鬼有 É, 生而 滅 精氣 何 自 無 故 灰 以 見 歽 以為 億萬 獨 知 人病 更為 塞巷 伯 見鬼者何也。 知。 也。 異 能 能 樂 枚 死 物 路。 害人。 磐盲之人比 爲 鬼神之有 然火吾乃頗 則 數 Mi 也。 學 鬼。 相 計。 精 人 憂 不宜徒見 一个人之數 懼。 世 試 抦 馬。 氣 以 要催見力 充又為之說 滅。 能 見 題 能 別 不 物 鬼、 玩 於草 為精 人 可 所 疑 一二人 類 稻 物不 疑。 鬼出。 驗之死 伯樂之見馬、 見、 不若 死 丽 木。 氣 無 ٨. fie 仲任則 日、 也。 夫精 者、 能 非馬 凡 死 為鬼則 復爲 人不為 人不 \_ Ń 者 凡 脈 叉 者宋之庖丁學 多。 氣 形案火 謂、 病則不畏懼。 Ħ, 如 去 也。 庖丁之見牛 天地之間 為鬼 鬼、 人 -\_\_\_ 人、 人 似 党徒 死 無知不 死輙 天 不為 是而 M. 滅 地之 有 不 奥 脈 爲 **小能害人**。 解牛三 鬼偷 鬼非人 故得病 能 鬼則 非、 竭。 也。 性、 無 復燃、 能 伯 H. 竭 盘 |難分明如| 樂庖丁、 偽 更生· 道 目 而 類真。 何以 寢 死精 以況之死 同 精氣 年不見生 路 芝上、 灭。 哉。 杆、 滅。 驗之驗之以 榊 畏懼鬼 \_ ها 所 叉曰、 不能 為之也。 艡 滅 死 牛。 使 步 而 非 人 2至畏懼 偽) 别、 馬與 所見皆死 不 滅 形 <del>--</del>7 ---能 鬼 皆人 體 天 則 火 復 亦 物。 其 也。 朽。 復 地 牛。 八思念存 無以 人物 爲鬼、 朽而 营 然。 開 則存 人 闢、 無 4 且 亦 鬼之說 想存 知 也。二 成 也。 眀 死 人 知乎 更 矣。 見鬼、 皇以 物、 生 灰 并 想之所致 能 亦 人。 士。 想 來 為 物 耗 不能 宜 何 者 則 者、 以上 鬼 見數 随壽 辮。 用 用 也。 所 目 他。 物 虛 也。 令 爲 日、 精 牄 鬼人 死不 人之 見何 致之 至矣。 mi 死 百 死 世 人 Ŧ

也。

痢

者

困

劇

身

體

痛、

則

謂

鬼

持

繿

杖

殿

|撃之者|

見鬼把

椎

鏁

繩

墨、立

守

其

抦

痛

恐

催妄

見

之也。

初

疾

畏

簱

見

鬼之來。

見

則

病

見

鬼

旁。

困

恐

死見鬼之怒身

自

疾痛、

見鬼之擊。

皆存

想虛

致未

必

有

其質

也。

夫精念存

想、

或

泄

於目。

或泄

於

或

泄

於耳。

口。

謂、 有 鬼者歸也神者荒忽無形者也或說「鬼神陰陽之名也」陰氣逆物而歸故謂之鬼陽氣導物而生故謂之神神者、 能 於目、 也。 弗見聽之而弗閒。 氣疑爲人冰釋爲水人死復神其名爲神也、 畏懼則夢見夫人據案其身哭矣覺見臥聞俱用精神畏懼存想同一實也』 緰 也申復無已終而復始人用神氣生死復歸神氣陰陽稱鬼神人死亦稱鬼神氣之生人猶水之爲冰也水疑爲冰。 如 為人形之鬼至於陰陽鬼神之論.... 固不廢其言曰、『鬼神荒忽不見之名也人死精神升天骸骨歸上故謂之鬼。 其形象人人病且死甲乙之神至矣」(訂鬼)不能自信其學而逼為之說游移失據非所以釋物類同異之道 鬼者、 後 死)且易言『精氣爲物游魂爲變是故知鬼神之情狀』(繫辭) 目見其形泄於耳耳聞其聲泄於口口言其事畫日則覺(原作思誤)見暮臥則夢聞獨臥空室之中若有所 世之稱 老物 精 W 也鬼者本生於人時不成人變化而去天地之性本有此化鬼者甲乙之神也甲乙者天地之別氣。 目衣履與 體物而不可遺」( 人 無殊 者 中庸)禮祭義言『以其饶惚以與神明 也充以鬼神爲陰陽。 **猶冰釋更名水也人見名異則謂有知能為形而害人無據以論之也」** 而謂 人所見之鬼非死人之精神其說正與儒者合若又 孔子曰『鬼神之爲德其盛矣乎視之而 ( 訂鬼)雖然充之言無鬼者特言無 交無或饗之」儒家之言鬼神未嘗

謂 《漢書以王充王符仲長統三人合傳符字節信安定臨涇人在安順之世後於仲任有潛夫論三十餘篇見存其 傳姓於五音設五宅符第皆誣妄之甚』(卜列)又謂『人不可多忌多忌妄畏實致妖群』( 巫列) 略同

也。

釋物類同異

本充語

限夫田以断幷兼益君長以與政理去末作以一本業」凡十六事所以爲治之理甚具要之節信公理皆多言政治。 之謂 於符有昌言三十四篇十餘萬言今已亡其所見於本傳者理亂損益法誠三篇而已而損益言『明版籍以相數閱。 其言尤相類不信巫而信相亦可異矣(荀卿有非相知相之說由來甚久)統字公理山陽高平人生於漢末又後 仲任 也」(論衡骨相)『人 之言而充有骨相、 符有相 列謂 身體形貌皆有象類骨法角肉各有分部以著性命之期顯貴賤之表』 人命稟於天則有表族於體察表使以知命猶察斗斛以知容矣表族者背法 (潛夫相列)

玄因從質諸疑義問畢辭歸融喟然謂門人曰『鄭生令去吾道東矣』玄自遊學十餘年乃歸 堂進者五十餘生玄在門下三年不得見融而日夜蕁誦未嘗怠俗會融集諸生考論圖緯聞玄善算乃召見於樓上。 祖受周官禮記左氏春秋韓詩古文尚嘗以山東無足問者乃西入關因涿郡盧植事扶風馬融融門徒四百餘人升 至於綜博萬彙條析物理不如仲任 徒 **「秋途著公羊墨守左氏膏肓穀梁廢疾玄乃發墨守飯膏肓起廢疾休見而歎曰『康成入吾室操吾矛以伐我乎』** 鄭玄字康成北海髙密人也受業太學師事京兆第五元先通京氏易公羊春秋三統曆九章算術又從東郡張恭 相 随、 第七章 已數百千人及鈎 鄭玄 黨事起與同郡孫嵩等四 遠矣。 干餘 人俱被禁錮遂隱修經業杜門不出。 击 鄉里家貧客耕 任 城何 休、 好

門人 使 天文七章 玄 麗 幷。 功。 傳 並 京古學甚盛途又目博士爲今學章帝建初八年詔諸儒各選高才生受左氏春秋古文尚書毛詩等古文諸、 也。 要玄既舉玄茂才表為左中郎將又公車徵爲 相 論、稱 腤 行於 康 雖謂之集 後生疑 成之 軍。 孔融深敬於玄屣履造門告高密縣爲玄特立 相 百 不 政 與 世然今學古學時有爭論迄於漢末無所是正玄既兼通今古學故其注經雜采衆義不主一家范蔚宗於玄 『守文之徒滯固 學觀禮、 公論傳禮 在 得已载病到 依 而莫定玄囊! 方策 漢儒之大成未爲 論 語撰作鄭志八篇今惟三禮注、 學記 締給 者、 揣 元城 義六 广誓 注可以見之其言有日、 括大典網羅 測度 所 縣疾篤不進其年六月卒年七十 藝論毛 稟異端紛紜互相詭激遂分經有數家家有數說章句多者或乃百餘萬言學徒勞而 過也。 無實之言亦不足謂之學也是故其學雖無常師、 詩譜、 衆家、 玄所注有周 **小朋裁繁蕪** 駁 許慎 『所學者聖人之道在方策』 詩 **州大司農**。 譜箋、 易、 <u>Ti</u>. 尚書、 經 刊改漏失自是學者略 \_\_\_ 鄉、 尚完餘出後人 異 養答臨 日 玄以疾自乞還家後紹與曹操持於官渡令其子譚、 毛詩儀禮周 鄭公鄉黃巾之起皆相 四。 孝 存 融禮記, **掇輯不能全矣玄旣家** 周 鹏 知所歸。 難 必日 論語、 凡 而敷宜理 Ħ 聖人之道者小家雜 孝經、 約不敢入縣境袁紹總兵冀州遺 餘 معيا 高言。 蓋漢儒令古文家之說 简 道、 Ų. 書 启、 答諸 大 顷 八傳中候 能 難 極 嵐 弟 禁解不 子 乾象 開

Ŧî.

紁

者、則

歷。

叉著

至

玄而

15

受辟學。

使

羊、

是

西京以來五

經立於學官者易有施氏梁丘氏孟氏京氏說尚書有夏侯氏歐陽氏說詩有魯齊韓說。

**魯孔氏詩毛氏春秋左氏傳於民間謂之古學以別異** 

於

博士

所 職。

至

於

東

經、

由 是 春

秋

有公

穀梁

說。

有

戴氏

說而易費氏禮周官、

學 Jt. Aki Pen 說不 奥。 固 足謂之 不僅

精 禮 叉 其言孝之精者也醴曲禮「 重 顆 云「爲道也 官禮之精者 奠大於孝故爲德本』又「 如 猱升木」箋云『以喩人之心皆有仁義教之則進也』此其說心性之精者也中庸「仁者· 醴 在 句十 者也。 者應徵有道之人若鄭玄之徒。故康成於禮內可踐之躬行外可爲朝廷定制其發揮旁通盡在三禮之注唐孔 相 運、 云、 易之門戶耶」。 訓 人偶之人以人意相存問之言」此其說仁之精者也孝經「夫孝德之本也。 詁 有餘家覽者益難天子於是下詔(天子者魏明帝)但用鄭氏章句不得雜用餘家」是康成註禮之餘、 「禮是鄭學」 而康成所長尤在於禮袁宏後漢紀謂『 故 之群確 人 地 屬 也六藝論曰、 者天地之心也五行之端也食味別聲被色而生者也」注云、 卑 遷。 也。 叉云、 □ 愛動 乾坤定矣卑高以陳貴賤位矣動靜有常剛 特散於各審之注不易綜觀其全耳如體中庸「天命之謂性」 有典 (不居) 夫乾確然示人易矣夫坤、 <del>-</del> 易一 然也义晉曹刑法志云『秦漢舊律後人生意各爲章句叔孫宣郭令 周流六虚上下无常剛 毋不敬」注云『禮主於敬』孝經「1 死生之義備矣孝子之事親終矣」注云『尋釋天經地義究竟人情也行畢 名而含三義易簡一也變易二也不變三也故繁辭云「乾坤其易之蘊 鄭玄造夾顚沛非禮不動一 柔相 噴然 易不 示人 柔斷矣」 可爲 簡 矣易則易 典要唯 禮者敬而已矣」注云『敬者禮之本也』此 此言其張設布列 變所 知節 **—** 此 而當其時有餘 適。 則易從」 、言兼気 注 云、 教之所由生也」 此言順 性之效 **—** 不易者 此言其簡易之法 孝經 時變易 禮 人也。 泛議。 也。 說云性者生之質。 卿馬融、 也。 詩角弓、 出入 注云、 注云、 盧 ٠... 植 此 ¶孝成 』 此 耶」又云、 即云、 移動 阗 其言易之 <del>---</del> 人之行 玄諸 則 Ý 也。 者 也. 毋 也。 叉 其 教 馩

又注律夫禮所以爲教也律所以爲戒也禮禁未然之前律禁已然之後皆治國之大經防民之善器荀子曰『隆禮 **壍法則國有常」康成注律亦儒不廢法之一證也諸葛武侯常稱昭烈之言「吾周旋陳元方(** 見啓告治亂之道備矣」意康成之所以告昭烈者必有關於治亂之大而惟乎其語之不傳也。 紀) 鄭康 成間毎

不信律說者如詩良耜「有捄其角」毛傳云『社稷之牛角尺』鄭箋不據禮緯稽命徵宗廟社稷角攝之說以易 白帝白招短黑帝叶光紀」蓋本之春秋緯文耀鉤其名號怪異非儒者所宜稱遞故後人多譏之然康成之注亦有 成為專信緯候則亦太甚矣哉。 **稽六藝粗覽傳記時睹秘書緯術之奧」(後漢書玄本傳)於六藝曰博稽於傳記曰粗覽於祕緯則曰** 毛傳體月令「反舌無聲」注云、『反舌百舌鳥』不從通卦驗蝦蟇無聲之說似其去取亦自有擇故戒子書言、 M **判然故以緯釋絕則有之舍經而從緯康成亦不爲也要之漢人惑於圖緯術數無有能免者以王仲任之推倒。** 1. 独信符瑞气 成之失在於以緯釋經如周禮春官小宗伯「兆五帝於四郊」注云「蒼帝震威仰赤帝赤熛怒黃帝含樞紐。 信骨相況康成不失繩墨者乎至梁許懋云「鄭玄有參集之風不能推轉正經專信緯候之書」態康 一時賭輕重 一博 切、

## 第八章 魏伯陽

魏伯陽作參同契隋唐志皆不載其目惟晉葛稚川(洪)神仙傳云「魏伯陽上與人通實詩律。 文辭驗博修真

文、彌 作 假 乎。 保 通 像、 扶 簑 逃 技。 俉 物 至 性 虢 駁 ҂ 嗣。 通 一命之真、 於 之 同 填 象 以 非 京 父坐 然 約 避富 簱 雖 丽 形似之言譬 士所 益 觀 周 氏易好黄老言及父國卒威多藏厚亡之義散 本 多。 為之 羌沒 易 云、 後 於 也。二人皆方術之士而 非 漢 難 作 الجدت 面 易而 聖王 郡、 無水 書方: 叔 說。 信。 湬 通 愚 同 然 以 有與 乏所 於其 法下 者 況之 技 受學 契。 如 傳、 不 錖 桓 易 魏 説、 外 獄 以 帝 回 知 謂、 者也。 契文 不同 教 伯 以 契 死、 辟 <del>----</del>-意 者、 也。 服 漢 陽。 以 者易 逆志 聊以 授同 已明 抉 留為萬古丹 <u>\_</u> 終 自 常漢· m Ħ 性 言必 上言天道下陳 命之 歎 郡 或 示 帝, 末時、 於 流 日, 頗 淳 入。 稱 奥示修養之要。 爲 <u>---</u>] 于 犲 經 若張 心同 老氏 老子 日、 方 房 杈 Ŧ. 1 ئص 鸻。 通 死生之 尵 露 如此。 有言、 陵于吉左慈之流其 <u>\_\_</u> 天 火之邪見。 云云。 金帛資產品 後 見 下 事。 枝 世 則道家與 「名典 滚 徐隱藏 道 (非孟 協 域、 考漢 家言 而 **《志道家與** 꽃 周 身 此 同 無忧惕於胸中、 修 所謂 神仙 熟恕。 施親 細、 人之 本 挾 煉 根。 自 者、 託 過意 道 之合久矣班氏之序 疎或諫之像日、 \_\_\_ 蓋莫 誤、 吾豈爲名乎。 神仙、 號 藝之士莫不負 赅。 不 諸 平 茅 名覆 ů, 得以 然而 而張 本分 本之 曰, 同 死生之 為二。 霏 繆 陵傳天官章本千有二百 或 換文。 於參 者專以為務 魏 盈 君 遂 策 道 同。 域 也。 滿之 \_\_ 鰰 絕 抵 家 蓋理 是惡 宋張 掌、 而 仙 志 列 ~答道家所: 無 曰、 世 於 順 忧 諸 可 平 有 則 外、 風 惕 以 叔 難 誕 神 車 丽 子。 不 於胸 申、 欺 仙 精 屆。 神 濄。 伯 不 忠。 怪 泚 者、 經 仙 中者 乎。 端 得不 尤 迂之 典。 所 我 故廖 訓 為 以 乃 Œ

萬物 m **叉** 曰、 不 造。 <del>---</del>-惟曹聖賢懷玄抱真合精養 (繋解) 参同 則 専 以陰陽消 神通總三 息之道發 光津液 崩 長生 腠理筋骨緻堅衆邪辟除! 久視 之理。 故曰、 <del>-</del> 將 欲 簅 正氣長存』蓋因 性、 延 命 卻 期。 篰 思 易 後 未 當 噩 慮 成

人

幽

明

E

無

所

不

故

<u>س</u>

範

圍

天

八地之化

丽

不

曲

焚大槐有甚憂兩陷而 生火甚多衆 晚矣然莊子外物篇言『木與火相壓則然金與火相守則流陰陽錯行則天地大核於是乎有雷有霆水中有火乃。 相尅更爲父母』曰『 來言詩易者未有若此者也然言陰陽猶易道之本有也而又雜糅之以五行曰『則水定火五行之初』曰『五行 不獨處雌不孤居玄武龜蛇蟠糾相扶以明牝牡、 蓋同 意不過欲陰陽各安 人之作易也將以順 **、其條核實可觀』** 爲易之一 八人焚和。 端也又不特此 倘亦有然者乎。 其位而以互濟為用推此以論則雖為文屢變又未始不可解也契曰、 月固不勝火於是乎有價(同 性命之理」(說卦 無所逃墮蜳(司馬讀若忡融不安定也)不得成心若縣於天地之間慰醫沈屯利 金水合處木火爲侶』曰『三物一家都歸戊己』(戊己士也)其辭旣隱益以錯 也。 製中引關雎之詩「 )遂取黃老神仙之實比附而爲之說此與西漢京房之徒以易言占驗者、 竟當相須。 類)然而道盡」水火金木取寓為言其來尚亦甚久而 闢 關 雎 以詩之男女合易之陰陽而 鳩在河之洲窈窕淑女君子好逑」 並以爲性情 <del>--</del>---文約易思事省不 ihi É 機之山、 魂 7魄之矕自 害相墜、 要其大 互、 意難 一雄

內韄者不可 為室宅性主處內立置鄞鄂情主營外築完城郭城郭完全人物乃安」卽莊子所謂「 卽 莊子 所謂 參同一 書不獨言陰陽水火與莊子同也其餘亦多同於莊子者如云『在義設刑當仁施德逆之者凶順之者吉』 繆而 「以刑爲體以德爲循」者也(大宗師)云「陰陽爲度魂魄所居陽神日魂陰神月魄魂之與 捉、 將外捷、 者也(庚桑楚)云、『內以養己安靜虛無原本隱明內照形軀』即莊子所謂、 外韄者不可繁而捉將內捷 字 魄互

所謂「衆雌 命之旨亦儒家存心養性之道故朱子作譽同考異(託名空同道士鄒訢) 情合性轉而相與」曰「 泰定 者發乎天光發乎天光者入見其人」者也(同上)云「物無陰陽違天背元牝雞自卵其雛不全」即莊子 而 無 . 」曰「知白守黑神明自來。」曰「神氣滿室莫之能留守之者昌失之者亡」不惟老莊歸. 雄而又奚卵爲」者也(應帝王)而其文之尤明白易顯者曰「纖芥不正悔吝爲賊」曰 而總其要曰「陽 即注意運行陰即放 根 一推

與以毛鷺之分而刺仲尼皆耽小而忽大者也吾未解佛經之時雖誦五經適以爲華未成實矣吾旣睹佛經之說守 融許之而母病亡遂不果行融念以辯達之故輒見使命方世擾攘非顯己之秋也乃屏棄人事銳志於佛道以 之徒多有非佛者於是著理惑論三十九篇曰『至味不合於衆口大音不比於衆耳韓非以管闚之見而 章太守爲中郎將笮融所殺枚遺騎都尉劉彥將兵赴之恐外界相疑兵不得進乃請於融使往零陵桂陽假塗通路。 神冥寂』夫陰陽即藥物運行冥寂即火候金丹大道如是而已然則神仙儒道豈無相契者哉。 時位司空爲北海安丘人後漢書有傳謝无量哲學史認爲一人殊失檢點)靈帝末天下擾亂將母避世交趾後 康 **蒼梧太守閉其守學謁請署吏融以世亂無仕宦意逐不就旣而州牧以處士辟之融復稱疾不起會牧弟官豫** 集儒術之成伯陽開丹經之祖而當其時復有一牟融以佛教倡於天下融蒼梧人(漢有兩牟融其一在明 第九章 牟融 一膀堯舜接 世俗

第二編 中古哲學史

來如開雲見白日炬火入冥室焉。」其所以褒崇佛道者大抵如此考佛教自西漢末已入中國及明帝遺郎 等西取經像迎攝摩騰竺法蘭同止白馬寺翻譯西域所獲經十地斷結佛本生法海藏佛本行四十二章等五部中等西取經像迎攝摩騰竺法蘭同止白馬寺翻譯西域所獲經十地斷結佛本生法海藏佛本行四十二章等五部中 恬澹之性觀無爲之行遠視世事猶臨天井而闚谿谷登嵩岱而見丘垤也五經則五味佛道則五穀矣吾自聞道已 始故梁時僧祐撰弘明集以融理惑論并諸首今觀祐後序曰『俗士疑駭覺海鷲同河漢一疑經說迂誕大而 陽大起浮屠課人誦經會者至五千人則漢末佛教盛行可見也然若引中國賢聖之言闡西來覺王之教實自 土乃有佛經譯本釋氏稽古略(元釋覺岸撰)謂『自永平至建安共譯經二百九十三部』而獻帝時符融在丹 微晉代始盛以此六疑信心不樹」夫理惑論者固爲祛此六疑而作者矣。 二疑人死神滅無有三世三疑莫見真佛無益國治四疑古無法教近出漢世五疑教在戎方化非華俗六疑漢魏法 中蔡愔 | 本融

為之要皆對盲者 云佛經如江海其文如錦繡何不以佛經答吾問而復引詩書合異為同乎」 牟子曰「涡者不必須江海而: **觀焉。」**又曰『兼硏老子五千文』故其申述佛法而爲之辨理多假取經傳道德之文論第二十七篇云『問曰「子 於君父修之於閨門接之於朋友何復學經傳讀諸子乎」牟子曰「子未達其源而問其流也夫陳俎豆於壘門建 不必待敖倉 融雖役志於佛而亦兼通儒道各家之言理惑論稱「牟子旣修經傳諸子書無大小膽不好之雖不樂兵法然亦 而飽道爲智者設辯爲達者通費爲曉者傳事爲見者明吾以子知其意故引其事若說佛經之語、 說五色爲聾者奏五音也」 第二十篇云 問日 「若佛經深妙靡麗子胡不談之於朝廷論之 飲。 機者 談 無

老子)吾懼 旌 丘學 羲 旣 桧而 耽 者從。 族於朝 一老聃四日 詩 蘇張之庭功無分寸過有丈尺矣老子曰上士聞道動而行之中士聞道若存若亡下士聞道大而笑之。 不學乎」 **曹悅禮樂奚爲復好佛道喜異術豈能** 愈病 堂衣狐 上大笑故不為談也渴不必待江 者良。 師 雖聖比之於佛、 。裘以常裝賓被絲絡以御黃鍾非不麗也乖其處非其時也放持孔子之術入商鞅之門覺乖 君子博取衆善以輔 觀此融之奪 佛而卑孔老彰彰甚明然而合方內方外之談齊或出或處之義異日三教和同 · 猶白鹿之與麒麟燕鳥之與鳳凰也堯舜周孔且猶與之況佛身相好變化無方焉能 其身子貢云夫子何常師之有乎(見論 河 踰經傳美聚業哉」 而飲井泉之水何所不飽是以復治經傳耳」 牟子 Ė, 「書不必孔丘之言藥不必扁 語)堯事尹魯舜事務成旦學呂望。 第七篇云『 體之方合 問、 以上 軻之 一子子

## 融問已開其端矣。

非所 有 貫 道 可 之說大異於中土者首在 斯 行。 生。 指 死 陀 成 按 含斯陀 非所 人繁於妻子舍宅甚於牢獄牢獄有散釋之期妻子無遠離之念情愛於色豈憚驅馳雖有虎 विद् 者 也。 死。 漢。 1111 含者、 **\_** 阿羅漢者能飛行 佛  $\overline{\phantom{a}}$ 則 上上 楊朱 以 生死為輪 曰、 其言生死道家言生死者多矣然不過日、 還即得阿羅漢次爲須陀洹須陀洹者七死七生便證、 \_ 生生 變化曠劫壽命住動天地次為阿那含阿那含者壽終緩神上十 過超出輪迴便無生死四十二章經謂『沙門常行二百五。 者不生殺生者不死』 (莊子 )皆僅以 有生不生有死不死」 理言未嘗明示生死去來之迹若 P 羅漢。 -十戒 又以 列子 九天證阿 進止清淨 輸 迴之根 口之患心存 日、 生 羅漢。 爲四 在於

廢 之。 子曰「指南為北自謂不惑以西為東自謂不聽以鴟梟而笑鳳凰執螻蚓而調龜龍蟬之不食君子不貴蛙蟒穴藏、 又曰「問曰、 約之與錦 **胥子之所疑不亦宜乎」。11直道之有神仙方技猶儒之有陰陽圖緯也陰陽圖緯出而儒術晦神仙方技盛而道德荒。** 者矣。毫毛雖小視之可察泰山之大背之不見志有留與不留意有銳與不銳魯尊季氏而卑仲尼吳賢宰嚭不肖子 聖人不重孔子曰天地之性以人爲貴(見孝經)不聞尊蟬蟒也然世人固有啖菖蒲而葉桂實獲甘露而啜酢漿 漢自武帝以來方術之士抵掌而起而以漢末爲尤甚融自謂『未解大道之時嘗學辟穀數千百術行之無效故遂 廣求名樂與道乖殊」之言則此號所以誑惑天下者不獨非道亦且非神仙之原來而得融以闢之其功與王仲任 融 比其類猶五霸之與五帝陽貨之與仲尼比其形猶丘垤之與華恆涓瀆之與江海比其文猶羊鞹之與 **又**謂, 佛 巡 繡 老而 「神仙之術秋冬不食或入室累旬而不出可謂澹泊之至也僕以爲可尊而貴殆佛道之不若乎」牟 也。 · 神仙之書聽之則洋洋盈耳求其效猶提風而捕影是以大道之所不取無爲之所不貴焉得同 所從學師三人或自稱七百五百三百歲而未三載間各自殞殁』即魏君參同契亦有 力 距 神 仙之說曰「問曰、「王喬赤松八仙之簽神書百七十卷長生之事與 佛經豈同乎」牟子 「不得 虎皮、 哉。 **其**理、

## 第十章 荷悅

之斥災異黜威應又豈相

譲战。

折於

舞之前 身善禁之至於不禁」此猶是孔子道之以德齊之以禮正己而正人之意故范蔚宗稱其通見政體非諛言也、後。 體篇曰『善治民者治其性也縱民之情謂之亂絶民之情謂之荒善禁者先禁其身而後人不善禁者先禁人、 惡情也仁義常善而好惡或有惡故有情惡也」曰「不然好惡者性之取舍也實見於外故謂之情爾必本乎性矣。 漢書悅傳)而雜言篇論性則本之劉向向曰『性情相應性不獨善情不獨惡』悅之言曰『或曰「仁義性也好 好惡喜怒之情矣故人有情由氣之有形也氣有白黑神有善惡形與白黑偕情與善惡偕故氣黑非形之咎情惡非 情欲得 情之罪也」或曰、「人之於利見而好之能以仁義爲節者是性割其情也性少情多性不能割其情則情獨行 矣」曰「不然是善惡有多少也非情也有人於此嗜酒嗜肉肉勝則食焉酒勝則。 荀 . 義者善之誠者也何嫌其常善好惡者善惡未有所分也何怪其有惡凡言神者莫近於氣有氣斯有形有神斯有 得義 用乃作 字仲豫潁川人性沈靜好著述獻帝時辟曹操府遷黃門侍郎與孔融及弟彧同侍講禁中悅志在獻替而謀 鑒旣明後復申之故古之聖王其於仁義也申重而已篤序無疆謂之申鑒」(政體)要其所學咸本儒 酒性欲得肉也有人於此好利好義義勝則義取爲利勝則利取爲此二 也。 其可 日、 申鑒五篇而自述所以著書之意 易 者則兼取之其不可兼者則雙取重焉若二好鈞平無分輕重則一俯一仰乍進乍退」或曰、 乾 道變化各正性命(易乾卦彖辭)是言萬物各有性也觀其所 「日、「夫道之本仁義而已矣五典以經之奉籍以緯之詠之歌之弦之、 者 飲爲此二者相與爭勝者行矣非 相與 威而 爭勝者行矣非情欲得利。 天地萬物之情可 ifii 為惡 後

仁

情言 文公性三品之說本之於此然漢 分者. 也。 中心好之( 戚 蓋至條 (繋) 晰。 是言 詩 亦 悦之論性之言斯爲精到 唐 如之凡情意心志者皆性動之別名也情見乎辭(同上)是稱情也言不盡意(同 風) 情者應威 是稱 心也以制 而動者也昆蟲草木皆有性爲不盡善也天地聖人皆稱情爲不主惡也又曰爻象以 人之論 矣若或問天命人事曰『有三品焉上下不移其中則人 其志是稱志 性若是者甚 多。 也。 非悦 惟所宜各稱其名而已情何主惡之有。」其所 之獨 見 也。 (事存 爲爾。 以辨 Ŀ V 性 是 情之 一种意 韓

得 變化 長數 者、 所 愛神之謂 任焉』 (俗語 悦之說 人之息以喉 而 其 也。 ifii 以 氣 仙者、 運數: 昕 舒。 關 嗇否 倘有 以養 其 瘷 菲 嫌)其不信神仙蓋與 信乎」曰『未之前 神 呼 則不宜過則不濟。 稍 吸之氣以稟 鰰 人力之爲也。」曰、『 可述者則主養 專 ( 莊子大宗師 ) 也。 至. 寒暄 於以 虚盈消 關 同 性而 息 廩 聞 in 息 (同贍)故君子節宜其氣勿使有所壅閉滯底昏亂百度則生疾故喜怒哀 此 必得 |牟融同然或問「有養性乎」日「養性乗中和守之以生而已愛親 亦有仙人乎』曰、『僬僥桂莽產乎異俗就有: 氣 也然則異也非仙 斥  $\smile$ 授四章 特以喻重新輕躁之分非果指呼吸而 神 衎 矣故道 其中所以養體 仙。 體也。 或問 故氣長 者常致 神 仙之 。也男化爲女者有矣死人復生者有矣夫豈人之性 者以關息。 氣於關。 術。 也夫善養性者、 日、 是謂 **誕哉末之也已矣聖人弗學非** 氣 短者、 要術。 無 常術。 其息 <u>\_\_</u> 言也。 \_ 同 稍 得其 并其服 臍關呼吸之說惟神 仙人、 产 和 亦殊 夫 而已矣鄰臍二寸謂之關。 一般子言 稍 類矣。 促其神 惡生 <del>----</del> 政 稍 其 也。 仙家始 越至 終始、 人之 日、 爱 哉。 4 於以肩 德 息 氣 人 運 樂必 愛力 數不 有自 以 也。 短

存

恳

故黄庭外景經曰 也然王充膂有養性之書矣而董仲舒亦言『物生皆貴氣而迎養之養生之大者乃在愛氣。 『上有黄庭下關元後有幽闕前命門呼吸廬問入丹田』今悅不信神仙、 而取神仙關 حڪ 煮漢 **则息之術是** 世 繭 仙 方

**皎能辟** 盛。 可異 之過差氣悶不通良久乃蘇左慈到又競受其補導之術至寺人嚴峻往從問受閹豎真無事於斯術也人之逐擊乃 安平李單學其辟穀餐伏苓飮寒水中泄利殆至殞命。 信 至於是一云云則悅之不取黃白不取服樂不取導引蓄氣歷藏內視而獨取關息亦可謂知所揀擇者且曰、。 准 儒之雜 伴 鴻 穀餌伏苓甘陵甘始亦善行氣老有少容鷹江 神仙、 貿 1 猶其糅合於陰陽也特羽化飛天化金銷玉說之詭怪違 翀 仙 使 鬼物質金之術上 書調黃, 金可 '成(見漢書向傳 左慈知補導之術並 後始來衆人 無不鴟視狼 理者或有所不 為軍 吾觀魏文典論、 - 吏初儉之至市伏苓價暴 顧呼吸吐納軍謀 然 耳。 論 而劉子 郤 儉等 祭酒弘農董芬寫 政漢 事。 Ė, 代 數 <del>---</del> 倍議 大 潁 凡陽 川 郎 郤 至

能爲春 以盡 物 爲 春、 故候天春而生人則不然存吾春而已矣。」(俗嫌)此卽莊子所謂「 者。 俗嫌 見莊子 徳充符 ) 如此、 倘亦有所受之者 又不獨與參 同 數。 陰陽屈伸之旨相符而已悅謂、 『學必至聖可以盡性壽必用道所 和豫通而不失於兌日夜 無郤 而與

氣生養陰氣消殺和喜之徒其氣陽也故養性者崇其陽而絀其陰陽極則亢陰極則疑亢則有悔疑則

有凶夫物不

#### 第 徐幹

自信

號。 幹 字偉長北海劇人年未弱冠學五經悉載於口博覽傳記言則成章漢魏之際冠族子弟交接、 濁 別戶自守不與之鄰魏武爲丞相特加 旌命辭疾不就後以爲上艾長又以疾不行故文帝與吳季重 水名競相 尚爵

稱、 偉 .長懷文抱質恬淡寡欲有箕山之志可謂彬彬君子者矣』 〈 見文選〉著中論二十餘篇見存二十篇貞

泰城 觀政 學之餘百氏雜家與聖人之道並傳學者罕能獨觀於道德之要而不牽於俗儒之說幹獨能考六藝推 要載太宗管見幹中論復三年喪籍今中論 無此則所闕已會子固(鞏)校正幹書答論之曰、 漢承周 一仲尼孟 衰及

軻之旨述而論之求其辭時若有小失者要其歸不合於道者少矣」(見南豐彙稿)然其書舊有序蓋同 時 人

所

幽

,其養浩然之氣智羨門之術又謂「譏孟軻不度其量擬聖行道傳食諸侯深美顏淵荀卿之行故絕迹山谷、

幾」則幹亦雜糅儒道而於孟子且有所不取矣蓋幹之學以守己為重故 其言曰『人心莫不有理道。 至乎用

之則 含有而 異矣或用乎己或用乎人用乎己者謂之務本用乎人者謂之近末』(修本)又曰、 思無也。 舍易而求難也身之與家我之有也治之誠易而不肯爲也人之與國、 我所 ---無也治之誠 人有大怒而 難、 不 能 īmi 願之 自 知

也。 日 [吾有術吾名 有術。 誰信之數故懷疾者人不使爲醫行穢者人不使證法以無驗也」(同上) 皎然於先後本

末之間此幹之所以處亂世而能不汚者耶。

#### 一智行

幹之書多本周禮故言政則稱鄉遂之法(民數)言學則推三物(六德六行六藝)之教(治學)三物六藝

子買曰、 智 行。 荀子 清仲 然 能 輊 此 所 則 吾言 於孝莫顯 脱民 볜 未 達 丽 行 答 不 记未甚 · 次儒之等極於以淺持博以古持今以一持萬苟仁義之類也雖在鳥獸之中若別白黑倚物怪變所 其 亦以 不 幹 或 見也。 阜利使萬物無不盡 德首智首體故有法象之論首智則有智行之篇法象正容貌愼威儀猶買生容經之佛也茲不具述而。 服 删 機。 所 其行、 妆 於清會參之孝有處不能易原憲之清伯夷不能間。 夫明 不 不 得 卒然起 經 歎 問 若聞之聞之不若見之見之不若知之知之不若行之』(儒效)今幹軒智而 說。 與 Ħ, 也。 聖之 事 服 미 禍 顔淵 其 則循其常巧言不能推合色不能移動 也 <del>----</del>} 於 又曰、 忽秒、 熟念。 士或 智 聞一知十由此 一方則舉統 與 — 速 明哲窮 求福 於聖人之情故無窮難 一其極 節之行較其長短多少者耳不然幹亦有言『 夫明哲之士威而不懾困 對曰「賜也 於 加理或志行的 未萌、 |者心聖人之可及(疑當作不可及) 類而應之無所疑怎。 觀之盛才所以服 見變事 何敢望 純篤二者不可兼。 則達其機得經事則 回。 之辭是以能 · 也聞一 而能通決嫌官 八也仲尼文 張法而度之則晻然若合符節若是而 作可觀 **企业人將何取**。 以知十賜也聞一以知二」子貢之行不若 然不得與游夏列在四行之科以其才不如 獨獲亹亹之譽爲七十子之冠會 則。 亦 奇顏淵之有盛才也故曰、 循 出辭爲師表比諸志行之士不亦 定疑辨物居方禳禍於忽秒。 其 非徒空行也智也」一又曰、 常 **企對** 者比 染不積則 類等量豈有異哉。 丁其 人不 明 哲乎。 觀 其色行 軽行 後謂之大儒(巳見前 夫明 水稲 參雖 回 然則 亦 也 怒乎。 哲之爲用 <del>---</del> 不積 異於先儒矣然 於未萌見變事 質 非 人之行 幹之 孝、 助 也。 顏淵 則 我 原 且荀子 軒 嘗聞 人不 者 憲 遠 奠大 尼 述 智而 也。 妣 問 其 信 體 於 矣。 乃 也。

7, 先王之心此無 jţ. 18 役大義舉 驗 異乎 iffi -----彻 女史 ŧ 4 從 -}-之 职 翻 鄙 fi 儒 其辭而無其行』(藝紀)豈果以行爲無足重乎治學篇曰『 二之博學也 務 於物名群於器械考於詁訓。 摘 其章 句。 不 能統 其大義之所 凡學者大義為 先物

業豈有辜行力 賓客為 汲汲 士不 必黜 知富貴可以 韓 好。 己而 由於鄉 相 皇 者矣幹之說有大可爲後世鑒者故錄之曰『世之衰也上無明天子下無賢諸侯。 非 務冠蓋塡 皇、 著 商以 不較輕重文書委於官曹繫囚積於囹圄。 無 **曹深眡言談游學之士以爲國之蠢害。** 譴 篴 從衆為 得 方外專治交游以妨生務以亂民 往。 日 黨考行不出於閥閥。 人自 羡慕 以 門。 處。 者並 儒服 更相 也知名譽可以虛譁獲也乃雜其父兄去其邑里不修道義不治德行講偶時之說結比。 驅 塞道機不暇餐修不 歎揚迭爲表裏。 詩、 IIII 屋言夙駕送往迎來亭傳 追之悠悠皆是、 内豎傳令也」 多助者爲賢才寡助者爲不肖序虧聽無 **入構**机生華以 夫以 孰 聽。 獲已股股沄沄、 而不遑省也詳察其爲也非欲憂國恤民謀道講德也徒營己治私、 能 中論有譴交意頗近之蓋皆懲當時 國家不欲 不 憔 務物名考詁訓 然者乎。 悴布 常滿。 納民 衣、 東卒傳問。 傾夜作 桓爨之 以 軌物 欺 為智智之無 人主惑宰相、 別已如欲知 晝下及小司、 世、 炬 其 火夜行。 甚者也。 一般之論班祿采方國之謠民見其 竊 納 取、 : 關寺不閉把第 自公 列 選舉盜榮寵 幹固 民 城 敝俗 軌 墨 卿 知之矣。 君不識是非。 物、 大夫州 綬、 無論 而發然國之四 臂捩 漢 者、 世 郡 不可 縣 至 腕。 臣不辨 令 何等是 牧 守王 扣 銅章 勝 天 民、各 數 墨綬 黑白。 矢 事 也。 周 如 固 之黨。 不 此 旣 在 有 推 者、 恤。 狻 其

托

可差而 数 愎 | 丈夫之容而襲婢妾之態或奉貨而行賂以自固結·求志屬託規圖仕進然擲目指掌高談大語若此之類言之猶 兩失實爲亂階吾每讀譴交之文未嘗不爲之扼腕而長太息也。 逐利而已有策名於朝、 行之者不知恥嗟乎王教之敗乃至於斯乎」夫交託之途盛由倖進之門開浮競之士多在節義之風喪政 而稱門生於富貴之家者比屋有之為之師而無以教弟子亦不受業然其於事也、 至乎

# 第十二章 魏晉談玄之風

有名於時間 子亦 肅善賈 要、則 蓋可見矣而於是時何晏(字平叔)王弼(字輔嗣)途開談玄之風三國志曹爽傳『 而應普與議者略無幾人又是時朝堂公卿以下四百餘人其能操筆者未有十人多皆相從飽食而退」儒業銷沈、 兩 仍 東平 避役竟無能 漢以來儒者. 然觀 本之六藝體 畢 塗) 馬( 魚豢魏 成 習學』又謂『正始(齊王芳年號)中有詔議園丘普延學士是時郎官及司徒領吏二萬餘人。 無不 有聲名進趣於時明帝以其浮華皆抑黜之及爽秉政乃復進敍任爲腹心」又『 融 的謂 【太和青龍 (魏明 用之間未嘗不隱然有判也自漢末天下大亂、 兼明道家然第以其清靜寧謐之旨用為養生養性之助若夫言經世體國、 )之學采會同異爲尙書詩論語三禮左氏解又作聖證論以排康成而 帝年號)中太學諸生有千數而諸博士率皆麤疎無以教弟子弟。 魏武父子崇奬浮文 南陽何晏鄧颺李 無實之士儒 董遇等立 晏何進孫少以 切 禮 亦歷 術以 教 勝 注 衰。 刑 經傳、 沛國

從容戲宴 令 後、 士· 老二家之旨儒道在先本多相契必視以老解經爲非聖無法亦後世儒生一 才逸 才秀, IE 老莊之說釋孔聖之經皆可轉案毀之者謂 **麫晏之生** 聽。 倡 義 m 清錢 行。 夫專 遠佞 淸. 始之人當魏齊王芳時何晏有奏曰『 序)要之漢 辯 知 而反之坦 注 大昕 (兼省文 智不 尚浮 人 平者實賴表 易 好老 而 及 作何 臓、 弗 E, 老子。 莊言。 書 近然後邪心不生、 則 不復以世務爲事。 ·易亦功之不刊者也且孔子問禮於老聃而發猶龍之歎 ( 見史記老子列傳 ) 人講經守章句爭家法支離嫪蔓至說五字之文多至二三萬言( 詢謀 晏論以爲其奏有大臣之風。見潛硏堂文集)然則前之何王未可與後之王(衍)樂(廣) 其 作 身不 松之三國 陳 道 政事、 徳論、 承 Ė. 祚 工其身不一 講 及諸文賦著述凡數十篇』又錮會傳『會弱冠與山陽王 (辭 稐 志注與劉義慶世 m 經 ت 義爲萬世 Ė, 至銅 不 正道可宏也。 則 為王何立傳僅附 雖 **善爲國者必先治其 駝埋於荆** 其罪深桀紂。 **令不從是故爲人** 法。 說新語等書。 叉日、 棘胡馬馳於郊壇 三國志齊王芳傳 ( 晉范寧之言) 譽之者謂 <del>---</del>1 於曹爽鍾 可自今以 君 身治其身者慎其所習所 而晏之論 者所 會傳後且眡晏爲浮華其職至 後御幸 奥遊必擇正 而猶慶尾睡壺濟談不息末流之弊亦 語樂解與弼之易注老子注亦 以此觀之晏雖 孔之見已至若秦始 式乾殿及游 人所観7 見漢書藝文志) 其獨冠古今。 習正則 所並 **则必察正**4 好 豫後園皆大 老莊豈欲 知名啊 (其身正。 莊子 (晉定 (唐孔) 淺。 象放鄭 得二子 一个猾 好論 一書兼 身正、 臣 具存。 遺 年 頪 號 棄 侍 遾 可 儒道、 者構 從。 聲而 則不 難以 世 考知 眀 周 其引 以 因 猪 扎 辭

i

不能 利 之育之亭之毒之爲其母也言道以無形無名始成萬物以始以成而不知其所以玄之又玄也」 疾 न **轉擊答之曰『夫誊易者不論易也』晏舍笑而讚之『可謂要言不煩』晏知輅之精於易晏之精於易亦** 儿 是粥雖主於無而 事皆明。 無名天地之始有名萬物之母,曰「凡有皆始於無故未形無名之時則爲萬物之始及其有形有名之時、 博稱『 氏春秋(見三國志曹與傳注)曰「初夏侯玄何晏等名盛於時司馬景王(師)亦預焉晏皆曰『 畏若斯人者可與言天人之際乎**」晏雖不注易然管輅別傳**(見三國志管輅傳注)報輅爲晏所 無之以爲用」 通天下之志夏侯泰初(秦初玄字)是也唯幾也故能成天下之務司馬子元(子元師字)是也。 而 與弼同宗老莊而其所見亦有不同者何劭爲王弼作傳(見三國志注)謂「晏以爲聖人無喜怒哀樂其論 ||速不行| 無哀樂以應物然則聖人之情應物而無累於物者也令以其無累便謂不復應物失之多矣』今觀酹注老子無哀樂以應物然則聖人之情應物而無累於物者也令以其無累便謂不復應物失之多矣。 鍾 會等述之殉與不同以爲「聖人茂於人者神明也同於人者五情也神明茂故能體沖和以通無五情 《晏曰『君論陰陽此世無雙』時鄧殿與晏共坐颺言『君見謂善易而語初不及易中鮮義何故。 魏正始中 至。 曰『木埴壁所以成三者而皆以無爲用也言無者有之所以爲利皆賴無以爲用也。 亦不廢有以視晏之專於無者說尤圓矣然窮實後於晏窮幼時晏見而奇之歎曰『 吾聞其語未見其人』( 何晏王弼等雕述老莊立論以爲「天地萬物皆以無爲本無心者開物 唯深唯始 幾惟神三句皆易繋幹) 則晏之所以自 1待者 豈可 放 **粉無往不** 叉注「有之以爲 請 仲 量 惟 其義正合。 **强論易九事** 唯深也故 尼言後生 哉。 可知也。 心心略 也、 晉 則長 同故

何王並稱問莫之能軒輊也已。

則。 宗、 也。 存 過。 際、 敢 過 過、 夫 平 数 少 起 丽 吾 天 雕 通。 見 玄 Ľ 國 F 之處 稱 籍 也。 有 縫 風 毎 不 次者名之為 鄉 有 放能 措乎 師 其 慢 参 際、 雖 Ż. 故、 弛 於 動 黨。 大 倡 後 周 八人先生傳記 是非、 之闕。 越名 而 名 不 長 於 阮 話、 褌 聞 瞻、 1 何 未 中 旼 達變本 能 教 出 而  $\Xi_{\circ}$ 久與 少 乎。 £ 叉 茻 國。 澄、 不 及。 而 行 丽 有 \_ 褌 不 E 任 得 專 譒 檔、 以 訓 至 全  $\overline{\phantom{a}}$ 鯉、 自以 欲圖三公下 爲 違乎 加 接、 物 見各 自然情不繁 松 生 者。 <del>--</del> 厲 疵 籍  $\overline{\phantom{a}}$ 胡 情、 過 爲 世 道 跳樂廣 康 时 闇 別 釁 人、 由 得繩 一之所謂 興 是不 者也。 字 FI 於 輔之之徒皆祖 集 权 機 物 舆。  $\overline{\phantom{a}}$ 亦 茂名 不失 於所 何以言之夫氣靜 夜 雖 與 宜.。 無 影 裁之而 欲 也。 君 傷。 世 無 九州 元 事。 萬 子、 欲、 無 然 教、 惟 忠其 炎丘 惟法是修惟醴 故 石之 篴 へ籍 飲 棄 枚。 能 Ë, 述 酬 縄 酒 於 紹 謂 墨蓋自然 **火流、** 字嗣宗 (可得乎。 愼、 過差 審貴賤 獨不見摹發之處禪 飲 名教 爲  $\overline{\phantom{a}}$ 萬 耳。 常。 焦 神 中 嵇 邑 卼 得 石 至 而  $\overline{\phantom{a}}$ <del>ك</del> <u>د</u> **是克手** 諸賢、 自 大 \_ 君、 爲 滅 通 者、 而 妧 《道之本乃-都攀垂 見康 有樂 石 醴 始 物 'n 康 奮 法之 矣。 不 互 與 情。 地。 集 也、 山 然 執 \$ 存 相 何 士所 中。 處於 圭璧。 情 於矜 標 濤 晉 逃乎 是 題、 爲 去 而 書 順  $\overline{\phantom{a}}$ 乃耐。 繩族 康籍之 字 41 有好 兀 褌 足 通、 尙。 其 深縫、 戶 中, 履 故 籍 幩 體 流 始 脫 盡 之 源 傅、 而 繩 大 亮 之累。 放 道 Ň 稱、 墨。行 廣。 加 不 匿乎 衣  $\smile$ 見 書、 能 服、 -康 誕、 仇 無 達 出 壌 者、 世 露 原 亦 黯 欲 連。 讎。  $\overline{\phantom{a}}$ 絮自 越名 言 情 說新語 國 也。 醜 有 ٠... '本 爲 著 又言、 惡、 武 有 君 目 不 釋 所 <del>-</del> 任心、 以 私 同 託 子 阮 濟 子之處城 萷 繫 以為 吉宅· 於 禽 好 嗣 世 檢。 綸。 而 志屬魏 所 略 此 歡。 宗 言 故 然。 蠢 吾 於嵇 欲。 謂、 甚 言 以 欲 是 而 口 也。 药、 非 矜 考 以 爲 不 不 **--**7 亦 名之 尙不 君子 妧 未 招 論 晉之 何 行 無窮 無 如 異 不 奎 人 人

望之凡流也。 性猶乎水然無以防堰之,則將氾濫而大爲害於天下若夫上智之士雖有蕩佚不離於法是則希世而一見未可以 (見論語)而阮瞻王澄又不善學之無賁育之勇而欲舉千鈞之鼎宜其絕臏矣。 **m** • 況何王乎且漢儒自賈誼董仲舒以至徐幹其爲說無不致重於禮者非不知禮之爲人所苦難也誠以人之 何王嵇阮皆稟絕世之姿有拔俗之志而鶩於髙遠遺其卑近其亦曾子所云「堂堂乎張難與並爲仁」

衐 那 載衞 哉然晉書衍傳載王敦過江常稱衍曰『夷甫處衆中如珠玉在瓦石間』顧愷之作畫實稱『衍巖巖清峙壁立千 仞』(見世說新語)卽石勒殺衍者而亦謂其黨孔萇曰『吾行天下多矣未嘗見如此人』(晉書衍傳)廣傳、 至 桁悲不自勝。 說時自保莫敢正言追宗社旣傾身亦隨隕老子有言『後其身而身先外其身而身存』若衍與廣豈真知 **得去」**(世說 者。 自言『與人語 抑 有所得。 (公孫 瓘逮與魏正始中諸名士談論見廣而奇之命諸子造爲曰『此人之水鏡見之瑩然若披雲霧而覩靑天也』 老莊之學易託者放誕之行而難造者玄遠之詣當時虛無之宗前推何王後稱王樂行廣在晉皆躋列高位。 龍之說)廣亦 簡曰、 外則形之莊子所云「畸於人而侔於天」者(大宗師)衍廣亦幾得之矣又衍嘗喪 新語) 甚簡至而及見廣便覺己之煩』廣論每以約言析理厭(同饜)人之心(廣傳 -**發抱中物何至於此」衍曰『聖人忘情最下不及於情然則** 衞 孙 不復剖析文句直以塵尾柄觸几曰『至不』客曰『至』廣因又舉塵尾曰『 ·總角時嘗問廣夢廣云『是想』玠曰『神形所不接而夢豈是想耶』廣曰『因也。 情之所鍾正在我 X幼子山簡 形 雅。 客有問指不 若至者、 老莊 衎 傳 丽

談士、 士。當 何所 逃則 者哉。 玠思之經 玄自當 書轉通一數家注自小至老手不釋卷尚未敢輕言汝開老子卷頭五尺許未知輔圖 為玄 渡江 時豊獨僧虔之子然哉是故玄學雖開於何王而嵇阮一 異指例何所明而便盛於塵尾自呼談士此最險焉』( 部。 以後風流益 小差 月不 一个被矣。 於是景附草膽天下成風矣然觀王僧虔戒子書言「往年有意於史取三國志聚置牀頭百日許 - 得遂以: |(差猶過也)於史猶未近彷彿曼倩(東方朔)有云「談何容易」見諸玄志爲之逸腸| 扇元嘉(宋文帝)之間途至專立玄學以相教授以莊老周易總謂三玄談論則爲玄言著。 成疾廣聞故命駕爲剖析之玠卽愈(廣傳)辭約而理妙如此斯又豈淺 南齊當僧虔傳)夫開老子卷頭五尺許 變爲王樂一變爲至渡江之後則又變爲及夫天 何所道平权何所 人所可剽竊 丽 便 爲之抽。 自 說. 後業 稱談 馬鄭

於匡孫 哭之働! 欲於無 所引, 想何夢之有蓋周 玄虛之語 而 「綽云」 玄學 欲者聖人之常也有欲於無欲者聖人之分也二欲同無故全空以目聖一有一 **繆協云「聖人** 風 盛 時、 兵事險阻常情所畏聖人無心故以物畏爲畏也』久矣吾不復夢見周公李充(晉)云『 說 往 經者 德之日衰故寄慨於不夢』吾不試故藝繆協(晉)云『兼愛以忘仁游藝以去藝』顏淵 往而是如六十而耳順孫綽(晉)云『耳順者廢聽之理也朗然自玄悟不復役而後爲』子畏 、體無哀樂而能以哀樂爲體不失過也」其尤甚者回也其庶乎屢空。 無不難以老莊今六朝經師之說多佚特偶見於唐宋注疏中而梁皇侃論語義疏具存。 無故每虛以稱賢」 顧歡 齊 云. 聖人無 太史权 親其 夫無

詠以寫 支 拔。 說) 康僧淵在豫章去郭敷十里立精舍閒居研講希心理味庾公(亮)諸人多往看之觀其運用 支道 旋。 眀 値 如 衆咸 與許 懐 m 此。 、整、 而支公尤深於名理莊子逍遙遊舊是難處諸名賢所共鑽味不能拔理於郭向之外支在白馬寺中將 林 쁐 釋 非 梁 其懷」許 共語。 稱 在焉孫輿公(卽綽)謂王曰『支道林拔新領異胸懷所及乃自佳卿欲見不』乃與支共載往王(世說) 子亦盛治老莊如高坐道人到江左王導一見奇之曰『此吾徒也』(世 獨 李 申之云、 善又倡意在瓦官寺王茍子 詢 向 III 秀郭 何若以 因及逍遙支卓然標新理於二家之表立異義於衆賢之外皆是諸名賢壽味之所不得。 謝 便問主人有莊 象之注莊張湛之注列  $\overline{\phantom{a}}$ <del>--</del>0 被其 安)盛德共集王(濃)家謝願謂諸人、 聖人驗之聖人忘忘大賢不能忘忘不能忘忘心復爲末 遺仁義忘禮樂隨支體黜聰明坐忘大通( 子不正得漁父一篇。  $\dot{\frown}$ 脩 | 來與語 為玄言之宗哉又老莊之學多可與稱氏相通故談玄 便使其唱理。 謝 看題便各使四座通支先通作七百許語敍致 「今日可謂彥會 意謂王 見莊子人 日、 一 盡。 聖人 間 時 世 說新語注) 未一空故 旣不 八有情不。 大宗師 可留此 屢 八吐納風流 者、往 名生焉。 王曰 集固 王逸少作 此忘有之事 無。 件 亦 後遂用支理又 精 難常。 喜典 會稽、 麗 朄 其 馮 釋 解 佳。 也。 重 才 初至、 太常 一世 子周 忘有 藻奇 經 者

觀

此

數

公之才辨理致固不下於曩時之王樂也然始以佛理

聖人

如

柱

耶。

」王曰『如籌算雖無情運之者有情』僧意云『誰運聖人耶』

苟子不得答而去(以上皆世

Ŀ

漢

儒守經之席。

下作齊梁事佛之階在當時

則

, 禮法之罪人而在後世亦象教之功

臣已。

說老莊繼卽援老莊

而

入佛故玄學之行而

佛教

#### 第十三章 劉子

亦頗有與儒合者蓋承漢人之餘緒正自應爾而隋唐志皆列之名家要與古之名家異矣。 所撰 人物志論才性甚精審劭字孔才邯鄲人仕魏官至散騎常侍與嘏會等同時其說必有與之彷彿者三國志言、 四本論今已不傳然世說稱「殷中軍(浩)雖思慮通長然於才性偏精忽言及四本便若湯池鐵城無可攻之勢」 異世說新語鍾會撰四本論始畢甚欲使嵇公一見置懷中旣定畏其難懷不敢出於戶外遙擲便回急走劉孝標注 云【四本者言才性同才性異才性合才性難尙書傅嘏論同中書令李豐論異侍郎鍾會論合屯騎校尉王廣論難】 《述法論人物志之類百餘篇』法論已佚人物志亦纔十二篇而已吾舊蕭而究之大抵糅合道德陰陽之說而 般仲堪精聚玄論人謂莫不研究般乃歎曰、「使我解四本談不翅爾」,則晉以來猶多能言之者矣今傳劉劭 何王之時有傅嘏鍾會之論才性三國志嘏傳嘏常論才性同異鍾會集而論之會傳會醬論易無互體才性同 二、砂

叡外明聖人淳耀能兼二美知傲知章自非聖人莫能兩途故明白之士達動之機而暗於玄慮玄慮之人臟靜之原、 平淡無味故能調成五材變化應節是故觀人察質必先察其平淡而後求其聰明聰明者陰陽之精陰陽濟和則不淡無味故能調成五材變化應節是故觀人察質必先察其平淡而後求其聰明聰明者陰陽之精陰陽濟和則 莫不含元一以爲質稟陰陽以立性體五行而著形茍有形質猶可卽而求之凡人之質量中和最貴矣中和之質必 令人物論首九徵其解曰「蓋人物之本出乎情性情性之理甚微而玄非聖人之察其孰能究之哉凡有血氣者**、** 中

道得而 偏 為美號是故 純 **儀態度之動在於容緩急之狀在於言其爲人也質素平澹中叡外朗筋勁植固聲清色悸儀正容直則九徵皆至。** 列 精者謂之勇敢勇敢也者義之決也色平而暢者謂之通微通欲也者智之原也五質恆性故謂之五常矣五常之別、 弘 亦各著於厥 而 八為五德是 材、 粹之 (在於神明暗之實在於精勇怯之勢在於筋強弱之植在於骨躁靜之決在於氣慘懌之情在於色衰正之形在: 砭火之德也雖體變無窮猶依乎五質故其剛柔明暢貞固之徵著乎形容見乎聲色發乎情味各如 小 也者仁之質也氣淸而朗者謂之文理文理也者禮之本也體端而實者謂之貞固貞固也者信之基也筋勁 於速捷猶火日外照不能內見金水內暎不能外光二者之義蓋陰陽之別也若量其材質稽諸五物五物之徵、 泵 (質不可) 臣道序故流業無歷數清節法術國體之材而曰「凡此十二材皆人臣之任也主德不預爲主德 雅之質也一 德也九徵有違則偏雜之材也三度不同其德異稱故偏至之材以材自名兼材之人以德爲目彙傳之人更 [材而不以事自任者也主道立則十二材各得其任也』 莊子有言『上無爲而用天下下有爲爲天下用』 兼德而至謂之中庸中庸也者聖人之目也具體 故溫直而授毅木之德也剛塞而弘毅金之德也愿恭而理敬水之德也寬栗而柔立土之德也簡 體矣其在體也木骨金筋火氣土肌水血五物之象也五物之實各有所濟是故骨植而柔者謂之宏毅。 勝論。本之於陰陽合之以五 **達謂之依似依似亂德之類也一**。 **一行而旁通於詩** 至一 **連**謂之間難。 書之說可謂博而能詳者矣然要其立 而微謂之德行德行也者大雅之稱也一至謂之偏材。 間雜無恆之人也無恆 L依似皆風·

其

K 象平 陂 之

則

於

暢

ावि

而

論之義則

Æ

 $\pm$ 

者 聰

人之末

百五十

面之術 者哉然則 又 曰、 無為 僅取其辨才性體別猶爲未盡劭意者而惜乎鍾士季( 而尊者天道也有爲而累者人道也主者天道也臣者人道也』若劭之論、 會字 之書之不存不能取以 非所 謂 道 相 家 證 君 也。

#### 第十四章 裴顧

盛、位、 也。觀 者可謂卓然自立不詭於時者矣然觀頗崇有論曰『老子既著五千之文表摭穢雜之弊甄舉靜一之義有以令人、 於無非無於無非無於有非有是以申繼播之累而著貴無之交將以絕所非之窟謬存大善之中節收 日、 患 類字逸民: 正於胸 階以順 高勢重不以物務自嬰遂相做效風教陵遲」乃著崇有之論以釋其蔽王衍之徒攻難交至並莫能 老子之書雖博 自夷合於易之預讓艮節之旨而靜一 鍾 一之言才性の 時 俗放蕩不尊儒術何晏阮籍素有高名於世口談浮虛不遵禮法尸祿耽龍仕不事事至王衍之徒聲 懷宜其以無爲辭而旨在全有故其辭曰、「以爲文不足」若斯則是所寄之途一方之言也若謂 · 政為務若味近以虧業則沈溺之驚與懷末以忘本則天理之眞滅故動之所交存亡之會也。 弘雅 與 有遠識、 有所經而云「有生於無」 何王之標虛無異矣然二者非正 博學稽古自少知名御史中丞周弼見而歎曰「頗若武庫五兵縱 守本無虚 以處爲主偏立一家之齡豈有以而然哉人之旣生以保生爲全全 無之謂也損艮之屬蓋君子之一道非易之所以爲體守本無 相敵難也其起與虛無之說相敵難者則 横、 惟裴頠乎晉暋頠傳 時之傑 流 遁 屈。 夫 於 有 」若頠 也。 譽太 非 頠

中古哲學史

不

長

而

者、

此

也。

有無 信以無爲宗則偏而害當矣。又曰『夫至無者無以能生故始生者自生也自生而必體有則有遺而生虧矣生以。 īm 是以 īfi 事 雙立立無所以極理立有所以通事裴與王衍之徒皆各見其一端者也。 觀、 濟 欲 必由 有者皆有也虛無奚益於已有之羣生哉」願之所以排 收 則虛無是有之所遺者也故養旣化之有非無用之所能全也理旣有之衆非無爲之所能循也心非事也、 於心然不可以制事以非事謂心爲無也匠非器也而制器必須於匠然不可以制器以非器謂於心然不可以制事以非事謂心爲無也匠非器也而制器必須於匠然不可以制器以非器謂 重泉之鱗非偃息之所能獲也隕高墉之禽非靜拱之所能捷也審投弦餌之用非無知之所能覽也由 無而申有其說仍一本之於老莊蓋道家之旨原 匠非 有

雖頗 深列有形之故盛稱空無之美形器之故有徵空無之義難檢辨巧之文可悅似象之言足惑衆聽: 游之業卑經實之賢人 幼之序混 有異此 不 張 然 不親所 復張者道也。 文武 如裴之說實當時之樂石其論曰『夫盈欲可損而 弗為。 漫費 司、 心者辭不獲濟屈於所狎因謂虛無之理誠不可蓋唱而有和多往弗反遂薄綜世之務賤功烈之用。 、謂之雅遠。 張一 故 船 弛文武之道 日、 奉身散其廉操謂之 情所殉篤夫名利於是文者衍其辭訥者讚其旨染其衆也是以立言**藉其虛無謂之玄妙。** (甚者) -兆 無之情信於所習習則心服其業業服則謂之理然是以**君** 至於裸程言 也。 見禮 笑忘 曠達故砥礪之風彌以陵遲放者或悖吉凶之禮而忽容止之表瀆: 雠 宜以不惜爲弘士行又虧矣」夫記曰『 記 漢人惟思 宋可絕有也。 張之太過 過用 可節而未可謂無貴 故魏晉以 來 不 張而 人必慎 得 不弛。 人也蓋有講 弗驰 | 眩焉 **个**她 所 文武 教班 之太 溺 言之具 其 其 (成稅) 亦 髙 弛

民耳王衍之將死也數曰『嗚呼吾曹雖不如古人向若不祖尙浮盧戮力以匡天下猶可不至今日』(晉書衍傳) 形外形則必遺制遺制則必忽防忽防則必忘禮禮制弗存則無以爲政矣』晉人能知儒道相濟之用者則惟裴逸 。 無盆求事無過用乃可濟乎故大建嚴極終理學生訓物垂範於是乎在斯則聖人爲政之由也』 有會觀乎往復稽中定務惟夫用天之道分地之利躬其力任勞而後變居以仁順守以恭儉。 切之務分宅百姓各授四職能仓稟命之者不肅而安忽然忘異莫有遷志』曰『賢人君子知欲不可絕而交物 率以忠信行以敬 日、 臒 有 則 必外 譲志

斯須 若干人為商買足以通貨」頗欲貴農抑末佐益時事後為御史中丞亦多匡諫年六十二卒所撰論經國九 玄字休奕北地泥陽人晉武代魏玄爲散騎常侍上書謂「爲政之要計人而置官分人而受事士農工商之分不可 既得傅子讀之覺其尚公道重虧祿猶有法家之意其書亦稱老子曰「老子不云乎「信不足焉者有不信也」」 其亦思及裴之言乎頗又著辨才論古今精義皆辨釋焉未成而爲趙王倫所殺。 老莊之用在於申韓晉人言老莊者多而知申韓者少故吾嘗言晉人未能得老莊之全以是蒙其害而 廢宜亟定制通 『天下之惡莫大於無欲天下之禍莫大於不知足』則紀然老氏之學然與當時之湛於虛無者異矣傅子名 第十五章 . 計天下若干人為士足以副在官之吏者干人為農三年足有一年之儲若干人為工足其器用。 傅玄 宗獲其用。 / 流及三

百二十卷而宋志僅 事。 評斷 得失各為區別名為傅子為內外中篇凡有四部六錄合百四十首數十萬言隋唐兩志並存其目。 有五卷蓋唐五代之凱多亡佚矣今從永樂大典抄出文義完具者十二篇文義不完者亦十二 皆一

篇。

者受輕 貴之所 道廢而私道行矣」此韓非「去私曲就公法」之說也曰「聽言不如觀事觀事不如觀行聽言必審其本觀事必道廢而私道行矣」此韓非「去私曲就公法」之說也曰「聽言不如觀事觀事不如觀行聽言必審其本觀事必 晉侯舉之(並見左傳)是謂公道』曰『上之人或有所好之流獨進而所不好之流退矣通者一而 於天下無所私矣鯀亂政舜殛之禹聖明舉用之戮父而授其子則於天下無所枉矣石厚子也石碏誅之冀缺、 心必有公道有公道必有公制丹朱商均子也不肖堯舜黜之管叔蔡叔弟也為惡周公誅之茍不善雖、 治者莫不欲其吏之清也不知所以致清而求其清此猶渾其源 旣 校 其實。 竭、 其 丽 侚 知所以致淸則雖 公道重偶祿奈何通志籍曰『夫能通天下之志者莫大乎至公能行至公者莫要乎無忌心』 Ŀ 舒 曲。 觀行必考其迹參三者而詳之近少失矣。」此韓非「參驗」之說也重爵祿篇曰「爵祿者國柄之本、 小位 猾 不可以不重也然則虧非其德不授祿非 未 供薄其験也、 縳 藤 卑官一日「欲治其民而不省其事則事繁而 舉夷权 則吏競背公義 必犯其制矣」此韓非「功多位尊力極賞厚而度最信則 (原作利以意校改、 其功不與一曰『 而望其流之潔也。 )而營私利 瞮 德貴功多者受重爵大位厚祿尊官德淺 亂知省其職、 也此教之所以必廢 知所以 丽 不 知節 致清、 伯夷不失是 其利。 則 厚其 雛 而 學盗 不 日、一夫 塞者萬、 而 行 滁 -F 盗跖 也則 跖、 弟 也。 凡 不 不得 敢 則公 離也。 功寡 而富 欲 有 下力 赦。 爲

往代每期卷未嘗不歎息也」且自漢以來儒道名法人相糅雜謂玄存重儒教云云猶不免皮相之談耳。 空王沈沈與玄書曰『省足下所著書言富理濟經綸政體存重儲教足以塞楊墨之流遁齊孫孟(孟子孫卿)於 進而 利之心獨用也懷好利之心則善端沒矣不濟其善而惟力是恃其不大飢幾希耳人之性避害從利放利出於禮讓、 (「制政以法修教以醴」)欲兼醴寒法而用之是則又儒者之教也晉書玄傳稱玄書內篇初成其子成以示司 一體讓利出於力爭則任力爭修禮讓則上安下順而無侵奪任力爭則父子幾乎相危而況於悠悠者乎。」 之說也凡此之類皆與法家意合蓋欲經國理民固不能離於此道然亦卽有不然於法家者貴教篇曰『因善 不知彙濟其善於是東之以法要之以功使天下惟力是恃惟爭是務恃力務爭至有探湯赴火而忘其身者好 義(原義宇不重以意增下句禮字亦然)战而禮行因義立禮禮設而義通若夫商韓孫吳知人性之貪得樂 其意

## 第十六章 葛洪 附触生

不可畢 浮山煉丹或傳其丹成仙去洪書有論仙篇曰『或問「神仙不死信可得乎」抱朴子答曰「雖有至明、 冰之亂洪募數百人與諸軍破之事平不尸其功後以交趾出丹砂求爲句漏令過廣州刺史鄧嶽留之不聽乃 見馬雖稟至聰而有聲者不可盡聞焉雖有大章豎亥之足而所常履者未若所不履之多雖有禹益齊諧之 「荀悅作實皆饑斥神仙而晉萬洪著書名抱朴子則謂 神仙為必有洪字稚川丹陽句容人也惠帝太安中石 而有 形者 止羅

事、蓋 以 身 丹 所 履 ጉ 識、 抱 其 扞 體。 至 地 必 而 其肉 焉。 無 外患不入雖人視 守 見 陰豈不有以哉。 則 仙 篇曰**「**余考覽養性乙書鳩聚久視之方會所披涉篇卷以千數矣莫不皆以。、 而 故能令人不老 而 所 (者了) 況乎 命 立 道之極也。 或 此 識 者、未 終。 也, 焉。 事夫目之所會見嘗何足言哉天地之間、 神仙之遠理道德之幽玄仗其淺短之耳目以 故 根竭枝繁則 有者無之宮也形者神之宅也故嘗之於隄隄壞則水不留矣方之於燭燭櫽則火不居矣身勞則 金丹入身中沾沿榮衞非但銅青之外傅矣』 若所不可 其爲下(以意 致 棄之 柔 叉日、 故山 不死此蓋假求於外物以自堅固。 鍞 如 識之衆 忘 以 不 耳是以 恬素。 林養性之家遺 青青去木矣氣疲欲 死而舊身不改。 **—** 夫金丹之爲物燒之愈久 遺骸 校正)形骸己所自有也而莫知其心志之所以然壽命在我者 也。 遐 萬物云云何所不 成之 棲 嬎 近 稻 蜂 拖 节 荷有其 邪情外得失之榮辱割厚生之腊 俗得志之徒比崇高於贅疣方萬物乎蟬翼豈茍爲大言、 勝則 道、 **、藻遏欲視力** 有不死之 精靈 無外之大其中殊奇豈遠有限詣老戴天而 無以爲難 變化愈妙黄金入火百鍊不 有如脂之養火而 | 雌身矣夫逝者無 一所言如: 断微妙之有無豈不悲哉」 之目、 也而淺識之徒拘俗守常咸 逍 此殊詭常理。 損明之色杜 可不滅銅靑塗 毒、 返期既朽無生理達道之士良所 仙 盤多言於 然 人 以樂 至理 思 消埋之畢天不朽服 還丹金液爲大要者 音之耳遠亂聽之聲。 其所謂 腳、 物 篇 樞 機反 入水 云、 T 日 養 身以 世 夫有 樂物 聽 不 也。 或莫知其 間 腐此 in 而莫知 術數 小 III 醪 因 徘 見 後 焉然 所 薄 數 是借 此二 延 無 仙 聞 世 者、 其 爲 命。 而 人、 悲矣輕 則 楽 員 悠 上。 徹。 事 生 使 銅 便 焉。 神散。 Z 此二 載 終身 內 內 哉。 鍊人 云天 短之 砚 金 勁、 疾

之道、 凌霄而 者皆治世之聖人非得道之聖人得道之聖人則黃老是也治世之聖人則周孔是也」(辨問)又謂「內者,皆治世之聖人非得道之聖人得道之聖人則黃老是也治世之聖人則周孔是也」(辨問)又謂「內 於老莊之說之外則非輕卽誕洪文辭贍富而書實蕪雜雖內篇言道外篇言儒意思包 金丹 道之大全者哉。 蓋 丹其 外則和光於世治身而身長修治國而國太平以六經訓俗士以方術授知音欲少留則 篇) 多假 自漢以來道家與神仙 見 輕 無股養靈根 舉者上士也自持才力不能並成則棄智人間專修道德者亦其次也」分得道治世爲兩事洪豈爲能 語旣 法出於元君元君者老子之師也其丹有九傳一 響喻以為說學者已不能 不經、 而又託之老子之師異妄說也是故魏晉以後神仙 於 《冥鉤除》 既混 誘幕於接物削斥淺務御以愉漠為乎無為以全天理』是則老莊之常言無 而爲一希長生者言理則取老莊言術 無疑是後紛粉益為詼詭洪之書言『 轉之丹服之三年得 有多家要其 則 有丹 **黄帝九鼎神丹經丹名育九」又云、** 仙。 決。 說可 轉 丹訣隱祕不可言傳。 舉儒 之丹服 取者皆與 道然謂、 且止而佐時欲昇騰 之三 老莊 日· <del>س</del>ا 得 俗 故 所 爲 仙。 **冷**合若出 實養 爲之要 如 謂 <del>---</del> 一大 魏 聖人 通 則 並 君 生

難鮑生生平不可詳然其言則 叉洪 ,爭彊弱而校愚智彼蒼天果無事也夫役彼黎蒸養此在官貴者祿厚而尽亦困矣髮古之世無君無臣穿井 者 凌弱則弱者服之矣智者詐愚則愚者事之矣服之故君臣之道起焉事之故力寡之民制焉。 書有詰鮑 篇、 稱 鮑生敬言好老莊之書治劇辯之首以爲古者無君勝於今世』 略 具日『儒者日 「天生蒸 民而樹之君」豈有皇天諄諄言亦將欲之者爲辭 因託 於儒者之義以 然則 隸 屬役 與之

安出哉夫穀 利盾恐不厚若無凌暴此皆可棄也故曰「白玉不毀孰爲圭璋道德不廢安取仁義」使夫桀紂之徒得燔人辜諫。 玩臺榭食則方丈衣則龍章內聚曠女外多鰥男採難得之貨貴奇怪之物造無益之器态不已之欲非鬼非神、 節文)又曰「君臣旣立而變化遂滋夫獺多則魚擾鷹衆則鳥亂有司殼則百姓困率上厚則下民資壅崇寶貨飾 屠割天下由於爲君故得縱意也君臣旣立衆慝日滋而欲攘臂乎桎梏之間愁勞於塗炭之中人主憂慄於廟堂之 胸機心不生含輔而熙鼓腹而遊其言不華其行不飭安得聚斂以奪民財安得嚴刑以爲坑穽降及叔季智用巧生。 **兼士泰不聚則不相攻伐勢利不萌涮亂不作干戈不用城池不設萬物玄同相忘於道疫癘不流民獲考終純白在** 林不足以極其變積金成山不足以瞻其豐溫漫於淫荒之城而叛其大始之本去宗日遠背朴彌增尚賢則民爭名。 肺諸侯葅方伯剖人心破人脛窮驕淫之惡用炮烙之虐若令斯人並爲匹夫性雖凶奢安得施之使彼肆酷恣欲、 貨則盗賊起見可欲則其正之心亂勢利陳則劫奪之途開造剡銳之器長使割之患弩恐不勁甲恐不堅矛恐不 ·德既袞尊卑有序繁升降損益之禮飾紱冕玄黄之服起土木於凌霄構丹綠於棼橑傾峻控實泳淵採珠聚玉如。 ·耕田而食日出而作日入而息汎然不繋恢爾自得不競不營無榮無辱山無谿徑澤無舟梁川谷不通則不相幷, 班煎慢乎困苦之中閑之以禮度整之以刑罰是猶關滔天之源激不測之流塞之以撮壞障之以指掌也1(有 賦斂重以 苦役下不堪命且凍且機冒法斯濫於是乎在王者憂勞乎上臺鼎顰顯於下臨深履薄懼。 則民有饑寒之儉百官備則坐靡供奉之費宿衞有徒食之衆百姓養游手之人民乏衣食自 給巳 財力

道

周 我 為美 攻巧故散鹿臺之金發鉅橋之粟奠不懽然況乎本不聚金而不飲民粟乎休牛桃林放馬華山載戢干戈載爨弓矢、 之也若人與人爭草萊之利家與家殼巢窟之地上無治枉之官下有重類之黨則私關過於公戰木石銳於干戈交。 指 偽而邪人因之以爲僞焉大臣所以扶危而姦臣恐主之不危兵革所以靜難而寇者盗之以爲難此皆有君之所致 衣 **婚以爲秦況乎本無軍旅而不戰不戍乎茅夾土堦栗穢拔葵雜蠹爲幃濯裘布被妾不衣帛馬不秣栗儉以** 可 也民有所利則有爭心富貴之家所利重矣且夫細人之爭不過小小匹夫校力亦何所至無疆土之可貪無。 恐智勇之不用故厚虧重祿以誘之恐姦量之不虞故嚴城深池以備之而不知祿厚則民匱而臣驕城嚴則役重而 · 斥殘暴欲爲禍亂之防固爲有心生民者而不知遠古質樸民尙重蒙響夫嬰兒智慧未萌非爲知而不爲欲。 清靜則民自正下疲怨則智巧生也任之自然猶慮凌暴勞之不休奪之無已田蕪倉盧杼柚乏空食不充口衣不 食之用外無勢利之爭操杖攻劫非人情也象刑之教民奠之犯法令滋彰盗賊多有豈彼無利 身欲令無亂其可得乎所以救禍而禍彌深峻禁而禁不止也關梁所以禁非而猾吏因之以爲非焉衡量所以檢。 國 小小爭奪之患耶』 無金寶之可欲無權柄之可競勢不能以合徒衆威不足以驅異人孰與王赫斯怒陳師鞠旅推無讎之民、 談所謂盜跖分財取少為讓陸處之魚相煦以沫也夫身無在公之役家無轍調之費安土樂業順天分 僵 尸則動以萬計 考鮑生之論大抵出於蒙莊之胠篋馬蹄(莊子篇名)而身逢喪亂故益以自堅其信其 流血則 漂櫖丹野無道之君無世不有肆其虐亂天下無邦忠良見害於內黎民暴骨於外、 性而此專貪殘蓋 地內足 率物以 城郭之 而忍 攻無

乃有取而表章之者何哉。 者學桀紂之虐傷賦斂之重此可爲衰世之罪而不足爲郅治之累吾觀惠君之難而知鮑生之不中於雅論也而今 **裳逢女爲偶不假行媒可乎曰不可也然則有欲之性萌於受氣之初厚己之情著於成形之日而欲去君、。** 威未若庇體廣廈種榮嘉旨輔献綺紈御冬當暑明辟蒞物良宰匡世設官分職宇宙穆如也今使居則反巢穴之**陋。** 尸布野流血絳路久而無君噍類盡矣且鳥聚獸散巢棲穴竄毛血是茹精草斯服入無六親之尊卑出無階級之等 **盗跖横行以掠殺良善端拱以待禍無主所訴無彊所憑(以上取抱朴原文)是其生所謂救禍** 死則捐之中野限水則泳之游之出行則徒步負戴秦鼎鉉而爲生躁之食廢鍼石而任自然之病裸以爲飾不用衣 M 嗣彌深者矣至 使 無 所憚。

## 第十七章 陶淵明

山、 後為鎮軍參軍開親朋曰「聊欲絃歌以為三徑之資可乎」執事者聞之以為彭澤令歲終會郡遣督郵至, 卷而 與劉程之雷次宗等結白蓮社修習淨土之業淵明每來社中或時纔至便攢眉迴去遠欲其入社竟不 廳東帶見之」淵明歎曰「我豈能爲五斗米折腰向鄉里小兒」即日解授去職居於栗里以終時釋慧 陶潛字淵明或云名淵明字元亮尋陽柴桑人少有高趣家貧起爲州祭酒不堪追職自解歸躬耕自資途抱羸疾。 所為五柳 先生傳蓋以自況曰『常著文章自娛頗示己志』故每讀其文而想其德信哉昭明所謂 能 縣吏白、 也有 遠在廬 馳競

之情 遺、鄙 容之意 社食 大可以 **廉懦夫可以立」**( 昭 崩 太子 陶 集序) 而世或僅以詩 人視之不亦淺乎。

貧士 其靜、 暢 言禮則歸之仲尼言道猶依於李耳而淵明抗志聖門獨有異契曰『延目中流悠悠淸沂童冠齊業閑詠以歸。 。、 學者習孔氏多滯於章句之末罕窺於精神之表蓋六藝之傳华由子夏斯文學之科非性道之全 則又曰『温恭朝夕念茲在茲尙想孔伋庶其企而』(命子) 假遠江陵夜行塗中)曰「所說聖人篇」(答臘 商 淵 音。重 寤寐 )復 明之學迹近 取原憲之發志所謂尋孔顏樂處( 交輝。 華 去我 但 久 貧 老莊。 恨殊世邈不可追。 大士世相專品 而實本之孔 弊襟不掩 氏故 (時運)旣取曾點之詠歸曰『榮叟老帶索欣然方彈翠原生納決履淸歌 其 肘、 詩日、 周子 黎權: **—** 語) 常乏虧豈忘襲輕裘苟得非所欽賜也徒能辩、 参軍 遊好 咏風弄月以歸、 在六 經。 **先師遺訓予豈之墜** 以伋望子則其以聖賢自 飲酒) 有吾與點也之意( 日、 一 詩書 敦夙 期待可. 榮 程子語)者不待宋儒、 好。 木 心是以 乃不見吾心](詠 知 而 (辛丑歲七月 所以 也。 然 少買董諸儒 自 戒 其子者、 漢 以办、 我愛

已由淵 淵 明發明聖道之功不亦偉乎真西山 明先發之矣然後知聖人之學正有所以達天德者在沈溺 Ħ, 淵 明之學正自經 術 中來放 章 句、 固 形之於詩 不 免於面牆剽竊 的有不可掩, 如榮木 虛 無亦 之憂逝 自忘 其家 水 寶則 之歎

也。貧 、士之詠簞瓢之樂也」嗚呼若西山者庶幾可謂能 知淵明 者矣。

林。 夾岸 明 數百步中無雜樹。 理想所託 尤在桃花源 芳草鮮美落英繽紛漁人甚異之復前行欲窮其林林盡水源便得一山山 記其辭曰『晉太元(孝武)中武陵人捕魚爲業緣溪行忘路之遠近忽逢桃花 有 小  $\dot{\Pi}$ 髣髴者

等疏 犬相! 花源記明言不知有漢無論魏晉淵明豈區區以晉之臣子自待者哉雖然甘食美服安居樂俗鄰國相望難犬相聞、 **今是何世乃不知有漢無論魏晉此人一一爲具言所聞皆歎惋餘人各復延至其家皆出酒食停數日懈去此中人** 酒殺雞作食村中開有此人咸來問訊自云「先世避秦時亂率妻子邑人來此絕境不復出焉慾與外人間隔」 有 至老死而不相往來者老氏之言也淵明亦志存禮運而取鮮道德者與。 民與葛天氏之民與』蓋自孔子作禮運以後儒者言治惟及三代其跨三代而思蹟於黃虞者淵明一人而已且桃 作惟云甲子不曹年號凡以著恥事二姓之義耳不知淵明慨想大同於詩文屢發之不獨桃花源記云爾也。 語云、「不足爲外人道也」」後之論者每謂此爲劉宋王業漸隆淵明有避世之意故設爲之說猶是義熙以後所語云、「不足爲外人道也」」。 黄唐莫速慨獨在予』贈羊長史曰「愚生三季後慨然念黃虞」飲酒曰「羲農去我久舉世少復眞」與子嚴 光便捨船從口入初極狹纔通人復行數十步豁然開朗土地平曠屋含儼然有良田美池桑竹之屬阡陌交通雞。 曰『五六月中、北牕下臥遇凉風暫至自謂是羲皇上人』五柳先生傳贊曰、『 聞。 其中往來種作男女衣著悉如外人黃髮垂髫並怡然自樂見漁人乃大驚問所從來具答之便邀還家爲設 酣觴賦詩以樂其志。 無 時運日、 懐氏之 問

# 第十八章 南北朝儒釋道三教之爭

佛法 自漢入中 國、而 大盛於六朝推厥由來實以老莊之趣言虛言無與法空之旨不遠故淸談行 而

第二編 中古哲學史

之力、不 援引者、 不全同义 於道二何佞 聞 道 夫事率道教者頗多有之如晉書何充傳稱『都愔與弟曇奉天師道而充與弟準崇信釋氏謝萬譏之曰、 上 其舊且理之可貴者道也事之可賤者俗也捨華效夷義將安取若以道邪道固符合矣若以俗耶俗則大乖矣屢見 有佛。 必異各成其性不易其事是以端委縉紳諸華之容翦髮曠衣華夷之服擊跽磬折侯甸之恭狐蹲狗踞荒 释 人 道齊乎達化 柳骅 僧愍有戎華論。 通公駁之(見南史献傳 目、 則 可 《符其迹則反或和光以明近或職盤以示遠道濟天下故無方而不入智周萬物故無物而。 道經 國師道士無過老莊儒林之宗孰出周孔若孔老非聖誰則當之然二經所說如合符契道則 終乃不得不以 (不全異) 誣 中夏之風火焚水沈西戎之俗全形守禮繼善之教毀貌易性絕惡之學雖升車均於致遠、 於佛。 傳記符圖論至六千三百六十三卷(見甄鸞笑道論) 也然漢末道德神仙二家合為道教既掇拾佛氏之設施以自恢廣北周天。 iħi 下育妻奴。 有夷夏之別若謂 <u>\_</u> 明僧紹有正二教論。 南齊張融作門論亦言「 勢逼 而擠排矣當時爭端之烈莫過於宋顧歉 上絕宗配嗜欲之物、 而謝鎮之有折夷夏論朱昭之有難夷夏論朱廣之有諮夷夏論釋 其致既均其法可換者、 (並見梁僧祐宏明集)入主出奴斷斷 吾門世恭佛舅氏奉道」 皆以 禮 伸。 而 車可 敬之典獨以法屈悖禮 沙川、 此皆漢時所無。 ( 南史隱逸傳 ) 之夷夏論司徒袁粲、 **一舟可行** 信道信佛勢成對立於是向之以理 陸乎今以中夏之性效 不已然觀歉論曰、 犯順、 而歷觀史傳自晉以來賢 和 **骨莫之覺弱** 武 帝) 不為其入不同。 中玄都 琺 而 佛 -通有 喪忘 有川 也。 Æ 西 7戎之法。 佛 帝 道 陸之 流之肅。 三王不 既託 則 駁 鯖、 道也。 近而 士所 郗 士大 埓 其 夏

中古哲學史

體、

曰、

國滅 三破 遺 生。 不 善則 經、 **一無微中而** 入 意 **|難見顯則正|** 名則 人 論 自然 本 沙門守株道士交諍小大互相彈射或域道以為兩或混俗以為一 人所 一親孝道頓 争而 八絕由此 校改、 释迦 者出第一破曰『 屯。 老子入關之天竺 《為高破惡則》 信博非精人所 反。 尋 所以 成佛、 破 在實則合但無生之交赊無死之化切切法可以進識弱赊法可以退夸强佛教文而博道。 聖 從 為失日用損廢無纖毫之益五災之害不復過此」第二破日「入家」 身。 道 有塵劫之數或爲國師 抑 誡。 人 絕憂娛各異歌哭不同骨肉生讎服屬永棄悖化犯順無昊天之報五逆不孝不復過: |路易遵此二法之辨也聖匠無心方圓有體器旣殊用数亦異施佛是破惡之方道是與善之 雖 生之體一有毀傷之疾二有髡頭之苦三有不孝之逆四有絕種之罪五有亡禮 揚其 惟學不孝何故言哉駴合不跪父母便競從之兒先作沙彌其母復作阿尼、 同 勇猛 而 二維衛國に 入國 《間者則》 能佛言華而引道言實而抑抑則明者獨進引則昧者說前。 法有左右始乎無端終乎無末泥洹仙 |為貴佛迹光大宜以化物道迹密徽利用為己優劣之分大略在茲』| 而破興誑言說偽與造無費苦尅百姓使國空民窮生 因伊妙夫 不過夷夏禮 道士儒林之宗」以相佐證誣罔牽合尤授人以柄者也及於梁 八畫寢、 俗之隔、 乘日精: 未宜改從此 入其 :化各是一術佛號正 口中剖右腋 何足以關奪 是牽 m 異以爲同破同 生。 事三資者之口哉。 一人減損。 並引法 **真**道稱正一一 而破家使父子殊 佛經繁而 華無 以 況不鑑而 顯道經過 則跪 爲異。 、量素脂 至岩依 其於佛老異 (宏明 歸 其 則 此。 事、 衣、 無 教 簡 乖 争之由 兄 據玄 質 不 世 應 死。 而 第三 弟異法。 眞 有 幽。 本 而 原作 而食。 所謂 起、諸 妙內 同、 幽則 會無 術。 破

佛。 佛 抑 指所 以此 中國 梁有寺舍而 偽可知假使形翻無濟(原作際以意校改)神暗薦飛戾天寧免爲鳥夫泥洹妙果道惟常住學死之談豈析 瑟業始於觀禪練類識故精妙而泥洹可冀藥駐偽器故精思而翻騰無期若迺棄妙實臟遺智養身據理尋之其 再撫六合之外明者資於無窮教以勝慧閙者戀其必終誑以仙術仙術(宏明集二字不重以意校補)極於餌樂。 動。 絕之何可得 源乃佛教東來談老莊者轉而趁佛於是撥有說無賽失君人南面之旨此道與儒遠而與佛近蓋一變也。 皆已 親之以 妙在三 周 壑 亦不能奪道與儒故當時論者騁辯則各有所宗而修習亦三門並涉張融門論謂專遵佛迹而及其臨終左手 應世斬乎亂、 、衞元嵩作齊三教論七卷其書雖不傳然元嵩本沙門今觀其請造平延大寺書謂『唐虞無』 老子右手執小品法華〈南齊書融傳〉陶宏景辟穀導引而詣阿育王塔自誓受五 仙不死之妄見是故劉勰造滅惑論因以破之曰『佛法鍊神道教鍊形形氣必終礙於一垣之裏。 撫教得崖英匪爾極矣。又云『孔老如來雖三訓異路 道攻佛 眛 祚失者未合道也但利民益國 得從。 (譯言正受)神通、 亂治也語見莊子逍遙遊)洙泗所宏應治道 無猶操戈矛而冒彈石強弱殊矣雖然宗少文 棄變夏之淺談本人倫以立 無生 可冀詺死爲泥洹(即涅槃譯言滅度) 則 食佛心 說義較進矣然日「道家之教妙在 耳。 上 持論 如 此。 而習善共轍也」(宏明 也。 (宋書隱逸傳) 其 純風彌彫二篇乃作以 必有融通儲 未見學死 作論明佛而 释之理者矣且 精思 大戒( 息動 得 集) 然則道固 đi 不得 而 也。 云、 梁書處 夫 佛圖 -無死 儒以弘仁道 死者 儒之與道 教化 八聖佛 神識 而 也。 一不能奪 之發各 理哉。 國安齊 士傳 此 在 則

明集)顧軟作論亦有佛是老子老子是佛之議然而極理雖一按跡終分故逮於隋唐終成三教鼎立之局而相習 而非儒又一變也明智者出嘗欲通三教而一之故孫綽喻道著周孔卽佛佛卽周孔之言(綽東晉人喻道論見宏 既心冀長生而又依託佛義用相塗飾及其不敵途更據周孔之禮文以攻佛氏之空寂此道假於佛而非佛假於儒、

合名故宗論謂『事生之神·其極雖齊。而隨緣遷流成麤妙之識而與本不滅矣』此言識之不滅也又謂 『夫聖神玄 記 **贱雖復殊途因果竟在何處。」子良深怪之然竟不能屈也先是宋時宗少文鄭道子並著論明神不滅**(少文所著 盛稱無佛子良問曰、『君不信因果世間何得有富貴何得有貧賤』鎮答曰、『人之生譬如一樹花同發一枝俱開 通經術尤精三禮齊永明(武帝)中竟陵王子良(武帝子)盛招賓客與爲殿中郎亦預焉子良精信釋教而鎮 既久跡亦兩忘又一變也此兩晉以來儒釋道三教分合消長之大勢也。 . 欖弓)或假蒙莊薪火之喩(神不滅論薪火之喻見莊子養生主)然其所謂神者乃流轉之識與虛明之照之 **脊随風而堕自有拂簾幌墜於茵席之上自有關羅旛落於測糞之側墜茵席者殿下是也落糞溷者下官是也貴** 明佛論並見宏明集)以爲神案於形形有銷亡神無滅沒或引延陵嬴博之辭(明性論延陵葬子嬴博事見禮 齊梁之世不信佛者蓋尠矣乃獨有一范綽與字子其南鄉舞陰人少孤貧聞沛國劉瓛聚衆講學往從之旣長博齊梁之世不信佛者蓋尠矣乃獨有一范綽與字子其南鄉舞陰人少孤貧聞沛國劉瓛聚衆講學往從之旣長博 第十九章 范縝 附蕭琛

以桓 照、 而 巴。 縜 綨 使王融謂之曰 大笑曰『 此旨不存則佛之教義將全隨瓦解縝既不信佛故爲神滅論以申其意(見宏明集)論出子良旣集僧難之又。 迴 有舊以爲晉安太守遷尚書左丞而竟坐事徙廣州追遠爲中書郎國子博士卒有文集十五卷今存者纔 | 譚新論| 地獄之報惟照不滅故有泥洹證佛之果是則純然竺氏之談旣非儒者之言神氣亦非道家之謂谷神尤不得 無思營之識者由 形神之篇的 使范 **—** 神滅旣 **縜賣論取官已至令僕矣何但中書郎哉」守志不移如此、** 強相比附也(新論形神見宏明集然後漢書譚傳註舉新論十六篇篇名無形神不知何故) 心與物絕唯神而已故虛明之本終始常住不可雕矣』此言照之不滅也蓋惟 自非理而卿 執之恐傷名數以卿之大美何患不至中當郎而故乖刺爲此可便毀棄之』 '亦可謂硜硜君子者矣梁武 識不滅放有 代齊因與 篇而

没而 異 奥形理不容一形神相 形 也。 也。 神之於質猶利之於刃形之於用猶刃之於利利之名非刃也刃之名非利 神滅論解甚繁富要其大旨不過執形神是一而非二故曰【或問「子云神滅何以知其滅也」答曰「神卽 形即神也是以形存則神存形謝則神滅也」問曰「形者無知之稱神者有知之名知與無知即 利 存豈容形亡而神在」問曰「刃之與利或如來說形之與神其義不然何以言之木之質無知也。 問 日、 神 故 公非質形故t 即非所聞也」答曰「形者神之質神者形之用是則形稱其質神言其用。 非用。 不得為異式 其義安在」答曰、 「名殊而體 也。 也。 然而捨利無刃拾 問日「名旣已殊體何得一」答 形之與 刃無 事有 **兴神不得相** 利。 異神之 (之質有 未 聞刃

中古哲學史

有異 死。 有如 生者 從何而至」答曰、「是生者之形骸變爲死者之骨骼也」問曰、「生者之形骸雖變爲死者之骨骼豈不從生 之骨骼哉。」問曰、「若生者之形骸非死者之骨骼死者之骨骼則應不由生者之形骸不由生者之形骸則 果有如木之質而有異木之知矣」答曰「死者有如木之質而無異木之知生者有異木之知而無如木之質」 答曰、「皆是神之分也」問曰、 形之 應變 也。 體。 知之質猶木無有知之形」 一謝便應豁然都盡何 死者之骨骼非生者之形骸耶」答曰「生形之非死形死形之非生形區已革矣安有生人之形骸而有死人 必漸 木之質而復有異木之知哉」問曰「人之質所以異木質者以其有知耳人而無知與木何異」答曰、 為 木之知以爲 如 知死體猶生 絲變為 枯木以榮卽是枯、 有 ifi 減数而 如木之質而有異木之知豈非木有其一人有其二耶」答曰「異哉言乎人若有如木之質以爲形又 複體複體等 神則可如來論 體也」答曰「如因榮木變爲枯木枯木之質寧是榮木之體」問曰「榮體變爲枯體:。 生者飄驟是也漸而生者動植是也有歘有漸物之理也」問曰「形卽是神者手等亦是耶。 故方受死形綿歷未已耶」答曰「生滅之體要有其次故也夫歘而生者必欬」 無所復變也又榮枯是一何不先枯後榮要先榮後枯何耶。 即是絲體有何咎焉」答曰「若枯即是榮榮卽是枯則 問曰「死者之形骸豈非無知之質耶」答曰「 「若皆是神之分神旣能慮手等亦應能慮也」答曰「手等有痛癢之知而 也令人之質質有知也木之質質無知也人之質非木質也木之質非 是無知之質也」 、應榮時凋零枯時結實又榮木不 絲縷同 時不得爲喻」問曰「生 問曰「若然 人質 而滅漸而 枯 無是非 也安在 此 體 骨骼 者人 即是 而 無 問 有

築

知

無

**为」問日、** 五臟之心: 然績 精氣也死而精氣滅能爲精氣者血脈也人死血脈竭竭而精氣滅滅而形體朽朽而成灰土何用爲鬼」鎭之說殆。 氣。 舆 分也」答曰「眼何故有本而慮無本苟無本於我形而可傷寄於異地亦可張甲之情寄王乙之軀李丙之性於 丁之體然乎哉不然也」」夫昔王仲任舊有訂鬼之作矣(晉阮瞻亦有無鬼論惜不傳)以謂、 中耶」答曰「岩慮可寄於眼分眼何故不寄於耳分」 雖復有異亦總爲一神矣」問曰「是非之慮不關手足當關何也」答曰「是非之慮心氣所主」問曰、 之慮」問曰「知之與盧爲一爲異」答曰「知卽是慮淺則爲知深則爲慮」問曰「 石神之質。 仲任 陰陽 催 問曰「慮思無方何以知是心器所主」答曰「心病則」 亦有自亂其例者曹思文舉骨肉歸復於土而魂氣則無不之以相詰難(見宏明: 一神何得二」問曰「若不得二安有痛癢之知而復有是非之慮」答曰「如手」 也。 稱 相似然仲任又云「鬼神荒忽不見之名也人死精神升天骸骨歸土故謂之鬼鬼者歸也」又云「鬼神陰 鬼神。 神者 陰氣逆物 |非耶」答曰「是也」問曰「五臟有何殊 形之用。 人 死 亦 而歸故謂之鬼陽氣導物而生故謂之神神者申也申復無已終而復始人用神氣生死, 稱 鬼神。 專主形質以 -則仲 為言雕 任獪 認有神 形質則更無神。 於形之外也而緘則謂「 別、 問日、 而心獨有是非之慮乎」答曰「七竅亦復何殊、 「慮體 斯則大異於仲任而爲前 思乖是以知心爲慮本」 無本故可寄之於眼分眼自有本不假寄於他 形存 神存形謝神 集 此 足雖異 問曰「何知不寄在服等分 若爾應有二乎」答曰「人 儒道 )緘答之日、人之生也、 兩家所 滅。 總爲 神即 **【**人之所以生者、 一人是非痛癢、 経未嘗 形形即神形 而司用不 「心器是 九復歸神 道也。 託趙

資氣於天稟形於地是以形銷於下氣滅於上氣滅於上故言無不之。」夫氣資於天形稟於地形氣旣各有所受明 是二本何得言形神一體乎以此見持辯之甚不易也。

為精闢 論口鼻耳目各有神分一目病卽視神毀二目應俱盲矣一耳疾卽聽神傷兩耳應俱聾矣今則不然是知神;而思識歸乎心器譬如人之有宅東閣延賢南軒引景北牖招風西欞映月主人端居中露以收四事之用焉; 斷手足殘肌膚而智思不亂此神與形雕形傷神不害之切證也但神任智以役物託器以通照視聽香味各有以 傷病以見神之託體於形曰『當人寢時其形是無知之物而有見焉此神遊之所接也夫人或夢上騰玄虛遠適萬 聞撫之無覺旣云神與形均則是表裏俱勸旣不外接聲音寧能內與思想此卽形靜神馳斷可知矣』曰『今人或、 里若非神行便是形往耶形既不往神又不離復焉得如此若謂是想所見者及其安寐身似僵木氣若寒灰呼之不。 非以爲體 難 · 緘之論多家而以蕭彥瑜爲最彥瑜名琛蘭陵人縝之外弟也其難縝也一據夢寐以驗形神之不得共體。 也且佛之所呵首為斷滅若經若論開喻實多而諧難者率牽引中夏舊籍罕及經論二藏當時學佛之徒機 也』梁書琛傳謂琛有縱橫才辯而 人之有宅東閣延賢南軒引景北牖招風西櫃映月主人端居中醫以收四事之用焉若如 與傳亦稱與外弟蕭琛善琛名曰口辯今觀此之所論辯固 有之然未 以爲器。 所憑、 觀

### 第二十章 王通

權作用、

蓋可知耳。

然注 以甲 遠方 作 宋以 程 記 傳、 卷叉中說十卷 十篇辨正 夫 門 者 則 伊 他 自 ||二十篇療| 入 刋 乙冠篇而本文與 謂、 經之家補苴章句、 取文 至者甚衆唐初開國之佐如房(玄齡)杜(如晦)魏(徽)辞(收)之偏皆其門人也著禮論二十五篇、 也迨於隋而有文中子文中子姓王名通字仲淹河東龍門人值隋之亂居河汾之間以著書講學爲業弟子自。 老 人 曰. 附 释 事. 粹然儒者仲淹一人而已至近時新會梁氏詆其強攀房魏爲弟子至斥之爲妄人(中國歷史研究法、 \_ 會則 世俗之失而自序致其書言『非敢軌物範世業以整齊門內提撕子孫』若斯之類固不得傍 盛、 年歲與史不合乃直疑其為阮逸僞託然吾觀 通依 其 『文中子隱德君子也當時少有言語爲後 丽 (孔子論) 브 審百五十篇續詩三百六十篇元經五十篇贊易七十篇謂爲王氏六經而多所散佚今存者元 儒 或有之矣若其陳王道明 丽 已中說者阮逸序(逸宋人) 術 雖 衰。 鮮能成一家之言北齊劉畫者著書十卷號爲劉子而多撫舊談文餘於義顏之推撰家 北 (分篇始末多與逸本異) ( 語揚 南 朝右 史儒 雄 儒燕齊趙魏之間橫經甚衆梁武 林傳序謂「 法 **莒例爲客主對答之說號**曰 禮樂豈可誣乎是雖未必過 江左草創日不暇給以迄宋齊國學時或開 謂「子之門人對問之書而薛收姚義集」 龍 人附會不可謂全書若其精粹處殆非荀揚所及』(見語錄) ]1] 陳同 集)是宋時逸本之外明有他本安在其能出於逸之手耶。 中說。 父類次文中子引謂、、 起自諸生亦韶開 說旣 於荀揚要亦荀揚之傳也。 兩 ||歧洪邁( 五 **—** 獎鼎 館、 宋 建 置、 《而名之》 立國 臣得唐本 人)容務 而 勸 學 課 吾以 時 未 於齊州 學 博建之不及十 13 随 thi 筆又以 者稱 兩 舊 於儒 漢以 唐 李 櫅 · 冠家。 濟焉。 林之 其 經 後兩  ${f \Xi}$ 干 勃

第二編 中古哲學史

門下(見各別 鸃 亦 氏生千餘年後顧乃以是坐罪仲淹而於其書曾不考其足存與否是果仲淹之妄耶抑梁氏之妄耶仲淹既卒、 云。 有 清義烏朱一 出於強攀則唐人豈能無言縱李皮司空皆誤信而房魏之後人亦不聞有辨之者何也夫唐人已無異 此說但謂其子輻郊福時之所爲要亦未是)會不知唐人如皮日休如司空圖並有文中子碑皆繫房魏於其 ·仲尼既沒文不在茲乎易曰「黃裳元吉文在中也」(坤六五爻辭)請諡曰文中子。」故至今稱文中子 集) 新無邪堂答問卷一 而李翺答朱載言書亦稱道中說比之於劉劭人物志(見李智之集)使數公者實非 有辨文中子異偽考證甚詳。 說。 仲 而梁 門

誻 許 人 命 閕 而 貌斯立威嚴矣度其言察其志考其行辨其德志定則發之以春秋於是乎斷而能變德全則導之以樂於是乎和 iffi 諸 知 後之豈養蒙之具耶」或曰「然則詩書何爲而先也」義曰夫教之以詩則出辭氣斯遠暴慢矣約之以。 仲 米則喧德敗度 節可從事則達之以書於是乎可以立制知命則申之以易於是乎可與盡性若驟而。 先濟乎近然後形乎遠亹其深乎亹其深乎」子聞之曰「姚子得之矣」』(立命 後及也故不學春秋無以主斷不學樂無以知 夫子矣春秋 淹 曹之最精者莫過於言六經之次曰『 斷 驟而語書則狎法驟而語易則玩神是以聖人知其必然故立之以宗列之以次先成 物志定而後及也。 樂以和德德(以意 門人有問 和不學書無以議制不學易無以通理。 姚 楠 義「孔庭之法日詩日禮。 全而後及也。 書以 《制法從事] 不及四 語春 四 ·而後及· 自禮記 經 者非具體 秋則蕩志輕義驟而 何 也。 《也易以》 經解之後 姚 不能及故聖 諸己然後 義 窮 醴、 目, 一 則 理、知 動 有

談玄之局下開宋儒心學之端而習章句言漢學者所爲聞之而顰眉咋舌者也。 見也千載而下有紹宜尼之業者吾不得而讓也』(天地)以神契爲自得斯傳記者糟粕視之矣是則上結六朝。 繋)必也傳又不可廢也」」(天地)蓋仲淹之學自以直承孔子故曰『千載而下有申周公之事者吾不繋)必也傳又不可廢也。」(天地)蓋仲淹之學自以直承孔子故曰『千載而下有申周公之事者吾不 失於齊魯汝知之乎。」賈瓊曰「然則 若斯之剴 也」子曰「白黑相 著明 者也抑仲淹雖用經而不取傳曰「子曰「蓋九師」 渝能無徵乎是非相擾能無散乎故齊韓毛鄭詩之末也大戴 無師無傳可乎」子曰「神而明之存乎其人苟非其人道不盧 奥 而 易 道微三傳作 小戴禮之衰也書殘於古今時 丽 春 秋 行。 買瓊 語 百、何 得而 本 易

曰, 亂。 知 日、 非老莊 何 無識言道此得之於老者也惟有得於是故論之也無過鮮日「詩舊盛而 也」(立命) 以識言心此得之於佛者也『温彦博問知子曰「無知」 『天者統元氣焉非止蕩瀉蒼蒼之謂 仲 三教於是乎可一矣」」(問易) 政惡 淹亦 多門人 日, 一 有得於佛老者曰『氣爲上形爲下識都其中而三才備矣氣爲鬼其天乎識爲神其人乎吾得之理 ,也齋戒修而梁國亡非釋迦之罪也易不云乎苟非其人道不虛行』『或問佛曰「聖人也」曰、。 西方之 矣。 日「廢之何如」 教也中國則泥」」(周公)雖然子亦嘗欲取三教而一之矣。程元曰、三教何如。 然又豈獨三教而巳哉夫通變之謂道執方之謂器通其變天下無弊法執 子曰「非爾所及也」」「子讀洪範讓議(子祖安康獻公撰皇極談議) 也地者統元形爲非止山川邱陵之謂也人者統元識爲非止圓首方足之。 問識子曰「無 秦世滅非仲尼之罪 藏。 九山嵐玄長 (述史) 而 子 一其 以 室 無

数

謂

以救時死以明道荀氏有二仁焉。」(周公)無適無莫與時爲變嗚呼此中說之所以爲中說也。 有七制高祖孝文孝武孝宣光武孝明孝章也)其以仁義公恕統天下乎」(天地)世儒論人無三代以後之士。 而子謂『諸葛王猛功近而德遠矣』(問易)『或問荀彧荀攸子曰「皆賢者也」曰「生死何如」子曰「生 其方天下無善教(本文中子之言)故曰、「安得圓機之士與之共言九流哉安得皇極之主與之共敍九疇哉」 周 )世儒言治無三代以後之君而子曰、「二帝三王吾不得而見也捨爾漢將安之乎大哉七制之主( 綾音

## 第二十一章 隋唐佛教之宗派

下)曰三論宗羅什又譯阿彌陀經至後魏曇鸞以合康僧鎧(曹魏時人)所譯之無量壽經彊良耶舍(劉宋 佛九百年)曰成實宗以龍樹之中觀論十二門論(龍樹後佛六百餘年)提婆之百論爲依者(提婆出龍 佛 集沙門八百餘人於洛陽譯出經論三百餘卷門人並講習之其以訶棃跋摩之成實論爲依者(訶棃跋 宗之初 所譯之觀無量聲經幷其師留支所譯之往生論名爲淨土三經一論遂開淨土一宗而梁武時菩提達廢東來、 教初入中國無所謂宗派也西晉以後譯經日多各有樣依門戶漸立鳩壓羅什當姚秦弘始中(弘始姚教初入中國無所謂宗派也西晉以後譯經日多各有樣依門戶漸立鳩壓羅什當姚秦弘始中(弘始姚 不 祖) 立文字以直指本心見性成佛爲教號爲教外別傳此質教下宗門異趣之始雖其以楞伽 亦有此 經是如來心地要門之語而觀其授受之際乃曰諸佛法印非從人得慧可覚心不得、 經 厥後 樹門

律 窥基 玄奘 說教 乃曰、 傳 同 重 立 亦 自 一天台宗。 僧 時、 無 者、 譯 並 教、 稱 爲 爲 齟 璨. 畏 俱 擷 稱 於是性! 比 璨 譯 卽 四等、一 垭 最 舍 其 漸 傅 大日經 丘戒二 教四 經、 精 Ŀ 三藏 〇以 丽 華、 以 安 一六 道 利 呼 小乘 餘宗為 相 奥 根菩薩 智 信、 糅 法 頓 在密宗以 袓 比丘尼戒及受戒 信 俱 者 二家 成 師 教、 傅 癜 住 **麩能傳之南級** 舍。 五 ---弘忍、 部、 天台山 並見五 圓教是爲小 說是為臟通別 教下蓋以此、 西 教、  $\overline{\phantom{a}}$ 俱 ŷ 專 接 唯 創。 遊、 故 一藏宗一 是 含、 中 親 (密宗亦曰眞言宗令之喇 為 土所行、 具云 受學 小機、 得名) 燈會元菩提達摩大師 Ŧi. - 於戒賢: 青原、 、犍度三安居 始 **離)旣分南** 日 व्य 二通教、 杜順 終頓 圓四 然 法 毗 西丛 相宗簡 達  $\overline{\phantom{a}}$ 是 無此 論師。 教華 通前 辞宗 腄 **南 揪 懷讓禪師** 圓五 姓 俱 合譯曰 :化二派( (杜名法) 犍度四房舍犍度犍度譯云 殿則 稱 本 歸 教天台四教、 藏教通後別 派 難分、 相 也. 而 宗、 巍 41 傳 傳 嘛教其 為五 性宗 基又以 成唯 順) 對 猾 南六 法藏、 未 則 肯原行思 本 圓、 起於智 如 識 教一悬法小 盛 知 羅宗 流裔 聞於師 華殿 也。 其傳、 祖慧 論以 爲擊 世親所著 百顕華殿了 能 驒 開線 是、 而立 也、 弘 初 隋唐之交智顗 師、 北則 者多 唯 不在楞伽文字此 ता 叉 心鬼 善産: 乘 陳異 華 艥、 **公法聚曹** 西竺口 復分為仰 禪宗自 殿宗。 神 胶 五 教爲小機說二大 舒論· 成唯一 翻三 教起於賢首賢首順 秀 也當 出我配三大乘別 判 教各殊一 一般先 授之 矣。 魏 識 五. 時謂 論、 亦 袓 時 旣 南 有譯 義、 稱 弘忍 曇 而 西竺作者有十家 猧 廖 道宜明 更作 之南 智者大 異 激傳馬麗 後. 本 乘始教三大 往 於 啊 能 世 泚 教、 不 他 継 達 記 幕 合。 北 親 譯、 74 再 師 宗 道 以释 傳 秀 壁 分 與 者 律 天台 見五 傳 律、 也 訶 本 也。 **决块弟子** 宗 薩 慧. 乘 棃 綸 法 唐典 以完。 傳 說、 四 醧 可 跋 文、 料 燈 會 p 避 家 29 而

實在者所欲入至若戒律所以行持與儲者之禮本無攸別然方內方外殊宜異便其不見取自無 三者於異日儒者理氣心性之談頗多資益蓋三論唯識苦於繁密非樂簡易者所能窮異貫淨土近於神幻又 大乘居八(漢時佛教初來所齎皆小乘經典中土之有大乘以鳩摩羅什爲嚆矢)八者之中亦惟天台華嚴禪宗 斯又一宗之內枝條羅布韓非顯學謂墨分為三儲分為八以彼例此不猶簡乎然綜此十宗小乘居二(成實俱舍) 此 清凉院後周顯德中卒南唐主賜諡大法眼禪師是爲法服宗)五宗(五宗中雲門法眼爲五代時人餘皆唐人) ¥ 義存義存傳文偃住韶州雲門山是爲雲門宗 ) 法眼 ( 義存傳玄沙師備師備傳羅漢桂琛桂琛傳文益住金陵 山、 住鎮州臨濟院是爲臨濟宗)曹洞 百丈懷海懷海傳靈祐住潭州潙山靈祐傳慧寂住袁州仰山是爲潙仰宗)臨濟(懷海傳黃葉希運希運傳義玄、 觀華嚴之法界玄門禪宗之參究詳其大概餘者七宗則有佛教之專書在不復逃爲。 良价傳本寂住撫州曹山是爲曹洞宗)雲門(希遷傳天皇道悟道悟傳龍潭崇信崇信傳德山宣鑒宣鑒傅雲 (青原傳石頭希遷希遷傳樂山惟儼惟儼傳裳嚴曇晟曇晟傳良价住 論耳茲 舉天台之 一瑞州洞 非求

定慧此 香 所忘忘無所忘 天台止觀法門本於佛言定慧(佛以戒定慧爲三學)蓋止是定因慧爲觀果由定慧而起止觀即以止觀而證 觸 法爾如然 法 是謂六廛謂之廛者以染汚義故) 廛 非由設作也然何者名止夫念非忘廛而不息廛非息念而不忘(眼耳鼻舌身意是謂六根色擊 遗 非對息無能息念滅非知知滅對遺一向冥寂闃爾無寄妙性天然(永嘉集正修止觀第九) 慶忘則息念而忘念息則忘塵而息忘塵而息息 無能 息息念而忘忘

於 於 修 則 是 台 im 化此六 者 此 齊定慧修 IL. 觀 生、 則 略說 六 觀 具 也。 生 止 事中 之大 於 事 無 也。 而 中 有五一對治初心臟亂修止觀二對治心沈 止 能 何 ・修是為] 心故統曰一心三觀又說之不過止觀二法。 概 修、 jŀ. 観二 生。 是為 |觀歷綠對境修者略說有二所言綠者謂六種綠一行二住三坐四臥五作作。 也。 生 門析之亦爲空假中三 無 觀。 歷級 能生、 對 夫 境修 境 继 雖 非 止觀。 此 智 智 觀。 而 而 所言境者謂大塵境一 不了智非境 而六綠六境隨所修習一一 非 有了 觀。 無 止 所 **山者觀空觀**表 而不生。 了、 雖 境 **俘病修止觀三** ini 智 行之則 者親假· 生 眼對色二耳對聲三鼻對香四舌對 非 則 無。 皆具上五番之意へ 了 無 攬 有深淺多 IŁ 卽 不 而 而 一随便宜 生境了 非 無。 止、 有 )門一者: 卽 觀 修止 非 則 而 智生 非 有。 觀四對 於坐 有無 智者 觀、 而 非 雙照、 中 小止觀正修行第六 止 了。 非觀、 智生 治定 修。 味五身對觸六 炒 中 而了了 者 卽 俉 袓 細 歷 蕭 止 然。 Ľ 綠 臥 gp 切) 修 對 觀、 無 治 同 所 是 境 (意對法。 一六言 之謂 上 了。 修。 觀。 丁境 此天 五、爲 坐 是 中 語。

中、 卽、 故。 界。 大 小 事 者 諸 殿 互容重 理事 事 衆生色心等法 法界玄門 無礙法界微妙難識故又詳說十門一 無 · 碾法界謂理 重 者以 無盡 故是 其 為四 差別、 法界、 由事 L 法 界。 顯、 各有分齊 萬法 事攬理  $\overline{\phantom{a}}$ 楊仁 綠起於一 成理 (藏 山 者同 佛 去聲 事且融故四。 教初 Ů, 時具足相 故。 仍為 學 課 心所 者理 者事 本群見唐清: 應門如海之一滴具百川味二者廣狹自在 法界謂 事 統 攝故 無礙 法界謂 凉 諸 日 大師澄觀述華嚴法界 衆生色心等法 奠 、法界、 切 分齊 ر. 方便 事 雖 有差 區 法、 稱 別 玄 别、 爲 性 鏡 融通、 四。 而 同 無 四 者 礙 法界 多相 體 事 性 法

水二編 中古哲學史

為壞總同 之内。 初 道。 Ŧi. 如 者 學 九 天 別三者同相。 者十 尺之鏡見千 (佛 課 PE 秘 本、 密 羅 成三 世隔法 詳 教初學 者 隱 見唐 謂 颐 者、 帝 俱 五不相為 課 是爲圓融門別異壞三者是爲行 至相 異 释 里影三者一多相容不同門如一室千燈光光涉入四者諸法相卽自在門如金與金色不 娹 芜、 門。 本 成 大師 門。 其宮殿寶網 如 因該果海果徹 違爲同四者異相彼此不濫爲異五者成相一多緣起和合爲 如 秋空片日 智儼撰華嚴一 夕之夢、 月、晦 重 翺翔 朋 重 X 相 Ħ 乘十玄門) 源。 百 照 並。 年。十 六者微紭相容安立 一乘之教斯 如 布門面 者 兩 鏡互 主 此外又說六相一 伴圓 其至矣。 照. 說行布法圓融卽在行布之中說圓融 傳曜. 明 具 門如珑 德門如: 相寫。 此 華殿: 八 者總 北反 者託 璃之瓶盛多芥子。 法界玄門之大概 相。一 所 事 顯 居未 法生解 卽 成六者壞相之 《星皆拱。 具多 門。 七 為總二者別 也。 是為十 者因 如 法、 搫 陀 攀 行 諸法各住 布 支門。 翌 羅 卽 相。 臂、 網 境界門。 相 在 多 觸 圓融 本位 ép 佛 目 非 教 皆

髮 藏湟 所 法 更 合塵以 源無二今欲 ME. 禪 門 槃妙心實 是爲最上 爲六度之一 路。 然禪 迷惑、 明 和 乘 有 旅 濉 多種。 (六度者) 雕。 無門微妙 蓋自 何 轉 生 以 **死**故 有 修、 如來在靈山 更將何證當知衆生與 法門不立文字教外別 外 世尊 道 布 施二 禪 有 佛有十二 |會上拈 凡 持 夫禪、 戒三 忍辱、 種稱 花示 有 小 佛、 傳、 號如來世算皆其一也)自云『 衆。 四 乘禪、 原同 精 摩訶 付屬摩訶迦葉』 進、 有 大乘禪、 五禪定六日 此心空寂填常本 迦葉 ģņ 見 智慧、 西 **唐圭峯大師宗密** |天初祖  $\overline{\phantom{a}}$ 見大梵天問 )而實萬 平爾青淨誠! 破 行之 我 顏 佛決疑知 本意唯爲一 微笑。 驒 以無始以 源 根。 如來 諸 故 經 學 詮 來 Ė, 佛 集 自是祖 大事 為妄想所 必須 吾有 惟 因 達 修 綠 祖 禪。 正 摩 故出 翳背 相 法 門 捨此 傳, 腿

用心除二 是你 **寶** 筏。 現於 以 夫郎 露古德 然後 儒 念 心中自見本語 修 靜 佛煩惱卽 其言曰、 世。 坐蓋 念歸 通。 無所 不肯去下 所 必須一心無二向身命源頭窮取著落更無躱閃更無退轉直待情識俱盡知見不生方得本來 出於此 一時粥 辔 於本覺是之謂悟迷迷相顧是爲衆生悟悟一如是爲諸佛而佛爲衆生其心不減衆生成佛、 和。 謂 見楞嚴等經、 灰中 |證無所證(意本宋永明壽禪師宗鏡錄) 臂之旅人返其故居但獲舊有更無 性 融自本心見自本性。曰『當知愚人智人佛 死 菩提(菩提此云冕道)前念迷卽凡夫後念悟 飯是雞用心處。 **清淨自修自行自成佛道** 火爆死後重甦者也(語見五燈會元)此禪宗參究之大槪也至若臨濟逢人便加 志做工夫。  $\overline{\phantom{a}}$ 有參究之功達摩東來面壁十有九年已爲後人示之榘矱黃蘗云「這些關梗子甚是容易自 機用各殊都無 )一大事者欲衆生出生死海登於覺路耳然迷者自迷悟亦自悟一念雕 趙州云【汝但究理坐看三二十年若不會截取老僧頭去」又云【老僧 <u>\_</u> 趙州從稔出南泉普願門下馬祖再傳也以上並見五燈會元)蓋疑然 死 法。 所謂 達者知通 修證 者、 爲 如是 庶 郎佛。 而已雖然悟則不難難 性本無差別只線迷 無恕 前念著境即 焉。 煩惱後念雛境卽 治悟不同! 者不 一悟是以一 餘剩今夫六 所以有愚有 有坐禪之法、 菩提。 於虞心是之謂 智。曰、 本覺不! 袓 面 四十 棒 日, 壇經、 噶。 Ħ, **※後悟塞** 年 -炯 增是 へ来 於念 然豁 不 凡凡 雜 示

亦 上三宗雖門戶不同 ·谿(即六祖慧能住韶州曹谿)待其印證主峯為華嚴五 丽 約之法界一 心即 亦 未嘗 分隔。 故永嘉 |祖( 圭峯名宗密華殿初祖杜順 驒 師 名 了玄覺永嘉台 集其所 著也、 精 齟 智儼 槢 天台止

教惟

作

圓

同

上

會乎此斯於如來之教無遺蘊矣又豈特華嚴等三宗而已哉。 佛親 賢首大師法藏四祖澄觀主拳師澄觀)而募集禪源諸詮集融通禪教謂『經是佛語禪是佛意諸祖相承根本是 」,由是言之禪者諸門之究竟而止觀乃禪之工夫法界乃禪之作用由工夫而得究竟由究竟而起作用能

## 第二十二章 韓愈 李翺

事 其 其國。 子孔子傳之孟軻自孟軻死不得其傳』後世道統之說蓋自愈發之又謂『。 以黜佛老謂「先王之教在仁義道德堯以傳之舜舜以傳之禹禹以傳之湯湯以傳之文武周公文武周公傳之孔 佛 仲 IE. 骨貶潮州刺史移袁州轉召遠拜國子祭酒穆宗時以吏部侍郎卒官諡曰文有集四十卷又外集十卷而作原道、 淹數子之傳 有唐 بناد 欲治其國者先齊其家欲齊其家者先修其身欲修其身者先正 III 一代釋宗疊出大師。 老子以煦煦爲仁孑孑爲義」比於坐井而觀天此豈爲能知老子者不知老子而欲罪之可乎哉蓋愈平生 鯎 以 意者、 此爲佛氏之罪令以合之六祖「在家亦得修行不由在寺」之言(壞經)則彼何圓融、 (也愈字退之河內兩陽人(從董逌說)貞元(德宗)中權進士第累官至刑部侍郎以諫。)、 將以有爲也今也欲治其 而儒徒但有文人更無學者論家好稱韓愈列於荷畫揚王號前五子然以予觀之實非 心而外天下國家滅其天常子焉而不父其父臣焉而不君 其心欲正其心者先誠其意」 傳曰「古之欲明明德於天下者先治 而此何狹隘乎。 其君 然則古之所 民焉而不 憲宗迎 謂

所 聖 力、於 人之道必自孟 得、 交為 多於學則的 此乎。 デ 子始。 淺故 Ь-又其 以其言矜 讀 荀 子、 Á 稱 III 不能平 孟 氏 情多如 為 一醇平 醇。 此。 然愈極貸孟子既屢道之而 而 有與 揚、 別大醇 iffi 小 疵。 亦似 送王塤秀才序、 非漫為 高 且 育、 下 者。 然則 浆

愈之所

或在

焉而 之品 有焉、 者七。 之要皆本之孔子性近習遠智愚不 稍 其 實 者 也 中 也。 混、 益 日、 有三 文之言 者 日 则 已 同 耳然五 也下 喜、曰 少反焉。 矣。 人 時 可 其所 而 之所以 也。 詥 焉者之於七也亡與 怒、 性 其 且 泩 以 日哀、 其於四 者、 所 於四 常 者有 統 爲 爲 有 以 於仁。 性 聖 爲 原 日 李 也 也混。 懼、 者五。 性。 混、 情 人 翺。 調上 者、 莊 耆 將 日 日、 1下焉者 愛、日 一性 七日、 性也。 日仁、 以 爲禮 焉者 爲 甚、 惡、 何 也 人之所 其過 Ħ 乎、 主於一而行 移之 之於 禮、也。 日 直. 者、 信 情而行 欲上焉者之於七也動 與 E E, 愈 乎、 性之品 Ü 義平、  $\mathcal{T}_{1}$ 信、 生 說非自愈而 逮 怒其 矣。 也、 日 俁 智手將 行 者也情之於性視、 反於一 義、 生 翺、 於四下 字習之。 日智。 者也。 性 有 Ŀ 者. 始發也。 而悖於四性之於情、 情也 情 爲 上 中 隴 焉 一焉者之於五 下三。上 也。 非 者、 喜怒哀懼 者 西 醴 而處其 乎, 接 成 又 栫 焉者、 非 紀 於 其品。大性有上中下賈生言之王充言之茍 於物 愈 信 兼 人。 善焉] 乎、 情 中中焉者之於七也有所甚有所 而生 愛惡欲七 亦 而 也, 主於 貞 非 侼 性 親其品 者 以立論又標之以五 義 於 元 m 已矣。 中 平、 四, ---也。 者 丽 性之品有三而 非 進 可 士嘗 也謂 中焉 皆情之所為 智乎。 情之品有上 行。 於四。 學文 是 中焉 者、 中焉 非 म् 於 遺 不 者 中下三 心者之於 少有 常序之以七情、 其所 而 也。 愈。 得 有復 於 悕 上下 反於 以 觪 旣 亡然 其所 春、 五 也。 爲 性 餇 下 性 也、 性 不 焉 拣 叓 丽 以 者 而 篇。 悅言 爲情 不 於是 求合 於 於 者、 五。 1 四 惡 愶 理

Ħ, 源 矣夫明者所 4 視 自 百 非 其 性 也。 性 矣此 其所 性 其 沈。 斯 فنتس 姓 能 ifii 14 叉 目、 古 荷 者、 矣。 đά Ż 1111 XII 生。 以 岁 者、 故 知 邪 眀 矣。 非自外 Ţţ 過 懎 之性、 性之品 情之為 也也 情昏 何 妄 不 \_\_\_ 其 本 不 以對昏 以 **親其性者階欲好惡之所昏** 聖人者人之先 也、 無 者 Ĺ 得者也能 焉。 性者 鑒 謂 邪 也里 情、 青 有上 敢問 於天 Z 捓 也。 因 循 昏旣滅 彴 邪 耶。 邪 V 性 環而交來故 中 聖人 旣爲 地。 與 者造 聖 **百姓之性與** Ħij 下三情之品 人之 盡其性而已矣」又曰、 非 妄、 情。 、之性復2 明 自 '覺者也覺則 則 則明亦不立 其 性 性也。 肵 外 無 無 不 覺矣覺則 來 自 所因矣妄情 傠 性不能充也 三 日、 為情 也。 邪聖 聖人之性 性、因 亦 妏 似明。 有上中下三而翱則謂 一人者寂然 欲 **心非性之罪** 矣是故誠者聖八性之也。 共 情以 無邪、 뛧 水之 渾 渾 也, 滅 則 弗 明。 )情不作性斯充矣性與情不相先也雖然無性則情無所生矣是 写 問 日, 感感则 乎。 邪 性、本 性 性 差 性 清澈。 E者天之命 何由 本 不動、 也。 EI, 性清 也」問曰「人之性猶聖人之性嗜欲愛憎之心何因」。 弗 雖 以其渾之也、 然情之所是 生 示不 昏。 失。 凡 不 也。 及 崩、 朋 往 復渾 周 人之性猶聖人之性歟」 其 與昏謂之不 m 也聖人得之而 流六 復 人之所以爲聖人者性 到、 香交相 矣情 沙泥也。 復其性 也、 不言 皆有節 虚。 性 本 所以謂之能復其性也」問曰「情之所昏、 亦 丽 邪 不 者賢 攻伐、 方 同。 神、 生。人 也安 文 其 明 不 不 渾 入循之而 未 惑 與 韑 愈言、 也 時、 各性 各性 之 始有 者 ıın 邪妄 性、 光。 性豈塗無 也。 情者 也。 日, 性之於情 亦 窮。 雛 本 無囚。 不已者 加 猾 無有。 故 11 所 水 桀紂之性猾堯舜之性 避終 性之動 悕 有耶。 以 也。 人 也未 训 視 焣 不 也。 [ri] 1 久而 其 其 能 問 不已 **警有** 與 也。 而 性 멺. 復、 日、 百 不 不 聖 情 不 則 同、 姓 自 情 而生也。 情 之 動 人 能 人 羽 覩 也。 於性 之性 沙泥 也。 之而 情由 然則 旣 魣 者 其

其

靴

性

復

慈則香日 自翱始矣愈曰、『今之言性者雜佛老而言也』或者以爲卽對翺而 不 其言性情即佛氏真如(本覺)無明(不覺)之變名也無明覆真如故曰情既昏性斯感矣無明無自性、 以 如 也。 小明情與為 | 其軍 自 情、 性不 因 也性本弗失及其復也性亦不生真如起用、 明者所以對昏昏旣滅則明 性而 性即又未管不相應然則愈之為說也執於一而翔之為說也通乎無方矣雖然翔之說問有所受之者也。 相 應 .情曰情者妄也邪也邪與妄則無所因矣真如雖爲無明所覆而其妙明本覺自在故曰人之性猶. तित 性善而情惡此其大相逕庭者也然翺又謂無性則情無所生情不自情因性而情性不自性、 亦不 立矣按此以尋其言蓋 無明自滅 無明旣滅則 無 發然而翺之所至念 一不與 亦無真如 佛合然而授釋 之相可得故曰覺則 不能知 以入 儒、 也故言文則 而 茅 初那否 見其 故曰情 則感。 囚惰 迹。 水

天下而黃者世謂之地渾然而中處者世謂之元氣寒而暑者世謂之陰陽其烏能賞功而罰 禹錫召還會昌 ( 觪 言學則愈不如翩翩仕至山南東道節度使檢校戶部尚書其卒也亦諡曰文有集十八卷。 科。 李 第二十三章 論性同時而可傳者則有柳宗元劉禹錫之鯰天宗元字子厚河東人禹錫字夢得中山人並以進士登博 順 宗時 武宗)中官至太子賓客卒而 王叔文得幸引宗元及禹錫禁近欲大用及叔文敗皆貶遠州司馬(宗元永 柳宗元 劉禹 宗元稍 錫 徙柳州刺史竟卒於柳州宗元天說曰、 問嗣乎功者 <del>---</del> 渆、 上而 禹錫朗州 ) 久之、 玄者世 自 功禍 謂之 者自

悪。 窮 顏焉 天日自然 足 阴 道在 本、 也、 故陰 以 也。 iffi 欲 T類授 制 編或可以 貿 舊 1法制其用在是非陽而阜生陰而肅殺、 乎天者法也法大行則是非爲公天下之人蹈道必賞違之必罰當其賞雖三旌之貴萬鍾之粟處之咸曰、 藝樹陰而擊斂防害用濡立禁用光斬材竅堅液礦硎芒義制強許禮分長幼右賢尙功建極閑邪、 而厄」是茫乎無有宰者故自然之說勝爲余口、 隨之說勝焉泥於冥冥者則曰、 天典 뉳 汆 曰、 其強。 Mi 然。 而 時之禮、 算 然也當其罰雖族屬之夷刀鋸之慘處之咸曰宜何也爲惡而然也故其人曰天何預乃人事 人實影嚮(同 賞罰者大謬呼而怨欲望其哀且仁者愈大謬,其意大抵若此而吾觀其所爲天虧論終之曰、 吾取之」則其說蓋亦本之道家而禹錫之爲說則頗異。 顯. 刑 以 不足以 天常 時 取。 以 日 執 天而 丽 不 肖 其 勝其非人之能勝天之具 禍 成可以 **参**馬或 巴矣福: 所能以臨乎下非有預乎治亂 讆 뼤 荷兔人道駁故天命之說亦駁焉法大弛、 必以 過而 兮可以善取禍兮可以惡召奚預乎天 「天奥 罪降福必以善來窮阨而呼必可聞醫痛。 水火傷物木堅金利壯而武健老而耗眊氣雄相 人寶刺異霆震於畜木未嘗在罪春滋乎黃茶未嘗擇善跖踏焉而 、盡喪而名徒存彼昧者方 「天典人交相 云爾人常執其所能以仰乎天 其 人日、 其天論曰『世之言天者二道爲拘 |彼宜然| 勝耳其說曰天之道在生植。 耶法小弛則是非駁賞不 則是 挈挈然提無 **派而信然** 菲 而新必可答」 易位賞 理也。 非 實之名欲 彼不當然而 有 常 預平 任 君力 佞。 如有物的然以宰者。 寒暑云 必盡善罰不 其用在 抗 面 雄相 乎 罰 固 於昭昭 言 常 人之能 長、 耶。 然。 天 在 雖告虔報 温弱。 天之 者、 直。 莊 宜。何 理耶。 必盡 也。 邃。 孔 周 數 不 也。

**郭邑然** 魁。 數。 岛司 存、 答曰、「若知操舟乎。夫舟行乎継淄伊洛者疾徐存乎人次舍存乎人風之怒號不能鼓爲濤也流之泝洄不能蛸 勝也吾於一日之途而 雞 者、人 華水乎邑郛求蔭乎華镀飽乎餘牢必聖且賢者先焉否則強有力者莫能競也斯非人勝乎苟道乎處芮雖莽蒼獪 曰「者知旅乎夫旅者羣適乎莽蒼求休乎茂木飲乎水泉必強心力者先爲否則雖蜜且賢莫能競也斯非天勝乎。 可 在 亦天也舟中之人未管有言人者何哉理 将 滷 數一答曰、 邦天理勝 適有 道 隲 M 也貂伊淄之稷也勢有疾故有不曉耳」問者曰一子之言數存而勢生非天也天果狹於勢耶」答曰、 明成 其 苟由乎匡朱雖郛邑猶莽蒼然是一日之途天與人交相勝矣吾故曰是非存爲雖在野人理勝也是非亡焉、 知 勢耳彼勢之附乎物 送而 也。 衣 知 也然則 「水與舟三物也夫物之合幷必有數存乎其間焉數存然後勢形乎其間焉」以沈一 安亦人也適有覆而膠亦人也舟中之人未當有言天者何哉理明故也彼行乎江河淮、。 含不可得而 其 所 自。 天非務 故德與 明乎天人取謝近也已」問者曰「若是言之則天之不相去乎人也信矣古之人曷引天爲」 必也嗚條之風可以沃日。 **\$勝乎人者也** 而生猶影嚮也本乎徐者其勢緩故人得以曉焉本乎疾者其勢遽故難 荀子爲近者然又曰『 怨不歸乎天生乎亂者人道昧不可知故由人者舉歸乎 味效也」 何哉人之宰則歸乎天也人誠移勝乎天者也。 問 車蓋之雲可以見怪恬然濟、 或曰「子之言天與人交相勝其理微庸使戶曉盍取 者 Ė. 「 吾見 其財爲而 濟者風 亦天也黯然沈、 ·天非天預乎人 水 等耳。 何哉天無私故 ifii 有沈 亦天也阽危 以濟、 有不沈。 得以 海者疾徐不 人可務乎 · 曉焉. 適 二天 非天 當其 丽 僅 盆

論、 者、目 形常圓而 之宗元與 而 天地之內有 有必依於物 無形 之所 謂 躁。 受其 沛乎以舒其所見是故論性則愈 表之立 元與禹錫書 雖 有所不能燭耳彼狸狌犬鼠之目庸謂晦爲幽耶吾故曰以目而視得形之粗者以智 以為 者子安所 天 形 亦 禹錫皆不信天 於髙 無窮 色常青周迴可 也有曲直而影不能踰非空之數歟夫目之視非能有光也必因乎日月炎餤 不能 無 而後形爲今爲室廬而高厚之形藏乎內焉爲器用而規矩之形起乎內。 形 者交相的 **寓其數**耶」答曰「若所謂 大面 乃日、 越乎 者耶古所謂無形蓋 不 勢而 勝而 能自遠於卑 凡子之論乃吾天說注 之能嗣 以度得畫 逃乎數蒼蒼之外亦更所謂無形之天是則不獨荀子所不言亦王充所不敢道者 已矣還相用而已矣天與人萬物之元者爾」問者曰「天果以有形而不能逃乎」 **福人者故禹錫謂『** 小乘其氣於動用而 夜可以表候非數之存乎常高而不卑常動而不已非勢之乘乎今夫皆蒼然者、 不如 無常形耳必因物而後見耳焉能逃乎數耶」」推夫理之本以 翺。 無形者非 論天亦宗元不如禹錫。 疏耳。 子厚作天說蓋有激而 **—** 、空乎空者形之希徵者 **豈不以是意有相同者耶然子厚天說純出於激** 不能 自休於俄頃又惡能逃乎數 云非所以盡天人之故』(見天 也為體 者也。 也不妨乎物。 音之作也 而後光存 而 而越乎勢耶吾故 視得形之微者也。 丽 有大小 焉。 爲 歸之數 用 所 而夢 謂 心常資乎 īfii 晦 日 矣。 得天 與勢、 數。 彼 響不 丽 萬物 쌄

知架巢空穴挽草木、 然宗元之論亦有過 取皮革饑渴牝牡之欲駭其內於是乃知噬禽獸咀果穀合偶而 人者宗元作貞符封建論言『 人之初總總而 生林 林 丽 ||秦 || 霜風|| 居交焉而命 雨 争睽焉 常程 暴其 而 副力大者

是乃

者多並 大者表 之。則 乎匡宋雖郛邑猶莽蒼然」之言正如一揆去彼知有弱肉強食而不知無仁義人類亦滅絕久者遠矣世之言唐文 道怠者奪。」(貞符)以爲生人之初雖爭以力而其終仍以尙德爲歸此與禹錫「道乎虞芮雖莽蒼 其 連 民字故言人猶言民也)然後天下會於一是故有里胥而後有縣大夫有縣大夫而後有諸侯。 以安 起而 搪窗 師。 幽。 有方伯斯 其其 利 如子厚者又豈可僅以文人目之者哉宗元有集四十五卷又外集二卷夢得有集三十卷又外集十卷。 以 君 視 者齧 |稱韓柳然如貞符封建論其議論皆韓所無 **拳之長又就** 臣什伍之法立。」(貞符)又言、君長刑政生故近者聚而爲羣羣之分其爭必大大而後有兵有德又有 商君開塞所稱 於是有方伯連 連 爪 帥而 剛 者决、 |後有天子』(封建論)其於生民由野而文以及君長徳刑所由發生之故皆能 而聽命焉以安其屬於是有諸侯之列則其爭又有大者焉德又大者諸侯之列又就而 **奉衆者礼兵良者殺披披藉藉草野遂血然後強有力者出而治之往往爲曹於險阻用號分** 是 帥之類則 。 「上世親親愛私中世上賢說仁下世貴貴尊官」不尤至明而至確乎又言「 其爭又有大者焉德又大者方伯連帥之類又就而聽命焉以安其 而吾觀柳所為六祖南岳等碑頗又會通儒釋之理殆似於李習 人有諸侯一 探其蹟 **殉郛邑然** 而 德紹者屬。 後 唐 聽命焉 有 而開 方伯 人諱 由

# 中國哲學史卷下目錄

第十章	第九章	第八章	第七章	附論	第六章	第五章	第四章	第三章	第二章	第一章	第三編
呂東萊附陳龍川五〇	<b>張南軒胡五峯附見四七</b>	朱子季延平附見二九	王荆公附蘇東披蘇穎樓二二二二	附論二程表章大學中庸	伊川程子二六	明道程子	<b>張子一八</b>	邵子附司馬溫公	周子六	宋儒之道學· ····· ]	近古哲學史一

目

絲

三章 陳白沙八七	第二十三章
二章 吳康齋胡敬齋······八四	第二十二章
一章 曾月川辞敬軒八二	第二十一章
章 方正學劑朱滑嬪	第二十章
章 劉伯温・・・・・・・・・・・・・・・・・・・・・・・・・・・・・・・・・・・・	第十九章
章 吳草廬鄭師山北京 "北京", "北", "北", "北", "北", "北", "北", "北", "北	第十八章
章 元明諸儒之機起北北北北北北北北北北北北北北北北北北北北北北北北北北北北北北北北	第十七章
章 真西山魏鶴山北北〇	第十六章
章 楊慈湖	第十五章
章 蔡西山蔡九峯附蔡節羅	第十四章
章 葉水心附着親雅	第十三章
附給朱陸異同	附論朱
章 隆象山五四	第十二章
章 薛艮裔附號止奪	第十一章

第五章 顧亭林發舊應附見	第四章 黄梁洲	第三章 陸桴亭南陸撃曹	第二章 孫夏峯附獨清庵	第一章 清儲之標榜漢學	第四編 近世哲學史	第三十一章 劉蕺山黃石齋	第三十章 顧涇陽高景逸	第二十九章 吕心吾	第二十八章 胡廬山附羅念庵	第二十七章 王龍谿王心齊附鎮輔山	第二十六章	第二十五章 羅璐庵	第二十四章 王陽明
			1 10					10年	On	100			

### 中國哲學史卷下

### 第三編 近古哲學史

#### 第一章 宋儒之道學

川遂有「性卽理也」之言且傳經之與傳心其不能混而一之明矣不特是也宋儒卽言經亦有與漢儒大不同者。 非傳聖人之心也傳已之心也已之心無異聖人之心廣大無限萬善皆備欲傳聖人之道懷充此心爲耳』而至伊非傳聖人之心也傳已之心也已之心無異聖人之心廣大無限萬善皆備欲傳聖人之道懷充此心爲耳』而至伊 例亦有不純耳何以言之考史漢爲儒林傳本爲傳經而設故班氏首言古之儒者博學六藝之文其所敍列但及六 之心傳舍經而言心此門實自宋儒開之故明道告神宗有云『先聖後聖若合符節非傳聖人之道傳聖人之心也。 傷林傳乃有劉歆而無揚雄此無他其例然也夫宋之諸賢固有不能以傳經之儒盡之者矣今人有恆言曰薨舜禹 儒之行今必別於儒林而謂之道學亂史例而啓爭端甚無謂也」顧吾謂宋史之傳道學無可議其可議者特自於 藝授受本末而止是以買誼董仲舒以傳春秋列名儒林而亦即別爲立傳又是時以儒術稱者應莫過於揚子雲而藝授受本末而止是以買誼董仲舒以傳春秋列名儒林而亦即別爲立傳又是時以儒術稱者應莫過於揚子雲而 宋史於儒林之外別立道學一傳議者多訾之以爲「儒之名本不輕周程諸子雖賢要亦服儒之服言屬之言行

子)皆學於晦翁而二蔡在儒林黃字在道學不知以何而別之自亂其例莫大於是使若黎洲謝山之宋元學案明、 得。 學皆出於程氏而晦翁在道學象山在儒林季通(蔡元定)仲默(蔡沈元定子)與直卿 於此 非夸言也聚漢魏六朝以來之所蓄鬱至此而不得不一發之而宋儒者適會其際遂以享其成人也而亦天也。 學傳序曰「孔孟之遺言與錯於秦火支離於漢儒幽沈於魏晉六朝至是皆煥然而大明秩然而各得其所」夫此 子之經者則有間矣是故譬之於穀孔子植之漢人收穫之而宋儒則播之襲之凘之炊之且以自食之者 則又見得別し 方始看得經蓋不得傳授之意云耳。(語錄)由是觀之宋儒與漢儒其有取於孔子之經雖「而 可得故横渠曰 惟主 系群其源流了了而無所陵雜斯則無域矣。 而特創爲道學之名以位置此數君子以爲之傳豈得爲過耶然又謂其自於例有不純何也。 一義理主心得故以經爲求理之階梯而不認經爲可以盡天下之理又以爲理雖在經中而亦非專於守經所 ~ 『六經須著循環能使畫夜不息理會得六七年則自無可得看若義理則儘無窮待自家長得一格、 語錄)而伊 川則曰「古之學者先由經以識義理蓋始學時盡是傳授後之學者卻須先識  $\overline{\phantom{a}}$ 黄幹、 一夫象山 ·) 公晦、 其所 也宋 與 以取 晦 李方 翁、其 然則 史道 於孔

雖然宋儒何以能邁於古人此則大有得於二氏之数不可諱也朱子發(震謝上蔡門人程門再傳)作漢上易

地五十 契詞 之道家非諸子之道家)即朱子於道家亦不能無關朱子旣爲關息箴言動 以 郎李 泛言著作不得便 為佐 自有 師 傳悟真篇 絕 耳。 兩 亦 云、 韻奥 無影響之談筆之於書陳之於君前哉。 證 昌。 不 見大全集 邵授受之非誣則穆周之事非出臆 『陳摶以先天嗣傳种放种放傳穆修穆修傳李之才之才傳邵雍放以河 非 ρŢ 者則 篇。 其 有五之數(收字先之號長民衞人所作易鉤隱圖在通志堂經解中)敦頤作通書程三 諤昌傳劉牧修以太極圖傳周敦頤敦頤傳程顯程頤時張載講學於程 雅、 至 清世 從 潘清逸 者 胡五峯(宏字仁仲安國之子)通書序曾爲濂溪辨之謂『濂溪非止爲种穆之學者此特甚學之 而注释之(雖名考異實注釋但託名於空同道士鄒新)而與蔡季通書亦稱參同契 者。 也。 夫參同調息之說、 執以爲作而非述也且康節受河圖洛書於李之才宋 故 收 陳 然亦即未全以爲不實至朱子乃始以爲太極圖通書濂溪自作非有所受之於人而 與嗣濂溪之友)之濂溪墓誌然墓誌言濂溪作太極貿易說易通數十篇此 入 御 繭 選 **摶、** ) 語錄、 非道家乎蓋自漢以來老莊與神仙合而爲一其言水火升降金 當宋之初隱居華山至屢動天子之徵問(見宋史隱逸 亦在元豐 造可知也。 (漢上進易說表、 (神宗) 之年其間致力於斯道者既衆則諸 況漢上受學於上蔡(謝良佐程子門人) 亦言之)又不獨濂溪之有得於道 史本傳具詳之並謂之才之 靜噓翁之妙(見大全集) | 都之間 圖洛魯傳李溉李溉 放棄著皇極經 (傳) 而 其 頤述易傳載造太 公之必不能不與之 家 去 張平叔 傳遠 傳許 **₺**₀ 作之一字亦但 丹配合之理 濂 更 溪不 世 堅許 义 此 膏。 其所據以 有 無 (伯竭) 遠豊 以 漢 端 枚 缝 参同 堅博 以後 陳天 能 4 和

他 若是彼始有見於佛老之理旣反索之於六經而亦得之且又應有體有一無欠缺也於是乃信自有家實、 言乎朱子曰**『道家有老莊書卻不知**君。 歐 說、牽 伊川 說 滅 九 經是也而其出入於老釋者豈徒然而已乎況當是時士大夫幾無不好佛者故歐陽公本論: 孔子之學本出於老聃甚弘不待聖智者知其必不然矣」是亦認有是事 作 者、 是 菴 · 綠復 卿 故 /所数· 非故 歐 四 犘 民不得不 作明道行狀正復相似伊川謂『明道泛濫於諸家出入於老釋者幾十年返求諸六經而後 朱子門人)作濂 其關 病。 陽修)二公立得定之言今觀龜山之書如云「總老(常總東坡常參之見五燈會元)言經中說 何 羅 作即所 去卻去收拾破甕破釜。此非爲道家言之蓋爲儒者言之也又不獨朱子之心若是也朱儒之心蓋 識、 諱之 則必其 疑乎又說者謂 佛關老非以讎之以爲實無需乎爾且釋道與儒言道則一言用則殊矣以中國堯舜以來禮樂刑 唐官白淨無垢第八阿賴耶識唐首善惡種子白淨無垢卽孟子之言性書」又云「圓覺經言作 ·從而王公大人又往往倡而歐之。」而龜山 ( 楊時,程子門人) 有佛入中國千餘年只韓 謂 助長。 溪年譜則日 實不 ıĿ 濂溪與胡文恭 即所謂 知道與學 Ħ, 不耘 ---者也或日諸儒 昔孔子問禮於老聃訪樂於甚宏謂 **松苗任滅卽是** 盡為释氏竊 (宿字武平宋元學案附濂溪後) 同師潤洲鶴林寺僧壽] 無事。 旣 而用之卻去做做釋氏經數之層。 有得於二氏而又關佛 則是龜山自亦陷入於佛是故當時有 特不以謂濂 孔子生知未 關老何也曰是亦 當如 溪之學全出於賽 **幣間老聃萇弘 巨室子弟所** 謂 役得之。 有 佛 謂某 氏 涯。 故不見朱子之 鼓 ım 者、 涯耳。 m 有 無與 夫得: 度正 (韓琦 其雄誕之 固 九 不 珍 不 政之 必於 於佛 止任 識。 ·可。 謂 今字 此 奥

第三編 近古哲學史

朝 濓 依 则 守毛萇鄭康 夫豈獨 類、 日、 『 而 泰山 備、 珋 溪 說。 毎 傳注泰山實先倡之而安定之學傳之者有徐仲車(積)仲車作荀子辯所以發明性善之說者甚備其教門人、 求 宋儒之學要淵 而 禪學 學、雖 於大易吾未見其能盡於大易也專守左氏公羊穀梁杜何范氏之說而求於春秋吾未見其能盡於春秋 此正宋儒善用佛老之長而無佛老之弊故明高景逸(攀龍)盛稱『 於空中書一正字云『于安定處得此一字用不盡』由此可推見安定之教朱子謂『安定之傳不出 外、 欲其絕父子黜君臣羣趨於髠髮逃世之教此必不能者也是以取其意而棄其迹斤斤於空實有無之辨如曰。 之門則有徂 释言性異處只是釋言空儒言實釋言無儒言有』曰『吾儒心雖虛而 其餘 明道一人哉宋儒之關佛闢老蓋大抵視此矣豈與昌黎原道之空言攻訐、 與辞艮齋書) 至 。最害道莊老於義理絕滅猶未盡佛則人倫已壞至禪則又從頭將許多義理掃滅無餘。」(並見朱子語 緒 伊 成之說而求於詩吾未見其能盡於詩也專守孔氏之說而求於書吾未見其能盡於書也』則講 洛 足以 而 徠(石介) 源於濓溪然而風氣之開則亦不自濂溪始棃洲宋元學案首列安定( 沾被 精。 實 改後學者: 自三先生而始。 蓋大有見也三先生中惟徂徠較粗然其力距佛老亦大振當時僑冠之氣故有朱 當時所謂三先生者也吾觀泰山與范希文(仲淹)書謂 無有過於三 見黄氏日鈔)然則論倡導之功三先生者正未可沒也抑宋儒 先生是以晦 翁有伊川不敢忘三先生之語。 明道先生看得禪 理則實若釋氏則一向歸空寂去了。 而欲火其書戲其居者同乎。 胡瑗 『專守王剪韓康伯之說、 而黄東發(震)且 ( ) 泰山。 書透識 得禪弊 孫 [於章句 復 代除 こ而 也專 經不

之文獻再降爲深寧(王應麟)之考證東發之記誦是丹非素浸多爭執所謂源遠而末益分者非耶然而宋當金 極低孟子為背於聖人有歐公溫公二程之關佛闢老即有東坡(蘇軾)之易解子由(蘇轍)之老子解大爲佛 河圖洛書爲怪妄斥繋辭非孔子之書有二程之推崇孟子卽有温公(司馬光)之疑孟盱江(李親)之常語辯、 雖以濂洛爲正支而其別派旁流亦難齊以一例故有濂溪康節之太極圖說皇極經世卽有歐公(歐陽修)之以 老張目然此猶僅就濂洛初起時言之也至於南渡之後同爲伊洛之傳而有朱陸之異又旁出爲永嘉之事功東萊

事簿改南安司理參軍轉運使王逵慮囚失入吏無敢可否獨力爭之不得則置手版歸取告身委之而 元迭盛宗社再覆一時効忠之土猶出講學之徒語武功雖有餘慚言學術亦更無匹敵矣。 不爲意也後清獻守虔州先生改判虔清獻視其所爲大服之執手曰『抃幾失君今而後乃知周茂权也』 以媚人吾不忍為也』達感悟囚得不死及判合州趙淸獻公(抃)時爲監司中先入語臨之甚威先生處之超然、 山蓮花峯下峯前有溪合於溢江乃取營道故居濂溪以名之清獻再鎮蜀復將奏用而先生已卒年五十有七時神 年知永州以清獻及呂正獻公(公著)薦轉處部郎中廣東轉運判官提點刑獄逾年以疾乞知南康軍因罷居廬 周子道州營道人元名敦實後避英宗舊諱改名敦頤字茂叔仁宗景祐中用舅氏龍圖閣學士鄭珦蔭授洪州分 第二章 周子 || 去日 || 殺人 神宗 初

宗熙事六年六月七日也先生之學或謂得之於穆伯長(修)及僧壽涯或謂不由師授獨出神悟惟清孫夏峯作 得於天人性命貞一之統』此言最爲得實而當時黃魯直 理學宗傳稱『先生汲汲於問學一時儒宿名碩靡不咨扣又時時從高人逸士遊故聞道最早而精明徼密、 厚於得民菲於奉身而燕及榮嫠陋於希世而尙友千古胸懷灑落有如光風霽月』(濂溪詩序見山谷全集)後 (庭堅)謂『 茂叔短於取名而銳於水志薄於徼 超然自 福而

案先通書而後大極圖說未史(黎洲子百家)以爲圖說雜於老釋不若通書之純粹無疵故附之通 太極動 發此 **觀朱子訂正太極通魯兩序(朱子全集七十五七十六)皆謂『濂溪之學之與莫備於太極一圓而』** 五性感動 五氣 亦以爲能形容其氣象云寧宗嘉定中賜詮元公。 一嶷乾道成男坤道成女二氣交威化生萬物萬物生生而變化無窮焉惟人也得其秀而最靈形旣生矣神發。 清逸誌周子慕謂作太極圖易說易通數十篇令易說已佚所傳者太極圖說易通而已易通今曰通書黃氏學 圖之蘊』且潘誌亦首舉太極圖則不先明太極圖說欲求通於通書未爲能知其本也圖說曰、 而生陽動極而靜靜而生陰靜極復動一動一靜互爲其根分陰分陽兩儀立焉陽變陰合而生水火木金土。 而眷惡分萬事出矣聖人定之以中正仁義而主靜(自註云無欲故靜)立人極焉故聖人與天地合其 太極圖說 四時行爲五行一陰陽也陰陽一太極也太極本無極也五行之生也各一其性無極之眞二五之精妙合 「無極而 通書之言皆 **青之後然吾** 

德、

氏之說 於道伯陽則道而入於神 火相 實有 與萬物天之事 生 非 此 威、 其黑為天下式為天 聖 變化 化生 立 華 人 太 于 易 人 者 曰, 嚴 萬物、 則流又水中有火乃焚大槐)合陰陽五行以言易始於揚雄變易 也又有佛氏之說存焉曰無極之其二五之精妙合而疑乾道成男坤道成女是男女各一太極 奥 理 極。 所 動 未言 事 天 所 地 萬物生生變化無窮。 無 謂 者易 礙之旨 静互為其 合其德又曰原始反終故 物 人之合於道聖人之功也言天之事所以原其始言聖人之功所以反其終是故引易傳以 言太極 下式常德不忒復歸 太極。 苸。 根。曰、 仙。 Ė, 物物 故陸象山始終疑太極圖說以爲是老氏宗旨不得謂其所疑 無 而 不言 聖人定之以中正 極 一太極。 而 是萬物各一太極也然而又曰五行一陰陽也陰陽一 太 無 極、 極。 物物各具之太極 於無 則 知死生之說蓋天人之理盡于此二百餘言中矣然太極圖 一也言陰陽 **空**而 (極) 金木 仁義而 不廢 次於有] 而不言五行二也無極之名見於老子(老子上篇) 水火之名見於莊子( 主靜立人極此非禪門靜定之 白、 即是物物共有之太極大海 太極 本 無 極。 則有 而 爲金丹大道始 莊子外物篇 而 不礙 攝於一波、 **一功乎然** 於空此 太極也則是男女萬物又共 無 於魏 因 木 也。 典 而博之以老釋 非天台雙 伯 顧 火 波匝 吾以 陽。 相 說 雖 也。 雄 巖 於大 提 爲 則 日, 則 知 日 空有之 其白、 不 然、 明易 終之 儒 氣交 海。 獨老 金典 nn 盤 守 m 日、

成其廣大也約之以易所以得其精微也周子致廣大而盡精微正以雜於二氏之故雜於二氏於周子何傷乎而疑 者既疑乎其所無庸疑諱者又諱乎其所不必諱以是豐霧旁與轉生障翳嗚呼講學者異端正學之見不除未有不者既疑乎其所無庸疑諱者又諱乎其所不必諱以是豐霧旁與轉生障翳嗚呼講學者異端正學之見不除未有不 意講而愈紛者也。

圖極太 極太而極無 陽 陰 靜 動 R 生化物萬

#### 二通書

實萬分萬一各正小大有定」然太極圖說所以明易通書又不獨易也凡詩書禮樂春秋之理無不發之故曰「春 時運行萬物終始混兮關兮其無窮兮』第二十二章又曰「二氣五行化生萬物五殊二實二本則」是萬爲一一 萬物資始誠之源也乾道變化各正性命誠斯立焉』第十六章又曰『水陰根陽火陽根陰五行陰陽陰陽太極四萬物資始誠之源也乾道變化各正性命誠斯立焉』第十六章又曰『水陰根陽火陽根陰五行陰陽陰陽太極四 通書四十章所以發太極圖說之蘊故於陰陽五行之變化不啻反復言之第一章曰「鹹者聖人之本大哉乾元、

近古哲學史

第三個

秋正王道、 王制 不淫入其耳莫不淡且和焉淡則欲心平和則躁心釋優柔平中德之盛也天下化中(一作化成)治之至 道配天地古之極也」(第十七章)曰『樂擊淡則聽心平樂辭善則歌者慕故風移而俗易矣』(仝上)是其 至其 窮詩樂之妙也曰『洪範曰「思曰答答作聖」無思本也思通用也幾動於此誠動於彼無思而無不通爲聖人]。 經之原故舉詩書禮樂而悉貫之於易又以太極爲易之源故舉六十四卦三百八十四爻而悉納之於太極太極者、 卦不畫聖人之精不可得而見微卦聖人之蘊殆不可悉得而聞易何止五經之源其天地鬼神之與乎」以易爲五卦不畫聖人之精不可得而見微卦聖人之蘊殆不可悉得而聞易何止五經之源其天地鬼神之與乎。」以易爲五 而妄既發矣誠有虧矣欲復其无妄之誠其道不在誠而在思故曰『誠者聖人之本』又曰『思者聖功之本』(第 心誠者不息不息之道盡於乾故四十章始之以乾又誠者無爲無爲則止止之道盡於艮故四十章終之以艮然。 第九章)是其损害之精也曰「中也者和也中節也天下之達道也聖人之事也故聖人立教俾人自曷其 第九章)夫知幾者莫過顏子孔子之稱顏子曰顏氏之子其殆庶幾乎有不善未嘗不知知之未嘗復行也(見 (中而止矣』(第七章)是其機體之要也夫通書固自道之矣曰『聖人之精畫卦以示聖人之蘊因卦(中而止矣)』(第七章)是其機體之要也夫通書固自道之矣曰『聖人之精畫卦以示聖人之蘊因卦 醴 )致其作聖之思其用又不在思 法修教化三耦正九瞬般百姓大和萬物咸若乃作樂以宜八風之氣以平天下之情故樂聲 明大法亂臣賊子誅死者於前所以懼生者於後也」(第三十八章)是其揭春秋之徼也曰『古 也動而 ·未形有無之間者幾也誠精故明神應故妙幾微故幽』(第四章) 而在幾故曰『誠無爲幾善惡』(第三章)又曰『寂然不動者誠 又曰「易日 知 一淡而 幾其 不 一也是謂 心威而 傷 以發。 者聖 和

聖功之本既聞之矣而第二十章言聖學之要又曰「一為要一者無欲」何也曰圖說不云乎無欲故靜夫惟靜而 易繋)是故曰「發聖人之蘊改萬世無窮者顏子也」(第二十九章)又曰「顏子亞聖」(第二十三章)又 後能思天下來有證憧往來朋從爾思而可以極深研幾者無欲者用志之不紛思者與神而爲一思與無欲非有二 曰『志伊尹之所志學顏子之所學』(第十章)然則周子之所以告人者其本末次第不旣彰彰矣乎或曰思者 也。 | 故曰「動而無靜靜而無動物也動而無動靜而無靜神也動而無動靜而無靜非不動不靜也物則不通神妙萬 第十六章)嗚呼知夫動之無動靜之無靜則四十章之旨如指諸掌矣。

#### 第三章 邓子 所司馬温公

可見而先生淳一不解汪洋浩大乃其所自得者多。今觀物外篇(觀物內篇先生所著之書外篇門人記先生之 於穆伯尼(修)因從受學焉故世傳邵子之學與濂溪同所自出然明道程子誌其墓謂『穆李之言及其行事概 君臣亂其問有能爲小善者安得不進之也況五霸實有功於天下且五霸固不及於王不猶愈於觀乎安得不與之 也」一夫言奉秋既不必同於穆則其後日所傳象數非盡穆李之舊殆可推而得之蓋在百源數年寒不爐暑不屬、 ),亦謂『邵某受春秋於尹師魯師魯受於豫伯長邵後復攻伯長曰「伯長云春秋無褒皆是貶也春秋醴 邵班字堯夫其先范陽人從父徙共城居蘇門山百源之上時北海李挺之(之才)攝共城令得先天圖書之學

囚口、 潁州團練 推爲風流人豪卽共襟度可知也嘉祐中(仁宗)詔求遺逸留守王拱辰以先生應詔授將作監主簿復舉逸士。 公(光)皆退居在洛雅敬先生爲市園宅時相遊從先生歲時耕稼衣食纔給而燕笑吟哦未嘗有拂逆之色或 生學既通以洛陽爲天下之中四方賢士大夫之所輻輳也遷居之當是時文路公(彥博)富鄭 小車出遊城中一人挽之惟意所適名其居曰安樂寫自號安樂先生每日『學不至於樂不可謂之學』故程子 就席。 先生論 探蹟索隱。 推官皆固辭乃受竟稱疾不之官熙寧十年卒年六十七方疾温公橫渠明道伊川晨夕候之橫渠喜論命、 命否當推之。一日「者天命則已知之矣世俗所謂命則不知也」橫渠曰「先生知命矣載尙何 必有自得於師傳之外者此與濂溪傳种穆之太極圖而其說不必遂卽种穆之說、 Œ 司 例 也。 馬 補 先

見之說 之名則孔子贊易無有是也然猶可曰易有太極是生兩儀兩儀生四象四象生八卦本繫辭之文也至置乾於南、 因對文王後天之卦而言故曰先天卽今朱子易本義列之卷首者也然文王之八卦其次序則乾父坤 元祐 為長女坎為中男雖 邵氏先天圖有四一八卦次序圖一八卦方位圖一六十四卦次序圖一六十四卦方位圖謂伏羲所費之卦如此。 中賜諡康節所著有先天圖皇極經世觀物篇漁樵問對等晚尤喜爲詩詩曰、 手。 邵氏八卦 ス次序圖以一 為中女艮爲少男兌爲少女其方位則離南坎北震東兌西巽 分為二二分為四四分為八於是陰陽之中復分太少而有太陽 伊川 東南乾西北、 擊壤集而自爲之序。 坤西 少陽 毋、 南、 震爲長男、 太陰 艮東 少陰 北。

逆。 六十四 對之本也又曰。『三日出為爽震受庚西方八日兌上丁上弦平如 全昧大道則有不可且參同契曰「牝牡四卦以爲橐籥」四卦者指乾坤坎雕也是康節八卦方位取乾坤坎 + 十三』是八卦方位取篾巽艮兄相對之本也又曰「朔旦爲復陽氣始通乾健盛 取 桂 北。 明 北乎火果在東水果在西乎是故黄晦木(宗炎黎洲之弟)作先天卦觸辨略(見宋元學案百源學案) 相 坎塡 Й E, 又謂, Ĥ 瀕. 置離於東坎於西震於東北兌於東南巽於西南艮於西北以爲方位之圖而謂「自震至乾爲順自巽至坤爲 桂 位 圖 乾遇巽 一卦方位 《離之法 簡 水 也。 方位陰始於姤 火不 說)八卦之中而或順 月窟者、 易而康節裝湊安排全昧大道」蓋以以圖合易牴牾實多也雖然康節之圖裝湊安排則誠然矣而。 數往者順立 医也六十四日 |陽始於復而極於乾之本也又曰「 相 時 州言其 陰之微也天根者陽之發也三十六宮者卦之不易者八(乾坤坎離) 觀 **買窟**。 若順天而行是左旋也皆已生之卦也知來者逆若逆天而行是右行也皆未生之卦 而極於坤之本也蓋丹家以乾坤爲爐鼎坎雜爲藥物以六十四卦爲火候八卦 (性情、 卦方位所以表抽添火候之功也康節所得之於李穆者如是而已矣抑康節之詩嘗有之 地逢雷處見天根天根月窟閒來往三十六宮都是春。」夫乾遇巽者姤|||||也地 非言其方位 或逆恐說卦所謂數往者順 也若 以天地 姤始紀緒履霜最先道 相對 知來者逆未必若此且說卦言天 而列於南北水 縄十六轉受統巽辛見平明。 第則反歸乎: 火相對而列於東 丽、 廣 坤元。 被四 頤中孚大過小過)反易者 鄰, (地定位、 **、西則** 良直於丙南、 صا 中 有 天果 中 山澤 省文) 方位所 有 省文 在: (也)(先 通 南、 逢 下 以示 是六 雛 謂 弦二 地 )是 其 易 果

於

天

風

在

本

也康節 為知易。 天學心法也圖智從中起萬事萬化生于心也。且以心法觀丹歌則丹歌非小術也以心法 二十八合之三十六猶言六十四卦也都是春者火候勻而藥物熟也以詩證圖則 而康節猶慮人之不能通其意而或以京焦(京房焦延壽並見漢書儒林傳) 5日『風難』 武子之言未皆及易其問易道存 無文吾終日言而未嘗離乎是蓋天地萬物之理盡在其中矣。又曰、 爲但人見之者鮮耳人能用易是爲知易如孟。 之數失之也。 其以 一子所謂善用易者也」(皆 『知易者不必引用講解是 丹訣言易康 故圖說 觀卦 圖, 則 直 節豈自諱 卦 揭之日 圖 非 呼。然 異 الت 光 說

有 変、 而 日太陰爲月少陽爲星少陰爲辰日月星辰交而天之體盡之矣太柔爲水太剛爲火少柔爲上。 之大剛柔盡之矣陰陽靈而四時成焉剛柔盡而四維成焉天生于動者也。 盡之矣動之始則陽生焉動之極則陰生焉一陰一陽交而天之用盡之矣靜之始則柔生焉靜之極、 観物 一柔夜而地之用盡之矣動之大者謂之太陽動之小者謂之少陽靜之大者謂之太陰靜之小者謂之少陰。 五. 觀 行而觀物篇不用五 地之 外籍)由是論之康節之圖、 篇者康節推其卦聞之意以觀萬事者也曰「物之大者無若天地然而」 一體盡之矣。 朝 物 簱 جحا (觀物内篇、 而 用四官天則四象日月星辰是也言地則四體水火土石是也推是以言天變則寒 一雖不與易合倘亦所謂善用易者 中有節文) 其言陰陽動 靜亦與濂溪太極圖說合然而太極圖說陰陽之下、 非耶。 地生于静者: 亦 有所盡也 也。 動 天之大陰陽 少剛爲石水 静交而 則 削 **%盡之矣地** 生 天地之道 火土石 太陽爲 焉。 附

夜。 之道、 管在 萬物、 則 觀 至 言 分陽分柔分剛者、 蓋合內外 災 者 性 元 為元、 法」(語錄 上面 會 言 則萬物 也、 盡于人矣」(皆觀物 不以我觀物 上識天時下盡 謂其能以 地 百、 () 言經、 化、 轉。 世, 而一之以求無乎不貫是康節之學也然於觀物曰「 也非觀之以 則 性者道之形體也』( 爲物。 **外之便透想得一** 歲 月日辰。 雨 一心觀 以道觀 三則詩 )則其不取五行亦因於數而然非有他意也抑康節 風露雷以言動 天地萬物之謂 者以 地 心面 曹易春 (一時 、萬心一身観萬身一世觀萬世者焉其能以心代天意口代天言手代天工身代天事 物觀物之謂 理、 天地則天 中盡物情通照人事者焉其能以彌綸天地出入造化進退古今表裏人物者焉」 內篇 観之以 那 ·秋言治則皇帝王霸故朱子曰『康節其· 為辰十二辰為日三十日為 植之威則性情形體。 也。 是以 也。 撃壌 備 理 地亦爲萬物道之道盡于天矣天之道盡于地矣天地之道盡于物矣天。 便成四片其法四之外又有四焉。(語類 天地萬物者、 也聖人之所 其 集自序) 內篇)其又斥以心觀物以我觀物何也。 言太極 地台、 以能 其言聖人 人之謂也』又曰「 以言 道為 月十二月為歲三十歲為世十二世為運三十運爲會十 動 萬物之情者謂其能反觀 n植之應則: 也、 百二人 夫所以謂之觀物者非以目觀之也非觀之以 太極。 即又曰、 道為天地之本天地爲萬物之本以天地 雖廣說萬事、 初只是看得太極生 走飛草木言人則耳目 也者物之至者也聖也者人之至者 一心爲太極。 一而 。 日 是 固 有 数 而仍反之於人身曰『夫分陰 也所以謂之反 明道亦謂 兩機兩機生 說矣外 鼻 --、 皆觀 凳 Ü, 學色氣 夫之數 觀 物外 者 四 不以我 象心只 (內篇) 者焉其 、地萬物 也。 只 篇 味. 以物 言 自而 人之 是 其 加

觀 性盡。 此 之心 於勞而寡功矣豈其 物、 是則 性 與 也。 其合内 我 以 者、 我 舰 私 外之道也。 物、情 心我 7見障我與物質 也性公而 分開 雖然康節 物理之學或 明情偏 而 蓋有志矣而未之逮也其皇極 使之不相 丽 有所不通不可以強通」 · 關一又曰『任我則情情則蔽蔽則昏矣因物則性性。 見 者 也故不用之不 角之而 (外篇)者猶 經世欲以元會運世之數窮古今治亂之 後物 我 通物 有 知之而 7我通而 未能 後 則 神。 蹈之 物之理窮我之 神 者平。 則 明

潛虛 亦五 有原有委火有熒有焱木有本有末金有丱有刃土有基有冢其生數(一二三四五)五其成數 超之以 然 好之矣。」其有得於玄不必言而康節亦稱揚雄不獨知歷法又知歷理(外篇)意其於玄亦皆有究心者乎又 冢)居中即河 有 原) 业生成相合 則本 後 邵子之以 情。 五解以 六个 五行以 情然後事事然後傳傳然後家家然後國國然後政政然後功功然後業業終則 委)居北二(獎)七(桑) 經世演易同時即有司馬温公之以潛虛擬玄潛虛之體五十有五而基之以五行。 配而爲五十有五之體此潛虛之所以作也其說曰「人之生本于虛虛然後形形然後性。 成 圖之象則其說固有相通者矣且温公旣作潛虛以擬玄又爲太玄作注曰、 明 其 其 義變以 說此康節溫公之不同 佝 其占蓋欲舉內 心也然康節先五 居南、 m 情性外 三(本)八(末 天圖謂 而政事盡之於五行 代義依 居東四 河圖 m 變化之中 丱 作。 Û 而 九(刃) 温 公之書、 返於虛矣』故自形 者也夫經世不 『吾于子雲 有所 居 Ħ (六七八九十) 行又各分二水 西、 謂 五 性然後動。 雖 甪 氣 未 基 Ŧi. 至業、 能知、 者。 行。 十

動

盘

擬

玄而

亦有異於玄者玄難言五行然其首以九九爲數則襲八卦而來五行與八十一首錯綜以爲用故能成

固

之作温公亦必有其所以自得者未可輕也温公名光字君實陝州夏縣人哲宗立公爲相盡除安石新法於學無所 不覽而與邵張二程皆相善康節嘗稱之曰、「君實腳踏實地人也」。卒年六十八所著有文集八十卷他著述二十 有樂有愛遠則有怒有哀有惡此人之常情也愛實生貪惡實生暴貪暴惡之大者也是以聖人除其萌塞其原惡奚有樂有愛遠則有怒有哀有惡此人之常情也愛實生貪惡實生暴貪暴惡之大者也是以聖人除其萌塞其原惡奚 自而至哉」(迂衢絕四)知吉凶悔客之由於意欲而以除其萌塞其原即聖人贊易之意亦不過乎是然則潛虛 天下之至贖者虛則變化極於五行而止雖繁稱博引以為之說而於探贖索隱鉤深致遠之義淺矣然而温公有云、 【吉凶悔吝未有不生乎事者也事之生未有不本**乎意者也意**必自欲欲既立于此矣于是乎有從有遠從則有喜、

氣

餘種五百餘卷而潛虛尤所致力。

圖

丁森川袋

十冢×基

一原丁委

**미朱Ⅱ本** 

近古哲學史

#### 第四章

必於禮 **腐召對問治道對曰『為治不法三代終荷道也』時荆公行新法為舉朝所沮欲倚先生以為助而語不合出按獄浙** 王之遺法而有志未就以呂汲公大防腐召同知太常禮院未及养告歸竟卒於道蓋熙寧十年也年五十八嘉定間 東還朝即移疾屏居南山下終日危坐一室左右簡編俯而 程、 驗之一方。』欲與學者買出一方畫為數井上不失公家之賦役退以其私正經界分宅里立斂法與學校以推 志於學·己未知所止也求諸釋老者累年乃反求之六經仁宗嘉祐初至京師見二程二程於先生爲外兄弟之子卑 ,既得諸心乃修其鮮命命聯無失然後斷事斷事無失吾乃沛然」所著有東銘、 也先生與籍道學之要厭服之時方擁皐比講易京邸聽從者甚衆卽撤坐輟講曰「嚮與諸君語皆亂道比見二 湛深於易吾所不及可往師也一舉進士仕爲雲巖仓神宗立遷著作佐郎簽書渭州軍事判官用中丞呂正獻公 |載字子厚世居不梁以僑寓爲鳳翔郿縣橫渠鎭人少喜談兵至汰結客取洮西(時爲夏有)之地年二十一、 調范文正公仲淹文正異其氣貌而甚少惜之手中庸一編授馬曰『儒者自有名教可樂何事於兵』遂翻然 法又以周禮為必可行於世日『仁政必自經界始經界不正卽貧富不均數養無法縱不能行之天下。 讀仰而思有得則識之或中夜起坐取燭以 西銘正蒙理窟易說等而數學者、 書嘗日「吾 亦當 明

諡曰

籍、 之用息易繫所謂易不可見則乾坤或幾乎息也然乾坤不離易, 根 陽 第十七)是也是以言陰陽者以著太和 之日 偏為 一不可見一不可見則 大易籍 於 勝 也。 横 **笑不息** 故說易者: 陰日 萬 則 形 言 果之 鬼 物 面 物 1陽合之則1 H 胂 欲 後 神、 說、 學、 明 化 行。 有氣質之性。 者 則 衋 說 宗之日、 篇 颌 根 陰陽盡之矣橫渠惟一切推陰陽以爲說是故十七篇言天地、 日、 而不休 仼 惡 於 <u>\_</u> 正蒙十 言聖人、 而 地」(動物籍第五 鬼神者二氣之良能也」(同上)言人物則曰 日 全 者也。 兩之用息』(太和篇) 太 物 好 善 和。 七篇。 則 者、 反之、 然觀 其日 而 曰, 其 蓋上 兩體其太極之謂數。 必 則天 ----其大體要得之於易爲 大德敦化 曲 太和 |則天道下|| 學平。 地之 )言性則曰「性其總合兩也」曰「 太虛之實言太和 所謂道」(太 性 Brown 然後仁 兩不立 存 萴人 同上 焉。 事、 محت 陰陽天道象之成也剛柔地道、 智 誠  $\overline{\phantom{a}}$ 則 和 明 明篇、 誠明結 多故 篇 第 則品 一不可見易繁所謂 而聖 太虚 類幽則 一)是 所言: **柳第六)言學**問 《人之事備! **言神化**、 而易之用惟 者以見陰陽之根。 亦 也。 不出 鬼神大則經訓小則物名無不闡述 則曰、 動 或 性 物本諸 陰陽變化之理惟陰陽雖二其究則 日 則日、 知性 性為 太虛。 則日、 在乾 乾坤 <del>---</del>3 氣有陰陽。 **昭天植物本諸語 光坤放說易者於** 能 一知天則: 『奠非 『天地變化二端 毀 此其自言之甚 其日 法之效也仁 存 則 神。 無以見易 「太虚者氣之體」(乾 物物 推行有漸爲化合 天也。 陰陽鬼神皆吾分 為能 陽明 地。 乾坤 輚 明。曰、 也。 人道、 叉曰、 盡之矣乾量 過 勝 而 化](同 則總 巴。 兩 不可見則 性之立也。 莊生所謂 有 性 内 不 E 不測 用。 爾。 太和 息 坤、陰 稱篇 立 分 险 則

m

濁

日、

於佛。 來、則 者謂 寙 佛 病之說此道不明正由懵 曾打 爲 大語 知可乎』(大心篇 客 氏 幻 形、 囀 』(大心篇第 兩之莫不 丽 小. 化。 萬象為太虛 深於易者 舌身意) 與 出 力攻佛老則 High 流遁失中其過 明 無 者。 如曰、 颬 不 有 之 也若謂虛能生氣。 無 能 形、 微因 乾坤 中所見之物則 畢 太虛 與二 惟盡 七 其 z 要遂蹬 一級天 於大也塵芥六合其蔽於 但不於人倫 其所謂 無形、 道。 程同日『知虚空即 性者一之」(太和 而關學逐微也。 者略知體虛 地明 氣之本 等妄意 其 說 則虚 物 客威所謂存象之心亦象非通於佛說心識之分則不能道也抑 不能 如 奥 人事之迹蔽其獄而以天道天用之理摧其軍此其文理密察即二 此則宋史本傳稱先生之學以易爲宗以中庸爲體。 體。 虚 無窮氣有限。 空爲 盡、 丽 其聚其散變化之客形爾至靜無威、 不 則 然。 相資。 誣 <u>-</u> 性。 氣則有無隱顯神化性命! 箱) 天 不 形自形性 太和 小 地日月為 知本天道 **心體用殊絕入之** 日、 也夢幻 (篇) 叉日、 由象職心徇象喪心知象者心存象之心亦象 為 人世謂之窮理、 幻妄蔽其用於一 自性形性天人不 用。 老氏有生於 反以人見之小因 『釋氏妄意 通一 可乎不知窮理、 無二。 性之淵 相待。 天性、 無自然之論。 身之小溺其志於虛空之大此 **線天地** 顧聚散出入形 而不 而 源有識有 有陷於浮屠 知範圍 即有 蓋其信 不識所 而謂 ネ 知、 盡性可乎謂之無不 矣然而 不形。 盡則 横渠雖不能 以 謂 物交之客威 山 有 流已謂· 以六 能 程有所不遠。 誣 無混 泂 即亦 推 世 大 界乾 地 本 所 根 之常。 之心 有從 爲見 無得 所從 以 坤 服

而

惜

平

南

渡以

後洛學傅

曾 横渠 分(伊川答龜 莫不 之教 渠有1 從而 子之 濟惡 人。 疲 銘 也。 戲 大君 可見 艋 欉 動、 云, 甪 順 也。 顧養育英才類 者 嬘 渠 疾惸獨 令者, 過 揧 者、 『心大則 此 極 不 也。 道矣然龜 關中 於窮 才其踐 言 吾父母宗子其大臣宗子之家相也尊高年所以長其長慈孤弱所 過 佰 銘曰 既與佛氏異故窮生人之始本諸天 於學 動、 山 繭 奇 鰥寡皆吾兄弟之頗連 知 形惟肖 繑 百 書 也富貴福澤將 **—** ·堂雙牖、 物 戒。 化事天之功 乾稱父坤稱母予茲貌爲乃混然中處故天地之塞。 山 封 **₩** 皆通心 八之錫類 所以 **夫明道識**  $\overline{\phantom{a}}$ 楊時) 者 開 左曹砭愚右 也知化則善述其事。 警後 小 則 仁亦言仁者渾然與物同體。 猾疑 也結以存順 厚吾之生 不弛勞而 公百物皆病. 學 者 丽 其近於墨子之兼愛故 書訂 甚 無告者也於時保之子之翼也樂且不憂純乎孝者 切。 也。 底豫舜其功 然語氣象之博大解義之深粹則非西銘之匹也後程門專以 没寧、 貧賤憂。 顏。 ・(理窟) 医伊川 **窮神則善繼其志不愧屋漏爲無忝**。 地、 知 而 命之學 不本 戚、 語 庸 也。 **岩横渠明道** 日是當起爭端。 玉汝 諸法 無 也此 卽 伊 所 性窮生 於成 與 加 逃而待烹申生其恭 解之以 西 不 銘 獨橫 也。 存吾順 亦 吾其 何 人之終信有委順、 渠也凡 乃改 惟心大故視 爲 别。 艦 西 以幼其幼聖、 體。 訂 銘 山 事。 頑 沒、 疑 地之帥、 明 儒者之所 心也體其受而是 吾事也一 日 西 理 存心養性為匪懈惡旨酒、 西銘, 物 銘、 我 工其合德賢、 而 吾其 而 而 砭愚日 分殊、 持以 不 也。 不 體 疑 首以乾坤體 性民、 違曰 信 耳西銘 歸全 墨氏 自別 明 有 、道之言。 埬 涅槃。 悖 其 吾 銘。 則二本 於二氏 德。 者參乎勇于 秀 同 東 害仁 原 此 也。 胞。 名 何 性、 凡 物 以 崇伯 者蓋 訂 也。 率性 日贼。 而 天下 吾與 其 教 西

故

學

者

亦

迻

3

知

西

銘

m

不

及東

之廣居者乎」居仁由義自然心和而體正』(理窟氣質)又曰『爲學大益在自能變化氣質不懈卒無所發明。 化横渠以形而後有氣質之性故主變化氣質其意一也而橫渠即有與荀子甚相似者荀子重體曰「治氣養心之 不得見聖人之與』(理窟義理)此蓋根其言性有天地之性與氣質之性之分而來荀子以性爲惡故主矯飾提 荀子爲近而 術莫逕由禮」 補後學前此未會說到」(語類)然以今觀之卽未始不由荀子而出安在前此未會說到耶大抵漢儒之學猶與。 為學從入之途合故有不期同而不得不同者耶然而朱儒之中吾則以橫槳為博大矣。 也之言)曰『心能盡性人能弘道也性不能檢其心非道弘人也』(正數誠明) 曰『 (理窟氣質) (理窩義理)此無他變化氣質之準在禮而變化氣質之柄在心也朱子曰『氣質之說起自張程極有功聖門有 **漢之說於正蒙西銘外。尚有足述者則理窟言變化氣質是曰「變化氣質孟子曰、「居移氣養移體況居天下** :唐宋以來儒者但尊孔孟而以荀子爲悖於聖人故二程皆極証荀子乃橫渠獨取荀子以成其說豈其 荀子重心曰『治亂在於心之所可亡於情之所欲』而横渠亦以心統性情(拾遺有心統 而横渠亦首以禮教學者曰『禮所以持性』(理窟禮樂)曰『 使動作皆中職則氣質自然得好』 變化氣質與虛心相 表裏。 性情者

## 第五章 明道程子

程 **颞宇伯淳世居中山博野後為河南人父殉通判南安軍事時濂溪為司理參軍殉與語知其非常因使顧與弟** 

時之利 從者甚 時元豐! 縣遷晉城令熙寧初元用呂正獻公薦爲太子中允監察御史襄行王安石議行新法言者攻之甚力顋。 議事安石厲色待之顧徐曰『天下事非一家私議願平氣以聽』安石爲之媿屈後安石逐不附己者獨不及願曰、、 頤往受學焉願當自言「再見周茂叔後吟風弄月以歸有吾與點也之意」年二十六中進士關鄭縣 此 E I 為己功』蓋宋儒自濂溪外學德莫有能過之者而弟頤爲先生墓誌至推爲孟子後一人云。 八年 衆而未嘗見其愁厲之容嘗言『 信 A 也。年 ₩. Ħ. 改簽曹鎮寧軍判官遷太常丞知扶溝縣已坐逸獄貴監汝州酒稅哲宗立召爲宗正丞未行而卒。 十四太師文意博題 **寧學聖人而未至不欲以一** 其墓曰明道先生嘉定中賜諡純公先生學養純粹與弟頤講學於洛門人 善而成名寧以一物不被澤爲己病不欲以! 《主簿改 (被旨赴· 中審

### 一識仁說

便 意 有防心苟不懈、 用。 思乃 台 學者須先識仁仁者渾然與物同體義禮知信皆仁也識得此理以誠敬存之而已不須防 孟子言萬物皆備 明 有 道 得蓋良知 備 |教人每單提仁字故語錄中言仁處最多而莫備於呂與叔 ( 大臨 ) 東見錄所記後世因號之爲識仁說。 言 此 體。 何防之有理有未得故須窮索存久自 以 良能元不喪失以昔日 於我須 此 意存之更有 反身而誠乃爲大樂若反身未誠則猶是二物有對以己合彼終未有之又安得樂訂顏 何事必有事焉而 習心未除卻須存習此心久則可奪舊習此理至 勿正心勿忘勿助長未嘗致纖毫之力此其存之之道者存得 明安待窮索此道與物無對大不足以名之天地之用皆我之 約惟患不能守。 檢不須窮索若心 既能體之 則 曰,

非得之 未除、 足以 焉 萬物皆 比、無 而 力於禪學為 故 樂亦 mi 按 伊 故、 已。 明之天地之用皆我之用曰、 卻 天理 相 謂先生全同 Ĵij 妄 須存 於外我固有之也故又曰孟子言萬物皆備 不 備於 待故 何 心則 作 以 患不能守 即仁) 明道 孔 我、 習 也(六祖語 多夫仁者渾然與物同 滅 門勤 反身 此心人則可奪舊習此其剴切 行 也。 狀謂出 孔孟 卻是,自家體 勤 也。 起 前 於仁若是出 』(見二程 信 誠、 亦不可本源無二機用則殊是在善學者自辨之。 論 入於老釋者幾十 卽 天地之用皆我之用卽 所 謂 貼出來。 以 岩自悟 以此意存之更有 此意蓋千數百年 彼證 遺書)夫 體、 卽 此、 **(** ·者不假外· :所謂心佛衆生三無差別  $\overline{\phantom{a}}$ 固 孔子 見語錄 年、 有 明著謂孔門之教至是復光豈爲過乎雖然明道何以悟 若合 反求諸六經 弟子 何事然則仁者豈非一 符節 於我須反身而 而 所 汖 )然則 門 未 也。 謂三 **.** 晓 至 仁者多矣而 者 一界唯 六祖 謂先生非禪 矣然得之於禪而 īfii 明 後得之而先生亦 心森羅 道、 謡 乃日仁 也。此 誠乃爲大樂曰良知良能、  $\overline{\phantom{a}}$ 存 孔子叉獨許顏 萬象、 道 習此 不 貫之道得 者渾 與 可謂先生是禪亦不可謂先生不同孔孟。 物 小 不 然與 自言、 法之所 無對 作禪 人 觓 大丕 其 物同 回三月不 可 **『吾學雖有所授受天理二字** 用、 奪舊智 即 一而萬事 仍一 足以 體c 机。 元不 日、  $\overline{\phantom{a}}$ **小遠仁其餘** 此 馬 反之於孔孟之家法。 眀 ęρ 之。卽 畢 道 喪失以昔日習心 所謂 袓 者耶又是仁者 與物 語 及於此。 見傅 所 眞 則日 無 如 謂 對、 法 燈 法 月 大 要得 錄 常薫 無 不 包 有

### 二定性書

朋 道之學尤見其出於禪者莫如定性一書定性書者所以答橫渠張子之問者也其略曰、 同所謂定者動 亦

心聖人之常以 孟子 亡出 尙 个以惡外物之心而求照無物之地是反鑑而索照也易曰「艮其背不獲其身行其庭不見其人」(易艮卦象) 何 無將 夫古以 應於 日「所惡於智者爲其鑿也」與其非外 之情各有所蔽故不能適道大率患在於自私 有意於絕外 心其言心乃 入無時莫知 應物之爲累哉聖人之喜以物之當喜聖 亦不 易咸 迎、 物哉。 發 而 無內外茍以 外。 善惡言性者、 桂 以 難 鳥得 九四 其 誘而 制 其鄉惟心之謂亦是心而非性也謂心爲性混心性而一之蓋自佛 情 吾儒之意蓋 佛 者惟 爻辭) 所以 以 順 從外者 萬物 不知性之無內 外物爲外、帝己而從之是以己性爲有 告之 怒為甚筑能於怒時邈忘其怒而觀理之是非亦可以見外誘之不足惡而 有之矣以動靜言性者無有也孟子言四十不動心是心而非性也引孔子言操 **苟規規於外誘之除將見滅於東** 丽 有 爲 無 者、 情。 見於此 非 或日寂常心 故君 而 外 更水 也今 子之學莫若廓然而 也既以內外爲二本則又烏可 在 明道論動亦定靜亦定無將迎 內者 人之怒、 而是內不若內外之兩忘 性。 或 而用智自私則不能以有爲爲應迹用智則不能以明覺 為是也令以自私用智之喜怒而 日 以物之當怒是聖人之喜怒不繫於心 性淨 崩心。 三大公物來一 而生於西 內外 或日 也。 圓 也兩忘則 而順 也非惟日亦不足顧 遠 Ā 妙明心、 語定哉。 以 無內外 性随 應易日「貞吉悔亡憧憧往來、 寶明 、澄然無事 大天 物於外 **浩**始矣楞嚴領 視聖人喜怒之正為 IE 妙 地之常以其心普萬 是心 性。 則當 故或 無事 其端無窮不可 而 而 其在外時 非 者 繋於 則 性而 經、 謂 於道 定定定 物 佛之 闽 也。 又多與楞嚴 川存、 言 亦 基 則 何 問 何 爲 得 朋 物 者 思 如 則 明。 性 自然。 含則 過 哉。 垩 III 爲 明 乃 在 夫 則 半

天理不欲! 至明 子言性善是也」(並見語錄 日、 豈不然歟然明 之旨合然則 論性不: 劉蕺 說人! 論 葉 氣不備。 性有善而無惡故曰、 道 水 綸 心 性、 論氣不 適 固 有本· 頀 譮 之於儒 )斯則 其攻斥 性不可 『人生而靜以 老佛 者。曰、 明二之則不是」凡此 終與禪語爲近耳明道一生學問主腦盡在識仁定性兩篇故茲特學而 至深而 【生之謂 答張 上不容說才說性時便已不是性凡人說性、 性。 氏 即氣。 論定性乃盡用 所謂性皆典孟荀以來諸儒之謂 氣 即性。 Ħ, 老佛之學 <del>--</del>-0 善固 性 而 也然惡亦了 不 · 知者 ( 性同。 只是說機之者善孟 見智學記 不 特既認善惡皆 可 不謂 言)又 之性

職。 道 之嚴視潞 是時文潞公彥博以 哲宗初司馬温 Ê 伊 心書中 希 川 名頤、 哲、 第六章 公之恭孰爲得失』先生曰、 字原 山指定性一書爲發明周子主靜立極之說其合於周子處學者取兩先生之文比觀自明不待贅焉。 字正叔。 自 公呂 [況諸葛] 明正獻公公著子也與先生鄰齋首以師 太師平章軍國 正獻公共疏上 明道 孔明已游· 伊川程子 先生 弟 太學。 也幼幼 一其行義除秘書省郎。 重事侍經筵終日 時胡安定主教事 『潞公四朝大臣事幼主禮不得不恭吾以布衣職輔導、 有大志年十四五、 嚴立不懈而先生在帝前容色莊嚴、 禮事之治平(英宗)熙寧( 與兄受學於濂溪十八上書闕下勸仁宗黜 尋召為崇正殿 以顏子所 好 何學論 說書先生每進講 試 學生得先生 神宗 (生文大驚) 亦不 所 以 開陳 稍假借或問 間、 亦不敢不自重 大臣屢薦皆 延見即 世 人主 俗之 者、 甚切。 日、 處 君 不 以 起。

然以確認 能出 明道、 有二氏之痕跡至伊 之縱其情而至於邪僻牿其性而亡之故曰情其性。全本之太極圖說則先生所得於濂溪者實非淺尠故: 從濂 濂 喜怒哀懼愛惡欲情旣熾而益蕩其性鑿矣是故覺者約其情使合於中正其心養其性故曰 為人其本也貞而靜其未發也五性具焉曰仁義禮智信形旣生矣外物觸其形而動於中矣其中。 日、 T 以 於是洛蜀黨論起出管勾西京國子監已去官紹聖間削籍竄涪州徽宗立移峽州復其官崇寧二年言 先生既以天下為己任議論褒貶無規避又與翰林學士蜀人蘇軾不合一時歸先生之門者與蘇氏門下更相攻許。 溪之 邪說感凱衆聽有旨追毀出身文字所在監司覺察所著書先生乃避居龍門之南時四方學者猶相從不 尊所聞行所知可矣不必及吾門也。五年復宜**議郎致仕大觀中卒年七十五全謝山謂先生與明道雖** 亦 溪遊後靑出於藍居仁謂二程始從茂叔後更自光大)然觀顏子所好何學: 白有別。 門而其後所得實不由於濂溪並引呂原名( 溪為二程之所自出且有濂溪以太極圖說通書付之二程之言正不得謂無所見而漫然云爾 溪之尺寸朱子謂 而 伊 川 則 明道不廢觀釋 執 守 川則承濂 甚嚴故論氣象明道與濂 -明 溪明道彌縫之後更不滲漏於儲倍親切耳明道早卒故及門之士多成就 老書。 道說話有說過處。 與學者言亦往往舉示佛語而伊川 溪為近而 伊川 希哲)呂居仁(本中原明孫)之言爲證。 較子細說較無過。 所言不必依於濂溪伊川 <u>-</u> 則一而屛除雖莊列亦不看是 語類) 論、 氣象、 蓋明道公 稱『天地儲 奥濂溪不似而 性其情愚 **曾從釋老** 精、得、 (原明 動 而 朔 也。 轉 者則 ||者復 七情 五行之秀者 於伊 身故 言語 道所 謂二 顧 含先生 朱 証 伊 不 出 川之 主紋 子確 焉。曰 則 川 **酱**遊 知制 程初 先生 不 奥

ニナス

道而 錄之以爲語錄嘉定中賜諡正公。 道所造伊川自不及也明道不著書而伊川著有易傳四卷又春秋傳有序而書未成其平日講說門人

### 一主都

故部」而 特以無 向即 静即主一矣伊川以主一釋敬則敬又即靜矣且伊川嘗言「養心莫善於寡欲所欲不必沈溺只有所向」 敬者主一之謂敬所謂一者無適之謂一。」且有「涵養吾一」之說竊考周子於太極圖說主靜之下註 於恭敬則天地自位萬物自育。於是後儒多謂伊川改周子主靜爲主敬矣然其所以爲敬之銓釋者乃曰、 静者可以為學』是猶兼言靜敬也至伊川則曰『敬則自虛靜不可把虛靜喚做敬』故平日數人惟以敬爲言曰、 有欲何得言無欲疑之者惟伊川實驗之於身心而知無欲只是無適深慮夫學者不能體會及此或且爲所疑誤是 由渡 **【**入道莫如敬。 周 適 溪主靜而 欲 也有向是欲則無適者無欲矣濂溪謂一者無欲而伊川謂無適之謂一不啻如出一口然則伊川之主敬正。` 太極闖說言主靜立 通曹則曰『聖可學乎曰可曰有要乎曰有請問爲曰一爲要一者無欲也」夫無欲故靜、 字 莊之者意亦謂是特無欲 來。 。 | 曰『君子之遇事無巨細一於敬而已』曰『聖人修已以敬以安百姓篤恭而天下平唯上下一 而僅變其名耳蓋靜之一字不易體會不知者往往認作空認作無便不免墮入暗中故周子當時、 人極而明道教學者職仁則曰「識得此理以誠敬存之」即以敬字易卻靜字然曰、「性 而已非真無也然卽此無欲二字仍復體會不易故後儒卽有以惟天生民 而 者 便是欲し 無欲、 Ħ, 所謂 則主 無 欲

乎伊川知 水之太高品 以叙 哀樂未發之謂中。」然以爲有心於敬此敬終爲入道之障失中之根故又有言曰、「忘敬而後無不敬」(以上並 之在 與主於敬分明兩事事爲主常人皆有之主於敬則非知學者不能故曰『入道奠如敬』曰『敬而與主於敬分明兩事 猶窮 事忘為』曰『人惡多事世事雖多盡是人事人事不教人做更教誰做』然所謂格物窮理者又非汎觀物理專求 ·錄)夫至於忘敬而無不敬則純然濂溪主靜境界此而尙疑濂溪伊川有不同者與皮相之見也。 串 人心 宋儒 我關之性見於事業謂之理」言理未有能與事職者也是以取戴記大學之格物致知而有窮理之說曰、 眀 然以敬易之蓋館得濂溪之意者莫伊川若吾謂伊川不能出濂溪之尺寸者亦正以此 道 則他事更不能入者事爲之主也事爲之主尙無思慮紛擾之患若主於敬又焉有此患乎』觀此是事爲主 括出天理二字伊川途有性即理也之言然合而言之曰性卽是理分而言之則曰、「天之賦」 其然 伊川言敬所懼者又求之太卑何也事無巨細 **看理** 不能不交級萬物亦難爲使之不思慮者欲免此惟是心有主如何爲主敬而已矣大凡人心不可二用用 得之於佛而 窮 色独独日、 也故言敬必舉敬以直內( 窮其理而已矣窮其理然後足以致知不窮則不能致也」曰「 不同於佛氏之爲者實在於此故曰「學佛者多要忘是非是非安可忘得自有許多道理何 本易文言)為說曰「學者須是將敬以直內涵養此意直內爲本」又 一於敬則學者不免將敬字落在事上若是豈合內外之道 窮理即是格物。 也然濂溪言靜所 無失便是喜怒 格物 與謂之命稟 卽 是致

蓋後 也。明 同 外合之又敬以包義義以包敬說益密矣吾所以謂其承濂溪明道之後而於儒倍親切者此 是都 無偏廢故問 川嘗言『涵養須用敬進學則在致知』主敬窮理二者並提蓋以易言敬以直內卽繼之以義以方外內外夾持攻 不道是窮得一理便到只是耍積累多後自然見去」此則 之於外 者為賢稟其濁者爲愚」(以上並語錄)此 無不善也」又曰『性無不善而有不善者才也性卽是理理則自堯舜至於塗人一也才稟於氣氣有淸濁稟其淸 有甚事」是故格物者非忘事而守心亦非遺內而逐外故曰『今人欲致知須要格物物不 於明 分殊 道之設佛氏之說也 身之中至萬物之理但理會得多自然豁然有覺處」又曰「 人不知者所删也) 道者明道言『事有善惡皆天理』伊川 也。 也」問敬義何別曰「 四字故言分殊則曰、 放日 必有事焉(本孟子 觀物 理以祭己一日、 明道敢言儒者之所不言伊川必求合於孟子伊川之密亦伊川之所以不及明道 大乘起信論言一心三大三者用大能生出一 一有物 敬只是持己之道義便是有是有非順理而行是爲義 語) **《必有則**。 當用敬否曰「敬只是涵養一事必有事焉須當集義只知用: 致知在格物非 奥明 一物須有 則 道善固性心惡亦不可不謂之性者異矣夫伊川之說孟子之說 以爲理無不善善惡者是氣故其言性曰、 由外 與明 理」言理一、 鑠我 時 也我固 所務於窮理者非道須盡窮了天地萬物之理又 西士來中國所言格致之學又大不同者也且伊 則日、 **山有之也** 切世 天地 間出 之間、 世 蓋伊 也。 間 善惡因 只 川一 也然伊 必事 於是分之則 有一 **—**1 生把柄全 氣有善有 果 物 個 川之 然後 敬不 故. 威 今 與 不善 本 說亦 敬內 知 謂 在有 應 之物也。 無 集 也。 而 性川 有不 義、 已更 而 鋑 卻

## **附論二程表章大學中庸**

爲則庶乎其不差矣』曰『不偏之謂中不易之謂庸中者天下之正道庸者天下之定理此篇乃孔門傳授心、 道必自孟子始而二程出又特表章禮記中之中庸大學二篇朱子爲大學中庸章句首引程子之言曰『大學、 孟子以明事謂之博文』(見孟子注序)則其時孟子亦只六藝之羽翼未嘗重之也至唐韓愈始言求觀聖人之 莫不原本於此二書而自元以迄有清且以合之論孟號爲四子書與五經同著爲校士之目矣竊嘗考之二程 者孔氏之遺書而初學入德之門也於今可見占人爲學次第者獨賴此篇之存而論孟次之學者必 自漢以來儒者所尊孔子之書而已孝文爲孟子置博士而後旋罷趙邠卿(岐)作孟子注謂『諸經通義得引自漢以來儒者所尊孔子之書而已孝文爲孟子置博士而後旋罷趙邠卿(岐)作孟子注謂『諸經通義得引 則退臟於密其味無窮皆實學也善讀者玩索而有得焉則終身用之有不能盡者矣』蓋自是之後儒者之說, 法子思恐其久而差也故策之於舊以授孟子其書始言一理中散爲萬事末復合爲一理放之則彌六合卷之。 教極盛乃有斯作今曹雖不存而觀顧與梁武皆通於內典其爲糅合儒佛固可想像得之至若李習之作復性 之表章中庸大學亦受佛教之影響蓋佛氏之說不出心性而精微博大於儒書中求是足以相抗者實惟有此 二篇故特表而出之以見吾儒自有家實不必求之異學此與魏晉老莊盛時相率而談易正同一例皆以其理。 :近連類而牽及也且中庸說見於漢書藝文志者不可考矣若宋戴顒之中庸傳梁武帝之中庸講 誠明之旨習之亦有得於禪者則中庸之著於世要與佛教有關尤歷歷足據也大學一篇自唐以誠明之旨習之亦有得於禪者則中庸之著於世要與佛教有關尤歷歷足據也大學一篇自唐以 曲 疏、 是而學 亦當佛

争(王陽明主古本有大學古本序見全集)遂爲後日之一大案飢經文以就己憲二程則不能不尸其過焉。 此實之耳然故以程子之說爲正而明道大學有改本伊川又有改本朱子因之又爲之改訂於是古本改本之 子曾子傳之子思子思傳之孟子曾子無舊(大戴有曾子十篇大戴自漢以後不顧至清人始復校行)欲以子。 傳謂經爲孔子之言而曾子述之傳則會子之意而門人記之不知何所見而云然意者進統之見孔子傳之會。 子思見於康成禮記注當無可疑而大學為何人作前人未言之故程子亦但以為孔氏之遺書至朱子始分經子思見於康成禮記注當無可疑而大學為何人作前人未言之故程子亦但以為孔氏之遺書至朱子始分經 途隱隱為其瞞過而學庸二篇沈埋於前而忽發露於後亦更無人推其所以然之故是則可情也又中庸作於 二程之益加細密耳顯二程旣以學庸爲轉佛入儒之梯亦卽持學庸爲護儒攻佛之劍其前此藉徑於佛一二程之益加細密耳顯二程旣以學庸爲轉佛入儒之梯亦卽持學庸爲護儒攻佛之劍其前此藉徑於佛一 心於中甚覺安樂。此即是禪家伎倆(見程氏外書)以此言之温公之廣義亦必威於佛說而發但或不及心於中甚覺安樂。此即是禪家伎倆(見程氏外書)以此言之温公之廣義亦必威於佛說而發但或不及 公瓿佛爲不免於鹵莽)而語明道謂『近日有個著心處甚安』明道曰『何謂也』曰『只有一個中字著公瓿佛爲不免於鹵莽)而語明道謂『近日有個著心處甚安』明道曰『何謂也』曰『只有一個中字著 存)此與范魏公以中庸授橫渠並爲大學中庸不自洛學始重之證然温公雖詆佛(其門人劉安世即以温存)此與范魏公以中庸授橫渠並爲大學中庸不自洛學始重之證然温公雖詆佛(其門人劉安世即以温 無專道及之者而前乎二程者有温公之大學廣義見於陳振孫書錄解題(又有中庸廣義皆一卷今並不

# 第七章 王荆公 附縣東坡 蘇穎濱

當周程張邵壽學之際而有張島王道見於政事欲致天下於太平顧身被謗躪至於後世而未已者則王安石是。

近古哲學史

莊

述惟問 著用而 安石之學路在三經新義(周續義詩義書義)當時所謂王氏新學者也詩書皆其子秀與門人雖承其意旨所纂 萬物而不與聖人同憂盛德大業至矣哉」(本易繫)此言神之所爲也神之所爲雖至而無所見於天下仁而後 推服安定者甚至似又瞥從安定遊者故其於性命之微亦時有窺見伊川教學者學易云且須看王弼胡先生荆公 於難經素問本草諸小說無所不讀農夫女工無所不問然後於經爲能知其大體而無疑」其學之博可以見 法」(並見文集)是於周禮亦非墨守者蓋安石平生爲學無所不涉觀其答會子固書稱『自諸子百家之書至。 之至在于神耳於是聚德業而不爲夫爲君子者聚德業而不爲則萬物何以得其生乎」言道而必著之於功業, 於當時道學之士如橫渠明道皆有往來提點江東刑獄時又得見濂溪相與語連日夜而集中有贈胡先生詩所以 其所以異於諸賢者 為當在於盛德大業德則所謂聖業則所謂大也世蓋有自為之道而未嘗知此者以爲德業之卑不足以爲道。 ·閉周公為師而召公為保矣周官則未之學也」而復讎解亦謂『周官凡復讎者書於士殺之無罪非周· 則安石之易伊川且深取之矣吾嘗考安石之學蓋視用猶重於體其大人論曰『孔子曰「顯諸仁藏諸用鼓 合之漢書其 禮則親出安石之手世之集矢多在此嘗然吾觀其諫官論至周官師氏保氏爲司徒之屬而大夫之秩則曰、 後功聖人以此洗心退癥於密(亦易繫)及其仁濟萬物而不窮用通萬世而不倦也則所謂聖矣故神之。 說之美亦當時所未有日『萬物待是而後存者天也莫不由是而之焉者道也道之在我者德 也夫唯如日 是故有熙豐變法之事而當時儒者且譏其流於申韓然 九變而賞罰 可言一 文本之 心而 公之 道

存墨入之道(論議莊周上以上並見文集)且由其說以上窮聖人之意下推諸子之作吾嘗謂周之學出於孔子、 之 任次之因任巳明而原省次之原省已明而是非次之是非已明而賞罰次之」是說雖微莊周古之人孰不然堯者、 莊 於窈冥而不可考以至世之有爲者皆不足以爲言形名者守物誦數罷苦以至於老而疑道德彼皆忘其智力之不 不恭此之謂明是非阜陶方祗厥敍方施象刑惟明此之謂明賞罰聖人不作諸子者伺其間而出於是言道 此之謂明因任三載考績五載一巡狩此之謂明原省命舜曰乃言底可續謂禹曰萬世永賴時乃功蠢茲 **次九族**列百姓序萬邦此之謂明分守修五體同 聖人之盛 矣放而不察乎則又將大弛必原其情必省其事此之謂原省原省明而後可以辯是非是非明而後可以: 也。 !也物此者貴賤各有容矣命此者親疎各有號矣因親疎貴賤任之以其所宜爲此之謂因任因任之以! 也。 魁然自以 謂物 1日「先明天而道德水之道德已明而仁義次之仁義已明而分守次之分守已明而形名次之形名已明而因、 有節文 也孔子稱之曰惟天爲大惟堯則之此之謂明天聰明文思安安此之謂明道德尤恭克讓此之謂明仁。 此者何也貴賎親疎所以表飾之其物不同者是也所謂命此 仁也愛而宜者義也仁有先後義有上下謂之分後不擅先下不侵上謂之守形者物此 為聖 人 夫莊 者此矣悲夫莊周曰「五變而 周 者、 白漢 以來學者所不取晉人雖談之而寖失其旨安石獨以爲周有意於天下之弊而 · 律度量衡以一天下此之謂明 形名可舉九變而實罰可言語道而非其序安取道」 者何也貴賤親疎、 形名棄后稷契司徒臯 所以稱號之其 者 心名者 陶 有苗、 士垂共 善乎其官 (施賞罰) 其所宜為 命 僡 命此 不 香迷 同 義。 者、

分守之次於仁義道德則豈不知本末之務者乎至於新法之行天下胥怨坐於用非其人者半坐於勢重難返者亦 矣。 而申韓言形名又得周之緒餘蓋道固有相通者即申韓亦何當盡悖於聖人以今觀之若安石者可謂先得我心者 明道謂 『有關雎麟趾之意然後可以行周官之法度』(見語錄)其意機安石有末而無本顧安石 知

半固不得以爲安石之學谷。

**善情惡是徒知性情之名而不知性情之實也喜怒哀樂好惡欲未發於外而存於心性也喜怒哀樂好惡欲發於外** 怒愛惡欲情者乎喜怒愛惡然而善然後從而命之曰仁也義也喜怒愛惡欲而不善然後從而命之曰不仁也不義 後善惡形焉而性不可以善惡言也此吾所以異於二子揚子之言爲似矣猶未出乎以習而言性也古者 不可以謂之性韓子以仁義禮智信五者謂之性而曰「天下之性惡焉而已矣」五者之謂性而惡爲者豈五 日情惡無他、 面 也故曰有情然後善惡形焉然則善惡者情之成名而已矣』(有節文)又辨性情曰「性情」也世有論者曰性。 安石言性亦有可得而述者其原性曰「夫太極者五行之所由生而五行非太極也性者五常之太極 見於行情也性者情之本情者性之別故吾曰性情一也彼曰性警無他是嘗讀孟子之書而未嘗求孟子意 而當於理則 是有見於天下之以此七者而入於惡而不知七者之出於性耳故此七者人生而有之接於 聖也賢也不當於理則小人也彼徒有見於情之發於外者爲外物之所累而遂入於惡也因曰情 也而五常 物 有不謂喜 者之 耳。彼

哉。 惡也、 以爲 之聖也王赫斯怒當怒而不怒則豈足以爲文王乎畢此二者而明之則其餘可知矣如其廢情則性雖善何以自 情於 疑要之其言喜怒哀樂未發而存於心性也發而見於行情也又君子之所以爲君子小人之所以爲小人莫非情也。 是 天五生土其於物爲意精神魂魄具而後有意』(以上並見文集)是又道家之常談然則安石之學融躍道佛亦 為神神者有精而後從之者也天三生木其於物為魂魄從神者也地四生金其於物為魄魄者有魂而。 傳又盛道五行之用以精神魂魄意合水火木金土謂『天一生水其於物為精神者一之所生也地二生火其於物 性之惡故情亦惡故君子之所以爲君子莫非情也小人之所以爲小人莫非情也彼論之失者以其求性於君子求 情不必入於惡而不入於善其說皆不可易至謂性無善惡頗疑其得之於佛而原性旣推本於太極五行及作洪範 未有及之故當以與孟子並論以爲其道未嘗不同而其說非有異(揚孟)則其有取於警惡混之說似又不容 害性 非無 溜末出乎以習而言性而辯性情則稱揚子曰人之性善惡混是知性之可以爲惡忽而是之忽而非之安石辨 夫既曰性不可以善惡言而又曰養性之善故情亦善養性之惡故情亦惡亦幾於矛盾矣且原性非揚子之言、 、小人耳自其所謂情者莫非喜怒哀樂好惡欲也舜之聖也象喜亦喜使舜當喜而不喜則豈足以爲舜乎文王 答吳孝宗 者情也是曾不察於情之發於外而爲外物之所駁而逐入於善者乎蓋君子變性之善故情亦善小人變 (孝宗字子經) 書謂秦漢以來儒者唯揚雄爲知言而答龔深之(原)書則謂 (中述有是言)寧當若此意者所作非一時始之所謂是而後之所謂 非耶然安石於古人最推 揚雄者自孟軻以 後從之者 也。 搗

周 見遺膏)安石之不能守約安石之短也若博學多聞則固不可誣矣安石字介甫撫州臨川人仁宗時、 程譜儒相似所不及者存養未至耳神宗問安石之學於明道明道對曰『安石博學多聞則有之守約 撥進 士上

府。封 第累官至知制酷以母憂去官英宗屢詔不起及神宗立用韓維薦爲翰林學士彙侍講諡年遂由參知政。 **鲁門下平章事與靑苗保甲諸法熙寧七年罷知江寧府八年復相屢謝病求去以鎮南軍節度使同平章事** ·舒國公元豊三年復拜左僕射改封荆哲宗元祐元年卒所著有臨川集一百**卷周禮新義等十餘種又百餘卷。** 事、 押同 剕

作易傳、 於孟子以爲性善以爲至矣讀易而後知其未至也孟子之於性蓋見其機者而已矣(易繫辭職之者善也、 警日: 不能加焉桀紂不能逃焉是則性之所在也。」夫不善日消而有不可得而消者則孟子所謂仁義禮 不善者日消有不可得而消者爲小人日修其不善以消其善善者日消有不可得而消者爲夫不可 善人。修其惡則爲惡人。」 此其所以爲異者唯其不知性之不能有夫善惡而以爲善惡之皆出乎性也而已。」 然其 之而非性之所能有也且夫言性者安以其善惡為哉雖然揚雄之論則固已近之曰「人之性善惡混修其善則爲 荆 消 公以性爲無善惡吾疑其出於佛同時蘇軾亦耽佛者故其說極似之軾集有揚雄論曰「夫善惡者性之所能 m 則曰『古之君子患性之難見也故以可見者言性以可見者言性皆性之似也君子日修其善以消其不善。 有不可得 性之效也孟子未及見性而見其性之效因以所見者爲性猶火之能熱物也吾未見火而指天下之熟 而 :消者則孟子所謂平旦之氣其好惡與人相近也者幾希也是又孟子性善之旨而又曰、 智我 得而消者堯舜 《固有之也。

轍字子由: 者嘗苦其 之所 物以 同易曰形而上者謂之道形而下者謂之器孔子之慮後世也深故示人以器而晦其道使中人以下守其器不爲道 流入老佛而不自知子由作老子解以佛解老而不自諱曰「孔子以仁義禮樂治天下老子絕而棄之或者以流入老佛而不自知。」 下之弊而存聚人之道要皆能知道術之原於一者且首所以治人非禮法則飢以及聚人中心行道不毀世法則可、 知 似以陷於偽故 大 へ全集 道 横。 性 之異名而 毀世 申韓 則 爲 **眩以不失爲君子而中人以上自是以上達也老子則不然志於明道而急於開人心故示人以道而薄於器以** 者惟器之知則道隱矣故絕仁義寒禮樂以明道夫道不可言可言者皆其似者也達者因似以識 《火夫熟物》 世之俗儒 |法則可耳] | 夫其謂 致仕後樂室於許號潁濱 **轼字子瞻眉州眉山** 無所從二聖人者皆不得已也全於此必略於彼矣六祖所云不思善不思惡卽喜怒哀樂之未發也中者、 雖 刻 後世執力 娶、 和 則 不足貴也居山林木食澗飲而心存至道雖爲人天師可也而以之治世則亂古之聖人中 者六度萬行之總目也天下固無二道而所以治人則異君臣父子之間非禮法則亂。 | 猶可效用於世若縱橫則無實矣且子膽又不如子由子瞻論性竊佛之說而揚雄論反譏。 火之效也。 老子之說以亂天下者有之而學孔子者無大過因老子之言以達道者不少而 孔子示人以器而不欲示人以道則非矣然以爲孔老無二道與荆公首莊周 人新法之爭以團練副使黃州安置築室東坡居之故自號 一數易其說而前後轉成齟齬宜乎朱子作雜學辯謂其未嘗見性、 **逍老父子皆博學能文章當時號爲蜀學然荆公新學近於申韓**。 東 坡居士父洵字 未答 蘇氏蜀學近於 知禮 知性 真。 水之於孔子 m 心行道、 有意天 昧 韓 明 也。 法 允。 而不 者執 為不 へ 見 弟

云云宋儒之出入老佛取其長而不欲受其弊蓋莫非此意而顧不肯明白以道之惟子由於此無所隱豈不遠愈於。 頭蓋面拘拘於門戶之見者哉而朱子異學辯乃斥以爲無忌憚吾謂朱子得之於子瞻而失之於子

## 第八章 朱子 李延平附見

出然大抵 生侗 自同安乃不遠數百里徒步往從之後因輯其語為延平答問嘗曰『李先生教人大抵令於靜中體認大本未發時 從父兄子。少學於安國安國皆從楊龜山謝上蔡(良佐字顯道)游馬山(酢字定夫)游楊謝游當時與呂藍田 源吾所敬畏吾死汝往師之而惟其言之聽吾死不恨矣』故朱子始從三先生學籍溪爲武夷先生安國(字康侯) 赐朱子曰『籍溪胡原仲( 憲 ) 白水倒致中( 勉之 ) 屏山劉彦沖( 子暈三人皆崇安人) 三人吾友也學有淵 生松為豫章羅氏(從彥字仲素)門人豫章因楊龜山以遊於伊川之門者也章齋先生歷官司勳吏部郎忤秦槍 去官以舊嘗爲閩尤溪縣尉逐居尤溪朱子生焉故世稱朱子爲閩學者以此朱子生十四年而韋齋先生歿當病亟、 (大臨字與权)並稱爲程門四先生者也而白水亦師龜山又受温公門人劉元城(安世)之學屛山學不知所 集漢儒經學之大成者康成集宋儒道學之大成者朱子也朱子名熹字元晦一字仲晦世徽州婺源人父章齋先 (字愿中)者與韋齋先生爲同門友而學養深粹豫章教人觀喜怒哀樂未發時氣象惟先生得其傳朱 亦私淑二程者朱子既稟學於三先生遂有志於聖賢之業年十九登進士第授泉州同安主簿延平李先 子歸

**侂胄** 蔡元定 守朝 不能用也光宗立知漳州朱子嘗病經界不正不可以爲治會朝廷有行汀漳泉三州經界之讓乃具訪事宜及 疾丏 筵 上之而豪右以侵漁貧弱為利不便其行宰相留正泉人也其里黨又多因以阻撓者於是有旨需後、 妄希孔孟歷聘之風邀索高價不肯供職僞不可掩」云云太常博士葉適疏與果辯帝 蔛。 纔 居 而 規 陳 明年朱子 亦送道 程、 大 講 明。 所 四十 中 而兵部侍郎林栗舊皆與朱子論易西銘不合至是途勍之謂「 帝 夫致: 廂 著 揧 俾學者守之今所 Ŧ 卽 **書於易則有** 不 事因上疏斥言左右 日 格 遬 物 仕年七十一卒嘗謂、 輟。 州 耳侂冑勢旣 事 以子喪請嗣。 有以書 艑 致 應物 知之學 管方是時及 目 本義有啓蒙詩則有集傳大學中庸有章句或問。 諫 然 者。答 張僉 中節。 傳白鹿洞 並 漳州經 言 日『放流 門之士或竄伏邱壑或更名他師甚者變易 人迎 竊 和 此乃龜山門下相傳 議 柄之失侂胄中之遂罷侍講奉嗣蓋朱子登第五十年仕於外者凡五 「道統之傳 界竟亦報罷改知潭州光宗內禪以趙忠定汝愚薦除煥章閣 之非除 其意競以偽學 學規是也十五年以提點江西刑獄人 簋 殛、 武學博士淳熙 散在方册聖經之旨不明、 久置度外若仰 爲毀。 指款。 而監察御史沈繼 蓋平生學力得之於延平者爲尤多孝宗即位、 五年除知南康 人鼻 息 為舒修則 竊張載程頤緒餘謂 論語孟子有集註書傳 而道統之傳 衣冠狎遊市肆 薍、 窜。 對。 至列十罪以 訪廬 **孝宗欲處以清要除** 方寸之間 山白鹿洞 始晦。 **▽勃尋詔落** 以自別並 長戚 之道學 為黜栗然於朱子、 故講 書院 戚矣。 有旨屬門人 說之餘 其 待制 兵部 所至 遺址奏復其當。 非 職 久之有旨 任九 印官以足 黨。 能 侍講。 先行 描 而朱子 嗣。 眄 考。 方量 時韓 韶上

之爲大全集一百卷叉平目所語門人輯爲語類一百四十卷嘉定初賜諡曰文居崇安時警榜聽事曰紫陽 學誠意章曰『此人鬼關也』故歷元明及清數百年學者守其說不敢悖蓋有由然非倖致也所爲詩文子在類次 體屬門人黃幹而太極關通舊西銘各有解又有楚辭集註辨證韓文考異參同契考異其所編次則有近思錄小學、 鳅、 伊洛淵源錄通鑑觸目皆行於世而學庸論孟四書尤一生精力所萃瞥更定至數四沒前一日、 超改大

理先 物 雖不相離而自是二物故又曰「所謂理與氣但在物上看則二物渾淪不可分開各在一處然不害二物之各爲一 友)其區別理氣甚明然理與氣未嘗相離故曰「有是理便有是氣」(語類)又曰「理未嘗離乎氣」(同上) 下之器也生物之具也是以入物之生必稟此理然後有性必稟此氣然後有形」(答黃道夫道夫名樵仲朱子之下之器也生物之具也是以入物之生必稟此理然後有性必稟此氣然後有形」(答黃道夫道夫名樵仲朱子之 **瞥創草堂於建陽之雲谷榜曰晦庵自號晦翁而晚年卜樂於建陽考亭故學者或稱紫陽晦庵考亭云。** 又曰「且 也。 者在 氣之說發於伊川而完於朱子朱子曰『天地之間有理有氣理也者形而上之道也生物之本也氣也者形而 脈。 如 理上看則雖未有物而已有物之理』(答劉叔文)夫旣爲二物卽不能無疑於孰先孰後。 理 或謂 萬 未有天地之先畢竟也只是理有此**理便**有此天地若無此理便亦無天地無人 山河大地都陷了畢竟理卻只在這裏」(以上皆語類) 程朱純主理氣二元論者(謝无量哲學史有此說)未爲其知程朱者也雖然以理爲本是矣而 蓋雖理氣並言而仍以理爲本。 無物都 無該載 而朱子則謂 此宋儒 Ī.

以用 莫不有種定不會無 似。其 以推人物之始則曰、 出、 語類)是皆根氣以爲言者也而有氣斯有質有形故又曰「陰陽是氣五行是質有違 由 以 陰 雖 之萬物 而 太 形化萬物的 便 是以 是質他又有五行之氣 極し不 太極 陽之精自 在 言則又在氣 桔 萬物只是 四邊只管層層散出如天地之氣運動無已只管層層生出人物其中有精有細如人物有偏有正一(以上: 推 成 也言氣言質、 統 個 天 獨 尳 地之始則曰、 省然。 地 凝結 是 在 太極 也天地中之太 而不 中央氣之清者便爲天爲日月爲星辰只在外常周環運動地便只在中央不動不是在下。 成兩個。 個 **-**種子白地生 『畫夜運而 也分而言之一物各具 理 m 在理故曰『氣能凝結造作理卻無情意、 以上 而 理卽未嘗不在其中故曰『 蓋是氣 做這物事方得然卻是陰 Ë. 天地 一語類、 日『太極只是天地萬物之 極、 出一 初 無止便是陰陽之兩端。 化 卽 間只是陰陽之氣這一 萬物中 原朱子之意蓋以理當太極。 而 個 生。 物事。 如蝨子自然爆 各有之太極 一太極』(朱子學的、 這個都是氣。 協二氣 太極非是別 其四 出 又非 個 截做 若理則只是個 來。旣 理在天地言、 有二也 氣運行磨來 邊散出紛擾者便是游氣以生人物之萬殊如 無計度無造作且如 以氣當陰陽以形質當五行 有 這 為一物即陰陽 明 此 五. 個。 Ę 兩 椒 ||瀋編|| 日、 個、 則天地中 不是陰陽外別 淨潔空闊底世界. 磨 \_\_\_ <del>-</del>7 牝 去磨得急了便捞 人人 而在陰陽即 而又爲之譬曰、 \_\_ 牡。 有 有太極在萬物言、 天地 後 來卻 資所以做得物事 太 有五 間人 極。 五行 從種 無 而五 行。 物 許 物草木 形迹。 <u>\_</u> 物 ≖, 多 行 本只是一 丽 子 叉 有 液滓裏 在五行。 Ħ, 卻 漸 則萬物 禽獸、 陰 太極。 不 漸 出 陽 生 生 太極。 麪 其 去便 造 物 面 中 卽 也、 合 生 陰陽 之時、 磨 作。 萬物 五行 由 而 是 皆 相 是 有 页

横渠 闡發 張 濁。 其偏 與氣 程。 朱子言性一 伊川、 商語 無復餘 取得 :各有稟受又各自全具一太極爾如月在天只一而已及散在江湖則隨處而見不可謂月分也。] 某以 心之全體大 雜 二天命之性氣 於物、 為極 類) 一杓或 服膺深矣然吾以爲朱子言性之精亦有張程之所不到曰『論天地之性則專 而言之未有此氣已有此性氣有不存而性卻常在雖其方在氣中然氣自是氣性自是性、 猫。 本 故 有 無 imi 處不 華殿 其 用 功於聖門有補於後學讀之使人深有威於張程前 以天命之性與氣質之性分言與橫渠伊 取得一婚或取得一椀都是這海水』(語 《理氣之說] 無 **八負之性** 焉故氣質之性君子有弗性者焉。」而朱子亦皆稱之矣然以氣質之性反之而天地之性存。 ·在則又不論氣之精粗奠不有是理」(語類)夫橫渠嘗有言矣曰『 不 理 明一吾反覆朱子理氣之說而歎其庶幾於斯言。 事無礙之旨亦盡融爲儒說不 百、 **『天地間** 只是一 個道 理性便是理・ 復能 川、蓋 明其所自來矣大學補傳曰、 類)蓋至是而周子之太極 無 有異黃道夫問氣 此未 人之所 **曾有人說到** 也。 以有善 1有不善只 質之說始 此。 **号指理言論氣**質 一衆 無極程子之理 形而 於何 緣氣質之稟各· 物之表裏精粗 語 類 亦不相 後有氣 人。目、 質之 觀 曰, 此、 分殊、 夾雜。 性、 此 如 知 則 有清 其於 起於 俱 海

在性

中

也。

此

卽

命之性性即氣質之性)

**叉伊川嘗有言矣曰**『

不

如

IJ

氣

之性

為理

與

氣雜卽於氣

質之中而

見理之未

**瞥**不在之尤為

分明

也。 何

也孟子謂

性也

有

命焉。

命

卽

反

之、則

天

地之性存

孟子言性善是極本窮原之性孔子言性相

近是氣 之、謂 不好底揚子又見得半上半下的韓子所言卻是說得稍近蓋荀揚說旣不是韓子潛來端的見有如 為善 品之說然情其言之不 别。 動 性百家紛紛只是不識。 同。 者、 無 理。 言 者 也。 日、 惡混。 也。 之命。 而性之所以爲性自見故曰「 說 不 性 雖立差別 知 與 質之 相 在 人道性 以人 其爲性善也。 學 近。 心喚做 韓子之言性、 節不 性。 的 性 物所 丽 理 無 得 ıfa 又合而論天命性理日「天則就其自然者言之命則就其流行而賦於物者言之性則就其全體 不 性在事喚做 大全) 論心 礙 偏指氣質 有不 朱 稟受於天言之謂之性」( 性字。 鲞. 圓融圓融之中而差別自在是豈非辨之益精而言之益晰 子亦嘗稱之矣然以氣質之性說性相近不 日、 人 善即子思所謂天命之謂 少得一個氣字耳』(皆語類)於古來論性諸家悉皆窮其說之所由於是由不同 無 【孟子是剔出而言性之本」曰【孟子恐人謂性元來不相似遂於氣 」へ語 不 R也且朱子 一 位性之別。 知其爲性有三品也曰「 理。 (同 類) 諸儒論性不同非是於善惡上不明乃性字安頓不着一又曰、 日 蓋與 E 「心是知覺性是理」 面言気自是氣性自是性不相 知者之言也且性明矣由是進論 論性生之別日「 學的) 性也。 ) 論性情之別に 荀揚韓諸人雖是論性其實只說得氣」曰「 荀子之言性人無不 性者人之所得於天之理也生者人之所得於天之 日「可動處 如以理與氣雜說 Ħ, ~ 夾雜。 性者心之所 是心動底是性。 性命之別日 而 知爲性惡揚子之言性、 者耶。 性相近之尤為確 面即言不論 具之 然又不獨是也孟子之言性、 Ħ, 理。 「白天 惰 質内 氣之精 -語類 者、 聖人只是職 此不同。 所 性之成於物 當 人 荀子只見得 挑出天之所 賦 粗莫不 也何 無不 鉿 與 故有三 萬 性 也。孔 以水 理之 物 知 得 其 di 盲

亦可謂失其是非之心者也。 是乃無不渙然以解豁然以明是其所遺於後學者豈曰小補之哉而清人之談漢學者乃故於朱子轉癡索垢不止。 所之氣者卽吾之血氣而充乎體者也」(以上皆語類 志氣曰『性者卽天理也萬物稟而受之無一理之不具心者一身之主宰意者心之所發情者心之所動志者心之。 足於中無少欠缺便是性感物而動便是情』曰、「性以狸言情乃發用處心則管臟性情者也」。合而論性 而 萬物所得以爲生者言之理則就其事事物物各有其則者言之。」合而論性情心曰『虛鑑不昧便是心此理具 )自漢以來學者所愈辯愈紛而茫如墮於雲霧之中者至 悄 心意

### 三居敬窮理

超三班目 足止、 其所養之理窮理中 居敬窮理二事此二事互相發能窮理則居敬工夫日益進能居敬則窮理工夫日益密嘗如人之兩足左足行則右 是要知箇是處千定萬定知得這個徹 是格物格物即是致知故言知與言窮理同)此分而官之者也而又曰『人須做工夫方有礙。 朱子為學工夫雙提居敬窮理猶是伊川之榘矱然闡明兩者相發之處又較伊川更為詳盡曰「學者工夫唯在 右足行則左足止又如一物懸室中右抑則左昂左抑則右昂其實只是一事。」曰『涵養中自有窮理工夫窮 言居敬同) 此合而言之者也曰 『 自有涵養工夫養其所窮 底是那箇徹底不是方是見得徹見得是則這心裏方有所主。 之理兩項都不相離纔見成兩處便不得」(程子曰涵養須用敬故。 一心具萬理能存 心而後可以窮理」 (存心即敬)曰、 初做工夫時欲做 一(程子曰) 「人 八為學須 窮理

在 修養 知 膏、稱 積 積得 而 能 理雙 理。 此 將 卻 致 其 為 底 而 只 是 息。 猶善守門 匆。 家 多後、 歸 令人 提、 窮 此二 人資質不 畢 克己則 4 去 學 所 則 者 叉 固 者嘗以一 質通了: 推 謂 又反之於自己之身心。 (只管說) 也。 未 矣。 者 礙 講、 察 鉛 曰、 便 彼 而 嘗 Fi, 自 汞 理 好. 雨 是 如 則 家與 不言克己為疑朱 龍虎皆是我 自然見效不是今日理 未 便 冶 者之中 義 事、 相 服 與 玴 明、 都 ŭ 妨。 便 樂 外 拒 儘 亦 執 修 岩 沒 去病。 有錯認 盗 來 無窮。 多老 縛不住了。 則 是 理 便 底 熟時、 會處。 尤以 蓋將息 是一 身內 事。 前人 不見這箇 伊 人欲 日、 窮 則 只 等 Щ 之 子 恁 理為 自 如 事。 不到然後服藥將 理不 不 物、 地 則 作天理處聖賢之  $\overline{\phantom{a}}$ 不 居 以上 言 亦 非 會得一 曰、 說、 理心 敬窮 通。 相 克己蓋敬 在外 是在 消 亦未 日、 礙 4 更言 致 語 是 矣。 理 一件便要做一: 知、 也。 価 必 類) 萬事 如 兩事 敬克! 盡須 别 削 何 正言之不 爲 有 勝 別 此 旹 地 便 心此三? 息則 (是自把) 百 邪、 說如 為 教 拒 蓋 治、 在 相 盗底。 朱子 無此 身 窮 礙. 物即在 个足叉反言以2 件用。 自 此、 是 理 居敬是箇收斂執持底 無病! 若以 || 水横 此 事 **豈**更有分毫溶漏 法、 所 後。 如 以 亦 持 臂 何 鋞 何 囦 伊 吾心人須是 看竪 如富 云云。 不正、 以別 地 消服 養對 家醬之敬是守 川 修。 之言 着。 人 於佛氏 可 明之可不謂 若 理不 樂能 克己 見也。 積 如 入 財、 此 明、 言之則? **%乎又伊!** 純 便 深。儘 之把柄。 然躬 積得 體察得此 說、資 看如 於 白 道 敬則 有在。 多了自 有 (理又) 門 質 何 詳 理。 川言 克。 戶之人克己 各 觀其 且 好 地 窮 自 作 如 物 سا 飨 持 理是 底、 鲞 無 誠 卿 誠 此 無 乎。 兩 守、 奥 便 邪 事 則 養得 適推 脊 實 以 不 意。 也 項 雖 僻 然朱子 亦 深 便 須 在 李 日、 只 如 則 何 可。 不 用 我 入 父 毒究 意。 成 <del>----</del> 用 挻 消 是 敬、 方 爲 大 只 \_ 克 营 拒 進 可。 窮 凡 安 此 是 **...** 居 叉日、 **盗**。 致 関 學 巆 則 以 叢 世 敬 底 個 邪 則 如 也。 理 道

語 有邪 之學 類 僻只是敬心不純只可責敬故敬則無己可克乃敬之效若初學則須是工夫都 猶有未達者吾不信也此吾所以推朱子爲能集道學之大成也。 是言居敬卽凡修養之事無不包猶言窮理卽 凡學問之事 無不包學者苟推朱子之說以求之而於濂 到無所不用 其極。 以 上 皆

## 第九章 張南軒 胡五峰附見

字內贊 爲不 **長天恤** 日, 廣漢人遷於衡陽父 知言朱子嘗與南軒東萊商其疑義(朱子有知言疑義)以今觀之如曰、 知江 南 朱 ·陵府安撫· 眷 凡 軒學於胡五峯宏五峯武夷之季子而嘗從龜 子 密謀、 也、 天 民抑僥倖屛讒諛之事以故不爲近習所喜退而 講 聖 學之友得力者有呂東萊陸象山張南 外發無 人 肵 本路將有公輔之望而竟以 不 有、 絕欲。 而 衆人 務雖幕下諸賢皆自以爲 淡故丞相魏 人以 有之者聖人皆有之人以情爲有累也聖人不 術 為傷德也聖人不樂術人以憂爲非達也聖人不忘憂人以怨爲非 國公諡忠獻孝宗 病卒年纔四十八嘉泰(寧宗)中賜諡曰宜著 不及也忠獻沒歷知撫州、 軒。 而於南 初立方倚忠獻 山侯師聖(名仲良亦二程門人)游以 家居孝宗念之詔除舊職知靜江 軒尤所深服。 以 **收與** 去情人以才為有害也聖人 嚴州。 蓋其踐履議論尤相近 『天理人欲同體 復之效先生以 召 爲 東部郎 ·兼侍游· 府經 少年 而異用同行 傳河洛之學者也所著 有文集 心胸 略安撫 辟忠 宏也聖人不釋怨。 所 不病 陳 獻 論語孟子解等。 軒名栻字敬夫。 廣 皆 重 7.才人以欲 ifii 舸 修 府 異情。 身 西 機 路改 粉 宜文 學

爲邪。 然 忠獻 而六 子 ئاء 以 其 實由 物 愛親敬長有物有則以為言則與天理人欲同體同 也。 純乎天理則身在六經中飢而食涡而飲天理也。 Ħ. 爲 此 必 即常拈出 屯。 **鉴**辭 何 經達矣』曰『此意 習禪 IE.  $\overline{\mathbf{1}}$ 此六 有 妄 毫釐之間 者為 耳。 必 \* 則 然南軒亦有得於五峯者五峯好言心曰、 故云然)陰稱佛說而又陽斥之此宋人大率類然無足異也然南軒之說則較之五峯爲近於懦問。 別 以 者人生皆備、 此 而上 善邪 於黎 疾南軒見孫 伯 天也。 愛親敬長之端最為親切於此體認便 正要辨別得如伯逢病正在此耳』(以上皆見兩軒答問) 進 接 者為惡 人乎聖人發而中節、 (名大) 伊 者非天則則是人為凱之妄而已矣只如釋氏揚眉瞬目自以為運用之妙而不知其爲妄而: JII. 故知均稟於天但順 全谢 原五 雖好然飢食渴飲異 正儒(名蒙正亦五峯門人)告之孫道五峯之言曰『渠家好佛 而世儒乃以善惡言性邀乎遠哉」其意不認性有善惡皆極似釋氏之說: Ш **华之從子與朱子南軒皆有辨論不以知言疑義爲然)疑云、** 間南 軒似 丽 衆 眀 人不中節也中節者爲是不中節者謂非挾是而行則爲正。 其理 道晦翁似伊 (教中 \_ 則是真違其理則 畫而 **堯舜禹湯文王仲尼六君子先後相韶必曰心** 不差也」又問「程子云、 亦有拈出 行云云亦有異矣蓋南 作夜而 训。 見宋 此 意者。 息天理也自是而上、 是妄卽人爲之私耳如此言之知不鄰否』曰「有 元學 而其與吾儒異者何哉。 粜 斯之學 吾則 以髓食渴飲 「視廳思慮動作皆天心但其中要識 謂 秋毫加焉即為 似伊 主居敬窮 揚眉瞬 加 宏對他 此又不 「既是天安得妄」某 者 前 理、 加 軒 丽 目為異學而 人欲矣· 說甚」( |不日性| 可不 而南 急 耐 挾非而 似 於義 深 軒 明道 何也。 察 初 人 利 蓋因 見五 也孟 必取 非異 之辨。 則 吾

**窮**(皆見知言)而南軒 者知天地宰萬物以成性者也六君子盡心者也故能立天下之大本。」是以言心無不在言心無生死言心無 亦曰『心本無出入言心體本如此謂有出入者不識心者也』(答問)蓋自范淳夫(醖

心也

氏外費)途成程門一段公案亦如禪門祖祖相傳之心印無有節授不能得之者矣相傳南軒旣見五拳五拳不與 再)之女讀出入無時語人曰。「孟子不識心心豈有出入」而伊川聞之曰。此女雖不識孟子卻能識 **香僅**合思忠清未得爲仁之理往返數四而後有告夫此豈非禪下教人參悟之大機乎。 心しへ程

所謂 厚故省察少力」(與呂伯恭嘗)言讀書則曰「讀書欲自碑而趨約、 日、 合幣頓點檢處尚多。」其不足於南軒者以此而晦虧稱「敏夫見職卓然不可及」其歎服之者亦以此也向使得 玩索處自然有力」(與呂子約子約東萊之弟名雕儉)處處主由體起用東萊與陳同甫書謂「 時須常存趨約之意庶不至弱心』(答問)又曰『 其 南軒與朱子皆言居敬窮理而朱子重窮理南軒重居敬此朱子南軒之不同也南軒曰**「格物有道其惟敬乎」** (年其所造必不在晦獨下情哉情哉。 有體 誠能起居食息主一而不舍則其德性之知必有卓然不可掩於體察之際者』(答問)**意蓋以居敬實窮理。** 不患無用者也故言存養省察則曰「存養省察固當並進然存養是本覺向來工夫不進蓋存養處」 理義固須玩索然求之過當反害於心循泳栽培日以深厚則 此固前人規模其序固當爾但旁觀博取之 張剌 州 使 不深

## 第十章 呂東萊 附陳龍川

蒙訓、 甚衆其 **豫**、謂 問 世 晦 丽 以 灵 恭之所以異於朱陸 用亦 翁與 政 本之家學者、 之子本中(字居仁)又從游定夫楊龜山、 學於林拙齋(之奇)汪玉山。 呂祖 ?法或失則教之以爲戒又教之以如何拯救如 使之通達治體。 故呂氏 作家傳即有不主一 陸泉山多不合伯恭介朱陸之問頗多調停然呂氏雖傳洛學而原明所師如定安泰山盱江(李觀 與二氏何 講 謙、 字伯恭其 貫 誦 釋為 蓋可見晦易嘗譏 家教又在多識前言往行以畜其德(本易大畜象鮮)今觀伯恭與邢邦用(名世材伯恭門人) 別 矣伯恭周 兩家 先河東人後徙壽 古之公卿皆自幼時 百代爲學通 者也。 門不私一說之語。 1111 禮 說曰、 伯恭、 一(應反 法。 學者 渡以 <del>-----</del> 春會祖東萊郡侯好問(希哲子)始徙婺州呂氏自希 œ 教國 便教之以爲異日之用今日之子弟即 後、 只 緣此支離泛濫自是 )拙齋玉山皆出本中門下又師 學 向 者剽 尹和靖、 子以三 雑博處 而居仁亦曰『學問做得主張則諸子百家長處皆爲吾用。 何措費使之洞曉國家之本末原委然後他日用之皆良公卿也。 IE 一億三行 心誠意 ( 焞亦伊 用 功卻 入病、 師師 為浮 於要約 Ж 門人) 談。 氏之教)立 非是 處 而 不 法病見此而欲盡廢之正是因曀 視 一骨子細研究。 游故 治國 胡籍溪故奥晦 世傳程 其根· 他日之公卿故國政之是者、 平天下為 本、 門之 固 <u>\_</u> 是網 末 不知中原文獻之傳、 庵 務。 學伯 為同 舉 如 門。 恭於本 目張然又須 攘 師 當時 斥二 事 伊川 氏 廢食。 諦 r‡1 學者、 則 其 爲 後、 荆公、 教之 見童 殺以 從孫 副 不 乃伯 而 刨 惟

自科 間豈可不知天 **諡**日 仁等豈鶩外之謂乎伯恭登 威 利 語、 知 世之美器哉。 超 遊喜談 雙行王霸並用之語又曰「謂之聖人者於人中爲聖謂之大人者於人中爲大機立個儒者名字固 古 至躬自厚 與婺學相 成。 人所 舉之說與學者視國事如秦越人之視肥瘠漠然不知至有不識前發姓名者一旦愛以天下之事都是杜撰豈。 使工夫 學 個 所 人氣 者 說可謂 奢 《兵後以豪俠屢遭大獄盆勵志讀曹所學甚博大抵主於致用故自孟子以下惟推王通其與朱子書、 以教國子之意然又須知上之人所以教子弟雖將以爲他日之用而子弟之學則 所 有春秋 只 Ü 近者有永嘉永康之學然永康非永嘉比也永康之學曰陳同甫同甫名亮學者稱龍川先生爲人、 而 <u>--</u> 如 地間 其言 學為 薄實於人有省途終身無暴怒其與朱子書亦規以『 無 是這 此然後能可久可大」(與葉正則當可久則賢人之德可大則賢人之業見易繫)若同 體之學矣全謝山以爲『永康專官事功而無所承其學更粗莽』(宋元學案序錄) 事乎』此豈獨當時救弊之言亦儒者明體達用之學道所應稱不然、 亦足以 左氏傳說左氏博識呂氏家塾讀書記等又嘗與朱子同輯近思錄少時 個 人也而豈必其儒哉」 氣才只是這個 隆 破儒者門戶褊隘之見然伯恭有云「靜多於動踐履多於發用涵養多於講說讀 與( 孝宗)元年進士第又中博學宏辭科歷官至著作郎、 才臂之金銀銅鐵鍊有多少則器有精 叉日、 ----**亮瞥以爲得不傳之絕學者皆耳目不洪見聞** 爭較是非不如斂藏持養」 粗豈其於本質之外換出 主管明 孔門問 非以 性極 政之言 希用 即其學養可知也。 褊後因 道宮卒年四 不慣之辭 也。 有該不 其多 病中 蓋生 夫其粗莽、 般 甫、 則只有 以 也。 オ気 十五。 舆 有義 盡之 人只 經 地 問

**豈非無所承之故哉** 

## 第十一章 薛艮齋 附陳止齊

門人也而自六經百氏下至博奕小數方術兵會無所不通士龍得其傳故於學極淹博所著書多佚个存者, 終為無用。」大抵主經制以求事功故當時與永康並目為功利之學然觀其所為克齊記與耳目箴皆以顏子克己 語集其與沈應先(名有開學於艮齋又當從南軒東萊)青謂「道揆法守渾爲一途未明道揆通於法守之務要。 用也卒年四十。 舉皆一持之耍政而宋史本傳謂其於古封建非田鄉簽司馬法之制滕不研究講畫皆可行於時吾又以情其不盡 此恐至道之不疑」是其自修之密非龍川所可同日語也艮齋起從荆南帥辟書寫機宜文字歷官至知湖州所興 復體爲言而答陳同甫書亦曰『曾子日且三省其身吾曹安可輒廢檢察不識不知順帝之則者古人事業學不至 永嘉之士出於程門者甚衆而稱永嘉之學則自薛季宣始季宜字士龍號艮齋獲事袁道潔概道潔汝陰人伊川 獨有浪

之法原於象數則象數者易之根株也河閩之數四十有五乾元用九之數也洛書之數五十有五大衍五十之數也。 自康節傳圖書之學而朱子作易本義途以列於易前艮齋河圖洛書辨則以爲『河出龍馬負圖洛出』 就龍龜之說成無驗之文聖人之道隱巫史之說行」而爲之說曰「夫易之有卦所以縣(同懸)法 日龜曹無所 也。

第三編 近古哲學史

齋嘗問其 之說果何稽乎第觀垂象之文可以自見』此其所持亦出臆測然艮齋之學之 自 而 河 直原委之趨向 海 究其 上之之名也或曰、 成之者: :則第寫於圖理當然耳費者周天子之立也河圖與 經之類。 帝王之階。 施 地 `始終之數則九實尸之故地有九州天有九野傳稱河洛皆九曲豈取數於是乎春秋命曆序( 政所謂據九鼎按圖籍者也仲尼作於周末病禮樂之廢壞職方之職 師道 非 在夏為禹貢周為職方氏所掌令諸路閏年圖經漢司空輿地圖地理志之比也其曰河洛之所自出、 圖 心洛原在一 深義理之辨道潔曰『 載江河山 是則 然矣圖與書奚辨白。、 九州之内經從之地與 川州界之分野」讖緯之說雖無足深信其有近正不可棄 學者當自求之他人之言善非吾有』(沒語集袁先生傳後語) 圖書者詳略之云也河之原遠中國不得而包之可得而 (其所) 麗名物、 大訓 旌 列。 人得而詳之史闕其所 見書 面命) 不循磁言而 不舉所爲發歎鳳圖者、 時九鼎亦 也信斯言也則 不知古道然也。 水課 寶 於周室皆務以 實。 此 是故以 春秋 非 聞者其形之曲 河 可 有他 圖 若此、 以 洛 槹 見也。 魯言洛。 雷乃山 辨物 也。 )「河 所謂 龜 Щ 艮 龍 師

必有 到 八 年。 成 茅茨 處 齋之門有陳 此朱丈之 便 足有德。 二間聚 說 曹干 事 君 也。 舉傳 到 如 濟 餘 以此則漢組式 處便是有理此 良瑞 卷、日 考古咨令於其 安人以乾道 唐宗賢於盜賊不遠竊所未安』( 老兄 八年登進士第仕至寶謨閣 之說 中而於周官左史尤有得。 也。 如 此、 則三代聖賢 有節文) 其調 · 待制學者稱止齋先生其始從艮齋者 枉作 停晦 工夫。 、功有 翁同 可謂 甫之爭、 兩 適 成何必有 平之論。 與同甫舊有 吾觀 德。 其所 事 有 云『功 擬 濟何 蓋七

歷 而 甫 稱 而 Y 不敢異 孟子荀奇 止齋與鄭景望(名伯熊永嘉人私淑伊洛之學者止齋亦嘗師之)曹亦有見性之誨敢不從事之語則亦非 **英議也」此** 卿 揚雄王通而曰『韓愈曰孟氏之死不得其傳焉自是舉世同聲和之願豈無人哉抑孟氏之名已尊、 與程朱諸儒言治言人必三代以上者固不侔矣然集水心為止齋誌募稱其以克己兢畏為

伯名蘋在伊川之門為後進而楊龜山最可許之以為師門後來成就者惟信伯也信伯震澤記善錄曰『人心本 壽當時與子靜稱爲三陸弟兄自爲師友而黃東發以爲陸氏之學出於謝上蔡至全謝山則又以兼出於王信伯信。 先生之教而究其所自主張者多故在當時如張橫浦(九成龜山門人)林艾軒(光朝學於陸子正子正尹 孔子孟子不類。」蓋宋儒之學自張程之後本有兩種一從師傳入一從自悟入從自悟入者未嘗不參之已往 人)皆與子靜相近而不能謂其出於上蔡信伯子靜嘗言『不可隨人腳跟學人言語』則要以得之自悟爲是不 廊。 陸 才高氣粗 多是 九淵字子靜號存齋撫州金溪人父賀有六子九思九敍九皋九韶九齡其季則子靜也九韶字子美九齡、 子靜之說大抵與之合則 第十二章 記憶旣往與未來事乃知事未嘗累心心自累於事耳」又曰「 而不欲致力於性命之際者當時永嘉諸子惟止齋最稱醇恪豈不以此歟有止齋集五十二卷。 陸象山 謝山言為 可信然子靜最不喜伊川幼時 聞人關伊川語、 聖人之道無本末無精粗、 即日、 \_ 伊 川 徹 《上徽下C 之言奚爲與 和 諸 只是 字子 無

思

不 紙 至 必定有所 知 流 Ŧ 亦 品之分而賢不肖之辨嚴後世有流品之分而賢不肖之辨略。 其設施有以致之也年五十四卒於官諡文安嘗有勸其著書者曰「六經註我我註六經」又曰「學茍 人光宗卽位除知荆門軍荆門於當時爲次邊嚴保伍築城 師 |承也乾道八年登進士第爲呂東萊所識自敕令所册定官能歸講學象山。 」故今所傳文集語錄而已 郭、 』當時稱荆門之政令行俗變以爲躬行之效而 而民以無邊憂薦舉其屬不 自號象山翁學徒之盛、 限流 on o 日 ئے 右 一按籍 知

#### 立 大

道六經皆我

註腳

時自然羞惡常寬裕温柔時自然寬裕温柔當發照剛毅時自然發強剛毅」即本天之所奧我而 此 本 日, 物交物則引之而已矣心之官則思思則得之不思則不得也此天之所與我者先立乎其大者則其小者不能奪也。 么麽 『令人略有些氣燄者多只是附物原非自立若某則不識一字亦須還我堂堂地 為大人而已矣。子靜之說蓋取諸此故不必明標立大也其曰『上是天下是地人居其間須是做得人方不枉。 溪之言主靜明道之言識仁也稱孟子曰『從其大體爲大人從其小體爲 無 泉山 **欠**闕。 小 家 不必他 相 錄云「近有議吾除先立乎其 者不足以承當一部本 求。 在 自立 而 已。 **三** 從其大體爲大人而言立 EI, زمت 大者 收拾精神自作主宰萬物皆備 一句無伎倆吾問之曰誠然』 大也。 日、 -於我有何欠關當惻 女耳自聰目自 是知立大二字為子靜教 小人。日『耳目之官不思而 做 個 明、 人。 事 隱時 |交自 日, 音。 Ĥ 能 -827 孝事兄 此 亦立大心要之 然惻 人之宗旨猶 是大 隱當羞 、丈夫事。 自能 攸 弟。

糧(有 則不 為心學實則宋儒門庭各具未可一概而論而若象山 極 此、 事。 游 謂 此 审 卽 目 少如日 此心 不 非 Щ 其 佛 便 得群其 是吾心 無 卽 必 貫 書 學 節文以 他看、 見得 混心性爲一。 有 4 根。 禪 也。 教人 見到孟子性善處方是見得盡實亦禪宗明心見性一類說話非孟子之所謂性也)故後 其 亦 丽 本 吾心 不 言『格物者、 此心本自 不 但 不言 語 领、 養重 其把例 可。 上皆語錄) 過 看 未 で便是宇宙。 汉 易 象 心 思。 讀。 則 宋儒出於佛氏途多心性不分而 爲 Ш 在思而非重 卽 دراد 龙 固 理 雖取之孟子而非孟子之本旨矣然則朱子之斥象山為禪、 只是一心見得此心本自具足無待外求故伊川謂「性即理也」而 格此者 也 熚 滿. 地 亦 是明心之後自有儲者一番致用工夫觀其荆 不明、 一語可見蓋言心 如 有 حت 無 是耳。 其 言、 有不 本 在心。 讀 也伏羲仰象俯 餌、 香不得故曰、 且象山 -至故橫渠謂「天地之塞吾其體天地之率吾其 則 龤 故其言誠者天之道亦曰思誠者人之道言愛身不若桐 知之所及 語中 雖 則禪言 多有 苡 者及 ~ 直 法亦先於此 學者須 指本心為教 無 理則 頭柄的 者則其可謂心學也已且孟子言心之官則思、 此也仁之所守者守此也。 至象山則直單提心字拋卻性字不說(象山 是打疊 儒。 吾當謂 盡力焉耳不然所謂格物末 說話如知及之仁不能守之之類。 而 田 亦 山地淨潔田: 未 朱 管不告人博豬之載 人 取 門之政以及為删定官時訪知勇士與 《禪之伎》 時習者習此 地不 亦 性而 净潔若 有由 舖、 而 爲 也。 而 象 象山 讀 籍。 已矣。 說者、 儒 然 山 審則 梓。 故當 不 則 用。 則 而 亦 說此。 知所 從而 從而易之日「心 謂 象 是假寇 臼弗 言一 此 其 山 思則得之不思 人目宋儒之 集中言性之處 、樂者樂此。 易之日 非 亦 及 图 束 此心 齫 自 思 所 兵費 守 睿 不 與 甚 可。 不 也。 心蓋 者何 觀、 而 4 舉 異。

#### 一辨志

是志立 訪。 晦 所習 先生 们 餐 所 復。 志、 人之所喻由 其事仍 象 為而 层人心 而皆不甚合而吾觀南軒曰『學者潛心孔孟必求其門而入以爲莫先於明義利之辨蓋聖賢無所爲 也。 是本 一翁與俱一 教 在 Ш gp 人何先」對曰「辨志」正己復問曰「何辨」 於及門之士最稱傳子淵(夢泉建昌人)子淵歸家陳正己(剛後亦師象山又師同甫東萊)問之曰『 利斯喻於利矣』(白鹿洞講義)然則辨志之教固與立大並重然象山又云『幾自警策便與天地 省察所 然者皆人欲之私而非天理之所存此義利之分也」其致辨於義利之間獨與象山如出一口又南軒言「持 甪 大立日 是一貫故象山嘗云『吾只有此一路』此所以爲簡易之學也且當時如晦翁東萊止齋皆與象 軒區 惟危道心惟徼解者多指人心爲人欲道心爲天理此說非是心一也人安有二心自人而言則曰惟危自。 .其所習所習由其所志**志乎義則所習者必在於義所習在義斯喻於義矣志乎利則所**. 至白鹿書院請得一言以警學者象山爲講君子喻於義小人喻於利一 別天理· Ü 成其持養之功。 人不辨個小大輕重無鑒識些小事便引得動心』(以上語錄)是大不立即志不立立大辨 人欲甚嚴而象山 而象山 則 謂、 亦 有存養是主人檢斂是奴僕之語則兩軒象山皆有得於禪故宜 『天理人欲之言亦自不是至論若天是理人是欲則是天人不同矣。 對日『義利之辨』而 |晦翁知南康(淳熙八年 章亦曰、 『學者於此當辨 智者必在於利。 而 象 山 然 相似。 其志。 心有 山 相往 其相 陸

道 體異用同 言、則 日惟微。 行異情之論由此可見其持論之高遠平實即視其得於禪者或多或少而定南軒得於禪者少故其言獨 图 念作狂克念作聖非危乎無聲無臭無形無體非微乎』(語錄)此又同於五峯天理人欲同

異乃與 **齋俱(復齋子壽也)論及教人晦翁意欲令人泛觀博覽而後歸之約二陸則欲先發明人之本心而後使之** 翁友也)於是羣以朱陸爲異者亦漸以朱陸爲同矣然嘉靖中陳淸瀾(建)著學蔀道辨一 易矣竊朱陸意見之歧始於鵝湖 陳氏之一 睽 而晚同陽明因之而有朱子晚年定論之說取晦翁所與人書三十餘篇序而行之(見陽明全集)曰『朱子而晚同陽明因之而有朱子晚年定論之說取晦翁所與人書三十餘篇序而行之(見陽明全集)曰『朱子 各尊其師遂相攻許陸門以朱爲支離朱門以陸爲狂肆逮於有明程簋墩(敏政)作道一編以爲朱陸早異 朱陸異同蓋宋以來學術一大爭端也象山先晦翁而卒(象山少朱子九歲卒時朱子年六十三) 五举泉山得於禪者多故其言亦高遠若執是以量宋儒之說蓋無有或失之者矣。 為蔀障據其所考陽明指 歲固已大悟舊學之非痛悔極艾至以爲自誑誑人之罪不可勝贖』(朱子答何叔京書中語叔京名鎬晦 附 陽 綸 味排陸然以朱子爲正 明適成一反淸道光中夏弢甫 朱陸異同 爲晚年定論 學而以陸子為禪則 (信州鵝湖寺)之會先是朱陸未嘗相見由呂伯恭邀之而來象山與兄復 者正晦翁早年出入禪學與象山未 (炘) 作逃朱質疑考證較陳氏尤宏雖 亦與陳氏同蓋至是而朱陸之不能相合已如定案不可 會而同之作其指證朱陸早同 有象 山踐履篤實之論 音斥篁墩 兩家門人 不如 陽明 面 晚

第三縣 近古哲學史

與晦翁書論太極圖說謂不當加無極二字於太極之前而晦翁覆謂「不言無極則太極同於一物而不足為 萬化根本不言太極則無極淪於空寂而不能爲萬化根本』往還兩書之後梭山以爲求勝不求益置不復辨。 之途異也而晦翁旣以爲「義理天下之公人之所見有未能盡同者當相與熟講以歸於是」(答諸葛誠之 名建先師象山兄弟後從晦窮於南康)亦皆兩家冰炭之由蓋子靜所說是尊德性事晦翁之談則道問 象山乃代爲辨之然象山旣護晦翁爲文辭繳繞氣象褊迫而晦翁亦實象山於忽遽急迫之中肆支塵躁率之 博覽當時賦詩象山有易簡工夫終久大支離事業竟浮沈之句象山語錄云『舉詩至此晦翁爲之失色』語 而不相悖聖人之教也只此一事實餘二卽非異(見楞嚴經)佛氏之指也兩家皆自命爲聖人之徒而其強人 此莫若各自著書以待天下後世之自擇」(見象山語錄) 與詰難竟無深益』 天下後世」(對核山之首即爲太極圖說事也)於是朱必強陸從朱陸必強朱從陸陳君舉勸 書誠之名千能象山門人原書即爲曹立之墓表事欲以解兩家之爭者)象山亦謂『道一而已不可不明於 多此則晦翁自言之(答項平父曹平父名安世晦翁之友)象山自認之(語錄)其持論之異即其所從入 **詢以達其忿黙不平之氣反覆辨難相持益苦矣此又一事也他若象山荆公祠堂記晦翁曹立之蔑表〈立之、** [太過然此詩遲至三年晦翁始從而和之則其時之不無芥蔕殆實情也此一事也其後梭山(梭山子美也) (與晦翁會見止齋集)而晦翁不從包顯道(名揚象山門人)勸象山以 而象山亦不從也夫萬物並育而 矃 不相害道並 為一 翁以爲『相 勢旣 如

從己必欲道之出於一乃深中佛氏之蔽不亦可怪乎且卽以佛論亦有歸源性無二方便有多門之言矣(亦 生之異何傷於雨先生之同乎兩先生惟必不欲人之異於我而必以我之同以律人於是門戶不得不分而是 見楞嚴)中庸言誠則明、 強使之同且牽朱以上釋迦之筏異端之見不除相勝之心不化吾並未見其有當也。 非不得不起是則兩先生皆不能無過者也而後之人每朱者必言其異至抑陸不得列於孔孟之門祖陸者又 明則誠誠則明先尊德性而後道問學也明則誠先道問學而後尊德性 也。 然則 兩先

#### 第十三章 葉水心 附唐說齋

敗盟、 水心斷斷其間途稱鼎足蓋亦一時之鉅子矣擢淳熙五年進士歷官至知建康府兼沿江制置使適當開蔣 葉適字正則號水心永嘉人其學視艮齋止齋爲晚出而稍益恣肆當乾淳諸老旣沒學術之會總爲朱陸二派而 江淮髲動規畫防守金人不得逞而去而為言者所中謂其附韓侂胄以起兵端遂奪職率祠凡十三年 ·而卒。 年

七十四。諡忠定所著有水心文集水心別集習學記言等。

聃 所謂太極 為虛無之祖然猶不敢放言曰無名天地之始有名萬物之母而已莊列始妄名字不勝其多故有太始太素茫昧 艮齋不信圖書虛誕之說而作儼若思齋記猶稱太極(見浪語集)至水心則幷太極而斥之曰『孔子彖辭無 者不知傳何以稱之人易有太極見繫辭而水心不認繫辭爲孔子作謂十翼惟象象可信故云然、 )自老

稿之老佛] 不獨是也。 蓋物 **萱**之驅極之分也。 學記言)亦自有其所見故解洪範九疇以爲即禹謨六府三事之九功曰『六府即五行三事則庶 罪及於子思孟子目為新說奇論稱了 **豈古人所謂道者上下皆通知之但患所行不至邪老聃本周史官而其書盡遺萬事而特言道凡其形貌朕兆眇忽** 大司 而 廣遠之說傳易者將以本原聖人扶立世教而亦爲太極以駭異後學後學鼓而從之失其會歸而道日以離矣」又 世之成 為得不傳之絕學者幾一舉而顯覆之亦宋人所未有也然其謂『天地陰陽之密理最患於以空言窺測』( 又 煬寒燠皆爲之應任人之實而當天之心出治之效無大於此今必一一 を無不悉の 益以莊列西方之學愈乖離矣。於是舉周張二程所謂無極太極動靜男女太和參兩絪縕威通之說皆以爲 徒)最為要切而未嘗言其所以爲道者雖曹薨舜時亦已言道及孔子言道尤著明然終不的言明道是何物。 武王修禹 法 而謂「 Ē, 具予疑非聃所著或隱者之辭也而易傳及子思孟子亦爭言道皆定爲某物故後世之於道始 「周官言道則兼藝貴自國子弟賤及民庶皆教之其言儒以道得民(見家宰 降為災異陰陽之書可為痛哭。(智學記言)此與艮齋河圖洛雷辨同一立言必求有據正永嘉之 售 以此與浮屠老子辯猾以病爲藥而與寇盜設郛郭助之扞禦」(以上皆習學記言) 法。 ( 參看古文尚書大禹謨 乃學者以爲祕傳迷妄臆測相 中庸高者極高深者極深非上世所傳」(總述講學大旨)蓋濂溪以 九功九疇名異 奥 串 同 不肯同也。 貫 (2) 暫以吾一 禹言略箕言詳天之所錫非有甚異 配 身視聽 合牽引已事往證、 言貌之正否 ) 至德以爲道本 ( 見 分 别 而 附 驗之於外物 政肇事也戒之 著、 並 而 有異說。 不可知。 由 使 水所 是上 督 則

序有節文三人皆葉氏門人)以師心為教則猶是周程心學之短矱雖有師誤可改心誤不可為之言(智學記言)、 性心官賤耳目之說蓋辯士索隱之流多論心而孟荀爲甚水心之論多自抵觸蓋如此、 吾未見其所謂心果異於周程之云云也然則其詆周程何哉(水心又言古之聖賢無獨指心者孟子始有盡心知 知而師告之師不吾告則反求於心心其能告非其心也信其所自有養而不喪故謂之育德』 不知而師告之師不吾告則反求於心心不能告非其心也得其所當行決而不疑故謂之果行。 學之長不如永康專曉曉以事功為言也雖然水心亦有言矣曰『 力學莫如求師無師莫如師心人必知其所當行。 人必知 送戴許蔡仍王汶 (其所) 自 有。

下無近 之語又當何如。」(有節文)又曰『四民未有不以世至於烝進髦士則古人蓋曰無類雖工商不敢絕也。 分數舌之人,非先王之道使見老子至治之俗民各甘其食美其服鄰國相望雞狗之音相聞民至老死而 不 飲食待官而具吉凶生死無不與偕則取之雖或不止於十一固非爲過也後世獨狗百姓不教不養貧富憂樂茫然 **首賢者與民並耕而食甕飧而治雖非中道比於刻薄之政不有間乎孟子力陳堯舜禹稷所以經營天下至** 知。直 書懋遷有無化居周鵝而不征春秋通商惠工皆以國家之力扶持商賈流通貨幣漢高帝始行困辱商人之策。 心敢當人之所不言而其論即亦有不可刋者如曰『儒者爭言古稅法必出於十一夫以司徒教養其民起居 因其 一世養兵之衆則雖二十而一可也三十而一可也豈得以孟子貉道之言爲斷耶。 自有而遂取之則就能止於十一而已不勝其過矣況合天下以奉一 君地大稅廣上無前 -有節文 ン又日 代封建之煩、 不 三叉曰、 相 謂 許行

法者而惜乎其竟以讒廢也。 求無失於古人之意蓋必有說非區區陳迹所能干也」(習學記書)向使水心得竟其施意必有制作可爲檻世 子所述皆四代之舊至孟子時欲行於當世與孔子已稍異不惟孟子雖孔子復出亦不得同然則治後世之天下而 貨財以事其上則誅」而師說至謂『百工之人君子不齒』今水心言然豈非有過人之識者哉抑水心又曰『孔 有士而不知有工商故昌黎原道曰「民者出粟米麻絲作器皿通貨財以事其上者也民不出粟米麻絲作器皿通 厚本而抑末、 武帝始有算船告緡之令極於平準取天下百貨自居之夫四民交致其用而後治化與抑末厚本非正論也果出於 雖偏尚有義若奪之以自利何名爲抑」(以上皆習學記言)夫後世儒者多知有君而不知有民知

勝、則 查言證制言人事自不得不與荀子爲近說發如是卻永嘉諸子可知也說齋著有愚書九經發題文集等而尤著者、 **灼可見諸行事後世以空言視之所以治不如古」又曰「陰陽之說勝則禮經廢形相之說勝則心術**喪祿命之說 州時晦貧為浙東提刑以事劾之遂奉祠說齋素伉直旣遭摧挫途不出益肆力於學其言曰『三代治法悉載於經、 為非然苟卿論則稱「孟子舊七篇荀卿皆二十二篇觀其立言指事根極理妄專以明王道黜霸功關異端息邪 當永嘉諸君子講學時最與同調者有唐仲友而與諸君子不相往來則可異也仲友字與政號說齋金華人知台 一書蓋相· 人事息失之已求之天君子不由也」(愚蠢)吾嘗謂永嘉之學有似於荀子說齋作性論雖以荀子之言性 表裏一意必有取於荀子者(後雖言荀卿不過霸者之佐然仍是從性惡善僞上指擴當分別觀之)

惡

日帝王 備六經之指 一經世 趣為百世之軌範者也」而宋史以其忤於朱子至不爲立傳則甚矣其陋也。 圖譜 取諸 經旁通午貫之以見先王制作之意冀可推之後世見之施行周益公(必大)嘗稱之曰、 二、此

# 第十四章 蔡西山蔡九峯 附蔡節齋

陽人父發博覽羣書號牧堂老人幼時以程氏語錄 傳焉晦翁南軒東萊泉山講道盛矣因數明理復有一藝西山出焉」則蔡氏之學不可不著也元定字季通建之建。 之吾與季通言而不厭也。太常少卿尤表秘書少監楊萬里聯疏薦於朝以疾騂樂室西山將爲終焉之計會僞學。 列於儒林然蔡氏實傳康節之學故羅大經鶴林玉露謂『濂溪明道伊川橫渠講道盛矣因數明理復 極而序之日、 經世太玄潛虛 **節學者稱西山先生元定於書無所不讀而尤長於天文地理樂律歷數兵陣之說所著有大行群說律呂新書** 往師之朱子叩其學曰『此吾老友也不當在弟子列』 禁起編管道州不解家而就道杖履同其子沈行三千里腳為流血而無幾微見於言面竟卒於貶所嘉定中賜諡文 宋史道學傳於朱子門人收黃直卿幹李敬子燔張元德洽陳安卿淳李公晦方子黃商伯灝六人而蔡元定不與宋史道學傳於朱子門人收黃直卿幹李敬子燔張元德洽陳安卿淳李公晦方子黃商伯灝六人而蔡元定不與 『天地之所以肇者數也人物之所以生者數也萬事之所以失得者數也數之體著於形數之用妙乎 指要洪範解八陣屬說等洪範之數學者不傳元定獨心得之以傳其季子沈沈字 邵氏經世張氏正蒙授之曰「此孔孟正脈也」旣長、 與對榻講論每至夜分嘗曰「造化做妙惟深於理者能識 仲默。 因作洪 有一 、聞朱子名、 邵 皇極 範皇

近古哲學史

樂 數、 也。 獲。 其 以 不 人物 非 然觀 見。 m 當 機。 知 皆託 K 眀 物 似 窮 時 辫 不 孶 有 用 其 然序 其 不 が古<mark>今之變</mark>っ 知理 呻 如 雖 世之作。 (盛言) 所 其皇極內篇曰『有 古以 善 其 因 知 未 薛 以 着。 也。 謂 則。 化獨立 之數。 備、 生 艮 起 随。 數 不 數 齋、 之用 者盡 誠乎 知 m 義。 亦豈大言欺 動 洞 躬 知理 葉水 所 簽 是則 極 極 一物表者曷己 变 數不 來死知 ДIJ 天下 用 無不 m 心等皆不是 著矣。 之數、 理之精微究與亡之徵 未 靜。 鸖。 誠乎身 之物 清濁 周  $\overline{\mathbf{n}}$ **新則幾矣動** 洞 理 信耳。 所 人者蓋以數言理古來自有此 如 足以與此哉先君子曰洛曹者數之原 蓋自康節 斯有氣氣著而 則 往。 體 此。 極 易曰、 信圖 沈之皇極內篤數以九相 此 也。 也。 Εo 與經、 故靜 亦 事 天 必有 靜 書水心解洪範九疇謂 北魏關 有 施 窮 傳 則察乎 其理。 繭 可 地生品彙咸 求 圖書之蘊以爲易出於河 其所 知 **《其端陰陽》** 兆。 理隱有氣斯有 化、 朗 數者盡天下 德之盛也。 數之常而一 微顯 見非 著朝字子明又有易傳文中子亟稱之) 亭各 僅憑汗漫之詞以騰口 幽縣倫 可 正性命、 之事 求 一家之學: 重合八十一 سيا 天下之故 **叉** 曰、 其始。 фþ 形形著而氣懸人 | 攸敍。 禹謨之九功非有甚異。 理 也得乎 以大以定斯數之令旣明 天 ---心余讀洪 奠 圖洪範出於洛書至沈遂專依 數 地 其 無不通動則達乎 有天 始 可 謂 數。 水其 數、則 與温 冥冥妙於無 得之河圖洛書詹 地 說 萬 範 (知形之) 初。 物之則 ifi 公潛 物各 而有威爲上稽天文下察地 萬物 巳也且子雲太玄温公潛虛皆自 雕、 得 事之 數、 m 可 形。 合生 數之變而天下 其所之妙歲 蔡氏固以 而 非 求 潛虛 理、 不 H 其 敷成 體 農家言神 無不 聖。是 知氣 紀。 非 用 鬼 用。 數 圖。 心之 數。 洛 為孤 在 神 日 非 牽 爲 月侵尋 ᢚ 審 合 聖 知 焉。 五 農、 之 **美人。** 又日、 傳 而 非 其 人 不明 傅 + 幾 之絕 知 言 動。 所 五 會。 和述 洪 乎數、 理。 無 動 幽。 氣之 自然 體、 言 中 範。 賞 黄 不 略

所

雖

參

理。

家宜其能傳廉節之舉也沈三十即屏去舉業元定沒徒步護柩以歸隱居九峯故學者稱九峯先生。 **昏於氣氣梏於形耳目口鼻徇而私慾勝好惡哀樂淫而天理亡」於養生之旨言之不已是知蔡氏皆深有得** 日「善養生者以氣而理形以理而理氣理順則氣和氣和則形和形和則天地萬物無不和矣不善養生者反是理 之數益晦蝕焉」元定爲潛虛作指要而沈乃貶之不可解矣又晦翁與元定屢談參同契有疑輒叩之其致元定書、 一有連日體盎同契頗有趣知千周萬徧非虛言之語而沈皇極內篇亦曰「老彭得之以養身君子得之以養民。 於道

奉乎天故曰後天』皆足以發明康節之說又曰、易有太極是生兩饞兩饞生四象四象生八卦觀夫子立此數語、 理」又謂伏羲八卦對待者也體靜而生則吉凶悔吝由乎我故曰先天文王八卦流行者也體動而。 解卦爻辭旨論六十四卦大義易象意言等其易象意言謂『伏羲八卦是造化生物之理文王八卦是造化運行之 立者無與於未生兩儀之太極也但人之爲學苟惟守夫物中之太極則或囿於形而不得其正必須識得未生 供生四象及生四象則太極便在四象中故曰四象生八卦及生八卦則太極便在八卦中以是推之則太極隨 則知所以生者不皆在未生兩饋之太極故先師謂一每生二一者太極也太極生兩饋則太極便在兩饋中故曰兩 極之本而子思之所謂大本者亦正在乎此學者不可不識也一其述朱子之言以爲『易之太極卽中庸之大本。 沈弟兄三人皆随其父遊於晦爲之門而長兄淵字伯靜號節齋(次兄沆字復之號復齋)尤長於易著有易訓 即雖在兩儀在四象在八卦以至在人心皆不失其本然之妙矣此夫子明卦象之所由所以 成則 必原 吉凶 易有太 生而

有二、其理則一亦可由是推而知之然則淵之有功於師門亦不在沈下。 於以知朱子所得於延平觀喜怒哀樂未發氣象者實濂溪太極圖說一脈之傳而康節先天圖與濂溪太極圖名雖

### 第十五章 楊慈湖

室德 適平且有霧扇者訟於庭慈湖斷其曲直訖退問如初象山揚聲答曰「適來斷扇訟是者知其爲是非者知其爲非 舉進士授富陽簿適象山新第歸過之象山長慈湖稳二歲素相呼以字爲交友留半月將別去夜集雙明閒上慈湖。 公庭顯當分默自反觀慈湖服膺不懈二十八歲居太學循理齎秋夜宴座於牀忽覺天地萬物通爲一體乾道五年、 **慈湖出於象山而壞象山之教者亦自慈湖始則慈湖之於象山亦稍有異矣慈湖名簡字敬仲浙之慈谿人父通奉** 者更云云便支雕去矣。」仕至軍器監將作監兼國史院編修官實錄院檢討官時金墳大機來歸者以數千萬計。 問『如何是本心』象山曰『惻隱仁之端也羞惡義之端也云云此卽是本心』慈湖不會凡數問而象山終不易。 史列弓弩臨淮水射之使退簡蹙然曰、『得土地易得人心難』即日上奏痛言之會有疾乃請去家食者 非敬仲本 陸門之有楊慈湖猶朱門之有蔡西山也西山幼傳家學而後問業於朱慈湖亦夙承庭訓而後印證於陸故或謂 **一潤湖上更名慈湖遐方僻嶠婦人孺子**亦知有所謂慈湖先生也理宗即位韶入見屢鮮以寶謨閣學士致仕卒。 心而何』慈湖聞之大省即歸拱坐達旦實明北面納弟子禮師事爲每謂『威陸先生尤是不再答一。 干四

### **华八十**有六諡文元。

彼地 此、不 見噬 所 地 易爲己之變 其 也。 以能 非 能 思 博厚 吾之軀 也。 步趨在周流 處若 縱不 思 能 物 周流、 萬化 加不 慮 噬者何物鼻能嗅所以能 之學具見所著已易一篇日『易者己 而 者不 不 横 可 見鼻可 化不可也自生 萬理 自 在 一其不可見則 止於六尺七尺而已也姑卽七尺而細究之目能視所以能視者何物耳能聽所以能聽 不 所以能周流 高 下又名之日 可 知 見其可 為己而 其 非周流在思慮非思慮視如 不 見嗅 下,不 爲我之手足、 可得 見者、 者何物心能思慮所以能思 惟執耳目鼻口四肢爲己是剖吾之全體而裂取分寸之虧也。 者不可 一地清明 八是不可以 民以 丽 有 見手足可 而日彼 三視 大有 嗅者何物手能運用屈信所以能運用屈信者何物足能步趨所以能步趨 來未有能識吾之全者惟觀夫蒼蒼而清 者吾之清明、 小有 見者在 與 聽者 手彼足也如不 r見其運動: 彼有此、 ,此聽如此噬如此嗅如此運用如 也非有他也以易爲書不以易爲己不可也以易爲天地之變化、 視 不一其不可見則一。 非視。 博厚者吾之博厚而 有縱 步越 慮者何物目可見也 在聽 有横、 自知其為己之耳目鼻 非聽在噬非噬在嗅非嗅在運用屈 者不 有高 可見。 視聽與 有下不 血氣 人不 自知 明而 其親 **嗌嗅若不一其不可** 可 可 得 見其使之周 此步越· 而一。 不可見耳可見也其聽不可 也。 在 口、 上始 人不 而日 其不可見 |彼耳| -自知而: 如此周 能言者名之曰天又覩 是梏 洗 者不可 於 目 流 見則 血氣、 也彼 相 信非 者不 如 奥 見心之臟 此思慮 者何物。 運用 一運用 4 掲 而 大不 自私 名 小、 也。 屈 日、 見口可 者何物。 如 也、 不 彼 信。 步 不 П 百小 不以 能噬、 在步 趨 可見、 以天 天也、 彼不

托

育

非

禪。

以是而

爲 禪,

抑何其視

~禪之淺也。

香則二。 之夜以 遂己則不學之良能不慮之良知我所自有也仁義禮智我所自有也萬善自備也百非自絕也意必固我無**、** 不可得而思也矧可得而言也。 也雖堯舜禹湯文武周公孔子何以異於是雖然思亦何害於事箕子曰思曰答孔子曰、。 出。 者、 腿 也、 不 此。 亦如 古 婣 故後之攻慈湖 日 知 機日。 坐謂 [吾無] 則 其道. 朋 如 如此令如此前如此後如此審如此審如此審如此夜如此寤知 則 慈湖之所 是即 思 也。 行而不與二三子而已終不可得而言也曰吾有知乎哉無知也而已實無得以告人 高學者不加? 亦何害於吾事 因骨而立 濉 學之佐證。 造亦自有其踐履非專恃禪家悟入 為禪尤甚於象山 朔。 不有昏者無自而明也昏明皆人 為愚 如此彼如此此如此萬如此一如此聖人如此衆人如此自有而不自察知此寐如此生如此死如此天如此地如此日月如此四時如此鬼神如言。。 也。 尚不可得而有也矧可得而知也然則昏者亦不思而遂己可乎曰正恐不能遂己誠。 學部通辨後編 者 此 不損 者, 蓋即象山宇宙便是吾心吾心便是宇宙之說特象山言之較 池。自 此 也然黃勉齋( 阴 也自昏 )則伊川見人靜坐便謂善學晦緣欲令半日讀書、 也此 一路者至陳清瀾以象山每教 **黄幹號勉齋**) 未嘗明、 心皆名也知之者自知也不可以 此未當昏也或者蔽之二之自以爲昏 出晦翁之門。 學 m 學而不思則 者閉 不自察心。 楊敬 語 目正 也。 人 14日箭 外集皆 何為其 坐、 問。 渾。 也。 此行 所可 周公 一慈湖 慈湖 終 然也向 E坐又何 自 得 如 而 身 亦 德 則 仰 此。 Mi 朋 由 而生 人之 而 也。 語 思

思

加

而

人

## 第十六章 真西山魏镇山

粉擾然後有以為窮理之基本心既有所主宰矣又須事事物物各窮其理然後能致盡心之功欲窮理而不知持敬 則廣與婚其於鶴山蓋友而非師與西山從遊於體仁者不同然要之皆嘗聞文公之緒論者西山集有答問言居敬 以養心則思慮紛紜精神昏亂於義理必無所得知以養心矣而不知窮理則此心雖清明虛靜又只是個空蕩蕩底 **窮理甚可觀日「程子日涵養須用敬進學在致知蓋窮理以此心為主必須以敬自持使心有主宰無私意邪念之** 廣字漢卿體仁字元善皆朱子門人而鶴山集有跋朱文公與輔漢卿帖云『山友漢卿端方而沈碩文公深所許與』 言「其樂室白鶴山下以所聞於輔廣李燔者期門授徒士爭負笈從之由是蜀人盡知義理之學」又詹體仁傳言、 **稱鶴山先生西山先死而鶴山爲之誌墓今並有文集行於世而西山著大學衍義學者尤稱道之**按宋史鶴山本傳、 物事而無許多義理以爲之主其於應事接物必不能皆當故必以敬涵養而又博學審問謹思明辨以致其知則 知政事體文忠學者稱西山先生了爲字華父邛之補江人與西山同年進士累官至知紹與府安撫使證文靖學者 情明盧靜之中而兼理悉備其靜則湛然寂然而有未發之中其動則泛應曲當而爲中節之和天下義理學者工夫、 **『郡人其傷秀早從其遊問居官涖民之法體仁曰「盡心平心而已盡心則無媿平心則無偏」世服其確論云』 黑定之後私淑朱子之學者有其德秀與魏了翁並稱德秀字景元後更希元建之浦城人慶元五年進士官至參** 

又謂「方其人欲未萌天理完具方寸之間、盎然如春卽本心之全體推是心以往其事親必敬其事長必順以處閨 **沈煥能傳其學絜齋燮之號也則西山又由朱而涉於陸故西山志道字說(志道西山子)謂『仁者心之生理。 儒只說正心養心不說明心。 (答蔣重珍書重珍鶴山門人)以是論之其亦有不能盡合者矣。** 無以 西山箐及楊慈湖袁絜齋之門(西山集有慈湖先生訓語燮齋先生訓語)宋史陸九淵傳言門人楊簡袁燮舒 是見得不與。」大抵實居敬言窮理與西山略相似此所以真魏常並稱也然鶴山宗晦翁而實兼有永嘉經制之粹。 之謂一。」而師友雅書亦曰、『講學須一字一義不放過則面前何限合理會處。』曰、『不到地頭親自涉歷一番、 | 陸以交朋友則信當是時也豈有不仁者哉」即慈湖本心甚簡甚易威而遂通不假外求之說而鶴山則云『吾 加 於此者。」而鶴山作敬安堂記亦曰『敬也者所以存此心而根萬善者也』曰『程子曰主一之謂敬無適 璘、

序則又使之習容閑禮考德問業以發其德性之知而其間節目之詳則去民愈近者施教愈密州 知先王因民之聚因時之變振飭而開牖之大抵教之於塾旣使之事親從兄親師 者自二十五家之間爲塾有道有德者爲之左右師而閬中之子弟學爲民之朝益莫(同暮)習在於閭塾而庠序云者自二十五家之間爲塾有道有德者爲之左右師而閬中之子弟學爲民之朝益莫(同暮)習在於閭塾而庠序云 鶴山自言『向來多作易與三禮工夫』(師友雅言)故其爲論必本之禮經不爲虛說通泉縣重修學記曰『古 等而下之則黨正七族師十有四而閻胥則無時矣以此知民常在墊而時會於序非若後世違親越鄉聲居旅 時屬民之所也或飲射之禮或肚酺之祭或歲月之吉必示以教法序齒位書其德行人之良心善性日 取友以行乎孝弟之實。 長 (屬民語: 而 用皿 **勵之**於 佐 歲不 不

**熊望於漢盡覆於典午之亂帝號官儀承秦舛矣郊誂廟室踵漢誤矣衣冠樂律雜胡制矣學校養不賓之士科舉取** 可用 食比闆無以 投牒之人資格用自陳之東刺平人以爲軍而聽其坐食髡農夫以規利(此指鬻度牒言)而縱其自奉授田無限、 之法使其心曉然見之且無所於用也」(有節文)此其言法制之壞也於是慨想於三代思有以大振作之以復 而豪奪武斷以相 亭而鶴山識力橫絕與所謂卓犖觀攀魯者西山則依門傍戶不敢自出一頭地蓋墨守之而已,吾觀鶴山有云了中。 西山之大學行義徒以正心誠意爲言而無施張之具蓋不足比矣棃洲之論西山鶴山也曰『雨家學術』 見明王之治之盛詳其變遷舉其章制使窮經不爲無用法古不爲盧文雖永嘉諸先生如止齋水心又何以 庸說君子之道本諸身徵諸庶民方說見諸天地質鬼神百世以俟聖人蓋道不信於當世無緣可以信後世」又云、 謂只須 房記曰「者夫先王之制又在所當講而風氣既降名稱亦訛一事而數說一 祖述朱文公朱文公諸書讀之久矣正緣不欲於寶花擔上看桃李須樹頭枝底方見活精神也」〈師友 考其行州黨無以施其教操數寸之管以決一日之長而他不復問焉也」此其言學校之失也洪氏天 尚出泉(錢古字)輸租而重科獲折以相蒙嗚呼生斯世也為斯民也而讀聖賢之書以求帝王。 物而數名去籍於周末大壤 難同 (加焉者 出考

第十七章 元明諸儒之繼起 雅言)則其識力橫絕不同西山之依門傍戶者豈無道而然哉。

攻之。 新安之書 五 敢 M 學蓋自 整教不通故程朱諸儒疊起而其學不及於河朔江漢既至燕樞 魯 欣然嚮風 道 詩 漢 齊 來從配 也以言 大全遂廢註疏不用而專取宋儒之說故淸朱癡尊作道傳錄序(道傳錄華亭張 以 宋元以來言道學者必宗朱子」又謂「 以朱子集傳爲主書以蔡氏傳爲主易以程子傳朱子本義爲主春秋用三傳及胡傳明代因之永樂中 日, 也。 來學者無不言孔孟宋以後學者無不言程朱蓋自元仁宗認以周子張子邵子大程二程司馬温公朱子南、 此 始及後許魯齋受知於元世 而傳之江漢之北也以姚樞從中書楊維中前伐而江漢在廣中與語奇之因與俱歸自遼金來南 然吾以爲其原因 不 孔子廟庭而科舉以經義取士大學論語孟子中庸設問用朱子章句集註詩書體三經雖 ·蘇尊雖爲不滿於朱子之辭然其所道固實情 妄夫漢武表章孔子而儒術盛元明尊崇朱子而理學行。 禮非朱子之家禮 靜 如 此 修雖屢徵 則 道 不行。 由是論之其以身任道固無有異也故黃百家謂「魯齋靜修蓋元之所 不起與魯齋出處不同然魯齋之初應詔 不必盡在於此當元之初北方學者曰許魯齋衡劉靜修因許劉皆因趙江漢復得伊洛 حصيا 始 教 行 及至元二十八年靜修以 也推是 |祖以集賢大學士兼國子祭酒徵其弟子十二人分處各齋爲齋長而 而言尚書春秋非朱子所授則朱子所與 世之治舉業者以四書爲先務視六經可緩以言詩非朱子之傳義 集賢學士見詔不赴或問之靜修曰『 奥 楊維 也過與定靜修謂之曰『公一聘 中為建太極書院居之北方之知有 饭北 也言不合朱子率鳴鼓百 Ш 著森倉中 不 藉以立國者一又 加 丽 此 起無乃速乎」 兼 則 用古註 道不尊。 表 頒 :北分立、 弟 程朱之 四 也 弗 面

事

見

陆

宗

艬

輟

耕

錄

程朱之學明矣。魯齋有言曰「稱常不可亡於天下苟在上者無以任之則在下之任也」,夫程朱之學所以 學者遂不復知有明倫之意懷世道之憂者思挽而復之卒亦未知所措其力譬之兵事當玩弛偸惰之餘則。 際為萬松書院作記乃曰「自科學之業盛士皆馳鶩於記誦辭章而功利得喪分惑其心於是師之所教弟子之所 生者爲之續薪火之傳程朱之學能不廢墜乎且元時學校科學之議亦自魯齋而發之而陽明當明時科學正盛之 而傳者,豈非元明諸儒在下在上皆能身自負荷而然哉故吾以爲學之與廢終在師儒氣類之應求而不關朝廷功而傳者,豈非元明諸儒在下在上皆能身自負荷而然哉故吾以爲學之與廢終在師儒氣類之應求而不關朝廷功 関伍更其號 介旌旗縣非格之賞以倡敢勇然後士氣可得而. 儒首列方正學孝孺正學則潛溪之高弟也夫子貢不云乎。「文武之道未墜於地在人」嚮使自宋以後無是數先 山白雲門人潛溪道傳門人)雖白雲以下不免流爲文章而如長山潛溪明初學術實深賴之梨洲明儒學案於諸 異特不肖為儱侗依達之說正紫陽窮理之教也一傳而得許白雲謙柳道傳貫再傳而得胡長山翰宋潛。 朱子時有牴牾然其言曰『吾儒之學理一而分殊理不患其不一所難者分殊耳』則所以 門北山學於黃勉齋蓋朱門之嫡傳也宋壯旣屋仁山屏居金華山中當時推爲明體達用之學雖其作論孟。 至許魯齋劉 『二子之中魯齋之功甚大數十年彬彬號稱名卿材大夫者皆其門人於是國人始知有聖賢之學』此趙江漢 一种修典起北方後學之功不可沒焉者也而在南方則有金仁山履祥仁山由王魯齋柏登何北 振也。 其指摘舉業之弊如此然則科 **牴牾朱子者** 舉不能 『溪濂(長 非 必選將 能 心欲立 爲盆 考證、 山 基之 於 奥

## 第十八章 吳草廬鄭師山

闕疑、 事門人至者所居至不能容因相與卽其地構師山書院處焉至正(順)十四年天下已亂朝廷以翰林待制。 心故外之物格則內之知致此儒者內外合一之學固非如記誦之徒博覽於外而。 大夫遺使者浮海徵之辭疾不起及明兵入徽州守將將要致之不許因被拘囚遂自縊死著有周易纂註、 盝 於語言訓 五經纂言草廬精語道德經註及文集等師山名玉字子美徽州歉縣人覃思六經尤遷於春秋絕意仕進以: 日 鄉試中選越五年而元革命程鉅夫以侍御史求賢江南起至京師以母老辭歸一 而 多聞 ım 復合者於元初則有吳草廬於元末 謝去英宗即位遷翰林學士泰定(泰定帝)中爲經筵講官請老元統(顧帝)元年卒年八十五諡文正著有 元代朱學盛而陸學衰其傳陸學者惟江右之陳靜明苑浙東之趙寶峯偕二人而 智之用 師 闕 山集等草廬嘗爲學者言「朱子於道問學之功居多而陸子以貸德性爲主問學不本於德性則其蔽人。 疑。 釋之末故學必以德性爲本庶幾得之』是以當時議者以草廬爲陸氏之學然草廬精語曰『知者心之 多見闕殆」又曰、 也。 未有出於德性之外者曰 「多聞擇 則有鄭師 其善者而從之多見而識之」蓋聞見雖 德性之知 日 聞見之知然則知有二乎哉夫聞見者所以致 山。草 **廬名澄字幼淸撫州崇仁人生於宋理宗淳祚** 至大(武宗)元年為國子司 無得 得於外而 已然其和會朱陸使兩家旣分 於內亦非 所 閉 如 所 見之 其知 释氏之徒專求 九年年二十應 理 也。 春秋 夫子曰、 則 教學為 具 必偏 經傳

非之極致。 誦之徒則 之物 指江 者。 道 仁 蓋學 致 說、 才高 m 加 知 心聖門 格. 又有言曰「 之功朱子之學、 西、 道 青天· 而 者之流弊 一德豈有不同 即內之知致與 獨 則 是以 鞭 事 白 得之妙 曰 於外也今立 有開 Ħ, 此怪說之行 康衢 則 知 Ħ. 日 陸子之質高明、 愈博 有 也二家之說又各不能無弊陸氏之學其流弊也 見而 [多學二則] 子其流弊也 一者同奪周 砥 道千門萬戶無不可見而天地之祕聖賢之妙發揮無餘蘊」( 朱子蓋無 送葛子 而 實未 旗 也江西之指 心 知多知之目而外聞見之知於德性之知是欲矯記誦者務外之失而 愈 答有知 期。 日多識鄙孤陋寡 ,熙序) 孔同排佛老大本達道豈有不同者後之學者不求其所。 如 **(林毫之不)** 彼以 故好簡易朱子之質篇實故好邃密各因其質之所近故所入之途不同及其 俗儒之轉行 江東則日 (也昔朱子於大學或問舊言之矣日) 徇外 卽 行乎日用常行之中。(行狀) 於兩家得失皆見之至明又嘗謂 合。師 誇多為 數墨至於頹惰委隨、 聞。 山集謂「 此支離之說也此豈善學者哉朱子之說、 務、 見醴學記) iffi 不覈其表裏真妄之實然是以識 朱子盡取發賢之書析其異同歸之至當集 丽 如 ų 賢以 無以收其力行之效然豈二先生 释子之談空說妙至於鹵莽滅裂、 多問寡。 \_\_\_ 學者「斯 此以反身窮理爲 (見論 道之懿不在言語文字之間。 以同 奥 目夫師山與草廬 愈多 語) 汪真 教人 惟求其所以異。 **尽售不** 훾 m 主、 為學 不自知 丽 'nĽ 必究 之常 愈 似專拿 欲多 其 窒。 垂 而 大 其 其 教 也。 \_\_\_ 不 知 流 之罪哉。 其 本 江 成。 陸 能 東之 至也、 使吾 以 末 入於 子之 盡 外 是 夫 而

其

學又

絕

無淵

源。

m

其欲取朱陸而合之乃不謀而

闻

若此且草廬爲程徽

庵若庸門人(若庸休寧人

徽

庵

則依然象山

面

生不

闹

具

於

性

分之內。

不

在

高

虛

廣遠之際而

释之。 **뺹**雙 نآد 養 不 字 論之似草廬能見及向 則 Įţ 精 大之大之友吳暾、 故 知 朱。 曰, 静、 非 .用 性. 此 \* 有 卽 語 力於 定。 孟子 此 静 則 無一 亦 影。 無以 於靜 靜 師 餇 以 所 準 字 此。 Ш ГП 成學、 時豈能 雖專 學於 謂 能 剘 Mi 亦 所 難。 不 謂 靜 不 ź, 主一則 門名家 字朝陽、 黄勉 此 也。 動 非 **—** 高 能 靜 程 Ľ 用 存 明 学稍易。 靜者雖 其 子 篤 Ŀ 齋。 也。 功 一着。 聖寶 應接之處心專無二能 Ė, 孟子之學先 而不 賃、 則 心哉」又曰『古令人言靜字所指不同、 師 朱子之四 各 山皆 應接 而師 學者未之能也大 足以爲學皓首窮經、 因 夫人皆可勉而 敬者聖學之所以 售 其 質、 萬 師 山 之, 變而 傳 非 窮 者 、草廬匹也惜吾不 理 歟。 也。 然 自 此 溉 iffi 心常 言先 然學 為周子言聖人定之以中 莡 終 如此、 成始 廬 由 學靜 於錢 朱以 如 集 而不足以 帥 則 成 山皆主 義養 而后 JŁ 終。 事物未接之時把捉得住心能 入 融 水。 得 能安之靜云 陸。 周子 堂 氣、 秦漢 知道。 持敬。 師 所以 時。 帥 融 Щ 山 肵 草鷹 謂 能 有深淺難易程子言性靜 حطا 以 堂 周 爲 (王居敬字序 學於楊 夏 來、 不 E 易 動 纂 與周子: 正仁 非無 謂、 自然希 動 m 註っ 心大 <del>-</del>7 無 慈湖。 學者。 欲 ·義而主 與 動 學之 "賢之再 草廬易纂言 是也。 莊 下 而 子 功 則 教窮 夫惟 所 静與莊子言萬物 曰 陸  $\overline{\phantom{a}}$ \_\_ 無適 指 孟 而草 門 傳。 之 敬之一 以 理 軻 (希 無 矣若先: 應則 死千 上皆 讀而 者可以爲學 流 知 異。 朱子 賢、 喜 商 草廬精 載 字 淳 安 則 更 也。 校之。 於動 以 無真 由 爲 知 而 Ě 人、 敬 無 更 終 ik, 其子傳、 儒 處 集義養 與 法。 語、 足 而 不 由 (草 諸葛 以 何也。 妄 不 し以 陸 Ŀ 能 撓 動 以

帶。

廬

入

#### 第 十九章 劉 伯溫

氣

此

不敬敬也者其萬事之根本與故聖人之語君子惟曰修己以敬故禹湯以克敬而王桀紂以不敬而亡自 氣。 而 之理不無 夢寐之先兆見之同聲之相應吾於琴之弦見之同氣之相求吾於鐵與磁石見之鬼神之變化吾於雷電見之陰陽 **廉人豈有異哉故曰穆穆文王於緝熙敬止又曰昊天曰明及爾出王昊天曰旦及爾游衍敬也者不可須臾離**。 即失其惠其敵也殘侮則人陵之殘則人疾之」(雜解)曰『先正有言曰經禮三百曲禮三千一言以 其名以幣徵焉其後削平攀雄得成帝業多出基謀議以功封誠意伯位弘文館學士明史宋濂 誠意伯集共二十卷 而 知之要道也不研 五行之消息人命繫其吉凶吾於介鱗之於月見之祭祀之非虛吾於豺獺見之天樞之中吾於子午之針見之巫祝 **挽之。或者且儕之風角方技之流說相傳其神異。**豈知基者哉基以厄於胡惟庸憂憤而卒年六十五所著郁 敬齋箴序)即謂其非儒者之言不得且基未遇時著郁難子曰『天地之呼吸吾於潮汐見之禍福之素定、 濂 自命儒者」然今觀誠意伯集有曰「君子之所以守其身者禮與樂也禮不及則失其威其敝 經 吾於吹蠱見之三農六氣之變有占而必驗吾於人之脈色見之觀其著以知微察其顯而見隱此格 濟之才日 其情不索其故梏於耳目 劉基宋濂然濂非基之匹也基字伯温青田人元末以進士官高安丞棄官歸里明 加止非 知天人者矣」則基之學亦幾於綜貫天人者而 傳和『 或者 心也侮。 祖定括蒼聞 基維邁有奇 天子 一一一一一一 以 共 樂不及 吾於 也。 至於 極 鈫

基之說可傳者英過於天說雷說雷說曰『雷者天氣之鬱而激而發也陽氣團於陰必迫迫極而迸迸而聲爲雷、

之廢 矣。 其負 後 民 如 如 言 死 人。 禍 大率多於木石豊木石亦有罪而震以威之耶』(雷說上)此 其可 於其所 楢 拂 彊 此。 天 無梗、 此 馬 # 非 地 蘠 外 也厩牧以安之豆粟以飫之旦而放之莫不振鬘而奔風牝鳴而 也。日、 欲 欲則憤激而 運行 所謂 者氣爲之比之朝菌得溼 ifii 車、 **殖火之出** 破 者哉。 調之、 滑無 不 不 歷羊腸流汗 欲 相 格 風雨雷霆之 物之君子哉。 基 耆 其 固。 得 各 以大德戡大亂則可也。 有不服 故令不疾而行』請問之曰『天下之宴安也人不嘗苦辛不知亂之無所 於古 也。 半。 。也而物之當之者柔必穿剛必碎非天之主以此物聲人而人之死者適逢之也不然雷所震者、 思變有從而倡之亂斯作矣是故老成之人愼紛更焉非爲茍也畏未得其利, 一(天說 人函 故以 **踠足飢不得秣倦不得息踰數百千里** 治子。 放、 稱 大 然又不獨天 ğp 徳戦 是故 往往 伊 上有節文)且自 争、 而生晞 聖人與 日 大 不中於實而 亂、 • 伊 道 陽而死靡草得寒而生見暑 則 夫民情久佚則 尹者古之聖人也思 井 時 也。 偕行。 田 其 言人事、 宋儒以 亦 伊 時未 川乃 न 復 (思亂) 也。 至信 至而 亦精透莫與 來不欲汨沒於世俗之說。 風電出  $\overline{\phantom{a}}$ 爲之謂之躁。 而歸望皂櫪如 郁 天下有一 極 蓋與其天說相一貫天說以為『天不能降禍 而後願定欲謀治者必 離 出於蜥蜴所為。 比倫。 而死非氣有心於生死之也生於其所相 子 **| 壮應嘶馳踶突惟意所** 夫不 井 時至而 成問、 佛及 田 被 且 **—** 其澤、 見盥 勿論。 不爲謂之陋今 井 而事事必窮其  $\overline{\phantom{a}}$ 見語 田 可復乎」 則 夫 人 八古今治 (而歔沫) 其心愧 因 錄)亦可怪矣今基之言 容其 民之 、欲不可逐而昬 日、 T 理之 良 亂之 則雖鞭之使 身。 願 而 風 先 m 定 至然而 可。日、 易於怨 撻 乘 不 陹 而 於市。 淳而 除、 其 為之 有 害 爲然 逸否 也。及 也。 Ł. 程朱 得。 福 何 故

者之矩矱史稱基師鄭復初復初之學不可詳倘亦有道而隱者數。 褟 明之 我亦 諸 人也。 海 陋 思得專之以爲鬼』其主無鬼蓋與王充訂鬼范縝神滅相似然而又謂『鬼可以有可以無者也子孝』 其鬼由感而生否則虛矣故廟則人鬼享孝誠之所致也』卽又宋儒威應之說要之基之持論終爲不失儒 者、 彼能 則明祖非 Пi 我不能。 其 人 、也惜哉又郁雕子謂『人之受氣以爲形猶酌酒於盃及其死而復於氣也猶傾其盃。 寧無悲乎』(郁雕子)吾意基所抱至大使能盡其才設施必不止於有明之陋止 前 水而 一於有 致

#### 第二十章 方正學 附朱潛溪

託日、『孝孺』 之心召至孝孺投筆 帝立、 金華、 召爲翰林侍講。 ,孝孺復從之卒業兩以嶌召見授漢中教授蜀默王聞其賢聘爲世子師尊以殊禮名其讀書之堂曰: 孝孺字希直一 之學略見於其所爲雜誠曰『儒者之學其至聖人也。 必 不降幸勿殺 **叶於地哭** 字希古台之寧海人。年二十遊京師從太史宋濂學濂以爲遊其門者未有若方生者 明年遷侍講學士國家大政事輒咨之靖難兵入京建文遜走成祖欲藉孝孺名草詔以, 之殺之天下讀書種目 且闖、 日「死卽」 死耳詔不可草。遂磔之聚實門外先是成祖發北 |子絕矣||然孝孺竟死年纔四十有六有遜志齋集二十四 平姚廣孝以 也及 Œ 孝孺爲 塞 學。 天下 建文 返

也、

·樂也刑罰·

;也今亡其四而存其末欲治功之逮古其能乎哉不復古之道而望古之治獪陶瓦而望其成鼎;。

其用王道也』而言王道則曰「古之治具五政也」

勝汝忘彼忘我忘古與今道充天地將在汝心』(學箴辨疑)夫程子教人每令人疑張子亦曰、 端 古而 矣。 不稽 有盲從古人而可以爲學者乎然當疑而不疑非也不當疑而疑亦非也今之疑古人者多矣疑而能辨者誰乎嗚呼、 故 晋出。 其文 耳剽口衒不顧理之是非所以爲學術之畫也(語本雜誠 指 不 小之蓋孝孺言 其得失、 一
証
前
前 क्रीर 知 變殆 稱 周禮。 《古撫其遺失學非疑不明而疑惡乎擊疑而能辨斯爲善學勿以古皆然或有非? 非也抑不獨言治然也即其言學亦然曰『不善學之人不能有疑謂古皆是曲』 而肆行之則 言治、 以爲、 \_ 雖日 周之成法具在今欲爲此不難 為野時相為 法 古亦欲宜今故論 遠也事 相懸 「為政 也不審其當而惟古之拘則爲固」( 心』(成化)然作周禮辨疑於其制之戾於道者即又一。 有三日知體稽古審時缺一 非政」又謂「先王之治法詳 雜誠 (是勿負 爲之鮮過乎 學則 然則以孝孺 (汝能言· 須疑天 智者疑 下世 爲

雖不幸 居以 無愧 其立 孺 心行已固 世之惑者又 求 之道焉耳天之全以賦我 其 而 雖 乖於天迕於人死於疾病 所 學於潛溪而 謂 性 已大畔於君子視倫理之失、 命或 從而慕效之不知其所云性命者果何道而預知不困者果何益耶。 餌 潛溪雜二氏孝孺黜異端曰『古君子所以汲汲若不及者未嘗以生死入其心惟修其可以・ 金石服草木 者吾能全之而弗虧推之俾明養之俾成擴而施之澤於天下後世於人之道無所 患難何害其爲君子哉不能盡人之道而欲善其死者此異端之惑也異端之徒、 丽 庶 幾乎 夷然以爲宜爾 ·坐化 而立亡以預 E而不怪其 知其死為神 身雖生其心之亡已久矣而 以 不因 於疾病 (斥妄) 為 又曰 高彼 猶務 乎不死 旣 夫 運行 以 此 或尸 天 眩

此

M 偸 之於天道則 制 丙 尙 道 特 知、 莫 地之 於天者 古問 也。 生 则 倂 烏足以爲天地哉。」(啓惑)此其辨老佛長生久視出離生死以及地獄輪迴之說可謂明日 行 知 **暫之又謂** 其 胹 其 齊直躬 為 謂 言之鳥獸之形不能 其 間、 牛喘事、 可乎 中亦 不 非常 不 何 TI 咾 有 智。 為 生 哉。 學、 責 地下設備 無窮物之生亦綿綿不息今其言云然是天地之資有限而其氣有盡。 者、 必 先 者也非有他 m 萬 其做 成於己吾之所 白此 其**可**乎哉。 至老死而 至。 有曰、司君子之於天下盡人事而後徵天道天道至微而難知也人事至著而易爲也舍易爲而 各異 物 而不察修治警戒 者非二氣五行乎二氣五行精粗粹雜不同而受之者亦異自草木言之草木之形不能 而後其著則爲失序。 其宿 心故故 爲官府以主之詭證曲陳若有可信而終不可詰此怪妄之甚者也天地亦大矣其氣運行 無聞、 人而 無別 世有過而然耳見其形或類於禽獸則曰此其宿世爲爲獸 故而然也令佛氏之言以爲輪迴之事見無目者曰此其宿世 庚 孝孺 則日 知者如斯而 其 也自人言之人之形不能 人之形者常也其或具人之形而 我之命當爾也剛愎自任、 更無少異然則 由於人者有未至天人之道離而 一先人而後天卽其學之所主可知也然孝孺言命以爲「徒言豐嗇 已矣委命而廢人。 孝孺所得於潛溪者其在是乎。 無不 八白鲞攤 操刃 相似也非二氣五行有心於異而爲之雖二氣五 而殺 不能以全或雜物之形而異常可怪此氣之變而 命之說窮。而潛溪亦有祿命辨曰、 人之金而陷 人柔暗無識 放必假 於桎 投繯而絕命則又曰我之命當 丽 然耳不特言之又爲之書不 **皆得某罪** 既死之物以爲再生之根。 日 5且力矣而 我之命當爾 而 然耳見罅気 吾觀 ----無別 也怠险 則 求 心自 其 行、亦 付 難 藴

## 9二十一章 曹月月薛敬軒

暫先 楊、 1-荊 遷灣 租、 国 御 亦 由之路也。父爲之改學其門人彭澤嘗辭 曹端、 改 史。 聞 舊好 濯 九。初、 士奇、 差監 生 部 大 徭 先生之風 **存** 字正夫號 佛。 如。 Ħ 人服 H 月川作 卿 榮、 湖 川 III 佈黃 溥、 得元 <u>t</u>t 郎 初了 湉 j i 兼 軒 銀 III 頒 **定蠖**不忍為 翰林 黎洲 起者 人部 F 끩 不 占 場 夜行燭一書呈父以爲『佛氏以空爲性非天命之性人受之中也老氏以虛 氣之辨 謝 Щс. 鄉 Æ 學士入內問 iri Pi 1; 淮 統 **~**... 如 應芳辨惑編心 薛瑄字 **需學案述劉蕺山之言亦謂『方正學而後斯道之絕而復續者實賴有先生** 前。 nJ <u>~</u>, 乃與 英宗 池池 屈 IJ 大 是 用 lud Lud 紫陽稍異月川有太極屬說辨戾一文曰『周子問 閣、 14 者。 人永樂中以 )改元各省設提學憲臣 1:11 拔。 轉左 傊 坐事 楊以 號敬 悦而好之故於輪 盤臨大連 侍郎、 二有明 軒山 F i] 錦衣 鄉舉授霍州學正丁 4:1 對途得 疾歸。 Įlij 過 **冯者敬謁**請公 'nJ 一代經濟之學莫盛於劉誠意宋學士至道學之傳則 猫 天順 # 狱。 **代人生後於** 君 迎、 **₹**\$ 過福巫覡、 八 放 以 岛 年、 卒。 骊 大連 薦。 盆、 為民景 1 · 敢屬僚 少卿三 年七十六益交清。 月川十三年中永樂十九年進士宣德中、 憂服関改蒲州考績吏部, 山東提學食事 風 《水時日: 於 楊諷就 畜之宣德(宣宗)九年竟卒 景帝 世俗通行 振 時中官王振用 初、起 太 曹薛之學人 謝っ 敬軒不 机 行之說毅然不 南京 動 漏 為道、 猛二 生器 大 往。 用事振晉人· 抵俗 理专 振以 譄 非率 學爭留之上竟 而生 卿。 餉 爲 评 來又卻之。 一性之道人 Ţ 於 英 歠 所 陰 也。 授監察 ğ, 锌 動 霍 自 問三 復辟、 則陰 父敬 文清 年五 荻 滙 涖

燭外、 明然於理氣爲一之旨則偏而不全矣抑月川曰『事事都於心上做工夫是入孔門底大路』。 心閒中一樂之語,則兩先生雖不言陸氏,而未嘗不難有陸氏之數不必待白沙始開陽明之學也月川, 陽之生、 **難實未嘗與之俱盡而** 而 **愛理為死理而** 之一出一入而人與之一出一入以喻氣之一 有得劄記以備 能疑結造作理卻無情無計度無造作或重理或重氣言問各有所當也令必言氣待理而理不待氣。 所役使不知理之與氣以根本言之則理爲氣主以作用言之則又氣爲理主故朱子 動、 爾。 有四書詳說太極屬通書西銘釋義等而敬軒以程明道許魯齊皆未嘗著作不欲著書惟讚書錄二十卷則歸 如 活 運亦: 日光載烏背而飛鳥飛而日光雖不離其背實未嘗與之俱往而有間斷之處亦猶氣動而理雖未嘗 由乎太極之動靜。 然一云云而敬軒讀書錄亦謂。 不足以爲萬物之原理何足尚而人何足貴哉今使活人騎馬則其出入行止疾徐一由乎人馭之如不足以爲萬物之原。 遗忘者其詩文遺稿門人都 有滅息之時」蓋兩先生之意皆不免認定理善而氣惡故必別 朱子語錄卻謂太極不自會動靜乘陰陽之動靜而動靜耳遂謂理之乘氣由人之乘馬馬 動一節、 爲之河汾集。 氣有聚散理無聚散以日光飛鳥喻之理如日光氣如飛鳥理乘氣機 而理亦與之一動一靜若然則人爲死人而不足以爲萬物之 一面說理先於氣。 理 於氣之外以爲理不能爲 而敬軒 所 其分 亦 著書夜行 有靜 而 與之暫 析 坐觀 雖 面 益 訛

第二十二章 吳康齋胡敬齋

一辆字子傅號康齋撫州崇仁人十九歲至京師從洗馬楊文定溥學讀朱子伊洛淵 源錄慨 然有 志於道。 遂

懶 耜、 舉子 惰。 與 門人 ęр 業 一翻人 他 H 並 何 事。 耕。 從到 獨處 歸 則 解犂飯 伊 小 樓玩 川 門 下叉 70 糲 書、 蔬 何 豆共食陳白沙自廣  $\mathcal{T}_{i}$ 從到孟 經、 諸 儒 語錄、 子 門下。 體貼於身心、 Ŀ **欧來學晨** 一饒婁 光纔辨康齋手自簸穀白沙未起大聲 不下樓者二年旣居 • 齎 諒、 素豪邁既從康齋康齋一 鄉、 躬耕食力管 日治 雨 <u>t</u> 地、 Ē, 召 被錠 <del>-</del> 諒往 秀才 笠、 視。 若為 負

青天於斯 時 日 **平旦之氣** 亦 (警恐為過時不能學也。) 又曰『近日多四五 食後坐東窗、 有為 錄 學 者 一書皆自 學治生最爲先務之 須 略無 親 可 驗。 樂、 細 所 四 ب 記其平生 務。 體 叉未 撓。 <u>\_</u> 舒泰、 綠陰淸畫薫風徐來。 諒遂 嘗 「爲學之功 《神氣清 不 由 語今觀康齋所 灑 此 然 奺 自 節。 朗。 得。 有日、 讀 且 自宋 **書愈有進益數日** 舞之七十 放劉蕺 而山林関寂天 -儒講 日 爲、 楩 固 足矯 學以 Ш 更夢醒痛省身心精察物 痛 謂、 自點: 末 ---來、 檢且不 趣同。 **地自闆日月自長邵子所謂心靜** 康齋之學刻苦奮勵多從五更枕 俗 學 而勵 者 此 多視生產為 暇登 必又透一關矣。 後 學矣康齋點 有 I 夫點檢 鄙事。 理。 刨 歎 往往未能爲人 笺 其 目, 他 注 之繁、 省察克治勤 人 <del>--</del>3 南 耶。 方能知 無益 軒 上汗流淚下 叉 訶 有害。 ď. 日、 先以喪己故許 白日、 子甚 苦可 \_ 放 倦臥 得來。 樂鴻 Ħ 服 不 朋 然 事 樫 及夫 始 叉 寐 著 伙 魯齊 會 卼 有 述。 中、 得 日、 時 阴

五 年. 卒 车 七十 九。 消 下 能守其 學者 日 胡居仁。

之而

有

以

自

則

叉

不

知

《足之蹈之》

手之

年

如

日、

憤樂

相

生可謂

獨得聖人之心精者。

<u>\_\_</u>

明儒

學

案師

說

孟

滇

知

康

齌

者

也。

天順

中、

石亨用

事

思

徴

康齊

以

收

人望囑李文達賢薦之徵至、

一授諭

徳堅

斛

而歸

成

化(憲宗

### 近古哲學史

敬之無 主於敬: 陳公甫 瞽 之 從彭 伊 發以 自 而 髅 敬齋易 說 動。 川言 虚 陳 公甫 静。 也。 串 前 仁字权 然康齊 釋氏 得不 得 氣 不 間 因以敬名其 而 老 說 云靜 之以 必去 斷 無 象此便差卻。 歸っ 也。 其 處惺惺 所. 所 排之故朱子有調 動 不 有 有主凡以 非神。 乃動 亟稱李延平且 求 至 知宋儒之學 敬以 心餘千人弱冠游康齋之門絕意科舉築室梅溪山中事親講學之外不干人事旣出游 中養出端 訪 虛 中之靜。 · 齊 停 日、 道内、 宋 味、 求問學之士學亦 静。 他只窥測至 既是未 \_ 無義以 爲 **叉**謂 精 倪叉云藏而 『端柱 學 <u>.</u>... 明 本自佛老悟入無佛老則無朱儒矣敬齋所 息 不 發如何看得。 有自分終身不 者易於持 蓋敬齋之於康齊、 -静中 亂是敬之效 此不識裏面本 箴而敬齋以爲『 方 整肅、 外。 有物、 後發是將此道理來安排作弄都不是順其自然。一三氣之發用處 益 而 循 進。 敬齋以為 嚴 威 相繼主白鹿書院貴溪桐 丽 只 驗處。 已清熊文端 是常 陳白沙言靜中養出端倪亦本之康齊靜中涵養之教。 能學之語而 牛體故認氣 狍 伊 有個 恭敬安詳便是存心法。 ها 敬則 川之於濂 又以康濟有言。 操 敬齋曰、 陽履反謂 持 中 為理」是則敬齋異端正學之見太深凡以爲近於 有主。 主宰。 溪。 提撕 丽 释氏 <del>---</del>7 濂 羅 康齋涉於粗師不 涣 無 源 仲素李延平教學者靜 喚醒是敬之接續處。 以排佛老者皆未嘗窺 中 主 **空寂昏蹇之**息。 見辞 **曹院成化二十年卒年五十一平生** 靜、 **豈假鯛** 無 主、 中 而 意 稩 伊 之敬 息以存 思此 川 易之以1 如弟。 涵 可 **-**乎。 叉謂、 心以此 養工 公居敬康齊 主一無 見其所 見佛 「心常 是非 夫 坐中看喜怒哀 存 他。 心害道 適、 老之眞際故於 而 سا 疑 作學 閩浙、 敬齋非之曰、 言辞 因謂、 湛然 程 有 主、 未 即是神。 **| 純一是** 中 統 為學 入 乃靜 甚 也。 老佛 樂未 敬 涃 其 中 則

有此徹上徹下之見言工夫而不言本體後之墨守程朱者其規模大半若是矣敬齊有居業錄八卷又文集曰敬養 宋儒之學亦只能升堂而不能入室不獨不及康齋卽薛敬軒以復性教人曰『爲學而不知性非學也』敬齋亦未

### 第二十三章 陳白沙

集。

辭以釣虛譽或受或不受各有攸宜爾**」**自後屢腐不起弘治(孝宗)十三年卒年七十有三有白沙子集而詩尤 京師 化二年復遊太學祭酒邢讓試和楊龜山此日不再得詩得其作箴曰『卽龜山不如也』爲之殿言於朝由是名動 翰林院檢討、 於康齋遂絕意科舉築陽春臺靜坐其中足不逾閩者數年尋以與門人智射野外流言四起以爲聚兵衆不得已成 妙門人馮若水取其古詩而爲之註曰白沙子古詩教解。 陳獻章字公甫號石齋新會白沙里人正統十二年舉廣東鄉試明年會試中乙榜入國子監讀書已至崇仁受學 鯞 而門人益進十八年以布政使彭韶都御史朱英薦召至京閣大臣尼之令就武吏部辭疾不赴疏乞終養授 而歸有言其出處與康齋異者曰「先師爲石亨所薦所以不受職某以聽選監生始終願仕故不敢僞

歸白沙杜門不出專求所以用力之方旣無師友指引日靠舊册轉之忘寐忘食如是者累年而卒未有得所謂 沙雕游康齋之門而其自序為學則云『年二十七從吳聘君學其於古聖賢垂訓之書蓋無所不講然未知入

界三編 近古哲學史

於聲名。 為自創 齋之教蓋學有可得之於人者白沙詩云『孔子萬世師天地共高厚顏淵稱庶幾好學古未有我才雖 陽明 渙然 且 云久』(冬夜)是也有不可得之於人者白沙詩云『往古來今幾聖賢都從心上契心傳孟子聰明遠孟子。 弟 歽 常 未 (者) 莫信 師 得調 岩 雖 承、 自 有 門戶全非康齋 沙何以得之於康齋乎若其言靜中養出端倪與康齋言靜中涵養言涵養本源、 即又不 過 人言」(示張: 而 吾 信 物。 於白沙、 稱康齊為 曰, H 此 作 心與 用 可何則、 聖之功、 [11] 而 種 此 醇乎 無 種 理、 白沙、 白沙 之面目乃引 東 其 未 應 所東所名翻白 醇。 有 仠 酬、 6 固言所謂未2 兹乎。 (明儒 Eli 随吾 湊泊 無 脗 自 所欲。 學案 有陽 白沙自言以為之證。 合處  $\overline{\phantom{a}}$ 覆 如 1沙門人) 師 得謂 明。 趙提 馬之御 也於是舍彼之繁求吾之約惟在靜坐久之然後見吾此。 說、 白沙 學書) 心 則再 雖 奥 街勒 是也。 過於 理 就 未 是自得於靜 也。 康務 氣象上 毋亦有所未察乎。吾以爲康齋之於白沙猶白沙之於陽 而或者因胡敬齋傳康齋之學於白沙多所非議。 體認 有湊泊脗 丽 物 撥 無 理稽諸聖訓、 康務亦行 (合夫此) 議、 坐之功。 以爲優 無自 乃莊子 mi 劣。 各有 不必 自 有 白 未 所云父 由 頭緒 沙 足 康齋 也。 爲 更 來 無有二 至若劉 信 不可 歷。 也。 然以 論。 如 《水之有》 以與子、 卽 蕺 此謂 心之體隱然 山, 未 兄不 答 謂 嫩 其於 源委 遂以 白 莽、 不 沙 本 服 可 康 也。 Á 、呈露、 如 膺亦 於康 以 齌 明。 沙 激 與

紐、 到、 無 明 齊 儒 息不運。 收拾。 之學 隨時 主 會此 白沙 隨處 剘 E 薁 無不是這個 天地 象山為近。 我立萬化我出 充塞色色信 共日、 --終日 而宇宙在我矣得此 他本來何用爾 乾乾只 是收 拾 欗 腳 此 **师勞手癢**。 柄 心 入 而 (手更· 已此 有何事。 理干 與 林 涉 緝 往古來今四 至 熙書緝熙名光白 大。 無 內 外、 方上 無終 下。 始、 沙 都 無 門人、 齊穿 處 不

學信匪 仍 得其說而以用心失之者多矣。」(復張東白書東白名元顏白沙之友)即象山不用安排之論也然雖近象 豫章延平尤專提此教人學者亦以此得力晦翁恐人差入禪去故少說靜只說敬如伊川晚年之訓此 沙之友)謂『 之道然自學者須自量度如何若不至爲禪所誘仍多著靜方有入處若平生忙者此尤爲對症之樂』。 大之旨也其曰『學者以自然爲宗』(與湛甘泉書)曰『戒愼恐懼所以閑之而非以爲害也然而世之學者不 墨六合瞬息千古生不知愛死不知惡尙奚暇銖軒冕而廛金玉耶」(與何時短書時矩亦白沙門人)即象山立 刨 道 教不同而用意則一可謂見之至明故學能鞭辟近惠同時諸儒未有能及白沙者而敬齋乃曰「陳公甫亦窺見些 理本原 極 山宇宙便是吾心吾心便是宇宙之見也其曰、人爭一個覺纔覺便我大而物小物盡而我無盡夫無盡者微 推重 **。難要在用** 晦 因下面無循序工夫故途成空見」(居業錄)蓋猶不免歧敬與靜而二之敬齋之不滿白沙卽敬齋之 **哈翁其和** 伊川先生每見人靜坐便歎其善學此一 心滅』曰『樞紐 龜山此日不再得詩即曰『吾道有宗主千秋朱紫陽說敬不難口示我入德方』不過續曰『聖 在方寸操舍決存亡』終歸於心上做工夫耳而其與羅一拳書(一拳名倫白 靜字自濓溪先生主靜發源後來程門諸公遞 相傳授。 是防微康 其於敬靜立 山而 至於

### 第二十四章 王陽明

所以不及白沙

翁 改 陽明 指 洗。 格 沙、 所 部 未 尚 髙 免 朱子 魟 物 둇 奴 菜 共 د..٠ 之 445 違 書。 於 泉 致 部。 必 **Fil** 學是 陸 答象 與王 知之旨 ings (i)]] 封新 有 舛 []] 正 往 故 失 徳(武宗)初 周 爲 猍 實。 以啓發 得 剧, **ार्थ** 者、 建 Ш 庚 否 Ħ 然陸 若有 伯。 以 書 盖 學 淵 柩 IIF. 者、 其始 嘉靖 發揚 有 書、 源 儒 不同。 者、 义為 王 邇 Ħ 1  $\smile$ 光大。 致力 與 來 校 以 可 勤. 1-13 沙、 在人劉 征 程 ₹. T 極 要皆不失 無 無 /於紫陽/ 朱遂 從指 思田 蓋確 夫頗 疑 1 沙 力 也陽明、門下之 失 表章 覺 論 瑾、 陽明名守仁字伯安浙 歸、 由 部。 打 德洪、 機出 卒於 是 有 陸 爲 矯旨速府京科 然 镀。 也。 聖 劉 力、 챖 婸 iffi 學。 (iTi 入於佛 南 瑾 抗 無復 世 人 甘泉 [1] 11 後序 八之徒。 "上"之功、 安。 旣 衡 甞 年五 誅、 對 向 其 問 老金是一 來支離 壘或 今晦 象山 後 移 學 道官抗 娤 4. 知 自 則 温陵縣。 庵之學、 智錄。 七。 文集 謂、 沙 至 盤文成。 之病、 之餘 齌 前 而 陳 此 乃 疏 推 臼 極官 之議、 諸 得 論 其 旣 姚 猝 沙 \_\_\_ 人也 已章 救調 其門 所 儒、 凯 舧 ITI 盍 著 至 學 謂 孙 卽 奥 抬 一明於天下。 焉自 有詩文集五 左 朱 貴州 登弘治( 是 直 姣 白 明。 朱 僉 而 截、 自 沙 全主 完以來: 才 陸 都 龍 陽 有以 司 合幷之證。 御 不 場驛丞居夷處困、 朋 陽 見費 孝宗) 史、 逮 接 m 門 阴 孟子之傳 <del></del> 朱學盛 經 巡 朱、 象山 於 而 人辞 撫 故 胡 始 十二年 大。 終 南 雞 狆 中 敬 会開 蒙無 贛。 不 按之 ൬ 鲱。 群、 陸 出 買 而 4 學微。 朱子 質之誣 備答 進士 其 作朱 侃 為 儒 宸蒙 範 뎜 4 製苦。 子 園。 年 陽 第。 衮 剘 入 明 功 陽 異 譜、 晚 莫 授 陽 自 有 以 朋 刑 1 m 擢 晚 年 明 教 夕忽悟 足以 稿、 Ź 嗣 定 年 為 沿 學 南 者 之 於白 論、並 京 陸、 案, 定 主 m 見 Ιψ 兵 而 其

行 合 之大概

벬

有

門

人

餓

왦

山

所編之傳

不 川 朱子 始。 切 夫。 是着 知 不 得 思 見及 不 篇 辨 亦 知 行 便 思 個 陽 之然後 語 是小 是知之成若會得 實不是行之時、 售 不 則 做 學 實 朋 之然 文集答 能 日, 图。 問 這 知 去 病 明 所 思 件 做 6能行我如今日 陽 未 痛 覺 以 辨 事、 道 朋 知行 其來已非 有 友 的 剘 侢 精 必 之說始 所 知 察。 人問、 事。 行 須 事。 只 之而 常 行之明 以 不 說 亦 若 要與 便是學 是 着 相 時、 異 個 且去講 只說 須。 知之時、 日, 於程 一日矣某今說個 不 知。 實 於居貴陽 覺精察處 切篤 能 如 做 知 = 目 知之 朱 行 問 ٠... 而 學 智討 實更 無足 個 只要 不能 思 者。 問 者 則以 知、 謂 其 辨 辟、 思 **汽矣若謂學**問 不要明 不行、 已自有 (明覺精 知 論、 便是 切 旗 以 辨 之 做 篤 Ï 其主張知行 切 毌 知 提學席 知行合一正是對病 實處、 夫 m 足 篤 知。 質便是妄 的工 行在。 覺 無目不見。 未 9X. 知之眞切篤實處 則 能 便是行。 更不 精 問 學問 夫。 只說 行, 察 思 龙 山(名 是 要與 合 辨 也。 思 及想便是思了 知之未 知 之然後 行之明 **-**辨 個行、 根據全在 得真 切篤 亦  $\overline{\phantom{a}}$ 致知 同 便是行 書 便是行者行了 至也。 已自 質也行 去行、 了、 F, 発精 的 力行、 藥。 Mi 方 而 心即 察處便 文學是學: \_ 有 -去 曰、 卻如 不 **今見於文** (程 之時、 用  $\overline{\phantom{a}}$ 學 做 知 -功不可 傳 行 Æ, 理 知 則 何 也四 習 是行 氏 RŊ 个 是 殆。 其心不能 而 懸 人 粹 錄 所以 I 交先 知。 不 做 集 夫故途 Ê, 字。 言、 偏。 卻 岩 能 的 這件 傳 主意。 知時、 故 將 必須 明 智錄 偏 去學 \_\_ 日、 則 其發 覺 過 知 事、 朋 終身 覺精察、 其心 說個 阊 者有日、 精 知行之不 行 行 . ---問 外 邊 分 察便 明 思 是 是 不行。 心 则 ネ 行。 可 作 問 辨 知 觅 謂 則 能 是冥 得。 兩 的 做 邊 其 英 求 p 亦 件 深 I H 行 Ē 分程 受病。 切篤 只是 遂 行。 理 切 夫。 去 詩 件 行 謂 矣 終 做。 知 便 便 又 事、 Z 朱 身 是 不 是 行 知 簿、 顧 以 思 如 個 未 萷 吾 不 則 巫 能 辨 爲 行  $\tilde{\mu}$ 答 Ž 必 知。 颜 觀 其 是 只 抻 I m 去

所以二也求理於吾心此聖門知行合一之數」而孫夏峯理學宗傳乃以陽明之說爲由伊川得來恐猶有所

#### 二致良知

致良 陽明即亦未嘗自諱曰『不思馨不思惡認本來面目(本六祖語見壞經)此佛氏爲未識本來面目者設此方便。 合一者也。」(書朱元諧卷)則致良知與知行合一正一貫也然致知見於大學而不言良知良知見於孟子而不 本來面目即吾聖門所謂良知今既認得良知明白已不消如此說矣』(與舒國用書)然又曰「夫良知之於節 良知也曰「先天而天弗違天即良知也後天而奉天時良知即天也」(傳習錄)此以天爲良知也曰「 宫致知赐明乃兼而取之而其說良知亦至不一曰**『孟子云是非之心智也是非之心人皆有之即所謂良知也**。 知爲不善之知而必不爲之則知至矣知猶水也決而行之無有不就下者決而行之者致知之謂也此吾所謂知行知爲不善之知而必不爲之則知至矣知猶水也決而行之無有不就下者決而行之者致知之謂也此吾所謂知行 (與陸元靜書)此以是非之心爲良知也曰『未發之中卽良知也無前後內外而渾然」體者也』(答問: 1)此以未發之中爲良知也曰『夫心之本體卽天理也天理之昭明靈覺所謂良知也』(同上)此以天理爲 明自五十後專以致良知三字教人而曰「知其爲善致其知爲善之知而必爲之則知至矣知其爲不善致其 變猶規矩之於方圓長短也節目事變之不可預定猶方圓長短之不可勝窮也故規矩誠立則不可欺以方圓。 知」(與黃勉之書)此以獨爲良知也然說雖萬變耍之不難佛氏之所謂覺性者近是故當時目之爲禪而 謹 獨即

為出 蓋陽 m 天下之方圓不可勝用矣尺度誠陳則不可欺以長短而天下之長短不可勝用矣良知誠致則不可欺以 世之資孔老亦言出世而言出世還以爲濟世之用陸王之援儒入釋援釋入儒蓋亦若是矣然則以陸王之爲 明之同於佛者在心即理也之心而異於佛者又在心即理也之理也抑吾皆謂佛氏雖言世 天下之節目事變不可勝應矣」(奥黄勉之雷)言良知而不雕節目事變則與禪下之談空說寂、 王之非禪其爲不知 、陸王一耳。 間、 而言世 jE 追有別。 節 間 Ħ 郎以

禪

而

排之與必辯陸

理是 誠意 然陽明旣去大學 古本序)夫昔人以爲朱陸之分一從尊德性入一從道問學入若陽明與朱子謂之一從致知入一 支不事於格物而徒以誠意者謂之虛不本於致知而徒以格物誠意者謂之妄」曰『 陽 告子義外之 之功格物而已矣誠意之極止至善而已矣止至善之則致知而已矣』曰『 明 其已知之理而益窮之以求至乎其極」(朱子大學補傳)惟以 「致吾之知在即物 最與 朱子不合者在其致知格物之說蓋朱子以格物 物 說 分章而從舊本又力言朱子卽物窮理之非曰「朱子所謂格物云 上 求 孟子之所深闢 其 所謂 而窮其理」曰「理有未窮、 定理 也。 者也是以吾心而 **....** (有節文)曰『先儒解格物爲格天下之物天下之物如何格得。 故其 求理於事事物物之中析心與 (知有不 而致知而陽明 壶。 致知而格物故曰『大學之要誠意 日『大學始教必使學者卽凡天下之物莫 則以致 不務於誠意而徒以 理 者在即物而 知 **教知爲盡矣』**( 而爲二矣夫 而 格 物 也惟 窮 其理也。 從格物入可也。 析心 以 格物 格物 痶 陽 且謂 明大 者 理 卽 iffi 而 巴矣。 謂之 Mi 物 致 學 爲 躺 知、

意在於日 工夫日 不 物。 格 亦 截。 錄 川 之念慮之徼 之於念慮之微 阜 置 日、 知可 獨 其意 是 亦 謂 以窮 不 木、 是 格 涃 之物 為善 為進能居敬則 養須 能 以盡冒天下之道夫理一而分殊徇 也。 處 亦 不 意之 理歸 陽 Ė 說、 皆有 無 用 明 以 便 四 也 便 過 听 舉 歸 謂之窮理卻不是居敬了別有個 敬、 句見大學或 格 就 也。 納居敬之中使後之學者遺棄 此一 理。 共知 於正 進學 論 在、 道 仐 件 陽明言 句 便 如 語之所謂 (窮理工· 不該與 是物。 之物 也。 事上 剘 何 去格縱 任 一去為意 問、 <u>\_</u> 也。 格物亦有數 致知此正學者內外  $\overline{\phantom{a}}$ 傳 一夫日益密未始合窮理於居敬 、求之文字之中、 博文約禮中 夫譏 傳 格得  $\overline{\phantom{a}}$ 習 習録 答羅整庵書、 錄) 在於 草木 卽 說日、 物窮 法惡、 此一  $\overline{\phantom{a}}$ ·庸之所 蓋唯 來、 分殊而忘理 理、 事 驗之事 說 便 如 物而 是矣。 也日、 如 格去 心窮理窮理 交盡之道也故朱子以居敬窮 就 何  $\smile$ 此又 調 是、 反來 追 一物之著 而 而 物 唯以尸 眀 件 後致 格 欲之 一不可也守理一而棄分殊亦不可 善 事 誠 必以求之事物 說 誠 物 Ŀ 得 身孟子之所謂 知格 私。 居靜 索之辭 者、其 時 也。 去 也。 自家意」曰、 別 不為。 솼 而陽明則 有個心 要之 物併 所 此一 坐為務相率入於無 以 去 給 記也日、 為外則 爲 其 用 惡 之 白、 T 力日可 所 居敬名雖不同、 際、 占 談。 文公格 謂 是格 知言 作 就 與 物、 理 而 見之地。 我解 後不言格物、 為互 大學 例 集 决 不 窮理專一 正以 不 物 義、 看。 在 本意、 格 用。 之 相 是 此心之外。 皆以致 作正 則陽 發。亦 歸 說. 故 功夫只是 無 也若陽 戍 格 於 毋 只 輕 八月言能 字義。 說便謂· 官 明立 物 īE. 亦 重 是 知 致 者、 有 少 為善 也。 明 (釋之其) 頭 故 論 事。 知 格 所 物 سيجا 之居 日 過水 未 者其於理 而 則 作事 窮 尶. 其 \_ 當平。 心之 不 理 傳 格 如 敬。 意 物 心 簡 字 肵 善 則 習 就居 傳 外 物 易 居敬 以 且 錄、 謂 正 智 也、 了。 直 伊 察

#### 分殊之間意者 | 猶不能 加無失者乎。

三存天理去人

狄

理之昭 言知行合一特就存天理去人欲之把柄頭腦處為學者指點耳自後之學陽明者拋卻存天理去 之良 理。 疏不當咎其放恋何者空疏陽明之教之所不免放恋則陽明之教亦不之許也。 於中字之義未 而陽明亦曰。『必欲此心純乎天理而無一 之講學者未有能外此以爲教者也朱子之注大學止於至善曰、 專以良知知行 陽 明言 <del>χ</del>π 者致知 明靈覺則 只要去人欲存天理方是工夫舒 致 知 **次明者**。、 也事事物物皆得其理 合一之說騰爲口論於是王學之弊遂爲世所詬病然豈陽明之意乎故吾以爲咎王學者當咎其空 格物與朱子異而言存天理去人欲則與朱子更無不同蓋自則道拈出天理二字直發人心之崇後 良知 أسحم 也。 中只是天理。( 』言致知格物則、 者格物也。 傳習錄 毫人欲之私此作聖之功也』曰『學者學聖人不過是去人欲 日、 ·時念念去欲存理動時念念去欲存理』(傳習錄) 故言 『致吾心良知之天理於事 <u>\_\_\_\_</u> (傳習錄 然則 陽明之學 不特是也問主 『必其有以盡夫天理之極而無一 **,其與切** 事 物物則 處固 三<u>,</u> 日, 在 存天 事事 --1 ŧ 理 物 - ---是中 去人 物 皆得 入欲一 欲 主 良 毫人欲之私。 <u> </u>F. 其 - --知則 若 個 理 段工 H 天 而存 囯, 致 理 夫而 吾心 三天 Ŕ 一有 知、 天

### 羅整庵

性、 始了 見傳 整 僭 道 本之 象 方。 人 而 歌 庵 相 指 玩 Ш 蛬 象山、 然有見乎心性之真、 人之漸 似 程 燈 六 N. 性 卽 離 嘗 永 錄、 年、 命。 而 伊 自 明 心 鑑 赭 之 測、 嘉 趙 敍 進 也。 慈 曰, 卽 相、 實 州 士 覺 # 成之者性日聖人作易以 不 見二 湖、 飗 爲 理 凡 丽 《名從踗唐 也。 釋 舣 師 學 及 同。 白沙、 有 求 實。 第 云、 守 氏 程 至 其 蓋 所 語錄、 陽明、 一當歸 始 作、 授 其 之言性窮其 所 虛 <del>---</del> 昔官 知 編 學 謂 靈 讀之 末 削 空空 而 修。 以 胥 一精義 知 京師、 日、 覺 爲 確 所 時 擢 與 之 若合符節点 耀 平 見 人、 陽 南 卽 ŭ <del>-</del> 吾儒 有以 逢一 之妙 者、乃 明 無二此 學。 意 京 本 虛 末要不 Ė, 相 政 也。 信信。 老 其 以 此 子 難、 順 也。 \_ 旣 信漫 性命之理。 聖人 是則 心虚 司 而 精 寂 自以爲至奇至妙天下之理莫或加 必 則 出 欲 有 業。 始 徵 域  $\overline{\phantom{a}}$ 靈 所 終不 此三 其 蒿 **本**c 間 嘉 彼 純 非 阻 一之妙而非性之理也自 謂、 蜻 心。 天。 卽 何 ---- <sub>1</sub> 彼是則 者。 性之 爲之精 由 相 相 中、 顶 释 知 E, 然此三 合 窮理 氏 記、 官至 儒 成 卽 氏 本 佛。 者。 其 空、  $\smile$ 思達旦。 盡 (也。 蓋整庵 此 ¹Ľ°° 渠亦 則 以 M 南 非安可不 者 契其 一性以至於命但詳味此 寂 羅整 京 漫學 皆心之 氏 蚁  $\overline{\phantom{a}}$ 吏 答歐 庵 所謂 之學、 攬 先 為 部 飮 耽 衣 耀 性。 尙 此 覺。 於禪、 將 順 明 妙而豈性之謂 語 大 \_ 陽 書 日, 覺 抵 南 研磨 起、 爲答、 是。 辨之吾夫子 改 焉。 則 有 欽 卽 -野 酿 而 後官南 見於心 瞢、 體 忧 佛 順 知 釋 後 部。 氏之 也。 舍 認 南 然 在 丁 字 父憂致 數 積 庭 允 覺 野 而 而 贊易、 明心 言性 去之者。 哉。 性 無 名德、 數十年用心甚 獾、 悟、 前 升。 古 聖賢之 不 柏 旣 見 <del>ب</del> 覺流 言性 之秦 日、 得、 樹 仕。 卽 於 見 泰 珋 子。 則 性、 和 故 性。 年 書、 也明 故 屢 空 午 亢 人、 齗 程 和 奥 十二三 矣。曰、 子言 吾儒 木 相 其 陽 未 通 人。 斷於儒佛之 矣於心。 嘗 整 筈。 明 體。 趙 爲 洞 門人、 年 州 卒 庵 乾 性 教、 之 既 徽、 日去手。 垂六 道 éli 諡 鰰 始 盡 和 其 m 亦 理也。 用 得 倘 文 號 心 則 辨 干、 語 證 嚭、 谹 知

實見但所見有不同是非得失遂於是乎判。今困知記所論楞伽華嚴諸經義以及禪宗古德之語句皆能窮。 襌 **言之曰聖人以此洗心曰易其心而後語曰能說諸心夫心而曰洗曰易曰說洗心而曰以此試** 儒。 者、 流、 玾 何者宋儒得於佛者 學但於禪學本末未嘗深究動以想像二字斷之安能得其心服蓋吾儒之有得者固是實見禪學之有得者、。 也、 析 無不闢佛然唐人闢 )其可通乎』(以上並困知記)其區別心性以爲儒佛不 其同 則誠卓然矣然亦豈非時爲之哉。 異則知整庵之主儒黜釋而必與象山陽明立 7份淺而明1 佛不若宋儒何者唐人闢佛者無得於佛而宋儒闢佛者則皆有得於佛也而宋儒又不、 儲得於佛 者益深也高景逸稱『自唐以來排斥佛氏未有若整庵之明且悉 異固非顢頂而爲之也且自唐以來如韓昌黎之徒號 可相混可謂擊然有見之言而又謂『 辞味 此 胡 數 敬齋 語謂 · 若明 亦是 其源 力攻 心即

者是不知 之生長收藏為斯民之日用弊倫為人事之成敗得失千條萬緒紛紜轇轕而卒不克亂莫知其所以然而然是即 已氣本一也而一動一靜一往一來一闔一闢一升一降循環無已積微而著由著復微爲四時之温涼寒暑爲萬物。 有 11 整庵之必與朱子為近然立論亦有不同於朱子者朱子分理氣為二而整庵則曰『通天地亙古今無非 心心。 理 然矣。 Ħ, 刨 非別 所 覺 有 困 者 一物依於氣而立 知記) 心之理 夫朱子之論理 也能覺者氣之靈也」 附於理以行也或者因易有太極一 氣蓋與 日「爲知覺爲運動者此氣也爲仁義爲禮智者此理 其言心性一 貫理與 言乃疑陰陽之變易類有一物主宰乎其間 氣爲二斯心與性爲二有理則有性有氣 也」日「性 氣 所 而

夫整庵

只是理点 整 解 與宋 洲 者。 也已。 而性卽理之聚於人者理氣是一則心性不得是二』( 譏 其 儒天命氣質之說而蔽 (矛盾) 雖然有晦庵卽不能 日 而 『心者氣之精爽』 **斑山則謂** 無象 以理一 Ľ 性之名其不可混者猶之理與氣而其終不 山有陽明亦即不能無整庵道固有以相 並見語類、 分殊之一言謂理即是氣之理是矣獨 )今整庵 於心性之別甚嚴、 阴 儲學 案師說)以子矛攻子盾、 不口、 可得 濟爲用者若陽明整庵、 而於理氣則 性卽是心之性乎心卽 面 分者亦猶之乎理 混而 雌整 爲一亦可異矣是放敦 庵 正亦未可軒輊耳。 復生、 奥 氣。 氣之聚於 固 整 無 以自 旣

欲蓋極相 十九 銷習心以去其害此 名若 庵 白 其以正念頭訓 年卒年九十五有廿泉集陽明 水、 沙之後有湛甘泉其門 肵 字元 著有困知記整庵存 近嘗曰『天理是一大頭腦千聖千賢共此頭腦只是此 第二十六章 明廣東增城人以從白沙學不赴計偕後登弘治十八年進士歷官南京 者心只是一個好心本來天理完完全全不待外求。 格物之非而謂「 下之盛殆與陽 稿。 湛甘泉 在東部講學甘泉首和之其宗旨在 格物者至其理 明 相 埒放當時多 也至其理云者體認天理也」又謂「格物之意以物爲 以王湛並 八十大事 顧人立 稱。 體認天理煎銷習心與陽 更無 又非整庵閉門著書不交徒衆比 一志與否耳』( 別事。 一體認是工 醴、 **英兵三部** 語 夫 以 錄、 明 倘 之存 書。 )然與 求 得乎 天 仕。 也甘泉、 陽 此 嘉靖三 理、 者。 煎 心意 眀 去人

之意。 之體、 磿 矣。 不 之所 則 朋 動 小 天 曰、 也。 門 在 婸 鍊 静。 H 故 Ŀ 崩。 **ME** 蓋 格 明 做 執 人、 奻 體 著。 卽 則 意 事 於 内 廿 天之體。 物。 所 認 I. 是心 I. 泉以 夫 整 夫、 敬、 日、 脸 天 外。 只 不 運 恐人 然 陽 75 庵 最 嚭 格 至 大 <del>-</del> 之說、 有益。 明之所 也。 是切 言居 Ł 971 興 大 到、 而 本 體 陽 舍心求之於外故有是說不 來 則 夫 抵 非 天 要徹 白沙 處恭、 出 在 通 明 至 萬物 سعا 地 一緊要處 徹 未 於呂 謂 外 物、 爭 小 有 甞 Ŀ 執 ۱Ľ. 故 也。 矣。 但 無 亦 在 者、 是以 其 間。 云、 不 徽 事 延 I سعدا 指 下、 在 物 格 目, 本。 主 敬。 夫當在物 腔 並 天 物。 随 執 尤 īmī 於 卽 <del>-</del>7 了 與 然 離了 子裏 地 我 我、 時 事 愛舉 甘 者、 随 敬 婸 為 百 泉 找 有 謂之心。 上 有限 處、 事 而 明 卽 同 了。 執 與 句。 致 厠。 延 為言 物、 無不 物 事 而 書 肖 渾 不 爲 知 若 敬 Zļš 觀 量 安本欲其 廿泉 者 蓋天 則以 老 然 同 是這 涵 亦 學、 能 謂 者。 卻 養、 語。 異。 也。 於 為 致。 **一** 自 是着 理 甘 其心 個 此 此 日、 延 故 人心以 筝 以 云、 泉 充 其 得 卽 <del>----</del> (吾之說) 吾 <del>---</del>--) 通 曰、 寒。 空。 地 力、 體 良 反成 陽 也。 認天 知、 困 如 人 者、 -<u>\_</u> 則世 原 樹 朋 天 洞 知 ١Ľ)  $\overline{\phantom{a}}$ IJ 爲外。 地萬物 與吾 要、只 記) 無 見天 體 傅 根 理、 二物 答那 泉之 著 蓋 同 習錄 物 看 異。 其 謂 Æ 地 丽 土。 於 爲 ( 答楊 心丕 之知 随 瞻兄 但 則 轨 獣 以 不 人  $\smile$ 然 所 맲; Éb 處 遺。 風 事 <u></u> 物、 澄 向。 敬 爭 心體 弟、 道可 皆 心 體 以 雨 吾之所 者陽 整 認、 雷 陋 ŭ 少 即 用 在吾 物 夫 霆、 獪 默 乎 庵 事 功。 時。 物、 英 書、 是其 朋 m 致 陽 則 曰、 Mi 易 性 --謂 有太極 明 非 以 不 力、 # \_\_ 量 所 == 遺。認 斯 Ù 發生。 格 師 爲 未 答徐 泉 心 之中、 同 之教 物之 鬠 其不 者體 外 徹 也。 刚 得 無 然整 上 不 ÷ 是生 日 而 合之 格 仁 萬 物。 歟。 얦 Ŀ 徹 曰,  $\overline{\phantom{a}}$ 此 體廣 答陳 是 甘 物 故 日 庵 下 兩 仁 故、 體 1. 泉 須 m 日, 迪 餞 可 了 與 fF 維 名 **号**の い心  $\bar{\mathbf{p}}_i^{\prime}$ 不 夫 徹 14 首了。 愛、陽 J. 逍 必 捌 事上 心 踼 淀、 不 無 統 範

\$11

任

分

見

者

體

園

Ň

間

明

泉之學出於白沙而整庵於白沙斯理無一處不到無一處不運繞覺便我大而物小云云皆極識之則與甘泉復何 物之變化皆吾心之變化而以發育萬物歸之吾心是不知有分之殊矣旣不知有分之殊又惡可語夫理之一哉蓋 之太極乾道變化各正性命則物物各具一太極矣其所爲太極則一而分則殊惟其分殊故其用亦別若謂天地人 而南軒廁其間與朱時有異同然自近朱而非陸今者王羅對立甘泉在其間與王雖有異同亦自近王而非羅夫甘 推本於天或卽推本於心則所異也是故甘泉之說雖非陽明之比而自整庵親之則皆所謂心學耳昔者朱陸對立、 萬物之中者也。」(心性圖說)曰「聖人以天地萬物爲體即以身當天地萬物看」(語錄)其以即心即物或 天人之無二也此並蔽於異說者之所能職哉」(困知記)而甘泉日『心也者包乎天地萬物之外而實夫天地 發育萬物自是造化之功用人何與爲雖非人所得與其理即吾心之理故中庸實大哉聖人之道而首以是爲言明

# 第二十七章 王龍溪王心齋 附號緒山

先見龍溪與錢緒山緒山名德洪陽明里人也然緒山篇實而龍溪資悟超絕盛有才辨故龍溪與起尤多陽明教人、 之門如心齋龍溪殆不可不述也龍溪名機字汝中浙之山陰人自弱冠受業陽明陽明門人益進不能偏授則使之 作明儒學案謂「陽明之學有心齋龍溪而風行天下亦因心齊龍溪而漸失其傳」(秦州學案)則陽 第三編 近古哲學史

是天機 苦 動 歷 是接 不 則 力 根 教 無 毎 也。 定 が意 處。 任 主 以 法 善 本 提 म 應 下之人 顏 後 東 中 得 員。 原 始有 惡之心 旬 全 天動 根 子 南 該 有 無 可 而 發泄 更易 集三 有 講 闪 此 知之 有 敎 不 會. 下 未 不 意 也。 兩 皆悟 Щ 善。若 大抵 意即 時。 人教 善 種。 知、 iffi 法 上 -汝中 未 兀 時 則 日、 立 龍 是無善 本此以為言謂、 法。 得 無之說、 陽 能 溪則 體 嘗 根、 energy Grants 寂。 汝中 無善 此意 未免 本 鐌 不 在先天心 明 體。 嗣、 有 無 知、 夫陽 正好保育 ·所見我 物之物 有世 須用 兩廣之命 爲上 無惡之意知、 知 立 無惡心之體有善有惡意之動。 之未 為善去 教隨 體 明 情嗜 根 存。不 久欲 曰、 上立 『正心先天之學 人立 則 售 將 復行、 用 時、 根則意 神天命之 謂之權 宜輕 發恐 發越 悪工 教。 四 即是無善無惡之 大學之要誠意 便 「有之說、 夫以漸 一中、晚 人信不 是 以示人反成漏 欃 先天 所動 落 法。 、坐天泉 未可 性、 牽 入徒增 復本體。 、 易簡・ 自 也。 爲中根 粹然 纏、 誠意、 面 無 執定 便費 〜知物即! 巴矣。 知善知惡是良知爲學 橋 之 不 至 强等之病: 及其 善神 斬 善。 一 一世。 學。 後天之學 上、 體 以下人立 原 截。 -用。 是無善 **今龍** 人以 感 切世 憲 自是海內 成 顧 致 克伐 知 功、 神應、 微只是一 一情嗜慾、 也。 故 ---教。 所 溪以正心為簡 功夫、 上根 無惡之: 吾人一 也汝中 含蓄到今此是傳 怨 見請 其機自不容已無善 轉 傳 欲 機心意 覺 自無所 爲 者、 質。 不 -所見、 物蓋 切世情嗜欲、 繁難。 行、 天泉證悟之論。 卽 陽 去惡是格物。 本 朔 便 無 是接 知物只 是後 容致知功夫 日、 易 欲 體 心之心則 Mi 復 便 -誠意 先 上 是 正 天 Ľ 可名。 是 繁 皆從 秘 根 要二子 Garan. 天心 I 為聚 難 癞。 夫。 赭 而 人 八自然易 山以 陽 事。 之 仐 教 惡 蔽 頓 體、 意 生心 學。 若悟 難。 便 明 旣 法。 固 密。 悟之 有 爲 不 有 沒 巴 無 德 此 本 與 此 婸 許 艄 本 後、 說 洪 學 無、 意 得 可 之 明 不 龍 破、 問。 善 師 所 也。 鲞 費 力。 溪 中 吾 亦 PH 亦

矣復上 之本也天地萬物末也身未安本不立也本亂而末治者否矣本亂治末末愈亂 又瞥日「止至善者安身也安身者立天下之大本也本治面 學够身爲安身亦陽 用安身又曰身安而天下國家可保(皆繫辭)孟子曰守孰爲大守身爲大同一 沒後心齊皆與同門會於金陵歐陽南野 知之 稍 異 說、 矣。 心齋名 乃數曰 坐反覆外之心大服、 簡易 艮、 字汝 明所未言故當時卽有謂心齋自立門戶者非無 直 一截所不及也因下拜稱 止。 揚之泰州安豐場人三十八歲始謁 竟下拜執弟 (億江 子禮。 陽明謂 弟子辭出就 西泰 和 門人曰『向者吾擒宸濠、 次、 館 **哈釋思所** 末治、 講致良知心齋戲之曰「 陽明 正己而物正 於豫章以古衣冠進見據上坐相辨 油也。 聞、 間有不合悔 也易曰君子安其身而 天 ---旨也」(遺集答問 無所 人之學也是故身也 之明日入1 某近講 動今卻 良知 為斯 (見日某 致。 人動 難及聞 者、 補 後 見 勤。 矣。 遺、 天 睢 又日利 地 年 輕 **-**易大 易 致良 萬 陽明 物 拜

然格式 **勞更益** 人力安排。 則方正矣方正 絜矩之謂吾身是 要之龍溪心齋皆主超悟。 也」(答聶雙江雙江名豹江西永豐人亦陽明門人)心齋之作樂學歌 其病。 則 (答徐存齋 語錄、 成格矣」( 個矩天下國家是個 龍 溪 其說有極力 )心齋亦曰、 日、 語錄、 『工夫只 一而 相 <sup>石</sup>似者龍溪日、 袓 方。 求 『 人性上不可添 一 絜矩、 日波。 溪亦有言曰、 不求日增沒 則 知方之不正由矩之不 **—** 天機無安排』(水西會語)心齋亦曰『自然天則。 格物是致知下手實地。 減 物。 — 得盡、 便是聖人後世 語錄、 Ė )心齋之訓 业是以只 も日 格是天則 學術、 去正 格物 正是 人心本自樂自將 添的 也、日、 良知所本 矩。 卻 勾當所以 不 在 格 有。 方上 如 獝 格 私欲縛。 式之格 所謂天 求。 終日勤 不 矩正 著

第三篇 近古哲學史

集二十卷心齋遺集二卷。 體之亡效天而不法地未有不至於決裂者也龍溪官至武選郎中年八十六卒而心齋終於布衣年五十八龍溪全 及門也)三傳而得何心隱(心隱本梁姓名汝元永豐人從山農學)自任太過不復爲名數之所羈束其後一戍 性和易而心齎言動奇矯雖陽明戒抑之終與狂者爲近故再傳而得顏山農(名鈞吉安人學於徐波石樾樾心齋 學便然後樂樂是學學是樂於乎天下之樂何如此學天下之學何如此樂』而龍溪亦有言曰『樂是心之本體。 **私**欲一萌時良知遠自覺一覺硬消除人心依舊樂樂是樂此學學是學此樂不樂不是學不學不是樂樂便然後學。 ( 答汪南明 ) 故心齋答龍溪書云『諺云相識滿天下知心有幾人非先生而何』即其學之契合可見也然龍溪 一死於獄(見明儒學案泰州學案)而陽明之學遂遭世之詬病然後知易言知崇禮卑崇效天卑效地(易繫)

# 第二十八章 胡廬山 附羅念庵

龍溪之言方改稱門人則與歐陽南野等自不同也念庵名洪先字達夫吉水人嘉靖八年以第一人及第官至左春 坊左贊善以帝不臨朝疏請皇太子元旦御殿受朝賀忤旨黜爲民年六十一卒有集十八卷出其門者有胡廬山實 其奧曉以師說鼓動天下者反不與焉然念庵以主靜無欲爲教不盡與陽明合其爲陽明年譜始稱後學後因 陽 明之沒言其學者遍天下而棃洲明儒學案獨稱一私淑之羅念庵謂天下學者因念庵之言而後得陽明之真。 緖 山

散於天 吾心爲之高而覆也地者吾心爲之厚而載也日月吾心爲之明而照也星辰吾心爲之列而燦也兩露者吾心之獨, 萬皦日也兮如有夸父焉逐日於谷彼亦惡知皦日之體不在是也知皦日之體之所在則知理之所繇矣是故天考、 其未有皦日也黝墨荒忽未始有天地萬物也已而皦日照之則天地萬物列矣然是皦日也其體在天而其 下察之旨乎今夫鳶飛戾天自人視之鳶在上也而不知斯人與知與能者之上察也魚曬于淵自人視之魚在下也。 於義之理也故夫子又明言之曰聖人之作易將以順性命之理嗟乎吾夫子固明言性命之理而世必以爲在 吾性之義故窮理者窮斯盡性者盡斯以逮夫至命者咸繇之矣吾未聞理不在義而在物也亦未聞窮理之理非理 理得焉未聞知能之在物也最後曰和順於道德而理於義其下文即曰窮理盡性以至於命蓋言聖人作易咸理於 陰陽可乎夫子贊易曰黃中通理言至正至中而理通爲未聞中正之在物也曰易簡而天下之理得言。 說何 而不知斯 能張 塗可乎 書曰燮理陰陽(古文尚書周官)釋之者曰燮理和調之也謂人調之也非謂陰陽之自調也然:。 、 始乎詩曰我疆我理(小雅信南山)釋之者曰理定其傳塗也謂人定之也非謂傳遂自定也然則 地萬物之間人之執其光挹其氣者一盤盂一皦日也一甕卷一皦日也一淵谷一皦日也。 衡齊理問上)又曰「不聞孟子之關告子曰且謂長者義乎長之者義乎知義則知理矣又不聞子思上 人 明之學當時疑陽明者首在求理於吾心一言以爲理在物不在心而廬山作衡齊力辨之曰「今夫理之 東知與能者之下察也大哉察乎其諸人心神理之昭誠之不可揜夫是故察之外無理也吾請譬之方 江漢、 易 則謂 知簡 謂 加 光與氣 理 物何 在海 能 理在

析而廬山辨之曰『心猶之火性猶之明有一星之火卽有一星之明明不在火之表性猶火之明情猶明之光。 又惡睹夫所謂理哉予故曰察之外無理也」(理問下有節文)又疑陽明者以爲心者知覺而理則性心與 雷風者吾心之薄四時者吾心之行鬼神者吾心之幽者也江河山嶽鳥獸草木之流時繁植也火炎水潤木文石脈、 星之明即有一星之光光不在明之後故謂火與明與光異號則可謂爲異物則不可也謂心與性與情異文則 立 則 日、 夫廬山之辨晰矣然以心造日月天地萬物而覺即性則全然釋氏三界惟心作用是性之窠臼而廬山即 無不虛也故覺即性非覺之外有性也性即理非性之外有理也又烏有夫覺虛理實心虛性實之謂哉」(六舞) 是故蘊而仁義禮智藏焉始非有物焉以分貯於中也則覺爲之宰也威而惻隱羞惡解讓是非形焉亦非有物焉以 非吾心也螻蟻虎狼鴻雁雎鳩疇非吾心也一身而異竅百物而殊用疇非吾心也是故皦日者所以造天地萬物 |傳而告之曰是爲父子之親君臣之義蓋塊如也何哉以土木無覺故也是以舍人心之覺則無性矣又焉有理哉。 也吾心者所以造日月與天地萬物者也其惟察乎匪是則亦黝墨荒忽而日月天地萬物熄矣日月天物萬。 乖擬心則差非釋家語乎紫陽夫子作關息箴曰守一處和千二百歲非老家語乎君子之學奠病泥文尤莫病執 於外也則覺爲之運也方其宰也而無不運雖天下之至盧而無不實也方其運也而無不宰雖天下之至實而 體則不可也性之文從心從生夫人心惟覺則生弗覺則弗生惟生則理弗生則弗理假命捧土揭木儼若其形、 或者曰今之儒者之語學獨喜授二家言者何也曰是亦所謂不執一廢百也程伯子訓孟子之勿正 亦不自諱。 心口、 可謂 物熄、 有 性宜 動意

明心 物之不 見性、 吾儒與 迹。 足與 被 夫辨! 亦 樫 則 執 庵 非 释 外平 雖 照乎 廢 同 相 氏 相 心。 異 遠 異 抗 百 者辨 也然 者則 天 衡 者、 Mi 者 地 卒 則 高物而: (盡心與) 屯。 異於異易辨異於同 至. 執 一則以是盡己與天 (廬山之言大抵 於 迹之為害 逃 終歸 不盡心之分 俪 薬 於 物。 也。 無有。 若是 <u>۔</u> 心所 為整庵 善儒 異 地萬物之性一則以 申 難若廬山之辨儒 者、 言 主在 謂 非 下、 毫釐千二 八心之不完 有節 而 愛觀衡 極 世。 交、 里者此 位故其學 實 ||釋旣認其同| 雖然虛 也。 齊可 是而 則 見、 貴 也。 不 盡心。 出離 山 盡 心之過 ~ 亦 六 有 而 盡 一己之生死即 仍指 錙) 心、 持 以 則 也。 其異可 叉 曰、 蓋 别 能 察屮 釋 於釋 氏 وحد 謂辨異 亦公與 心性 天地 氏 主 仼 者。 萬 H 非 日、 八私之分 公於同 巽 物、 # 也。 故 ifi 釋 存 者 常 氏 其 其在 也。 心養 處之 學 雖 حصا 止 知 當 有。 性、 X 盽 眀 訓 時、 刖 8 言 心 心 Ġ. 是

文也。 者懷多欲之私 部二 蓋 育 道。 指王 知 抑 心弗靈弗 世 則 麿 丽 遊良言 心齊 奠不有吾心 過 山 焉 雖 Hij 者 主 丽 言、 知 妏 而 也。 陽 也。 欲 其 明、 而 不可損 遺良則 是故 明 而 流 明 執 於 徳於天 朋 物 其 其 未流 親易 中 理 於心卽理也之言全失矣廬山易之以靈則 益 Ŀ 之靈則以 而 之失、 良 予、 疑 夫陽 知 未 心 有不 Ép 丽 性。 行乎 明言 一个儒像: 亦 為靈 未嘗不 理欲 致 其 則。 交雑、 良 間 世 日、 者、 痛之曰、 知、 -儒 弟 醴 m 丽 過 是已三( 焉 子 終 其 失 **=** 曰、 龗 者 「學有至乎」 昔之 也 於 也。 但 霸 其 博辨 言 觐 流 也。 良 執 良 淮之南之 者靈則 下 知 曰、 心 知 有之。 者、 而 J 性 日、 遺 致 而 以之个之觀良 心则 靈則 學則 致龍溪心齋言 藐 ----壯 物 医温之為 则 是 左 則。 理 也。 矣。 <u>\_</u> 蓋猶是即心 \_ <u>\_\_\_</u> <u>\_\_</u> 當 知 北 阴 者、 艮 也、 癥 眀 元之。 知、 弗 中 間 中 下 III 究 上 下、 即理 其 於 淮 之南 失 性、 曰, EI, 日、 之旨 也、 弗 = == 世 莫非 又 Ż 仐 由 學、 然 但 墨 於 儒

稱道。

於所 和人 而 足 13. 。事空硫 븕 [1] 學記。 三十五年進士官 放恋者之口而使之不復能有所假籍是則廬山有功於王學者也廬山名直字正甫廬山其號 稿 H) ! 至按察使卒於萬歷十三年年六十九所著衡齊外有衡廬精舍藏稿其平生進學略見 儒學案載之一刻 事歐陽南野三十後始從羅念庵游而於陽明門下 如錢絡山 唐荆川、 心表

從 自識鬼 君 元、 17 順之)皆嘗見之。 科完一五年登進士第萬歷中官至刑部 子作 批 心體認經旨。 常王 ·=<del>-</del>c 少年 E 人不長 學之盛有一不由師傳而從艱難困苦中自得之者曰呂心吾心吾名坤字叔簡亦號新吾河南寧陵人隆慶 · 語稱「質困鈍讀兩葉書旦夜不成誦看書亦不甚解博涉坊刻訓詁家言**益亂益不解乃一切樂置之默坐** 其 只 第二十九章 B 争致 要想我見在幹些甚麼事、 進只是不用心不著力其所以不 不了悟不休久之我入於書又久之書歸於我過目 力之勤苦可見也所著書有四禮翼四禮疑問範賢政錄呻吟語去偽齋文集而 呂心吾 到頭 左侍郎立朝持正以是爲小人所中致仕去家居四十年年八十三卒其。 成個甚麽人。 用心不 著力者只是不愧不奮能愧能 這便有多少恨心多少愧 即得一得久不忘非誦讀之力也』 汗如 **. 香聖人** 何 放得自家過。 व **脚吟** É. 語尤為世所 (<u>---</u> 而呻吟語有 又云「士 並 修身)

道家以 悟 外 窩 所以 子以 之白 在談 **貉冬索絲絡而應之曰無此良賈之恥也由斯以觀博學審問愼思明辨不專在方寸間筆楮上矣儒者之急務不專、** 吾與陽阴門下實有大不同者曰『才貴通不貴一事 為 故 Č 必 惡當去 勉進後 性天講理氣矣。 綸 道。 也。 吾之學從默坐澄心入依然陽明家法故其論格物曰「格物二字聖學入門第 不理 見泰 四 首不 格物 格物 性 亥子之中 ήŧ 香的言語 透 比 山, 能 書有 之外 則知 其離 情 盡。 而 人 也」弟竊笑之夫氣質清明、 能 士: 故 為口 無學。 節 自 不 闔 俗、 期月而可三年有 識 1痛切。 知而竟不為善不去惡者、 萬古因 夫理可心悟 文、 泰山 商 是物 訣、 羊、 痛切則 景 雖 \_ 辨 然以物爲帝降之衷爲先天純粹之理吾未見其有異於陽明之所謂良知者 也爲上帝所 其謂陽明 象生不見墳 萍實必先聞 革損益必不能 (意念自興) 而事 成必有經濟弘術、 說 難心悟理可一貫而 良知乃 量子之路。 降之衷是先天純粹之理。 (典而) 意念既 臆對。 則義理昭著道與身 能翻 意不虞誠故 在 若 獎則 情 欲周 防風 墳 上立 典故實聖人能之乎夫古今事變名物 費習不貴料故問不厭迁緩考不厭厖雜學不厭居 必有區畫長策而 好善自然 骨、 也意不真誠 跟腳認端緒作根本又謂 事難一貫宋儒有言「孔子生而知之者言亦 肅 愼 不學。 一則由仁義行。 矢必先讀夏周 物格 無以 빓 是實 者何知不痛 尚之惡惡自然不 是 點靈 知 八發憤忘~ (見得) 光特 之典。 所謂性焉 知 陽 至 切 食、  $\overline{\phantom{a}}$ 一是實信得。 要散聖經不言力行 故 明見子而不 四 好 觸卽透默運不勞斡旋 ス古敏水 也。 安焉。 使 專 知不 加乎 並 宇 宙、 聖 見家 · 其 身。 痛 未必 人誠若 -人情 切者 · 見 亥。 語 並 \_ 不 柳 **冶積夏索狐** 文集 是 叉 何。 由 也。 (並 假介 涉 理、 雖然心 日、 性不 者 學 矣。 歷 齑 何。 前上、 答 世 問 乃 而 丽 孫 物 透 粉、 孔 岩 至、 智

第三編 近古哲學史

作敗局。 滿天下何資實用。<br />
(同上)嗚呼其如言而天下不聽何哉。 攻明儒者謂其事空談而無實學耽心性而遺國家而如先生所言則明儒何嘗不自爭之又不獨先生也胡廬 姜養沖)又曰『不當事不 不能可乎,夫任聰明不可以當盤錯旋安排不可以應倉皇此周孔所以必寢食俱忘夜以繼日且思且 政顏淵問為邦何嘗以用世爲諱哉目前是何光景般浩以蒼生自負(晉曹)房琯以經武知名(唐 鑿之痕轉移有俄頃之妙耳。(別鄒爾瞻書爾瞻名元標號南阜吉水人京師首善書院之設即由爾瞻與馮從吾擊之痕轉移有俄頃之妙耳。) 有言矣曰。『國莫病於畏言兵士莫忌於疲虛文』(衡齊談言下)曰『區區弊精故紙奔走 少墟倡之)又曰、『吾人講學須知所學何事自十五時便入大學所講者聖經一章耳蓋儒者教門以天下國家爲 一身其格致誠正也欲端一身以爲國家天下非華野磻石專言耕釣阿衡尙父方講治平作兩截學問也諸子。 有如緩急之際艱難如足食足兵重大如安邊治河種種不可悉數當事者問 知自家不濟才隨遇長識以窮精坐談先生只好說理耳』( 我委曰不知柄人者用人 呻吟語品藻 一世以趨駭言雖 一番シー 學 也。 夫清儒之 へ 答 出 問 山 亦

# 第三十章 顧涇陽高景逸

涮 與國 自王 學之歷、 相 終始 则 m Ţ 東 會 林 **特質倡之東**日 講學遂成風尙然但及身心不與 林者顧 涇陽高景逸為之魁涇陽名憲成字叔明景逸名攀龍字存之皆常之無錫 政事也講學 而 泉議國政、 、主持請議以左右一世卒之以

**憲**。 所 三卒後十五年魏忠賢 名蓋由於此涇陽中萬歷(神宗)八年進士授戶部主事調吏部以作關臣王錫傳講判桂陽已司理處、 問 鼠逐以至於死皆泰然處之而曾不絲毫動於其中則豈意氣所能爲哉景逸有云 『 逸又發御史崔呈秀貪穢狀呈秀遂合華小附魏閣以 皆 疏指摘貴戚鄭氏及舊輔方從哲方鄭之鱉懼因奪以東林爲言思以中之旣講學之禁起講學諸臣鄒元標馮從吾、 Ŀ 稿、 進 人邑舊有東林 緹 返人 而不氣節者者學問而不氣節爲世數之害不淺」(遺書會語)嗚呼意氣氣節之亂久矣自非知學之士其孰 騎 去 疏 小 著有遺 位。 論之謫揭陽尉越二年假差歸自是林居垂三十年天啓(熹宗) 心齋劄記大學通考還經錄證性編等景逸較幼於涇陽萬歷十七年進士出趙南星之門授行人以銓閣 逮繆昌期 擢吏部考功 景逸請移 才 益 與 **퇅周易易簡春秋孔義等且兩先生之在當時**、 政 周 **善院宋楊龜山先生講學處也已廢爲僧含顧髙請於當道葺而復之會吳越士友講習其中東林之** 順昌等時景逸已先罷歸知不免繕遺表 府相 疾不允明年乞差還里四年起刑部右侍郎遷左都御史會副都楊遵疏論魏阁二十四大罪而命。 主事時趙南星主計典盡黜諸宵小不勝政府之忌降調去涇陽請與並罷不報邏文選司郎 抵牾途以會推 大戮東林黨人涇陽亦以御史石三畏言奪官崇禎初贈吏部右侍郎諡端文所著有涇臯藏 家宰關臣事削籍歸三十六年以南京光祿寺少卿召不起四十年卒年六 傾正 摘發奸宄一無假籍。 投池水死年六十五崇顏初贈太子少保、 類旣矯韶殺 楊遵等又盡毀天下書院東林亦 初語光祿寺丞晉少卿轉太常又轉 未嘗無疑其獨落於 氣節而不學問者有之未 兵部 意 潛焉六 泉二州。 者。 倘 大理學 然 中。 觀 齟 遭 齬、 +

以隨 後 配 君子之大道欲置而不問彼其所握之機緘莊活下之可以投小人之私心即孔孟復作竟奈之何哉』(小 柱谷 含糊 初 為 不 F 無 足 心之本 善念云 Fi 解 īĿ 以 也。 ψĀ 為不動 直尺為 無復 先生 放曰 景逸曰「陽明 iji 脫 亂 袻 省察 久 無 教 八流於世者二 皆深斥陽明無善無惡之論涇陽曰。管東溟(東溟名志道字登之太倉人與涇陽同時)曰。 復罣礙 帽包 非 树 揀 善、 為逐 心者矣由前之說何善非惡由後之說何惡非菩是故欲就 、捨其身濟天下以委曲遷就為無可 撑。 原是 所 吾 謂 間 所 īfii 融者 無善、 境、 高 已矣 無 謂 先生 ¥ 以 明 必其投小人之私 性善 訟施 無 者 第日 便 心是也合 之而 所謂善非性善之善也。 入而悦之於是將 之善也吾听 而趨之於是將有 無念云爾 選改為輸 元萬之而萬行萬物不二 1 便 [吾以善] 通以下 謂善 成 心而又可以附於君子之大道者也」愚驕謂、 個空見以5 如所 有 π ēļ. 爲性。 加 也 云以 上達 萬 何也彼所謂有善有惡者意之動則是以善屬之意 無不可以狷狂 所 Z; , 彼以善 物之所資始 以仁 任情爲率性以隨俗襲非爲中庸以 為落階級以 為無善無惡只是心之不著於有 義為程 者也天下無無念之心思其不 為念 也吾以 無忌爲不好名以臨難茍安爲聖人無 ψij 梏以禮法爲 砥節 貧 生 一也烏得了 善自 而詰之彼其所占之地步甚高上之可以附 礪行獨立 入生 土苴以 īm 不懼 m 無 点之。 故 無善無惡四字當之何。 静以 也究竟 日 為意氣用 (閣然媚: 用 無 L. 於善耳 一彼以善 善之說 爲 綠 H. 塵以 世 41 成 爲 者 也。 不 自 於善 其所 萬物 吾 死 矣。 足以 操持 倔 混 -----性 地、 者見以  $\mathcal{F}_{\mathbf{L}}$ 間善 刨 夲 慰 心齊劄 以 則 爲 體以 說之 把捉. 则 性 性、 動 頑 第 切 也。 而 鈍 面

之道 故聖 善爲 江 心有善有惡 旣 性。 流弊言之切 通 能 右 思勉是 答方本庵書)又謂、 念耳。 無 脫 明。 人之教 念於善、 宗不以知為 諸賢 之矣又 也。 王 更分明是禪家悟徹 舉 人 曰、 出 Ľ 修 面 而辨之明 者意。 於陽 道。 使 足以 必 rffi Ħ 目。 為之是 使 念 夜 識 况 於 宗。 與 明 亂 人 縏 不得 景 菛 格 龍 無。 縛 教古之聖賢日 逸三 溪 無 時不 殆 下 物。 (語錄)凡 無、 在 ---者如 物 亦念 光景以: 食而 談良知者致知不 **未有過於兩先生者兩先生之學** 天泉證道記不合抑且其言出於緒山。 時 念上。 格 思 記、 羅念庵 也若曰 使食 面 自敍 故 不勉 善 此 本 此皆針 也。 止 明、 是忘思: 而攻陽 為學 體 (則有善) 善 思其著焉著於善著於 鄒東 不 <u>\_\_</u> 日 (方本 現。 次 廓、 勉是助。 明 在格物故虛鹽之用多爲 眀 第。 對致知之學 善、 而 攻 切 至 守盆) 庵性善<del>釋</del> E 無 放 觶 擇善、 著。 念纏 下、令 毋 總 今懼 與 亦 上而發然涇陽六 聶 E 所謂 心與 綿 自 序有 雙江、 **育**善 皆以 其著、 性 斬 無、 念離、 陰用之而陽距之者耶。 然 無 一皆嘗辨之一 格物 非陽 節文本庵名學漸 蓋怨怨焉今以 至 遂 干。 著 夷善 便 絕 <u>\_\_\_</u> 则之教矣。 為重。 有言、 也。 可 情識 忽 於惡 著善則 見 小 如 而 心療 百斤 而景逸指陽明於朱子 性。 而 喫緊只 若東廓 丽 非天 -無之 拘。  $\overline{\phantom{a}}$ 無之人遂將 劄 擔子頓然 見東廓 蓍 示 記 則之自然吾輩 桐 無則 城 在 學 記 字棉 景 靑 入, 識 者 蕩 性。識 落 集) 原 逸 夫自 視善 增 拘興蕩之患倍 而空之非不 曰 亦 地。 然 叉 得 處、 言、 識 格物 且謂 格物、 四 如 如 時、 而 性、 -無之說 惡 凡 不 窮 電 曰 至善 未 思不 格至善 無 而 光 見 Λ 之所 湾無! 去之。 嘗 教爲 性 蓰 閃透體 勉 涉 無 出、 則 善也。 大亂 其藩。 心以 無 惡之 終 是 謂 辟 算。 不

#### 第三十一章 劉載 山黄石齋

為民崇 學能 用。 宣大總督方一藥以遼撫與淸議和道周具三疏幷劾之召對平臺又力爭謫江西布政司知事十三年江西巡撫解 又上書語侵首輔温體仁斥爲民九年起右中尤進少詹事彙翰林院侍講學士旣楊嗣昌奪情入閣陳新甲奪 生黃道周字幼玄(明史作幼平此從明儒學案)一字螭若號石齋天啓二年進士補編修崇顧初以疏救鏡龍錫。 二十三日而卒年六十八所著有古易鈔義聖學宗要學言人譜文集等警樂證人書院講學蕺山學者因稱蕺山先 宏光立於南都起原官陳興復之策請都鳳陽又動馬士英爭阮大铖必不可用皆不納再疏請告歸杭州失守絕食 起授吏部左侍郎擢左都御史會給事中姜埰行人司副熊開元以言得罪下詔獄宗周因召對論救觸帝怒復削職。 未上、 執。 劉宗周字起東號念臺浙之山陰人萬曆二十九年進士天啓初爲禮部主事歷右通政以疏劾魏忠賢客氏削籍 絶粒十 疏薦地方人才稱道周堪任輔導帝疑其朋比更逮道周學龍按治之卒繭戍辰州衞越年以周延儒言原官起疏薦地方人才稱道周堪任輔導帝疑其朋比更逮道周學龍按治之卒繭戍辰州衞越年以周延儒言原官起 而 順二年起順天府尹時帝方以刻深縄下宗周以仁義之說進又請除詔獄免新餉。 京師 14 . 陷矣南都建官禮部 日, 不死引聲又不殊途遇害年六十二所著有易象正 |既同而言學亦極相近明儒學案稱念臺之學以愼獨爲宗令觀嶯 尚書琴奉唐王入閩 **遂首政府視鄭氏無經略志自請率師出闢至婺源為** 義三 易洞璣洪範 明義春 帝不省謝病歸十五 秋揆、 石 齌 集 清兵 起

石

齋兩先生其以身殉國

山文集日、

一、大

之謂 4. 是 日, 獨 1 無 謂 及 心 JĮ. 知之 4 物 肿 看 致 **(1** × 蜀 言之若合 拈 意 76 **3**% U 獨 到 怀 此 有 戝 知 7 17 in 地 百 HE. 17 慎 1 水 胩 **~**· - ♣ 萬 24 ξ'n 獨 īfii Iffi 10 符 物現 夫 杏 13 即 17 111 1111 榕 虚 也 1 <u>-</u>-就 1 則 íğ 格 1V. 1 **£**{ **[i]** 壇 ~ 矣诚 存 也然 來承受只 從 [-] 文 17 物 41 同 H 問 亦 解 養之 践 致 Ĥ 業、 1 悂 也. 義 意と功 履之 無 W 知 Ž. 標 體 ----\_ 朱子之註: 要有 聖 先生之所 穏 此 其 E, 帵 看 宗旨 如 其 爲 來、 門 共 而 喫 督 事 誠 愼 太 好 則 棉 知 日 4初、 緊 色惡 獨 日 此 意 極獨之體 IħĪ 獨 獨、 **.....** 4 莫見莫 入 事 謂 61 [6] 愼 m 者 賏 [1] m 手 當如 臭、 稲 獨, 設。 圦 該 恢 m 凡 矣意 獨與 觸 處只 即是省 蚥 此 E: 亦 萬。 家 也。 是 總 縞 知 日 顯。 知 知、 一成鼻白 大學 在 爲 也 Ŧ. (b 滅 髙 是 萬 本 察之 殊 刨 愼 此 傾 者、 者 來 丽 E. 念臺則 語錄、 本旨蓋有違矣朱子註 獨 者、 Ţ. 選 慮 獨 面 I 然晓 削 Œ. 本之 功 獨。 未 E seen 面 1 目、 榎 獨 設 起、 ١, 盖 ر<del>ت</del> \_ FI, 15 17  $\Lambda$ 鬼 以 會 性 外 也 m 無 齋集 خ 之學 體用 [1] 爲朱子之慎 不假推求所。 無 神 <del>د ۔ ۔ ۔</del> 修 有 所 批 ijΈ. 異 胂 E, 莫 榕 i. 石 訵 窮 大 其 知 (bass 舉 K 源之 盖 奫 未 墺 ,.... 此 4.11 也。 之 物 1 自 亦 從 较 間 來 雑 大學 業、 不成。 獨專 謂 Mi 謂 辨, 格物 陽 然。 心 以 間 枚 日、 僼 萷 知 窮 誠 阴 高答答門· 中 闖 又 也念章 17/7 單 看 氣 至。 理。 意、 赦 -省察 日 象、 阴言 提 性 來、 庸 知 丽 又 611 至 獨っ 良 油 则 也、 ----繭 透事。 是獨 便是 誠意 人、 說 日、 書以 Ħ, 1 致 知 動 ---烝言 知 爲 靜、 <del>-</del>7 猲 物不武、 君 明 其 體 未 只 釆 教 只 中 是傾 子之 真消 死歧 者、 誠。 於慎 驗之 傾 以 是 + 儿 手 人 羅 格 來、 1 學愼 所 獨 動 獨 而 卽 物 是 息。 獨之要蓋 和。 外 4 靜 同 愼 凡 時 思 不 詉 中  $\overline{\phantom{a}}$ 無 物 講 獨 獨 俗 慮 丽 知 上 和 慮 二之而 ŭ 老 不 i. 學 艞 m 身 而 旣 已矣。 不 心以 則 自 悠 者莫 己 幺 遬 起、 此 僧 所 只 吾 何 细、

問吾身有心有意有知夢覺形神可是一物兩物自然谺然摸索未明只此是萬物同原推格不透戲格得透時購風 意好善惡惡之意即是無善無惡之體」(同上)石齋曰「試問諸賢家國天下與吾一身可是一物可是兩物又 **未有不以分別爲夾雜支離者也觀此而宋明儒者爲學之不同亦可以略睹矣。** 不聞處見睹聞着不得繳毫氣質」(榕壇問業)意似不合然其不認性有義理氣質之別正歸一致蓋主簡易者、 語)而石齋則謂「氣有清濁質有敏鈍自是氣質何關性上事性則通天徹地只此一物於動極處見不動於不睹 已又念臺謂「心只有人心而道心者人之所以爲心也性只有氣質之性而義理之性者氣質之所以爲性也」(會 蟲魚一齊拜舞格不透時四面牆壁無處藏身」(榕壇問業)提一髮而即全身明備之所謂簡易直截者如是而 JE: 心以及修齊治平皆愼獨也故念臺曰『心意知物是一路』(語錄)又曰『知善知惡之知即是好善惡惡之心,以及修齊治平皆愼獨也故念臺曰『心意知物是一路』(語錄)又曰『知善知惡之知即是好善惡惡之 (第三編完)

## 第四編 近世哲學史

# 第一章 清儒之標榜漢學

至矣然猶未至罪及宋之程朱也故其爲下學指南序(亭林文集)曰「別其源流而衷諸朱子之學」曰「蘇朱 下猶可不至今日今之君子得不有悅乎其言。」(日知錄卷七夫子之曹性與天道錄)又云、『以一人而易天下、 下之生久矣一治一飢擾亂世反諸正豈不在後賢乎」〈日知錄卷十八朱子晚年定論條』此其指斥陽明可謂 其流風至於百有餘年之久者古有之矣王夷甫之淸談王介甫之新說其在於今則王伯安之良知是也孟子曰天 **舭丘墟。昔王衍妙善玄貫自此子買及為石勒所殺將死顧而莒日吾曹建不如古人向若不避尙浮虛觀力以匡天** 切不問而曰一貫日無言以明心見性之姿言代修己治人之實學股肱惰而萬事荒爪牙亡而四國亂神州萬稜宗 其精而已遺其粗未究其本而先鮮其末不習六藝之文不考百王之典不綜當代之務舉夫子論學論政之大端, 入主中夏士大夫前仆後繼斯脰捐踵而會無枚於滅亡於是當時有職之士至以亡國之罪歸之講學者顧亭林云、 劉石亂華本於清談之流稱人人知之孰知个日之清談有甚於前代者昔之清談談老莊今之清談談孔孟末得 自王學之衰專事浮談人鮮實學雖得東林諸君子振之而亦氣節之士多經濟之士少故及流寇之起滿濟乘之

之是故訓 可以 選舉師 授經圖、 子語類評)同於程朱諸儒詆毀不遺餘力然顏李之學當時傳者不廣及惠氏(士奇字天牧子棟字定字)戴氏、 用之學閉門誦讀」(恕谷年譜卷上)與習濟謂『朱子之道千年大行使天下無一儒無一才無一苟定時』(朱 言『宋儒內外精粗皆與聖道相反養心必養爲無用之心致虛守寂**修**身必**修爲無用之身徐言緩步爲學必爲無** 溪(苞)書乃謂『宋後二氏學與儒者浸淫其說靜坐內視論性談天與夫子之言,一乖反』(見恕谷集) . 圖 病 子之言以達夫聖人下學之旨。蓋亭林立身行己極服膺紫陽是故江藩(甘泉人號鄭堂少嘗及惠棟之門)作 其多騎 震)出一意訓詁之學以爲了由文字以通乎語言由語言以通乎古聖賢之心志譬之適堂壇之必循其階而不 說中庸說論語稽求篇皆攻擊宋儒、 · 蹑等 】 〈東原集古經解鈎沈序〉於是謂『故訓明則古經明古經明則賢人聖人之理義明歧故訓理義二 於訓 承記推木本水源之意以亭林附於卷末以爲有淸諸儒深究經旨與兩漢同風實由亭林啓之而猶不 非以明 蓋至是而所謂 詁 牆之見依違之言者此也專攻程朱始於毛大可奇齡(蕭山人生於明死於清康熙間所著有大學 一考據名物象數之誼固多發明至其能成一家之言冒天下之理而不失矩矱若顧若黃 理義、 若張 而故訓胡爲理義不存乎典章制度勢必流入異學曲說而不自知』(東原集題惠定宇先生 (履 漢學者始奪宋學之席而後生 (詳)陸(世儀)皆承朱學之流風而所謂漢學家者自東原戴氏一二人外鮮能似 而四書改錯詆朱子尤甚)而李恕谷學於顏習齋兼出大可之門。 一小子稍智章句即莫不以詬病理學爲能 事矣然吾觀 (宗義) 其與 若孫 方室 知本 能無 有淸 叉

践 也。抑 議 及 恥 業其道未光 之學之不可 之生於乾隆三十七年卒於 之灰以爲是與歐 履未 道 躬 自 之長技。 漢 其 咸 行 之不 見。至 始有 學大 視朱 以 後政 **延然雖** 間言也。 速: 師、 如 眀 於天下先時漢學之徒斥宋明諸儒含一死報國更無 面 旣 首推 氣 髙 願 明 李之徒又非漢學所可範圍故或謂漢學盛而宋學衰宋學衰而中國 學 西 鄮 不 入於辟 者 網士習亦壞樂漢學 都江郎 惠戴而惠天牧手書楹帖、 科學 之盛相去乃更不知道里幾許。 脈斷其間 求 其放 者矣。 精神相吻合含本逐末氾濫無歸吾不知所謂科學者其果如是否 咸豐元年嘗從學 邪中庸流爲 作漢學師承記極力標榜漢學亦 心、 而學力不逮卒亦無所 反躬律 開茸。 己庶幾可與爲善。 之不及身心、 於姚 **看云『六経尊** 至是宋學 姬 然則學術之消息不 樹立。 可 傳 · 既不復存。 鼎、 以縦 至若畸 以諸生 -服鄭。 态 取孫李諸儒纂為宋學淵源一 (宋學淵 而 終、 百行法程朱』病程 人異士埋迹蒿萊閉門講 而漢 表 無忌遂窟穴 見而自清末以迄今日 (學亦即2 著漢學商兌力辨 源 亦大可知哉。 記序、 八其中專品 全非矣是故 其欲 而 以撏 調停 無識 朱之空疏 無復有自有之哲學。 訓 習雖有其 洪 排 宋 儒 之士 記。 謂 方東 也然而欲恃 士夫之寡 詁考證之破 兩家之意委曲 猶欲 樹 則 有之於程的 之小 懼射道之將 桐 揚 廉 人。 班 此以 漢學 喪恥 碎、 亦 城 潛 而 可見。 人, 爲 朱之 爲過 荷免 爲立 色死 程 袓 字 效 植 墜。 之 朱 忠 降

頗 明 多典 儒、 其徒交游者。 雖 有 異 同。 丽 其源 而 由 要出 眀 速清儒 於 佛 氏、 者之書鮮道及之以吾所 蓋風 之所 被、 未 有 不 與 俱化 見陸桴亭思辨錄有日、 者 也。 獨 怪 基 督 教 自 天地間只 眀 萬 歷 間 (有陰陽) 入 中 國、 陰陽 莳

之本則吾有所不

忍言

**獨名撝謙浙江仁和人生於明卒於濟康熙二十六年)於論天地氣候之變頗稱西士熊氏之說(卽熊三拔)推** 只有五行釋氏之地水火風邵子之水火土石西教之天地氣火(本地水氣火桴亭誤作天地氣火想係得之傳聞、 故有此舛不然則刑其曹者失之)總欠自然』( 思辨錄輯要後集卷二天道類)次則應潛齋作性理大中 (潛

生心化被區域天下之簡能酸無如此者然而其爲道不易從事於此必至於滅神天主罹患於西北則是 形之變天下之易知誠無如此者然而其爲道不簡從事於此必至於殺精吾觀金剛一書( 亞國起匹夫其國徒衆翕然從之化被遠近歿後千幾百年而西北諸國盡從其敎吾觀幾何一書用點 其道相反者聞歐羅巴人在中國西北尊天而賤地殆卽此乎及詢之西人果得所謂天主者蓋生於漢哀帝時其道相反者聞歐羅巴人在中國西北尊天而賤地殆卽此乎及詢之西人果得所謂天主者蓋生於漢哀帝時 爲精當(性理大中卷二十一二十二)又爲天教論謂『嘗念佛生於中國之坤方則西北乾方必有偏陽之敎與爲精當(性理大中卷二十一二十二)又爲天教論謂『嘗念佛生於中國之坤方則西北乾方必有偏陽之敎與 此指 金剛 畫曲: 綖 直、 以 無 盡萬 如德 住

乎』本易理以論釋迦基督之教以爲各有所取亦儒者之所罕見然亦卽自謂未多見其實其道不能詳故所言全。 出之揣度至以幾何之書與基督之教幷爲一談是可哂也竊皆推究其故蓋明時西來之士如利瑪資熊三拔之輩、 其所持以炫吾國 息心從事於此則自生精極其教則陽過者殺陰過者滅矣西北者其天道之失中者乎西南者其地道之失中者。 於西南則陰亢故也西北之人以無不知爲貴故樂於用心從事於此則自生神西南之人以無. 人者在其技巧而不在其宗教即言事天愛物與中土裔談初無所異故李之藥序利 《知爲貴: 氏 陽亢故 、天主釋義、 放樂 也。釋

人萬騰進士官至太僕寺少卿其所譯名理探爲名學最初之譯本)謂其『

小心昭事大旨與

經

序 傳 之佛氏我所屡聞糟粕之談不當一盼況自千七百四年羅馬教廷有不認奉祀祖先之命與中土之俗更生扞格於 招之者多栗其學而學焉者少彼之不能益於我由我之無所取於彼非必深閉而固拒之也至若天堂地獄之 王功臣』云云是故當時學士大夫之於彼教樂道其曆數星象之學者多而嚮往其深身修釀之術者少入其笠以 致化者視如毒螫而况其教乎哉故明清之基督教不能與齊梁以來之佛教比者數有不同亦勢有不同 是康熙四十六年遂幽禁教皇使臣於澳門而各地教士亦遭驅逐舉曆數星象幾何製造之學嚮所震驚以爲窮神 ग्रंग (明遇江西進賢人萬歷進士官至兵部尚書東林黨人也)亦曰『遏欲存理歸本事天不意西方之士亦我素 紀如券斯台。而職迪我七克一費以食傲饕淫怠妒忿謂之七賊欲以施含謙讓克之其文絕美熊明遇為之、 說竊

## 第二章 孫夏峯 附邊潛庵

京師、 **碨果中稱為范陽三烈士正忠節公壽繼之父也夏峯與善繼友善而夏峯家貧嘗與論學自辰至日昃始得**荳 奠夏峯怡然無不足之色及明之亡夏峯已六十清順治康熙中屢徵不起晚歲渡河暮蘇門百泉之勝且康節魯齋。 遠夏峯百計營救不得卒經紀其喪以各歸於其鄉以故義聲震一時當時與營救之役者夏峯外爲定與鹿。 奥左 初諸儒以孫夏峯最爲老師夏峯名奇逢字啓泰一字鍾元直隸容城人生於明萬騰十二年。 忠毅公光斗魏忠節公大中周忠介公順昌以氣節相尙當魏閣 亂政東林黨獄起忠毅忠節忠介 年十七舉 鄉試居 Œ. 先 麪作 新 後被

作時寄養勉以蕺山薪傳讀而愧之』 拳巴先死故收而傳之而謂『北方學者大概出於其門使喪**亂之餘猶知有講學一脈要不可沒』又謂『歲** 以性之所 講學之地 近。 也乃移家輝縣夏峯村築堂日兼山讀易其中而牽子弟躬耕以自給四方來問學者隨其淺深高下必開。 6自力於 庸行有顯留者亦授田使耕所居遂成聚焉康熙十四年卒年九十二黎洲纂明儒學案時夏 即其傾倒可知矣。

所謂程朱之學陸王之學壁壘益嚴畛域益深主陸王者祗程朱爲支離祖程朱者斥陸王爲橫決夏峯則以爲支分所謂程朱之學陸王之學壁壘益嚴畛域益深主陸王者祗程朱爲支離祖程朱者斥陸王爲橫決夏峯則以爲支分 派別之中自有統宗會元之地(四書近指序中語)故曰『朱則成其爲朱陸則成其爲陸學人不必有心立異亦 諸儒 王陽明羅整庵顧 學宗傳自稱坐臥其中出入與偕者逾二十年蓋一生精力全在此書以周子兩程子張子邵子朱子陸象山薛敬軒、 喜之其自言如此謝无量哲學史乃謂夏峯以陽明爲宗晚始和通朱子之學蓋未讀夏峯集以意爲之者)其言 其所 答常二河書)共理學宗傳以陸次朱以羅顧次王合二派而一之者古此意也抑夏孝之學一以自得爲主。 夏峯之學得力陽明爲多而更和通朱子之學(夏峯集寄張蓬軒書稱幼而讀書謹守程朱之訓然於陸王亦甚 考若宋之楊慈湖明之王龍谿等其學稍異於正者又別爲附錄焉自元以來朱陸異同時有諍言及陽明 見而已矣」(寄張蓬軒齊中有節文)又曰『朱王入門原有不同及其歸也、 同若先儒無同 [涇陽十一人者為正宗而自董仲舒以至金忠節鉉陳幾亭龍正凡若干人則撰爲漢隋唐宋] 異後儒何處着眼試署從古帝王賢聖放伐不同於揖讓淸不同於任任不同於和。 總不 外 知之明 處之當而 出而 元明

紫陽陽明而實非得之紫陽陽明仍得之於己耳(夏峯集有識吾說可見)唯然斯其所以能和 從自心自性上打起全副精神隨各人之時勢做得滿足無遺憾方無愧紫陽與陽明』由此觀之則夏峯所得、 獲、 者豈遂爲紫陽須行紫陽之行心紫陽之心始成其爲紫陽我輩今日要異實爲紫陽爲陽明非求之紫陽陽、 不 审 |便是其聞道恍惚疑似據不定如何得聞從來大賢大儒各人有各人之體貼是在深造自得之耳 || 明 所著 述纂輯宗傳之旨即日 學 可是孔子自己體 道 無 日、 《自得剽竊》 書理學宗傳外有四書近指讀易大指理學傳心纂要等而詩文雜著語錄則合幷爲夏峯集共 「天理二字是自己體貼出來」是無時無處莫非天理之流行也精一執中是堯舜自己體 他 |人一知年解強謂了然如此之病最難醫治」(同上)故其與魏蓮陸(名一整保定 脳 出來主靜無欲是周子自己體 **—** 言陽明之言者豈遂爲陽明須行陽明之行心陽明之心始成其爲陽明。 貼出來良知、 是陽明自己體 **匹貼出來能**一 有此 通紫陽 确 言紫陽之言 貼 貼 十六 語 陽 便 出 期 明 錄 是 來。 也 也。各 得之 卷。 文叉 其 歟。

於自立 級 立漢 夏 術。 儒 楽以 漢儒 考、 無荷簡之心孝弟廉讓之行更衰亂而不變重經之效也。又曰「 依夏峯於朱陸不執同 (腰) 同一 廿 意。 終。 門名家師說 而其弟子湯斌則以理學仕清爲名臣官至兵部尚書斌河南 蓋不獨欲調 相承當詩書煨燼之餘儀文器數之月、 異所著洛學編 和 朱陸、 兼欲調 和 雖限於洛中 漢宋其蘇 州 一隅而 府 儒 學 省 删定傳授之旨猶存什一 碑記曰、 列 杜子 宋史道學儒林釐爲二傳而道學經 春鍾 -國家與 睢州 舆。 八字孔伯一 治化在正· 皆漢儒 於千 百其 與夏 字荆 人 Ľ۰۰ 時 举 峴晚號潛庵。 而 士大 理 正 學宗傳 人 學自 夫勇 心在

此分夫所謂道學者六經四書之旨體驗於心躬行而有得之謂也非經書之外更有不傳之遺學也故雕經書而言 六年年六十一所著書日洛學樞潛庵遺稿潛庵語錄蘇州奏疏乾隆元年賜諡文正。 又勸盡發忌者陰私以紆禍曰『吾不屑爲也』觀此潛庵之學力可以見矣潛庵生明天啓七年卒於清康熙二十 魔去敝簏數屑,一物不增於來時嘗言「宋以前儒者患不知道今諸儒之學備矣苟好學深思人人可得第患不力 以爲攻擊宋儒之議者而不知潛庵已先發之蓋風氣之變至此已見其端(夏峯題費此度中傳論亦云宋儒尋求 道此異端之所謂道也外身心而言經此俗儒之所謂經也」(潛庵遺稿有節文)凡此皆異日漢學之士所喋喋 行耳』(潛庵語錄)及居尚書爲忌者所中禍不測或勸委曲權要以自解曰「六十老緣尙何求吾安之矣」或 墜緒皆賴漢儒之力)然而潛庵宅心之平其過漢學家遠矣潛庵巡撫江蘇時與學校廢淫祀所請獨免賦額甚巨。

### 第二章 陸村子亭 附陸稼費

生於明萬歷三十九年少有經世之志南都之建當上書言事又當參人軍幕旣解乃鑿地寬可十畝築亭其中高臥 閉關謝客其自號桴亭者以此初講學東林已講於毘陵復歸講於里中當事屢欲薦之力惭而免淸康熙十一年卒。 年六十二所著有思辨錄思辨錄後集性書圖說詩文集體宗理耍治通治鄉三約禮衡易窺詩鑑書鑑審秘討論讀 夏拳以陽明和通程朱壽學於北而陸桴亭亦以黎陽和通陸王諦學於南桴亭名世儀字道威蘇之太倉人。

四字一日、 者、此 情 又 故 動 吾嘗觀 又有異趨者焉自孔子秉鐸於上顏會游夏皆出其門已 歎 建 其 息. 以上皆思 於致知之中增 P力各有所見: 大論學教 追 日 是 也然先生即 記、 如 ~掉痛 城守 入丈 一个字詩文集矣其與張受先論學書謂、 在 上是天下 明 鏡中。 入、 一 要略 夫事。 君子 其 辨 開千古辨爭之門也蓋自世遠言湮天下萬世之望孔氏門牆 錄、 是地、 其稍 么麼 奪 本朱子居敬窮 ڪ 八陣 亦 <del>--</del>7 良字極有功於後學』 日、 則於象山陽明皆極傾倒。 德 敬如 人居 稍 其私如或不然則亦欲然不自滿退然不自勝各尊 性 法 小家相者不足以 **─** 門等而 陸象 不同、 丽 道 日月 其 又何 問 中須是做得 山 學. 人 理之旨日「居敬窮理四字是學者 在胸萬物無不畢照」 思辨錄爲先生自紀所得之書尤足覘其學力有云『只 物 怪焉故愚謂友朋 即大居敬而 甚 偉。 承 其語: 人方不枉讀以上數語皆可令人感發與起志於聖人之道』 當又曰大世界不享卻要占個 口了陽明先生社學 其稍稍有不足之辭者以欲防末學橫流之失不得不言之益慎 貴窮理」 錄議 嘗讀先儒語錄至鵝湖一會未嘗不踴躍思慕咤爲絕盛又未 論甚 相 -不能 遇當各言其 陸稼 高氣 能觀 必其一 法最好欲教童子歌詩習禮以發其志意 象甚 音為 物理便見得虛空劈蹇都無空隙處。 闔初 所得。 思辨 志 學聖人第一工夫徹 而 **於你序稱** 小蹊徑大人不 所聞各行所知以俟諸天下萬世之公評 茍 學者讀之可以 同 而趨者蓋如 其 科 矣。 所 而 志同、 況數 其 辨 所 無 作和 同異、 提一敬字 上徹 千百年之遠學 幾矣其不幸 開 學 拓 同 下微首 要為 心 晰 所 疑似、 師 胸。 便 小 傳 سيا 其自得· 麗此 得 而 兒 日、 徹 肅其 準 態。 力叉同 問 曰、 尾、 同 人身舉止 越之中、 於 總只此 盾 陸 師 (威儀) 耳。 且 王新 是可 象山 程 傳、 則 朱 此。 入

坦然傾

竭而不敢少秘

尊 堙 ıfri 先生謂  $\Xi$ 。 已矣彼此互辨兩賢相 此 Æ 先 其謹守程朱家 生之所以成 法。 其為 厄豈所望於有道者邪』 廣大而 孔之見眞不足 唐鏡海 與 (名 語大儒之事 鑑湖 知入門得力各有所見而不同為不足怪故雖主程 南善化 也。 人嘉慶進士官至太常 卿、 作學案小 朱而 覹、 乃 必欲 亦兼用 推

者用之著 朝典 誦讀十· 皆其 故又 不講俗儒不 末世、 言質 桴亭鑒於明 、職也」 過乎 (思 日 醴、 **真是任大責重使達而在** 年講 本朝 辨錄) 文。 也。 學問 律令。 貫十年涉獵自經史詩文諸儒語錄以至天文地理農田水利兵法之書皆備而 外王之所由 知內聖外王之學徒高談性命無補於世此當世所以來迁拙之謂也」今思辨錄有讀 又曰『六藝古法雖不傳然今日所當學者正不止六藝如天文地理》 從致 儒空疏之失故 思辨: 是故桴亭之學既殊屬儒之空疏而 註曰此三書最爲知今之要者先王之學眞無愧於經世致用者矣然博學之功仍須一反之篇行。 知得者較淺從力行得者較深所謂躬行心得也。 後 鍛) 成 也。 蓋以 以其學凡 **!** Ŀ, ~ 則 文集講學紀事 體 PL. 用言即 井田 象緯律歷兵農 學校前 兩 不可 序、 人已壞之法皆其事 亦不同俗學之氾濫荀子以以淺持博以一 ت 廢。 禮樂以及當代刑政河漕鹽屯諸務無不窮究嘗 以 故 本 Ē, ·未言卽本: **—**3 君子 進 <u>\_</u> · 尤重 德 (以上皆思辨錄、 也。 窮 修 於末。 業德者 而 在 故 河渠兵法之類皆切於用 下、 體之立 日、 則凡理 道之 ر 日、 m 也內 學 尤致意於 外 經 無學道 聖之所 儒者 持萬謂之大儒。 濟 書 削 目錄、 本幫事實本 寧可行過乎 贀 EI, 學 曲 未 <del>----</del>3 之外 備之書、 積 分十年 世。 企 不可 也。 人生 若

先生者蓋可以當

之弊耳其 之者性! 奎善 諸 性、草 明之爲害更大學者不可不知。」 知 實見得此理則天命之性固是至善氣質之性亦是至善學問之功愈不可少何以言之天命之性渾然至善。 同 儒 其爲鄭似乎有二性一 於草木之性人得其全物得其偏人得其靈物得其蠢人得其通物得其塞。 皆作不 **叶木有性岩** 天更無氣除了地更無質是氣質卽天地所命惟天賦以如是之氣質故有如是之理但聖人則能踐形而、 不能學則終不能善故曰人爲萬物之靈人之氣質之性亦至善也」(文集)桴亭自言從易繁機之者善成 而亦着不得學問氣質之性幸不同於草木鳥獸矣然不學則善者亦歸於不善且看禽獸草木同是氣質惟不 則人 悟入吾則以爲有 1性有與前5 言曰、 他日 至善物亦至善何以見得至善必當歸之於人惟就氣質之性上看、 好的 在 -近來 人性之善不必在天命上 說以後遞相傳習人但一說着氣質便道是不好的物只要雕去他不。 天命上看未著於人未著於物人之性即物之性物之性即人之性無所 儒 論性只是二 不同者其詳在性善圖說而大略則具於論高顧兩公(卽景逸涇陽)語錄 則離卻 威於明 (思辨錄後集)觀此意固可見然而 氣質全說本然極是高明。 儒自龍谿心齋以後言性者堕入渺茫故轉從氣質有形處尋一着落以救其 種。 一種是選程朱之言眭 一看正要在氣質上看何以言之性字是公共的。 īfi 步不失說義理、 其下稍全是打合釋老雕 日『氣質二字因張子與天地之性分 其為至善必斷斷層之於 則人之性不同於物之性禽獸之 說氣質只在文義上依樣荷 經 知氣只是天氣質只是 分別 叛道二者之失惟均。 人 有性、 也。 無 物 京有性。 **所分別** 大旨蓋其東林 人 **置未** 無疑。 固 而 一獸有 地質。 別後、 見真 不須 性不 謂之 人苟 A 時

則不能踐形耳豈可以形色爲非天性乎。 講 有確庵文或幷桴亭文錄而刻之曰陸陳兩先生文鈔。 學者 有盛聖傳敬陳言夏瑚江虞九士韶當 此則足以箝自來言理氣者歧而二之之口大有功於理學者也。 時稱日 四 先生聖傳奧九瞥取桴亭思辨錄分類彙纂以爲 解要言 與桴亭

者、寓 謂 知陽 辨、 所著 官 疾歸屏居華亭泖上茅屋數椽布衣蔬食足跡不入城市康熙三十一年咸末疾卒年六十有三。 黑 Ľ, 曰佛氏本來面 日、 九年成進士授江南嘉定令轉直隸鹽壽令皆有治迹徵入都授四 清初 亦可睹矣充其說則人倫 則吾之所謂意也陽明言性無善無惡蓋亦指知覺爲性其所謂良知所謂天理所謂至善莫非指此而 明矣程子曰性卽理也邵子曰心者性之郛郭朱子曰靈處是心不是性是心也者性之所寫。 能 於心而非卽心也若夫禪者則以知覺爲性而以知覺之發動者爲心故彼之所謂性則吾之所謂心也。 「陽明以禪之實而託於儒其流害固不可勝言矣然其所以爲禪者如之何曰 有三魚堂文集而官靈壽時與諸生朔望講論輯之以爲松陽講義稼書之學一主程朱而力攻陽 酬 儒者二陸並稱一桴亭一則陸稼費也然稼費實非桴亭比稼費名隴其浙之平湖人生明崇禎三年以清康 酢萬變。 目卽我門所謂良知又曰良知卽天理又曰無善無惡乃所謂至善雖其縱橫變幻不 非若禪家之遺棄事物也其爲說則然然學者苟無格物窮理之功而欲持此心之知覺以 廉物固於我何有而特以束縛於聖人之教不敢肆然決裂也則又爲之說曰、 川道監察御史以爭捐納事爲政府所 明乎心性之辨則 一乾隆元 而非 可究詰 明嘗爲 知禪。 卽性 年賜諡淸獻。 記故其 齡蛇移 彼之所 也。 知 良 羅則 試於 性也 學術 而其 知 苟

尺而先生已成古人潛庵得師夏峯而清獻不得師桴亭其果清獻之不幸也。 其意 稍假以年果有所見然後徐出數言以就正海內君子未晚此時正未敢漫然附和』(潛庵遺稿有節文)者潛庵者、 謂、 然謂陽明 萬變其所見爲是者果 直 而 |以禪自任不復有所忌憚此陽明之學所以爲嗣於天下也』(三魚堂文集)其於心性儒釋之分可 應之心而處夫未嘗窮究之事其不至於顚倒錯謬者幾希其倡之者雖不敢自居於禪陰合而陽難。 氣之平殆猶勝於淸獻也淸獻敍桴亭思辨錄稱家居時聞先生之學而未獲親炙及承乏嘉定去先生之郷咫 不敢既斥姚江非篤信姚江之學也非博長厚之譽也以爲欲明程朱之道者當心程朱之心學程朱之學或天 視人倫庶物爲無有而特以束縛於聖人之教未敢肆然決裂則無乃過甚矣乎當時湯潛庵有答清獻書、 是而所見為非者果非平久沒其心本以為人倫無物初無與於我不得已而 應之以不知 謂辨之明矣。 其 檵 也 者則 得已

### 第四章 黃棃洲

並旁及於經史諸子之學凡江浙藏書之家無所不造明亡魯王立於紹興糾合里中子弟數百人從之號世忠營旣 以忠端遺命受學於蕺山先生之門蕺山專言心性而黃石齋則兼及象數當時比之程邵兩家因 即位先生年十九袖長錐入都訟冤至則魏璫已磔死乃偕諸忠子弟殼祭獄門而錐殺獄卒之致忠端於死者。 黄宗羲字太沖號棃洲又號南雷浙江餘姚人生明萬歷三十七年父忠端公尊素以御史劾魏璫死詔獄莊烈帝 更就石齋相 及歸、

完攝後鄞縣全謝山祖望爲卒成之宗義弟宗炎宗會皆有學行世稱三黃宗炎字晦木著有圖書辨惑力斥先天太 水諸心則爲俗學」說者推黎洲之學以濂洛之統綜會諸家者橫渠之禮教康節之象數東萊之文獻艮齋 之盛可以 待訪錄自比於王冕(明初人)之著書謂待遇明主不難致伊呂之業而顧亭林亦稱爲百王之敵可以復起三代 極圖說之出於道家隋儒多有稱之者。 著述甚富其大者有明儒學案易象數論明史案明夷待訪錄律呂新義南雷文定等又與子百家輯宋元儒學案末 經術水心之文章莫不旁推交通爲自來儒林所未有亦實錄也清世屢徵不起以康熙三十四年卒年八十六平生 語錄之糟粕不以六經爲根柢。」數學者必先窮經而求事實於諸史又謂「讀書不多無以證斯理之變化多而不 當道名捕先生屢瀕於險而卒得股免亦天幸也事定返里一意著述舉證人書院申載山之緒嘗謂『當道名捕先生屢瀕於險而卒得股免亦天幸也事定返里一意著述舉證人書院申載山之緒嘗謂『 播而不下者尤莫如原君原法之籍原君曰『有生之初人各自私也人各自利也天下有公理而莫或舆之有公害、 而莫或除之有人者出不以一己之利爲利而使天下受其利不以一己之害爲害而使天下釋其害此其人之勤勞、 **黎洲守其師蕺山之學以愼獨爲入德之要而要之不出陽明良知一脈其平生得力仍偏於經世爲多所作明夷** 馮侍郎京第詣日本乞援事不成而魯王亦覆然先生與復之志未已東西奔走與故將遺臣相要結冀有所**就。** 原君 徐還(亭林與黎洲書)即其書可知也然吾以爲其能言人之所不敢言而足令當時硜硜之儒爲之舌 明人講學獎 止確之

第四編

近世哲學史

孟子曰「民為貴君為輕」又曰「有事君人者事是君則爲容悅者也有安耻稷臣者以安社稷爲悅者 使天下之人不敢自私不敢自利以我之大私為天下之公始而慙爲久而安爲親天下爲莫大之產業傳之子孫受 位去留猶夫宰相也其後天子傳子宰相不傳子天子之子不皆賢尚賴宰相傳賢足相補敷則天子亦不失傳賢之 之說曰「我之出而仕也爲天下非爲君也爲萬民非爲一姓也」(原臣)曰『古者不傳子而傳賢其視天子之 享無窮漢高帝所謂某業孰與衆多者其逐利之情不覺溢之於辭矣此無他古者以天下爲主君爲客凡君之所舉 必千萬倍於天下之人夫以千萬倍之勤勞而己又不享其利必非天下之人情所欲居也故古不人量而 目私 意宰相旣罷天子之子一不實更無與爲賢者矣。」(置相明太祖以胡惟庸之變定制不置宰相故棃洲云然)且 **肚腦離散天下之子女以博我一人之產業會不慘然曰我固為子孫創業也其旣得之也敲剝天下之骨體離散天** 世而經營者為天下也今也以君為主天下爲客凡天下之無地而得安寧者爲君也是以其未得之也屠毒天下之 者達可行於天下而後行之者也有大人者正己而物正者也」自民貴君輕之義不顯天民大人之迹遂絕於後世。 下之子女以奉我一人之**淫樂視爲當然日此我產業之花息也然則爲天下之大害者君而已矣向使** 也後之爲人君者不然以爲天下利害之權皆出於我我以天下之利盡歸於己以天下之害盡歸於人 **「務光是也入而又去之者堯舜是也初不欲入而不得去者禹是也豈古之人有所異哉好逸惡勞亦猶夫** 也人各得自利也嗚呼豈設君之道固如是乎。」(下略:抑不獨原君而已其原臣置相卽皆推本 無 八亦無不可。 不欲入者、 也有天民 此 君、 人 以爲 谷得

#### 二屆月

以下無法何以言之二帝三王知天下之不可無養也爲之授田以耕之。知天下之不可無衣也爲之授地以桑麻之。 未告爲一己而立也後之人主旣得天下唯恐其祚命之不長也子孫之不能保有也思患於未然以爲之法然則 耳故前漢有政後漢無政』頗以其見爲不猶人然未若黎洲原法之論之快也黎洲原法曰『三代以上有法三代。 所謂法者一家之法而非天下之法也是故秦變封建而爲郡縣以郡縣得私於我也漢建庶孽以其可以藩屛於我 知天下之不可無數也爲之學校以與之爲之婚姻之體以防其淫爲之卒乘之賦以防其亂此三代以上之法也固 也宋解方鎮之兵以方鎮之不利於我也此其法何曾有一毫爲天下之心哉而亦可謂之法乎三代之法藏天下於。 下之人不見上之可欲不見下之可惡法愈疎而亂愈不作所謂無法之法也後世之法藏天下於筺篋者也利不欲 天下者也山澤之利不必其盡取刑賞之權不疑其旁落貴不在朝廷也賤不在草莽也在後世方議其法之疎而天 之中所謂非法之法也。又曰「 其遗於下福必欲其斂於上用一人焉則疑其自私而又用一人以制其私行一事焉則慮其可欺而又設一事以防 其欺天下之人共知其筐篋之所在吾亦總總然日推簠篋之是處故其法不得不密法愈密而天下之亂卽生於法 吾嘗讀呂伯恭論語說謂『總統一代謂之政隨事設施謂之事前漢之政尚有三代遺意光武所設施則皆是事 **論者謂有治人無治法吾以爲有治法而後有治人自非法之法桎梏天下人之手** 其

足。 卽 治法 丽 獨不為法所囿使得有所藉手其散施必有可觀者而惜乎其僅以空言而終也。 有能治之人終不勝其牽挽嫌疑之顧盼有所設施亦就其分之所得安於荷簡而不能有度外之功名使先王 而 而在莫不有法外之意存乎其間其人是也則可以無不行之意其人非也亦不至深刻羅網文害天下故曰有、 後有治人。」夫古今之論法者多矣其見即問不囿於法之中若棃洲者上明立法之本下究用法之意言法

## 第五章 顧亭林 張蒿庵附見

病書文集詩集等而日知錄尤爲一生經意之作其與人書曰「日知錄上篇經佈中篇治道下篇博聞共三十餘卷。 伏波田疇從塞上立業日『使吾澤中有牛羊千江南不足懷也』已苦其地寒去之晚年卜居華陰、 先生旣與同志舉義兵不成屢爲怨家所構乃漫游南北關塞險阻之處無不至嘗墾田雁門之北五臺之東欲效馬 於華陰距生於明萬歷四十一年年六十九學者稱亭林先生所著有左傳杜解補正音學五書日知錄天下郡國利 供晨夕徐立齋(元文)相國弟兄先生甥也買田宅迎之南歸卒不返詞科史館之薦並以死拒以康熙二十年卒。 如桴亭棃洲皆郵致其書求爲訂正其虛懷納善之心亦自未可及也。 有王者起將以見諸行 顧炎武字寧人江蘇崑山人本名終乙酉後改名炎武幼出後世父母王氏聞國變不食而卒戒後人不得事二姓。 事以騎斯世於治古之隆而未敢爲今人道也』 (亭林文集)蓋自許如此然於當世賢達、 置田五十畝以

#### 論學書

之說、 之君子所罕言 **臻周霄彭更之所問與孟子之所答者常在乎出處去就辭受取與之間以伊尹之元聖堯舜其君其民之盛德大功、** 之賢於子貢祕東魯而直接二帝之心傳者也我弗敢知也孟子一事言心言性亦諄諄矣乃至萬章公孫丑陳代陳之賢於子貢祕東魯而直接二帝之心傳者也我弗敢知也孟子一事言心言性亦諄諄矣乃至萬章公孫丑陳代陳 不知終身於忮且 **言性舍多學而識以求一貫之方置四海之困窮不言而終日講危徼精一之說是必其道之過於夫子而** 日博學而篤志切問而近思今之君子則不然聚賓客門人之學者數十百人嘗諸草木區以別矣而一皆與之言心 達顏子之幾乎聖也猶曰博我以文其告哀公也明善之功先之以博學自曾子而下篤實無若子夏而其言仁。 易傳 而其本乃在乎千駟一介之不視不取伯夷伊尹之不同於孔子也而其同者則以行一不義殺一不辜而得天下不 身以至於天下國家皆學之事也自子臣弟友以至出入往來辭受取典之間皆有恥之事也恥之於人大矣不恥 是故 未嘗數以語人其答問士也則曰行己有恥其爲學則曰好古敏求其與門弟子言舉堯舜相傳所謂危微精一 林為學宗旨具見與人論學一書曰「命與仁夫子之所罕言也性與天道子貢之所未得聞也性命之理著之 收性也命 切不道而但曰允執其中四海困窮天祿永終嗚呼聖人之所以爲學者何其平易而可循 也謂 也天也夫子之所罕言而今之君子之所恆言也出處去就辭受取與之辨孔子孟子之所恆言、 求 忠與清之未至於仁而不知不忠與清而可以言仁者未之有也謂不忮不求之不足以 而可以言道者未之有也我弗敢知也愚所謂於聖人之道者如之何曰、 博學於文行 也故曰下學而上 己有恥。 **其門弟子** 也則 道。 而 而今

症之藥。 若 蒿 咾 群 言 所 寓而 當時 **电未始不可侵裕斯** 靐 而 文集、 未 至、 庵之言亭林固 廉幾一週者故性命之理騰說不可也未始不可默喻侈於人不可也未始不可驗諸己強探力索於 好高無實之病故言之切近如此然張蒿庵與先生書即謂『 H. 而諄復者何一 靐 而乃認爲萬世不易之方則非獨不知宋儒抑亦未爲能 則行亦有所未盡將令異學之直指本體反得誇耀所長誘吾黨以去此又留心世教者之所當慮 )蒿庵名爾岐字稷若山東濟陽人亭林作廣師(見文集)所謂獨精三禮卓然經師吾不如張稷若者也。 則爲空虛之學以無本之人而講空虛之學吾見其日從事於聖人而去之彌遠也」(文集)蓋先生力矯 食 而 恥匹 大匹 無以難之也後之漢學家每好舉亭林此文以爲攻擊宋儒言心言性之利器不知是特一 演以俟自悟如謂於學人分上了無交涉是將格盡天下之理而反遺身以內之理也。 非性命之顯設散見者苟於博學有恥真實踐履自當因標見本合散知總心性天命將有是 婦之不被 其澤故曰萬物皆備於我矣反身而誠嗚呼士而不先言恥則爲無 加亭林 性命之理夫子固未嘗輕以示人其所與門弟子 也。 本之人非好古 恋 也。 其 日 時對 不可 :不特 知 萬

#### 一郡縣論

又曰、 來 封建之失其專在下郡縣之失其專在上。故以爲有聖人起寓封建之意於郡縣之中而 儒者好言封建而亭林郡縣論(見文集)則曰「封建之廢非一日之故也雖聖人起亦將」 封建之制雖足以維持永久然其主僅存而中原之民無日不爭地爭城肝腦塗地郡縣之制雖足以苟安 天下 變 治當 丽 爲 郡 辟 陸桴 縣。

封建郡 之倉廩皆其困笷爲子姓則必愛之而勿傷爲田疇則必治之而勿棄爲藩垣囷窌則必繕之而勿損自合言之私也 家各私其子其常情也為天子為百姓之心必不如其自為此在三代之上已然矣聖人因而用之用天下之私以成、 親子人之子公也然而親人之親子人之子則必是親其親子其子始今亭林曰「用天下之私以成一人之公」又、 親不獨子其子而已若欲不親其親而親人之親不子其子而子人之子則不可得也夫親其親子其子私也親人之 天下之公也』(郡縣論五魯看郡縣論二)夫公私之說難言之矣任天下之自私乎其勢則至於相爭絕天下之 自天子言之所求乎治天下者如是焉止矣一旦有不虞之變必不如劉淵石勒王仙芝黃巢之輩橫行千里如入無 太平然寇賊一訌而天下瓦解故莫若有封建之實無封建之名存郡縣之利去郡縣之弊。(桴亭文集答王登書 者得此言固足以箝其口矣吾是以特表而出之。 日『天下之私天下之公也』世有盧張高論以爲至治有公而無私而日日實人之公適乃以成其一人一黨之私 人之所不知也有私無公專制之所以傾覆也無私無公共產之所以不可行也夫孔子之言大同人之所不知也。 自私乎其勢必至於相棄相爭則亂相棄則窮窮也亂也皆公之賊也是故有私則無公人之所知自私乎其勢必至於相棄相爭則亂相棄則窮窮也亂也皆公之賊也是故有私則無公人之所知 人之境也於是有效死勿去之守於是有合從稱交之拒非為天子也爲其私也爲其私所以爲天子也故天下之私、 一人之公而天下治夫使縣令得私其百里之地則縣之人民皆其子姓縣之土地皆其田疇縣之城郭皆其藩垣。 縣問)所見正自相同然是特言其制而已而吾有取於亭林之說者尙不在此亭林曰『天下之人各懷其 也亦曰不獨 也。 無 私則亦無公。

#### 第六章 張楊園

耳。 以論 做 辨 卽 全集 爲 往。 備 其後 弟 禐 得、 以 初學備忘錄)又謂 卽 其不滿於棃洲 子然雖出 怒哀 語孟子諭之曰『孔子孟子亦是無父兒只爲肯學好便 履 申 士之來 方是實功。( 錄) 曰 深悔 黎洲以 祥字考夫號念芝浙江 陽 明之意 樂未 學者 削 發以 紹 蕺山 糖任 時 乾初知 楊園 逃遊 所 以友道 之門而所學不必與師合當輯 以 前 見之 近之學者 既馳曹 Ĺ 山、 『心要實用力要實用』又謂『道理須是舉目可見舉足可行方是實理。 段疑義、 失。 《有不能盡同於蕺山者也然吾讀其初學備忘錄備忘錄謂『爲學最喜是實最忌是浮 (備忘錄) 鼓動天下楊園即 處之而 争之而與 桐 輕於自大動以昌 楊園 初 鄉人所居曰楊園里故學者稱楊園先生生明萬歷三十九年九歲 蓋見時 於先師 不 文稿 敢 他人曹尤咨嗟太息於乾初之溺於姚江而不復反。 受其拜。 日、 語錄 流  $\smile$ 則楊園之學實得力於紫陽其時 『此名士非儒者 灕 學之風始 黎抗 鬪 其 割 日、 類伊 說 子 راحت 粹 丽 L 川尊嚴、 脱之已而 於浮濫 言一 ---入聲氣 做到 也。 曹、 、聖賢 為此不 一終於 再錄 陳乾 便長 證之朱夫子 **蕺山** 也」及長從黄石齋問 實 知昌 \_\_\_ 初 败、 確、 燆 傲 思 亦稱 字。 欲 E 黎已自失之伊 海 典 陽 便 以 寧人 ) 明 道蕺山者特不肯 湖 熟 篤 之語。 南 實 (矯之汝閉) 諸 偽字。 **蕺山之高弟** (並見楊園文稿)夫 公 丽 牁 學。 作 百 功夫須 之總 曹 機調 害與 靐 **爽父母**。 門 都 頣 書 2 沈 何可 從 潛 上襄、 也。 背 蕺 是當 見 此 修· 及 作 朱 山, 沈 其 起 屛 受業 直首、 氏、 大 子 絶交 師 下便 串 授

於高 無 抑其學又非僅以躬行而止也其與王寅旭書曰『今日言學者往往有人約而言之兩種而已重致知者薄躬, 躬行窮理兼提並顧言體而必及於用楊園之在當時與桴亭亭林諸先生亦不能有異焉耳特其指斥陽明太過謂 備忘錄)後之學者正又不得不深念此言也。 錄) 錯不得於此一錯終身受病賢者悔而知返不肖者執而彌堅悔而知返枉卻前功執而彌堅害己及物』(以上皆 自主張太過」以為平恕可破紛紛同異之論今於陽明如此無亦有慚於平恕乎雖然其曰『學者始初一步路頭 、觀其言、 文稿與凌渝安壽渝安名克貞烏程人楊園講學之友也)觀此楊園持躬之謹存心之虛固足爲一世之模楷矣, 吾人平日為學大指專守孔門博文約禮之訓以終身而已讀書窮理博文之事也切實踐履約禮之事也」是則 足 明之域 取。 故 此 本 亟稱許魯齋學者以治生為急之語曰『能治生則能無求於人無求於人則廉恥可立禮義可行』( 則 諸 無非自欺欺人之語。又謂『一部傳習錄客購二字足以蔽之』楊園嘗稱康節之言『凡人爲學失於 者也』(文稿寅旭名錫闌吳江人亭林廣師謂學究天人確乎不拔吾不如王寅旭)而備忘錄 所謂窮深極微而不可以入堯舜之道者也尊踐履者忽窮理爲不足事此則所謂淺陋固滯, 身武著爲農會曰『農事不理則不知稼穑之艱難休其蠶織則不知衣服之所自豳 風陳王業之本七 而 不 備忘 亦言、 能進 為

第四編 近世哲學史

嗣亂

月八章只

曲

詳

相尋未知何已』(農書)吾觀文稿與吳仲木書與許大辛書與吳汝典書與顏孝嘉書皆以坐食爲戒而深

衣食二字孟子七篇言王政之要莫先於田里樹畜今日言及輒笑爲鄙陋是以廉恥不立俗不長厚。

以治生爲急語學者也楊閱之教蓋猶此用心而已楊園所著有經正錄願學記問目初學備忘錄備忘錄訓子語言 懼以不能自立之故累其志氣蓋先生嘗言「人知作家計須苦吃苦掙不知讀嘗學問與夫立身行己俱不可不苦 行見聞錄近鑑農書文稿等門入輯之以爲楊園全書甲申之變楊園當稿素不食入清竟以布衣終年六十四。 於後世乎是故陸梭山之居家制用(見象山全集)吳廉齊之躬耕力食皆欲反浮惰之風歸之本務正不獨魯齊 吃苦掙」(備忘錄)此苦吃苦掙四字其先生吃緊為人處也且自士與農分學者親仰食於人爲當然而諉勞力 爲賤人之事於是莊生有詩禮發家之饑(莊子外物)荀卿有呼先王求衣食之刺(荀子儒效)古昔且然而況

年十五家貧無力就師母彰氏教之識字中孚心自開悟從人借書觀之恐通經史百家二氏之學旣棄去從事靜坐李顯字中孚陝西盩匡人家在二曲之間人稱二曲先生父可從崇正十四年以應募從軍死於襄城之役時中孚 之中孚稱疾不起大吏強舁至省中孚絕粒以死自誓乃得放歸由是閉居土室不與人接唯顧亭林至一款之而已。 門箭學既駱遷常州守迎中学南下講於東林繼講於江陰靖江宜輿及歸關中陝督部臣迭薦於朝淸聖祖 晚年移居富平年七十五卒門人王心敬輯其著述幷壽學之語爲二曲全集二十六卷又四書反身錄十四卷則清 心大有所得故顧亭林謂堅苦力學無師而成吾不如李中孚(廣節)蓋的評也盩厔仓縣鍾麟聞中孚之賢踵 第七章 李二曲 心欲致

西巡時中学命其子進呈者而早年所著易說象數畫測十三經糾繆二十一史糾繆帝學宏綱經世蠡測等皆

所指為王學之末流以禪習儒之罪人而獨有心契即其門戶可見也然中孚亦自有其彌縫王學之失之處。 富平或問良知之說何如曰「良知卽良心也一點良心便是性不失良心便是聖若以良知爲非則是以良心爲非 於起心動念或潛體密察正致良知之數也故在常州府學博問陽明良知之說曰『此千載絕學也』(彙語)在 起心動念處潛體密驗苟有一念未純於理即是過卽當悔而去之苟有一息稍涉於解卽非新卽當振而 鹽於支離萬藤故 救正如人之患病受症不同故投藥亦異孟氏而後學術墮於訓詁詞章故宋儒出而救之以主敬窮理晦庵。 必及用此其瀰繞王學者二而吾以爲其言之最予亦最實者莫如平停程朱與陸王之爭曰『先覺倡道皆隨時補 致良知明 中孚之學得自心悟故純然陸王家法其平生所持以教人者曰悔過自新說而曰『同志者苟留心此學必須於中孚之學得自心悟故純然陸王家法其平生所持以教人者曰悔過自新說而曰『同志者苟留心此學必須於 面 明道存 (富平答問)不獨是也中孚亟稱王龍谿羅近溪(近溪名汝芳江西南城人其學出於顏山農)此皆當時 必及工夫此其彌縫王學者一曰『明體而不適於用便是腐儒適用而不本明體便是霸儒』() 本 心以爲體經世宰物以爲用。」(答顧事人書)曰「理學經濟原相表裏」(答許學憲書) 體以主敬窮理存養省察爲工夫』(富平問答)曰『最上道理只在最下修能』( 陽明 出而救之以致良知」(南行述)又曰「陸之教人一洗支雑錮蔽之陋在儲中最爲醫切。 傳心錄 整屋答問 ||起之。|| 夫 言 )言本 日 「以 而

統馭。 頭腦 養是 世教人心不可以輕低昂者也若中先入之言抑彼取此亦未可謂善學也」(靖江語)觀此則中孚之會合朱陸、 令人於言下爽暢醒豁有以自得朱之教人循循有序恪守洙泗家法中正平實極便初學要之二先生均**大有功於** 過考夫之入主出奴遠矣抑中孚講學以識頭腦爲先嘗曰『學問貴知頭腦自身要識主人。 也。 涵 識主人則僕隷供其役使』(授受紀要)又問學問之道全在涵養省察當如何曰『 養個 楊園全書文稿)是又張李二先生入手之異而亦卽朱陸兩家之分歧學者所宜着 甚麼省察是省察個甚麼 也須先識 誠知頭腦 言愼行為 [服者 多不亟 則其餘 也。 頭 腦杏 皆所 亟 則 油

**廣爲名教優孟**。 直透性靈脫脫灑灑作世間快活大自在人方一了百了岩不窺性靈自成自證徒摹倣成迹依樣畫葫蘆飾聖賢皮 病之所在知有某病即思自醫某病即此便是入門便是下手』(彙語)曰『學須剝皮見骨劍骨見髓洞本徹病之所在知有某病即思自醫某病即此便是入門便是下手』(彙語)曰『學須剝皮見骨劍骨見髓洞本徹 中 乃必為中孚塗飾稱其篤守程朱護之而適以誣之是亦不可以巳乎。 宇頗近夏峯而較夏峯尤爲俊快直截日**、**我這裏論學卻不欲人閒講泛論只要各人迴光返照自覓各人受 後世有逃焉吾弗爲之矣」(答王心敬書)嗚呼自象山陽明而外蓋鮮有能爲是語者矣而 學案

### 第八章 王船山

王夫之字而農號襄齋湖南衡陽人生明萬曆四十七年中崇稹十五年鄉試明亡從大學士瞿公式耜於桂林時

詩春秋稗疏四種、 內外篇俟解驅夢黃書識小錄畫齋文集薑齋詩集等又嘗注釋老莊呂覽淮南並及於瞿曇之相宗而 春 秋 周 齿 王監國授而農行 **曹康熙三十一年卒年七十四自題其墓碣曰明遺臣王某之墓卒後四十年子敔抱其遺書上之督學於是易書。** 家說、 易大象解周易稗疎 猺 雜處終不薙髮易服晚乃歸 春秋世齡續春秋左氏博議四書訓義四書稗疏四書考異讀四書大全說張子正蒙註近思 易詩考異兩種得因緣著錄四庫然當世知而農者甚鮮故其學竟不彰道光間族孫世佺刻其遺 .人尋以母病歸而瞿公殉節桂林桂王亦獲沒而農知事不可為途晦迹不出。 周易考異周易外傳書經稗疏尚書引義詩廣傳詩經稗疏詩經考異、 衡陽之石 船山。 築土室曰觀生居晨夕杜門學 者因 稱 船 山 (禮記章 先 生。 展 (轉郴) 著 錄 句、 為相宗絡索 有周 釋、 永漣 春 思 秋 稗疏、 問錄 易內 邵

見思問 典 庶 問 来 者。 錄 乃 而 /漸有道之者。 其道之行命 農著 張子為近而農旣取張子正蒙而為之注而 俟 錄 解、 解矣是故其所常言曰清虛 音雖多而以 内篇) 則 理氣之談儲釋之辯以及爲學之序修齊治平之方天地日月升降消息之故、 會不逮邵康節之數學是以不百年而異說與」(張子正蒙注序)斯其有意於上繼張子之絕學。 皆述張子之說而 其學略具於噩夢黃書俟解思問錄內外篇噩夢黃書多言經 作大學補傳衍日『今使絕物而始靜焉舍天下之惡而不取天下之善墮其志、 一大曰二氣之良能曰言幽明而 謂「張子之學上承孔孟如皎日 不言有無曰心能檢性性不知自檢其心、 制蓋 麗天無幽不燭惜其門 一日知錄 婦不 明 **逃竊皆考之、** 夷待訪錄之流思 未 其 有殆 ~ 並

下無當也行 息其意外 微因緣天地、 **矜其大斯**二者乍若有 意念求吾心之所读 其身於是 明不能盡則誣天地日月爲幻妄蔽其用於一身之小溺其志於虛空之大者當時李二曲 焉而不得處焉而不宜則固然矣」其於釋老之教之蔽可謂直窮本源然即張子正蒙所謂以六 m 丽 所睹而可謂之覺則莊周瞿曇氏之所謂知盡此矣然而求之於身身無當也。 不可得於是棄 侗 洞 焉晃晃焉若有一 其 本有疑其本無則 澄澈之境置吾心而渝以安又使解析萬物、 有如 去重 而 輕去拘而曠將與 無形之虛 求物之始 求 同 而 **清學**整匡 體而 之於天下天 不 可得、 可 人根之 以 窮測

穆不 所 之關 其稅成今使言者立 曰, 惡從 至於命至於命而後知性之善也天下之疑皆尤乎人心者也天下之變皆順乎物則者也何善如 其 知之爲知之不知爲不知知有其不知者存則 聞、 船 E 學 復興。 生哉。 已何靜之有」言有 有也天下果何者而可謂之無哉言龜無毛官犬也非言龜也言冤無角言麋也非言冤也言者必有 山之說可述者言動靜則主有動而無靜曰『太極動而生陽動 則不聞之聲著。 一動一 實則二曲之學非關學而得關學之精髓者乃在船山也。 靜闔闢之謂 二無於前 盡其所言則不言之義立」又曰『言無 無、 則 也由圖 博求之上下四維古今存亡而不可得窮矣。言性則推之命而 主有有而無無曰『 「而關由關」 既知有之矣是知 而闔皆動也廢然之動則是息矣至誠無息況天地 目所 不見非無色也耳所不聞、 者激於言有 心因此 之動 者而 而求之者盡其所見則不見之色章。 也靜而生陰動之靜也廢然無動 破除之也就言有者之所謂 非無聲 也言 別於習曰、 所不通 之哉測性於一區、 乎維天之命、 非無義 所 Í, 而 盡 有 静、 性以 而後 盡 也。 而 謂 其 故 陰

楚楚也、 古之肌 生而 之光 婦皆氣化之良能也能合古今人物爲一體者知見之所得皆天理之來復而非外至矣故知見不可不立、 也」(思問錄內篇)夫行己有恥亭林言之矣以難自處楊園言之矣(見備忘錄)若夫日新之化言之若是其。 知見之自生資於見聞之所得見聞之所得因於天地之所昭著典人心之所先得人心之所先得自聖人以至 胜 其 舊 者消 規 則 肉惡足以語 稻 模 非 也、 同 也。 儀 人所 m 象 眆 非昨火之即令火水火近 諸賢所能 未 <del>日新之化哉</del>。 非謂質也質日 知也人見形之不變而不 及 也。 然而 <u>\_\_\_</u> 代 (思問錄外篇) 船 iffi 形如一無恆器而有恆道也江河之水今猶古也。 山固得之於正蒙者試取船 ım 易知日月遠而不察耳。 知其質之已遷則疑令茲之日月爲邃古之日月今茲之肌 日『知見之所自生非固有非固有而自生者日新之命 山正蒙注 爪髮之日生而 而讀之可以覆 高者消也· 而非今水之 被 人 所 也。 知 也。 卽. 也。立 古水。 肌 肉 肉 其誠 於夫 也原 鐙燭 之日

用五。 三百六十九也十雖不用而一卽十也不倚於一數而無不用斯以範圍天地而不過太玄用三皇極經 而 奇偶二也三畫 又 為之象數 洪範皇 多爽 船 山 頗 《也』又曰『乾坤之策三百六十當期之數夫氣盈朔虛不入數中亦言其大概耳當者髣髴之辭。 **私也於理** 不 極用 然於象數之 亢。 丽 而立之象數、 固 小 不可謂三四五九非天地之數然用其一廢其餘致之也固而太過廢之也曠 成三也揲以四、 學。曰、 則 \_ 在 有天道而 天 四也大衍之數五十五也六位六也其用四十有九七也八卦八 丽 爲 象在物 無人道。 7】 (思 丽 有數在: 一問錄內篇)又曰。 人心而爲理古之聖人於象數 **—** 惟 **L易兼十數** 而 而 参差 得 而 理 也。 不及宜 用 世 也。 用四。 之。太 乾坤之策 未 也。 聞 極、 其乍 潛虛

天地積微成章之化其足憑乎。(以上外篇)觀此則自來言數者紛紛皆可以關其口矣故吾之爲此當自 則其積之所差必甚。自四千三百二十以放於坤數之至蹟其所差者以十萬計是市確家收七去三之術也而以限 **穬矣經世數十二之又三十之但據一年之月,一月之日以爲之母月之有閏日之有氣盈朔虛俱割棄之其母不異** 以下亦皆撮其理而略其數者此也。 萬一千五百二十當萬物之數非必物之數恰如此而無餘欠也旣然則數非一定固不可奉爲一定之母以相 太玄

## 第九章 唐鑄萬 附胡石莊

之序其書稱其遠追古人曰『不名潛書直名唐子可矣』然魏潘耍取其文若其者書之意未能及之今觀潛書盛 之言良知出於孟子故欲由陽明而上達之孟子卽其書尊孟宗孟之後難以法王可見也、奪孟宗孟法王皆篤名) 名衡書復更名潛書事都魏叔子麟見之曰『是周秦之書也今猶有此人乎』吳江潘次耕耒顧亭林之門人也爲 縣知縣十月而去職因不復仕僦居吳市炊煙嘗絕而著書不輟成書九十七篇上篇五十言學下篇四十七言治始 上篇法王)而其自方於古之人則曰『甄不敏顧學孟子焉』(下篇潛存)蓋鑄萬之學自陽明而入而陽明足陽明可』,一時足以忠恕立教如關茅成路陽明子以良知輔教如引迷就路若仲尼復起必不易陽明子之言矣』 唐甄字鑄萬原名大陶夔州人生於明崇藏三年隨父宦吳以寇亂不得歸遂家於吳焉入淸以舉人仕山西長子

似 **豈為一治父子相殘兄弟相讎夫婦相反性何以通天災傷稼人禍傷財凍餒離散不相保守性何以通盜賊忽** 利 道 不成孝悌忠信若續所割二尺五寸之帶還為五尺之帶可圍可結可綴兩端 綴 左右 下官」(性功)而更從而爲之喻曰『方今之制度朝賓之服必束絲帶絲帶之長五尺綴以錦包綴以。 城滅國屠市啟聚不得其生不得其死性何以通但明己性無求於世可為學人不可為大人可爲一職官、 功。 抑 成 泛不 故卽性之無 天下故作爲性才性功之篇(皆上篇)曰『世知性總不知性才』曰『 其 修 一水萬器萬水器雖有萬水則爲一於已必盡於彼必通是故道無二治又非一治以性通性豈有二治通 有 既裂身自爲身世自爲世此不貫於彼彼不根於此強合爲一雖或 仁不成天下歸仁亦不成克己孝悌忠信制梃撻秦楚爲一 疊 外 《所以尊宗孟子者尤在孟子言王政言以齊王猶反手蓋深痛於世儒之學精內而遺外可以治一身**、** 身致中和育萬物爲一帶取致中和、 7見正以 稱 曲, 繞 市 後結 人 (必笑而) 窮 不能者別謂爲才別謂爲才似有歧見正以窮天下之理盡天下之事莫尙之才惟 前 天下之理盡天下之事皆在一性之內更別 丽 不取然則 亚 其殘斯爲有用之帶若有愚者割 雖 爲美帶割之途不成帶修身治天下爲一帶取修身割治天下不成治天下。 割育萬物不成育萬物亦不成致中和克己天下歸仁爲一帶取克己割天 五尺爲二尺五寸者二持以關於市圍之不周、 無才。 帶取孝悌忠信割制梃撻 小康終不成治」( (以上性才)日『一 道惟一 之殘鞋然然而 性豈有二名人人言 同 秦楚不成制梃撻秦楚亦 中在 形一 上) 官心性言學 性萬形 此 續 **脊終不** \_\_\_ 性。 / 結之不得、 萬性。 性不 不可 別謂 而 佩 所 刀、 至破 難通、 如 為才、 足以 為天 綴 以 大

第四編 近世哲學史

必極之於事功此鑄萬之意也且其論儒釋老三教之別曰「老養生釋明死儒治世三者各異不可相通合之者誣 者愚。 』(性功)以治世者謂之儒其意不亦彰明較著矣乎。

之一室喪其 也海內之財無土不產無人不生歲月不計而自足貧富不謀而相資是故聖人。 食之者常百 之理即亦未嘗不言之曰『潞之西山之中有苗氏者富於鐵冶業之數世矣多致四方之賈椎鑿鼓瀉膽輓所之理即亦未嘗不言之曰『潞之西山之中有苗氏者富於鐵冶業之數世矣多致四方之賈椎鑿鼓瀉膽輓所 篇大命)是以室語篇(下篇)直斥自秦以來凡為帝王皆賊而省官篇(下篇)亦云多官害民然於貧富相 於後則傾不平故也是以舜禹之有天下也惡衣菲食不敢自恋豈所嗜之異於人哉懼其不平以傾天下也」(上 之灰無食者見之以爲是天下之美味也人之生也無不同也今若此不平甚矣提衡者權重於物。 **垮池為安乘者必有酶足王公之家一宴之味費上農一** 絡鏡 萬言治歸於上下均平曰天地之道故平平則各得其所及其不平也此厚則彼薄此樂則彼憂爲高臺者、 錙銀 財不可 (百室者· 市 餘 人或經 勝用矣』(下篇富民有節文)夫孔子曰不患寡而患不均不患貧而患不安不均亂 販貸之石麥斛米佃農貸之匹布 也 也里有千金之家嫁女娶婦、 治者陳義可高而不可不本於人懷準於事理若鑄萬者其能 其主盜上獵其一下攘其十其冶遂廢向之藉而食之者無所得食皆流亡於河漳之上。 尺帛鄰里黨戚貸之所賴之者衆矣此藉一室之富可 死喪生慶疾病醫疇燕飮廣饒魚肉 歲之穫猶食之而 不甘吳 無生財之術因其自然之利 西之民 知此 果 蔬 者乎 非凶歲為親粥雜 椒桂之物與之為 則墜負 為百室 也以不安面 擔 丽 市 者、 以 養者 者 此 藉 萷 荍稈 必有 取 衆 而

鹏鵒 有歸 逝也、 皆有 陽 無 絕為 其一 H 自 卒年七十 老矣而 為胸 有 蒦 明。 形 日月迭行、 形 也。 楠、 穳 天 日鸐鴿與 八個之母 而 故 雖 得 者在 地、 無 爲 不 其言生 易其 逝。 ęp 精 死至、 長 陽 五叉其 其 久乎。」 又曰 『天地之混闢大矣。 必有為混為闢者在其中而後不窮於混 有 明 無 不 <del>然</del>古令無往 者死、 Ź 全、 養夜相 形 是果 生。 天 陽明 如 過風 死之 耐 學 m 旣 地 赢器 後不窮於絕續也人之死生多矣必有非生非死者在其中而 爲萬億職鴿寅萬億職 何其速化之可哀乎察其形爲精精爲形萬億 生 長 破祟(上篇) 者、 而 故純然襲自佛 然此聖· 亦即因之兼通佛氏之學皆曰「 檵、 旣 久 更 莊、 也。 如馳馬然世之逝也自皇以至於帝王自帝王以至於今茲如披 鵒 來。 無 天地不. 茅 以 練 無 辨 至於今八之所知限於其 死 人 而 生。 奥 聚之復傳爲 其 知終始、 除黨 非佛。 其斯 衆 說曰『唐子見果嬴曰果嬴與天地長 人同 爲 鑇萬持佛 下篇) 确而 者也。 丽 至 此三 矣乎。 形。 形 聖 指摘 之說、 身也果鳥其短忽乎天地其長久乎果鳥其易形為 菲 人之所以 異、 (以上上精博 類者見數不越歲 女目 今年 一 甄 血氣 而又不 **é**p 也生爲東方聖人之徒死從西方聖人之後矣』( 精之 異 朋 自諱、 成 於衆 黨之害亦多有可取者以文冗不錄。 年之間、 果赢 心精 如 觀)且當鑄 人者有形則 **月之間**。 生、 此。 非 是亦 雖 異、 來 入 人 心。 年一 易 gp 形之初 可 其形而爲萬億 而 見桃李 謂 萬之時 後不窮於死 果 逝、 謂 嬴死、 之同 卓 無 阚 關 也。 形 籍然。 者矣鑄萬以 今日 長 Ħ 也。 收 爲儒 則 於實 物之絕積 桃 丽 不 逝順 者之 人之逝 业 李 生也」又曰、 果贏實萬 為鸛鴿之子 與天 (結於彈) 久。 於形 舉 其 爲少爲 衆 短 有 地 者 矣必 億果 忽乎天地 長 幾 禪 說 者 者生、 入 平。 四 於 逝. 代 有爲 也。見 時之 不窮。 百 必斥 立 mi 老 來 面

事功獨言 椒 相 銖 之極至於反悖猶復雜 而別言理故處事不以理所行無當乎道之事又所言之理皆不足處事亦無當乎道之理卒疎之極必生迷惑迷 道 為依 醰 者人心不正爲之人心不正不可教誨而返於正也往往大殺戮而後轉聖賢不忍其至此 弗 書 愼 百 銖 薄事功而 近 年之後制 利 從 其身、 歸。 校寸寸 也。 萬同 病 四 歸、 丽 册、 道 日、 訓 依五經法言同先賢是非奇僻之曹異端之學黜而不入諸子百家之文非至精粹者不稱引也。 閉戶不出著釋志六十篇又自敍一篇共三十餘萬言道光中武進李申耆兆洛 相 迪 因 為友 時能著書成一家言者尚有一胡石莊石莊名承諾字君信湖北天門人崇禎舉人入清、 英 道德非以道德阻塞事功之途而專美三代以上之數人也以爲天下撥亂之時少釀亂之時多釀 者損益用焉已 度不 盡洗一 爲文之指三一 而度終必有差也」 子. 人借觀亡之深以爲恨則石 相 孫 近也雖 世之利、 至於數 糅其學卑隘其志盈滿其氣堅僻其心膠固其識俶詭其辯不得乎體之一而欲其用之通。 爾。 有漢唐之良法不可行於今者千百年之 日務實務實者欲事事可行 百年不見兵革之慘是為車爲航以濟窮途也此聖賢之 欲以從事 吾觀其古制篇言古封建井田之與廢、 有節文) 於高明 莊著述固尙 則信乎其所謂 不 為邪慝所塗婉而 也二日務平務平者欲人人能行 有 在釋 務實務 志以外 五於陷溺症 後利 平不 者石 有云『雖有三代之良法 離事 病不相因也居今而 使各安 莊之學大略 而言理者也至若雜 至仁 其村 刊 也、 臣之義 其書、 心三日 見其自然 也。 故嚴於王伯之辨略 歌善治亦 m 石 一周野市 《父子之恩》 從道。 班之書、 敍。蓋 序謂 不 記篇謂、 可行 若夫 道 舊藏 則 以 如 取 於 便以 從 可 雛 制 **全者、** 成 以 其 亂 聖 度 加 愍 丰

下千 功 载、 古之識 皆未常 非 m 其異能通乎聖人之用心者不能道也故以石莊。 事 功。而 兵略軍政亦且兼及於武事(成務功載兵略軍政皆篇名)然而 與錳萬較以才則鑄 萬過於石莊以識則石莊 乃持論如 **然是者是非** 有 於 Ŀ

#### 第 顏智藥李恕谷

程朱之學立 卒、遂歸 六 院。 不講堂上琴竿弓矢攤管森列焉嘗書與夏峯桴亭並力斥宋學之失(見習齋餘 數 、藝日禮 顏 為立規制甚宏中日習講堂東一 攻守 等 元、 科。 字易直又字渾 顄 門內 詧 月、 樂射御書數見周官大司徒)名其齋日習齋教弟子以習禮習樂習射御習書數凡兵農水火諸 **空談心性** 陣水 氏走塞外尋父父已亡得其嘉於瀋陽。 直 陸諸 東日 至. **昭戦法射御**は 而 理 然直隸博野人。 不切於實用欲復古三物之教(三物一六德日知仁聖義忠和二六行、 學濟。 西 技聲等科。 於水因解歸歸。 日 帖 齋日文事課禮樂書數天文地理 括齊。 生明崇禎 者北向。 東二 齋日 後八年而卒年七十時清康 八年幼随台 乃招 則 經史。 凡 魂題主奉之而歸元少好陸王之學繼又從事程朱終乃 習 、課十三 程朱 父寄養於蠡朱翁而父被兵掠至遼東朱翁妾又生子翁 陸王及制 樫、 胝 等科。 代史詩文等科西二 奉 業者 西 熙四十三年 居之意 齊日 記)晚年被聘教於肥 武 也。 備。 仼 齊 課黄帝 羅致 元在朱翁家時 日 日孝友睦婣 垄 而 太公孫 能。 以 漸 課 引 水 推之也會 管人 吳諸 鄉 火、 漳 學、 任 I. 雅所 鄭、三 學、象 以 子兵 南 睿

大

Ħ

氦

漳水

盛

堂

| 舍悉沒:

**塚王源**、 洲之門 赭 覹 學 辭雅正十一年卒於家年七十五智齋不著書今傳者惟四 同 注、 年、 舉於 生及歸宗遂乘去故以布 治中、 年恕谷乃去。 施 稐 於 語 傳注孟 民物在 為輯年 德清戴子高望撮取顏李之說爲顏氏學記一書近東海徐氏彙刻顏李遺書又命其門客爲顏李語要各 人也尤篤服 鄉。 已入京時三烯平後清聖祖 旣謁選得知縣以母年高改選通州學正 譜二卷鍾錢追記所聞為言行錄二卷闢異錄二 子傳注周易傳 人猶在己也恕谷應之往勤用恕谷言百廢具舉富平稱大治而關西學者聞恕谷之教說來問 恕谷恕谷嘗著大學辨 衣終門人傳其學 注春 秋傳注詩傳注學禮錄學射錄黎忘編擬太平策聖經學規纂論 方留 意文學。 業季野為作序以張之恕谷有故人曰楊勤作令陝 者曰字璟埭字剛主別字恕谷蠢人奉父命 四 方名士醫集輦下見恕谷莫不納交者鄞! 旋告歸遷居博野修葺習齋學舍以教學者。 會正誤習濟除記、 卷恕谷所著大學辨業外、 并存學存性存治存人、 韴 有 事習 小學 處士 西富平請恕谷往。 齋。以 稽 萬季 業大 四編。 朝貴聘薦皆力 學恕谷文集等。 康 熙三十 野 學 而 斯 中 門 同、 庸 人 居 傳

聖學之 **焚堯舜周孔之道**、 齊 毁 禮用 井田 綸 學大旨具 嚺 封 建焚 缺莫振浸程於魏晉隋唐、 更孰 書 見其為恕谷所 坑儒。 從而 使吾儒 問 之乎宋代當舉世憤憤罔知所向之時而周子突出以 作大學辨業序曰、 經世之大 訓詁日繁佛老互易淸談詞章譁然四起禍 法大學之制淪胥以亡。 昔者孔子沒而 兩漢 諸 **『子分傳楊』** 起 面 治 尚 墨莊 積而 其傳於禪僧壽 雜 齎 至 儒 列 五季百氏 者 乘 徒拾 間 而 **涯道士陳摶者**、 遺 起、 舉 經 鼓 爲 其 訓 詖 譒 說。 傳、 兵 齟

卷、

顏李師承記

九卷。

又何 習齋以爲學之不必知之知之不必能之謝上蔡謂 學 人亦 世 智 肆 湮、 與弟子今日 尙 丽 雛 中無 講 而 實 行 其 人 艺 趨。 不能 巴郎 儒道、 讀 得。 禹 粉 才 詭、 丽 止 客落莫謂 所 儘 益 飾。 古大 至善之可言乎以 丽 詩 聰 Ē, 矣』(習齋記餘)蓋習齋之學微獨不取宋儒之空談心性。 竟若左右虞周頡 可 孔 明 繒 習禮、 青六 也。 混。 壆 圌 顏之實事否徒空言相 明 <del>-</del>-7 德之實 孔門之博學、 教 雖 譄 著書 膜 夏 商 樂射 明 藝 聽、 人之 日習 亦 人 創 功 非 亦 御 法、 開 徒列 射。 不 書數、 秦人 周之文物盡滅 故於堯舜三事之事、 溷 一宗程朱陸王皆奉之相率靜坐頓 間 **版旗孔孟** 能 學禮 矣。 有可 、坐講 笷 醒 強使之亡而不能盡 相 率讀講 也。 非 學樂學射 ,與言性 癈、 聽。 雖 後 者。 要惟 醒人亦不知 日試 観後: 紙上加 世章 其迹雖 莊釋、 命者亦因: 句 學 講 御 紙。 世之國 肵 合清 卽 學 能 而靜 可 兩 教習。 託。 二者潛奸! -筕 書 漢英雄之幹濟賢守令之政務、 事 談訓 横渠以醴教 其自悟 數。 坐 學 者, 也。 <u>~</u> 習 語錄中 所 鄉 E 德利 至易書莫不 學、 暗易、 至 可 存 爲一堂而習行禮樂兵農之功廢所 已深方與 得 難處 學 尙 悟驗喜怒哀樂未發時氣象曰以不 有學。 用厚生見古文尚 藴 面 有古大學學習之物否 而消亡 公人其門-來問、 共 性 講 理 小學大學 言。 方再 之、共 評、 白 亦不取漢唐之訓詁 遂不知所 學 人下稍頭底只溺於形名度數之間。 與講講 日、 醒 也。 泛、共 存 中 周 亦莫及焉。 南召南] 學 無學矣。 書大禹謨) 底 僕妄謂性 (行之者) 之功 編 矣生民之禍、 試觀 總 有 一番卷兩 綸 日 爲也。 性命之 命之 注疏。 赭 限。 兩宋 而 儒譜 (智之功 周孔三物之物 謂 嚭 觀觀之。 理 [編中 及今五 其所 親民 香魯 錄 倍甚 學 作 态 其 張 不 為學者 言為既非後 晉 無 用、 可 有 者 不 色。孔 講 腊 如 傷。 百 唐。 無 皇 特 詩 也。 小學 進 其 rþ. 华 行 此 人具矣。 子 專 氏 在 傳 法 偭 得 也。 惟 講、 大 實 À 贊 遂 矩

知

腋膏、

何

子亦只能使人行不能使人有所見功候未到即強使有所見亦無用也孟子曰行之而不著焉習矣而不察焉終身

無所見處。」習齋則日、民可使由之不可使知之道之以傳齊之以禮此聖賢百世不易之成法也雖周公孔

由之而不知其道者衆也此固軟知道之少而吾正於此服周公孔子流澤之遠也布三重以教人(三重見中庸謂

教人

明理。

事者有清 平皆有 佑、 無不 榧 也⇒ 免於衰 至於極。 嫻 餘 佑 (恕谷大學 其 熟恕谷學禮於習齋學琴於張而素學射御 絕也。 事而 字 代求 皆格義 介 學 麒、 孫夏峯 其 其事皆有其物周禮禮樂等皆謂之物是也格物者謂大學中之物如學禮學樂類必舉 也物、 學能上掩宋明而卓然自成一 辨業)通採各書之說而蓄成其義凡以見格物之不離身智而已當時習齋於兵法技擊、 門人)學會於彭通學數於劉 物有本末之物也即明德親民也卽意心身家國天下也然而謂之物者、 宗惟習齋恕谷足以當之獨情乎訓詁考據之盛而顏李之 於趙錫之郭金城(金城字子堅亦智齋門人)問兵法 見田後聞蕭二 Щ 毛奇齡聲樂乃從學於浙江蓋集所 則以 誠 其 E 修齊治 於 謂 事、 傳乃 馳射、 能 王 造 其

者、 羞 曰, 私 大 中 小據於己引而之右則蔽其當愛而不見愛其所不當愛而鄙客之柔惡出焉以至羞惡被引而 如 能 歪正 齋 此。 也。 中 。 雖不主玩言性道而論性則有不同於宋明諸儒者亟稱孟子爲不善非才之罪之言而重複爲圖以說明之。 見當辨之物 直及之是性之義其能羞惡以及物者才也見當敬之物而情之辭讓能直及之是性之禮。 渾然一性善也見當愛之物而情之惻隱能直及之是性之仁其能惻隱以及物者才也見當斷之物而 更無惡之可言故孟 順 應而 不失 而恃之是非能直 其則下此者才色誘於外引而之左則蔽其當愛而不 子曰乃若其情可以爲善者爲不善非才之罪及 及之是性之智其能是非以及物者才 世味 見愛其所不當愛而 也不惟聖賢與道爲 紛乘貞邪不一惟聖人 一難常 其能解 為侮辱殘忍斷讓 資營之剛 八稟有全德、 人 譲以 率 及 性、亦 情之 物

即命之曰惡是指刀而坐以殺人也庸知刀之能利用殺賊乎』(同上)智務於宋備之中獨許胡安定張: 者可以爲偏至之聖賢朱儲乃以偏爲惡不知偏不引敵偏亦善也』 智齋記餘)然智齋更有視桴亭為進者習齋不獨謂氣質之偏無害於善且以爲氣質之偏正可爲善故曰、 之身竟呼之曰禽獸猶幣帛素色而旣汚之後遂呼之曰赤帛黑帛也而豈其材之本然哉」(存性編性說)習齋之、 之情與奸雄小巧之性之情而本來之禮智俱不可知矣嗚呼禍始引蔽成於習染以耳目鼻口四肢百骸可爲聖人 成貪營鄙客之性之情而本來之仁不可知矣染成侮辱殘忍之性之情而本來之義不可知矣染成偽飾諂媚 師友提撕知過而善反其天又下此者賦稟偏駁引之旣易而反之甚難引念頻而蔽愈遠智漸久而染澌深以 所近心志之所顧才力之所能以爲學則無齟齬扞格終身不就之息故盂子於夷惠曰不問道惟願學孔子非止以 横渠爲近孔門學數」(存學編性理評)然至横渠變化氣質之說則力非之曰『人之實性各異當就 意蓋不認氣質之惡以惡皆由外之引蔽習染而然此與陸桴亭論性相合故其與桴亭當有喜先得我心之語(見、 孔子獨上也非謂 僕學之宋儒中上許胡安定張橫渠爲有孔門之百一。』(習齋記餘寄李復元處士書)又曰『宋儒胡子 顲、 本 而 為偽飾諂媚是非被引而為奸雄小巧種種之惡所從來也然種種之惡非其不學之能不慮之知必且 見不純爲貪營鄙吝諸惡也猶未與財色等相習而染也斯時也惟賢士豪傑稟有大力或自性。 夷惠不可學也人之質性近夷者自宜學夷近惠者自宜學惠今變化氣質之說是必平丘陵以爲 ( 存性編性理評有節文 ) 又曰、 <del>-</del> 其質 氣稟 魔悟或 偏至 外惟 渠。曰、 偏而 之性 性之 至染

說也宋 者夫存: 徒失 川澤塡川 之化者也而人則獨得天地之全爲萬物之秀也」(習齎記餘)即本之濂溪太極圖說然此猶可曰早年所作也。 地之自然也凡主生者皆曰男主成者皆曰女妙合而疑則又生生不已爲天地者萬物之大父母也父母者傳天地 爲者形也氣皆天也形皆地也天地交通變化而生萬物飛潛動植之族不可勝辨形象運用之功不可勝窮莫非天 暫齎於宋儒之書亦有取有舍如近人專取習齋**攻擊宋儒之言論爲之標榜一若顏李之學與程朱之學不** 於變化氣質者蓋不足異且習齋護濂溪而所作人論有云『太極峰陰陽陰陽生五行陰陽五行之清焉者氣 ,其為包為龐而已矣。」(四書正語)夫孟子主性善則曰擴充荀子主性惡則曰矯飾變化氣質荀子矯飾之 性編 者殆未之深考 **儒分理義之性氣質之性固調停孟荀而兼用之者特未肖明言之耳今習務一** 澤以為丘陵也不亦愚乎且使包孝肅必變化而爲龐德公服德公必變化而爲包孝肅必不可得之數亦。 固恕谷所謂先生悟聖學後著者(見恕谷存治篇書後)而如剛惡柔惡云云亦濂溪通書中語。 也。 以孟子性著為歸則其 能並存 也。 從知

文忠公居正也見恕谷文集)懲忘稿者恕谷自稱因習濟存治樞而作以廣其條件者也(見存治篇書後)而其 也刑名也其道如何曰六府三事(六府水火金木土穀亦見大禹謨)教養兼舉可以光四表格上下者王道也清、 習務恕谷論治不諱功利習務著宋史評辨王安石之被誣(見習濟記餘)而恕谷則力稱江陵之功(江陵明) 張

## 第十一章 戴東原

清代漢學大師 首推東原東原師婺源江愼修永永有朱子近思錄注蓋猶豫爲宋儒性理之學者而東原則學宋

本文又見東原集,其後阮文達公元作性命古訓論語論仁篇(見研經室文集)焦里堂循(甘泉人)著論 原善論性諸篇旣又取原善而授據經義爲之疏通證明焉今孟子字義疏證原善並收入戴氏遺書而論性及原善原善性諸篇旣又取原善而授據經義爲之疏通證明焉今孟子字義疏證原善並收入戴氏遺書而論性及原善 釋孟子正義要皆根據東原以爲說。 以宋儒言性言理言道言才言仁義禮智言誠言權皆與孔孟之旨不合類糅雜二氏之言於是作孟子字義疏證及 修官四十年會試不第被命一體與殿試賜同進士出身授庶吉士越二年竟卒於官年五十有五平生著述甚富而 自幼即如此長通訓詁考證之學中乾隆二十七年鄉試四庫全書館開因于文襄公(敏中)薦恃召以舉人 以 東周」『日 之學整推翻之東原名震安徽休鄉人始就塾塾師授大學章句問曰『此何以知爲孔子之言而 知爲督子之意 周宋相去幾何時」曰『幾二千年』曰『然則朱子何以知其然』師不能答其讀書必窮究實在 而門人記之』師曰『此朱子云爾』問『朱子何時人』曰『南宋』又問『曾子何時人』曰、 曾子述之又何 充纂 題語 査

齊作四章 子言條理未有遺懸一物以爲之理者今雖至愚之人處斷一事實語一人莫不曰理蓋自朱以來始相習成俗夫以 理爲如有物爲得於天而具於心未有不以意見當之者也」(見孟子字義疏證本文甚長摄其意如此)且顏習 東原所最指斥宋儒者為程子性即理也之言而朱子中庸註引之東原以為『理者分理故中庸言文理密察孟東原所最指斥宋儒者為程子性即理也之言而朱子中庸註引之東原以為『理者分理故中庸言文理密察孟 而倡為明理之學不知孟子所謂理義悅心有自己註腳曰仁義忠信樂善不倦仁義等又有許多註腳」故 者正誤亦舊有是說矣曰『理者木中紋理也指條理言』又曰『前聖鮮有說理者孟子忽發出宋 人逐一

第四届 近世哲學史

神明 然習齋東原亦有爲而發之者也東原之言曰「理也者情之不爽失也未有情不得而理得者也」又曰『就 道對言漢人卽已有之夫曰理曰道皆虛爲之象者也今謂宋人始言理而以理爲如有物失之鑿殆爲不深考矣雖 而日、 心深禍斯民也大而終奠之或寤」(孟子字義疏證序)爲意不可見乎。 人以 理之說盛而天下有外情以言理者矣有外事以言理者矣外情以言理外事以言理則 戴子高即謂東原作孟子緒言本於習齋之哉 (見顏氏學記) 夫東原是否本之習齋不可知若其說則固相合矣 非事物之外 『彼目之曰小人之害天下後世也顯而共見目之曰賢智君子之害天下後世也相率趨之以爲美言其入人 意見為理 於事物成足以知其不易之則醫有光皆能照而中理者乃其光盛其照不謬也』 曹朱裔傳其崇厚論曰「行違於道則愧生於心非畏義也事違於理則負結於意非憚禮 也而後之人以意見為理者則未皆不 別有理義也有物必有則以其則正其物如是而已矣就人心言非別有理以予之而 藉口於程朱之言是以東原從而辨之觀其反覆於意見之害、 所謂意見是 (並孟子字義院 也程朱 具於心也心之 也。 避、 以 未嘗教 夫自 事物 理 奥

質之性耳。 所行 朱言性有義理之性有氣質之性義理之性所謂理也氣質之性所謂氣也在天曰理氣在人則曰義理之性氣 血氣則所資以養 也。又曰、 而東 (原日 ) 性者血氣心知本乎陰陽五行人物莫不區以別焉是也而理義者人之心知 ,其血氣者聲色臭味是也有心知則知有父子有昆弟有夫婦而不止於一家之親也、 人物分於陰陽五行以成 性含氣類更無性之名。又曰『 人之血氣心知原於天地之化者 有思 類通. 一於是又

理其能憐之嗚呼雖乎老釋以爲言其禍甚於申韓如是也』(同上)夫理欲之說即宋儒有疑之者矣陸象山曰、 不能以天下之同情天下所同欲達之於上上以理實其下而在下之罪人人不勝指數人死於法猶有憐之者死於 之生而 罪之尊者以理責卑長者以理責幼貴者以理責賤雖失謂之順卑者幼者賤者以理爭之雖得謂之逆於是下之人 莊釋氏異於聖人聞其無欲之說猶未之信也於宋儒則信以爲同於聖人理欲之分人人能言之故今之治人者視 古賢聖體民之情遂民之欲多出於鄙細隱曲不措諸意不足爲怪而及其實以理也不難舉曠世之高節著於義而 日, 促亦將漠然 之分則亦不認有理與欲之分曰『人之生也莫病於無以遂其生欲遂其生亦遂人之生仁也欲遂其生至於戕人 惟不離材質以爲言始確然可以斷人之性善』(東原集讀孟子論性有節文)東原不認有義理之性氣質之性 孟子字 而不遺理義孟子曰「非天之降才爾殊」曰「乃若其情則可以爲善矣乃所謂善也若夫爲不善非才之罪也」 類也則天下何喘皆從易牙之於除也孟子矢口目之無非血氣心知之性。」(同上)又曰「古人言性不離乎材質、 有君 「民之質矣日用飲食」記曰「飲食男女人之大欲存焉」聖人治天下體民之情遂民之欲而王道備。 不 臣有朋友五者之倫相親相爲治則隨威而應爲喜怒哀樂合聲色臭味之欲喜怒哀樂之情。 ·顧者不仁也不仁實始於欲遂其生之心使其無此欲必無不仁矣然使其無此欲則於天下之人生道窮、 **球**瞪、 視之己不必遂其生而遂人之生無是情也欲其物理其則也」(孟子字義疏證有節文)又曰「詩 蓋其意以爲含氣質之外更無所謂性故曰、「孟子曰如使口之於味其性與人殊若犬馬之不同 而 人道 人 備」(並 知老

待官而可知也至孟子時異說紛起以理義爲聖人治天下具設此一法以強之從害道之言皆由外理義而生人徒。 多指人心為人欲道心為天理此說非是心一也人安有二心自人而言則曰惟危自道而言則曰惟徼」(並象山多指人心為人欲道心為天理此說非是心一也人安有二心自人而言則曰惟危自道而言則曰惟徼」(並象山 語錄、) 特是象山未如東原申欲而罪理官之之益痛耳東原曰。「古人言性但以氣稟首未嘗明言理**義爲性蓋不** 知耳之於聲目之於色鼻之於臭口之於味之爲性而不知心之於理義亦猶耳目鼻口之於聲色臭味也故曰「至 非外也比而合之以解天下之惡俾曉然無疑於理義之爲性害道之貢庶幾可以息矣』(孟子字義疏證)夫程 於心獨無所同然乎」蓋就其所知以證明其所不知舉學色臭味之欲歸之耳目鼻口舉理義之好歸之心皆內也。 辯而不及而知出乎爭者耶(首辯而不及莊子齊物論語知出乎爭人間世語) 者徒以便己之私而不知其大禍仁義又在釋老楊墨上矣」(見魚門勉行齋集)意蓋以諷東原者此倘所謂言 性而卑情即二氏之術其理愈高其論愈嚴而其不近人情愈甚雖日攻二氏而實則身陷其中而不覺嗟乎爲斯說 之友亦治漢學者)作正學論乃謂『近代一二儒家以爲人之爲人情而已矣聖人之教人也願乎情而已宋儒尊 不知性爲何物其弊蓋可睹矣是故桴亭論之腎齋論之今東原又論之而程魚門(名晉芳江都人乾隆進士東原 朱之分義理之性氣質之性其意亦何當不同於孟子然而末流之失高者空言性而忽於氣質卑者溺於氣質而茫 天理人欲之言亦自不是至論若天是理人是欲則是天人不同矣。」又曰「青云「人中惟危道心惟徼」解者

既以氣質即性而欲與理爲非二則人何以有私有蔽而私蔽又何由生東原曰『私生於欲之失蔽生於知

於仁智而約不私不蔽之功始於忠恕東原之說於是乎爲切近矣此則其於饑詆宋儒之外能自樹立者也。 在乎慎獨致中和在乎達禮精義至仁盡天下之人倫同然歸之於善可謂至善矣』(原善)極不私不蔽之量至 事也敬而不肆以虞其疏至而動正而不邪以虞其僞必敬必正以致中和以虞其偏以虞其醪戒疏 心知是以自得爲貴血氣得其養雖弱必強心知得其養雖愚必明是以擴充爲貴君子獨居思仁公言言義動止應 之自治也情與欲使一於道義夫遏欲之害甚於防川絕情去智仁義充塞人之飲食也養其血氣而其問學也養其 私通天下之情遂天下之欲者也」(同上)又曰『君子之治天下也使人各得其情各遂其欲勿悖於道義君子 為仁去心知以爲智也是故聖賢之道無私而非無欲老莊釋氏無欲而非無私彼以無欲而成其自私者也。 因知 之失。(孟子字義疏證)是故強恕以去私問學以去蔽東原之所可也因私而咎欲因欲而咎血 與其所能謂之忠明其所履謂之信施其所平謂之恕馴而致之謂之仁且智仁且智者不私不蔽者也君子未應 而谷心東原之所非也其言曰「人之息有私有蔽私出於情欲蔽出於心知無私仁也不蔽智也非絕情 机在乎戒懼-氣因蔽而咎知、 此以無 去偽 以

# 第十二章 彭允初汪大紳羅臺山

**土叉號知歸子江南吳縣人祖定**求世所稱南畇先生者也允初以乾隆三十四年成進士選知縣不就而歸大**紳名** 當天下馳騖漢學之日而有和會儒釋明揭宗旨自樹一幟者則彭尤初汪大紳羅臺山也尤初名紹升號尺木居

爲創獲一以爲固然其不合者則希矣持以示人人莫測其所謂獨羅子臺山見而識之曰是無師智之所流也汪子 之門尤初敍汪子文錄謂『予年二十餘始有志於學其端實自汪子大紳發之』又謂『予之於汪子之言也一以 終歸於易之觀盟(奪聞居士集)則信乎能華梵交融者矣然不獨臺山也允初曰「吾於觀艮二卦見聖人之心 之爭也以我其忘爭也以無我我也者器之景味性而妄有執者也」實驗取釋氏身器之說而言命言性言才言性、 於予也亦然時或與臺山言予祗訶笑謔無弗有也」(二林居集)觀此三先生論學之相契可以見矣然大神臺 既樂與予言及見臺山而大樂途樂與臺山言又樂與予言臺山其言臺山也不獨贊歎而已詆訶笑禮無弗有也其 **铅號愛廬休寧人居吳終於諸生臺山名有髙號奪聞居士江西瑞金人乾隆三十年舉人出允初父芝庭(名啓覺)** 是故觀艮者乾坤之門戶也論語體之爲學識(默而識之之識)中庸標之爲明誠千聖復生無以易此矣」(二 法焉詩曰穆穆文王於緝熙敬止緝熙者觀也敬止者艮也乾知大始其觀之所從出乎坤作成物其艮之所自成乎。 次臺山生平以爲羅臺山述稱其所論說華梵交融奏刀譽然關節開解(二林居集)今觀臺山觀生之文有日『物 山皆先允初卒而大紳年六十八臺山年緯四十六(大紳卒於乾隆五十七年臺山卒於乾隆四十四年)尤初撰 **報於物是謂身修家齊國治天下平』(二林居集讀古本大學)非即華嚴之言理事無礙乎然則所謂華梵交融** 是謂意誠進觀其心心無其心是謂正心由是以身還身以家遺家以國還國以天下還天下不役其心不動於意不 林居集讀易)非即天台之言止觀乎曰『知至云者外觀其物物無其物物無其物是謂物格內觀其意意無其意、

孔盂 袁中郎集 師 之鄭玄言魯悟而不事行持時其狂聽往往墮塹陷坑喪失身命於是彼數古德思以淨土拯之有明萬歷 心見性之談以爲明善誠身之助至若發願往生莊嚴極樂未嘗有道之者豈非以其誕而不切於人事耶然而 生也身土交融衆生之所以去凡入聖也」夫自唐宋以來儒者壽學殆無不糅雜佛說者然半皆曹谿法乳用其明生也。 以阿彌陀佛為萬佛之師。易所謂大哉乾元。手土爲阿彌陀所攝。易所謂至哉坤元也乾坤合撰萬物之所以資始資 論敍( **社實淨土開宗之祖此允初所以託意於此也大紳有讀淨土三書私記敍(見汪子文錄)臺山** 者尤初又不啻自道之者也抑三先生之於佛也不獨究心宗(禪)教(天台華殿)而更歸依淨土尤初名其居、 兩門不能偏廢三先生由懦歸禪由禪歸淨固亦機緣使然然而其去儒益遠矣此戴東原答允初 (祩宏)住持雲棲力弘淨土之教緇素從化盛極一時故冀中郎(名宏道公安人萬歷進士官終稽勳郎中有 亦象 見奪聞居士集)皆張皇淨土功德而大紳且以易理融通之謂「 一梁谿之東林高忠憲壽學之所。一廬山之東林劉遺民與遠公結白蓮壯者也(二林居集有二林居說)蓮 一座程 )撰西方合論(見淨土十要)即謂『禪宗密修不雕淨土』由是彼教禪淨並行亦如吾儒之有朱陵: 朱也。 (東原集有答彭進士尤初書 衆生本來成 佛必以淨土爲歸 有無量審 書所以謂 中蓮池大 者 何 鋞 其誣 羅宗 也。 頓 厠

心齋作二通未就內篇曰經世通外篇曰出世通見明儒學案)著二錄三錄以明經世之道著讀四十偈私記以通 三先生始皆有用世之意而大紳尤為該博允初之述大紳日『慕大洲二通之作(大洲趙貞吉也) 其學 出

原於爭愈爭愈少之分而實未明於不爭不患其少之分也今置田百畝十人食之不可謂不少然 或半失或十失八九而少數賭矣故日少之原緣於爭而愈爭則愈見少也且說之以愈少愈爭者彼微特不明 老送終嫁娶之事寬然足給而且里黨敦睦通有無以義資數不見謂少貪黷者出視所有飲然不厭負強挾詐使冒 者且未必得食織而衣織者且未必得衣衣食之涂隘故爭心起利事愈多爭心愈少利事愈少爭心愈多凡今之爭、 內王附陳 ) 夫龍 兼幷以自益智力等者利其然而效之朴儒積憤不平激發相助勝負反覆互傾奪不可遽已奇零斷割、 世之脈。 其 ₩少故<sup>2</sup> 也其說曰「民命衣食者也古者取之草木而有餘食取之毛羽而有餘衣衣食之涂寬故爭心伏今者耕而食耕 也吾不謂不然抑知少之原之緣於爭乎抑知愈爭則利事且愈少乎今置田萬畝十人均之人千畝仰事俯畜養 也。 鄉鄉 |外尤好陳龍川皇帝王霸之學謂其得文中子之麤而以見之卓論之巳爲漢唐諸儒所不到 ( 汪子 又非夫人之功利之見也大紳說格物引易繫近取諸身遠取諸物通神明之德類萬物之情以爲格物 食時而用節即遇凶歲何至爲溝中帶矣故曰不爭不患其少也爭則將並無以有其少也且將並無以有 愈多不爭是無以爲命也然則上之人所由制民命者在利之涂矣」屈之曰「說之以利事愈少則 (二林居集汪大紳述) 今二錄三錄具存自孟子荀子以及兵刑家言皆取而論之而於宋之諸儒則 (汪子遺書三錄)反覆於爭利之害而以仁義爲公說以爲公說之行則利澤溥皆端絕是則 川後儒所斥之爲功利之士者也而大紳取之即其意可知矣然作準孟則曰『利 人受十畝終其身 害者私 而千畝之業、 遺實二 說之所 大种之 於少

明

出

以

固

林居集、 著有二林居集一行居集大紳所著有汪子文錄汪子遺書臺山所著有尊聞居士集尤初卒於嘉慶元年、 允 初 為文非之謂是乃聖人開 夫以 格物為開物成務大神之說格物則戾矣然其主開物成務之意則大紳所以過於允初 物成務之功用非下學所有事(大紳格物說見汪子遺書允初有書格) 者 坳 **一年五十七**。 說 也。 後見二 允初所

不知 多詩文集六十四卷有意言二十篇而真僞篇意謂眞未必可爲僞未必不可爲與世之言異僞者大異蓋頗。 鰛 可徑 後、 力 性惡善僞之說其辭曰「今世之取人也莫不喜人之虞厭人之僞是則僞不可爲矣而亦不然襁褓之時知有母而 刀也嘉慶初記 知 《修邀年拜視學貴州之命黔中故僻遠無書籍稚存為購經史通典文選諸書置各府書院黔人爭知好古蓋君之。。 《經學家中尚有一能為深湛之思者曰洪稚存稚存名亮吉號北江蘇之陽湖人乾隆五十五年以第二人及第授 知 家 有父然不可謂: 學家中尙有一能爲深湛之思者曰洪稚存稚存名亮吉號北江蘇之陽湖人乾隆五十五年以第二人及第授 識之時真而有知識之時偽也吾以爲聖人設禮雖不導人之僞實亦禁人之率其何則上古之時臥倨倨與眄 情直 人有嚴君之義焉其奉父也有當重於母者矣飲食之道有三揖百拜之儀焉酒淸而 行 者矣將爲孩提襁褓之時真乎抑有知識之時真乎必將曰孩提襁褓之時雖真、 教習庶吉士坐上書指斥乘輿謁戍伊犂旣赦還自號更生居士十四年病卒於家年六十四所: 十三章 非襁褓時之真性也孩提之時知飲食 洪北江 而不 知禮讓然不可謂 非孩提時之異性也。 不飲、 然苦其無 肉乾 知 季 而 (識矣是則 不食、 有 近荀子 知 著書甚 有非 識 面

之時固已真僞命年矣而必總總焉以真僞律人是又有所不可行也」(北江文集有節文)然形質篇又謂『嗜之時固已眞僞命年矣而必總總焉以真僞律人是又有所不可行也』(北江文集有節文)然形質篇又謂《嗜 抑前後不自覺其矛盾也未可知矣。 欲益開形質益脆知巧益出性情益漓」(同上)則又似以僞道不可久而欲人之復歸於其者其有調停之意乎。 朝會之禮無死罪而必自稱死罪非皆禁人之率其乎總之上古之時其聖人不欲過於率其而必制爲委曲煩重之 當體從者矣亦必一請再請至固以請乃克就席鄉射禮知不能射矣而必託辭以疾以至聘禮不辱命而自以爲辱。 之則是其亦有所不可行必參之以僞而後可也且士相見之禮當見矣而必一請再請至固以請乃克見士昏之禮、 禮以苦之弦提襁褓之時真聖人又以爲其不可以徑行而必多方誘掖獎勸以挽之則是禮教旣與之後知識漸啓 眄一自以為馬一自以為牛其行践與其視瞑瞑可謂其矣而聖人必制為尊卑上下寢與坐作委曲煩重之禮以苦

之時有屋十間有田一頃身一人娶婦後不遇二人以二人居屋十間食田一頃寬然有餘矣以一人生三子計之至 則視三十年以前增五倍焉視六十年以前增十倍焉視百年百數十年以前不價增二十倍焉試以一家計之高會 數之日,一人未有不樂爲治平之民者也人未有不樂爲治平旣久之民者也治平至百餘年可謂久矣然言其戶口、 子之世而父子四人各娶姊即有八人八人即不能無備作之助是不下十人矣以十人而居屋十間食田一頃吾知 業者日若干人因之受飢者歲又若干人竊嘗服其精審而意言治平篇謂戶口之增與田屋之增不相比亦累率以 論生死禍惡不信有鬼神之賞罰頗似論衡而論治平生計則又似潛夫論潛夫愛日籍陳辭訟累民計其廢

間食田一 是田奥 其居僅僅足食亦僅僅足也子又生孫孫又娶婦其間衰老者或有代謝然已不下二十餘人以二十餘人、 是高 的个昔而減之禁其浮腺抑其象幷遇有水旱疾疫則開倉廩悉府庫以賑之如是而已是亦君相調劑之法 高骨之時隙地未 治平之久天地不能不生人 而不幸者不過十之一二矣日君相有法乎曰使野無閑田民無剩力疆土之新闢者移種民以居之賦稅之繁重者、 以爲治平之民獻也」昔荀子以昭昭然爲天下憂不足爲墨子之私憂過計(見荀子富國篇)若稚存之論、 民計者亦不過前此數法也然一家之中有子弟十人其不率教者常有一二又況天下之廣其遊惰 **曾時爲一** 遵上之約束乎。一人之居以供十人巳不足何况供百人乎,一人之食以供十人巳不足何况供百人乎此吾所 憂過計者矣然稚存生清乾嘉極盛之時而安能處危治能慮亂非有過人之見不及此且其所慮固令世哲人 風雨霜露飢寒頻踣而死者之比比乎曰天地有法乎曰水阜疾疫即天地調劑之法也然民之遭水阜疾疫 屋之數常處其不足而戶與口之數常處其有餘也又況有象倂之家一人據百人之屋一戶占百戶之田何 頃即 戶者至會玄時不分至十戶不止其間有戶口滑落之家即有丁男繁衍之族勢亦足以 量腹而食度足而居吾以知其必不敷矣又自此而會焉自此而玄焉親高 整關閉塵未盡居也然亦不過增一倍而止矣或增三倍五倍而止矣而戶口則增至十倍二十倍。 而天地之所以餐人者原不過此數也治平之久君相亦不能使人不生而 **曾時口已不下五六** 相 君 不事 敵或者日、 面 相 心要之 者、 Ż 居 十倍。 屋 亦所 所以 何能

學者苦思焦心而無有善法以處之者稚存於百數十年之前不知有所謂經濟學統計學乃思慮緩密如

此尤不得

## 第十四章 襲定庵

著定庵集沈博奥衍固足當一家之言其取公羊家三世之說通之摹經略見所謂五經大義終始答問問『三世之 而作配也司徒司寇司空也治升平之事资師乃文致太平之事孔子之法、箕子之法也。間『太平大一統何謂也』 法雅法也」答『三世非徒春秋法也洪範八政配三世八政又各有三世』『願問八政配三世』曰『食貨者據亂 增段懋堂王裁受經懋堂東原戴氏之門人也故定庵於經學遠有師承而又出入於周秦諸子之**沓晚尤好佛**乘所 有公羊何氏釋例公羊何氏解詁箋等書繼之者有龔定庵定庵名自珍原名翠祚字璱人浙之仁和人幼從外 官體部主事道光中卒)傳其外雕莊存與之學(存與字方耕乾隆進士官至體部左侍郎) 表章何休公羊春秋著 於節目也詳尤詳於賓夫賓師八政之最後者也士體十七篇純太平之言也」且漢學家之於經致力可謂 大抵疏通訓詁者多而發明大義者尠發明大義惟今文家談公羊者有之此吾所以有取於定庵也抑定庵之言尤 曰無此疆爾界陳常于時夏(周頌思文后稷)聖無外天亦無外者也」問『魏為純太平之書』答『禮古經之 了宋明山林偏僻士多言夷夏之防比附春秋不知春秋者也春秋至所見世吳楚進矣伐我不言鄙我無外矣詩 漢學之盛也與宋學爭而其後也漢學中今文派又與古文派爭今文派之魁曰劉申受逢祿(武進人嘉慶進土、 勤矣然 租金

睊然眮然以思世之一便己才不可問矣是故智者受三千年史氏之書則能以良史之憂憂天下憂不才而 之十年而僇之百年而僇之。才者自度將見僇則蚤夜號以求治求治而不得詩悍者則蚤夜號以求亂夫詩且悍且 徒像其心像其能憂心能憤心能思慮心能作爲心能有廉恥心能無渣滓心又非一日而像之乃以漸或三歲 慘於槁木三代神聖不忍薄譎士勇夫而厚豢駑羸探世變也聖之至也」(乙丙之際著議第九)嗚呼可不 憂才而誖憂不才而衆憐如其憂才而衆畏履霜之曆寒於堅冰未雨之鳥戚於漂搖痹殤之疾殆於癰疽將褰之華、 亦像之名亦像之聲音笑貌亦像之像之權不告於君不告於大夫不宜於司市君大夫亦不任受其法亦不及要領、 但尠君子也抑小人甚尠當彼其世也而才士奧才民出則百不才督之縛之以至於伊之堡之非刀非鋸、 有棖觸於余心者曰『吾聞深於春秋者其論史也曰曹契以降世有三等三等之世皆觀其才才之差治世爲一等、 左 無 為一等衰世別為一等衰世者文類治世名類治世聲音笑貌類治世黑白雜而五色可廢也似治世之太素宮 才 而五聲可樂也似治世之希聲道路荒而畔岸聽也似治世之蕩蕩便便人心混混而無口過也似治世之不識。 で相右無さ 《才史閩 無才將庠序無才士隨無才民廛無才工衢無才商抑卷無才偸市無才駔藪澤, 無才盜則非 **将非水火文** 謂 如其 而像

有閨闥之蔽房帷之設枕席之匿賴瀕之拒矣禽之相交徑直何私孰疏孰親一視無差尙不知父子何有朋友若人 定庵之學又不僅在公羊春秋也其言公私與北江之具偽相類曰『貍交禽媾不避人於白畫無私也若人則必 第四編 近世哲學史 相

有五氣] 月終、 **蘋之詩人曰被之僮僮夙夜在公被之祁** 委蛇委蛇公私互舉之也」(論私) 富不相齊之爲之爾。 至極不祥之氣鬱於天地之間。 必有孰 氏之言起矣知桀之本不異堯孟氏之辯興矣爲堯矣性不加菀爲桀矣性不加枯爲堯矣性之桀不亡走爲桀矣、 天下之積重輕者而變易之。」(平均篇)而以禮徵之則其深於禮也而言性取告子曰『襲氏之言性 耀貧者阽富者安貧者日癥傾富者日癥壅或以羨慕或以憤怨或以 私 番 其稅、 太史候望而告氣東無賭水西無賭財南無諸粟北無賭土南無賭民北無諸風王心則 不善而 東有階水西有階財南有階栗北有階土南有階民北有階風王心則不平聽傾樂乘欹車、 下 一亡走不. 有五行民有 獻 薄孰厚之氣誼因有過從讌游相援相引款曲燕私之事矣今曰大公無私則人耶則禽耶。 豜 於公先私而後公也大田之詩 巳矣善惡皆後起者夫無善也則可以爲桀矣無不善也、 加 小不 五醜物有五才消焉息焉渟焉決焉王心而已矣是故古者天子之禮歲 相齊衛 鬱之久必發爲兵燹爲疫癘生民噍類靡有孑遺人畜悲痛鬼神思 至大不 而以詩徵之則其深於詩也其言均平與鑄萬之大命相類曰、 相齊大不相齊而至喪天下嗚呼此貴乎操其本原與隨其 **祁薄言遗歸公私並舉之也羔羊之詩人曰羔羊之皮素絲** 入日、 雨我公田途及我私楚狹之詩人曰備言 即可以為堯矣知堯之本不異桀郇(同 屬汰或以嗇客澆鴻詭異之俗百出不 | 燕私先公| 平、聽 **然太師** 明王立 - 提偏衡百僚受戒。 平樂百僚受福太 變置其始不過貧 <del>---</del>j 有如 時 五純退食自公、 七月之詩 nn 執 丽 劑調之上 貧相 律 後 也則宗 私 而 可 止。 制五 東東富 告聲。 也。

相

育

則

校讎 柘棬杞柳又何知焉是故性不可以爲名可以勉強名不可似可以形容似也揚雄不能引而申之乃勉強名之曰善 平然支離怪誕有識之儒所不道矣。 雛 子之淵源判百家之流別(見古史鈎沈論)有清一代前則章實務(名學嚴會稽人乾隆進士所著有文史通子之淵源判百家之流別。 惡混雄也竊言未湮其原盜言者雄未雕其宗告子知性發端未竟」(闡告子)斯則又其得之於佛乘者至若窮諸 以杞柳爲虎子威俞杞柳何知焉又聞之曰以杞柳爲柘椿無數於其爲虎子威兪以杞柳爲虎子威俞無傷乎以杞柳爲虎子威兪無傷乎。 也仁義桮棬也以性爲仁義猶以杞柳爲桮棬闡之曰浸假而以杞柳爲門戶藩杝浸假而以杞柳爲桎拲梏浸。 之性有功於數耳無功於性進退卑亢百姓萬邦之醜類會不能進退卑亢性告子曰性無善無 **職就定庵**: 敝 《敝然欲民之背不善而鬱善攻劘彼爲不善者耳會不能攻劘性崇爲善者耳會不能崇性治人耳曾 通義等)後則襲定庵他尤未見其匹也今時學士大夫道定庵之書不去口然特以其文而已能表章 生乾隆 五十七年道光中進士官體部主事卒於道光二十一年年五十定庵後習公羊之學者有蜀 不善 也。 又 不能 曰、 其 性、 其為 假而 杞柳 治人

## 第十五章 曾文正公

之然而士習日偸上者徒動破碎之功下者轉便空疏之遁一時賢達遂欲和會漢宋矯其敝風其尤著者則湘鄉會。 漢 學之盛、 力攻程朱以辨物析名為能而視躬行實踐迂繆無當於世用於是浮薄之士樂其 無所 拘 礙、 譁然和

近世哲學史

潁

宗陸。 文正公國藩是也文正公當成豐洪楊之亂以禮部侍郎在 實並茂之學故不欲左祖以附一鬨也然不獨於漢宋之爭然於程朱陸王之爭亦然文正嘗從唐鏡海 以爲破碎害道斷斷焉而未有已吾觀五子立言其大者多合於洙泗何可議也其訓釋諸經小有不當固當取近世 為聖哲費 莊子 之道 · 閱儒輩起訓詁博辨度越昔賢別立徽志號曰漢學擯有宋五子之術以爲不得獨奪而篤信五子者亦屏. 說以輔翼之又可屏棄摹言以自陰乎』(文集)而致劉孟容書(孟容名蓉亦湘鄉人官至陝西巡撫)覆夏 ·甫書(弢甫名炘安徽當塗人著有述朱質疑等書)亦皆反覆此意(並見書札)蓋欲兼綜澳宋之長以 兩得之矣」 信當湖宗朱。 雖無嶄然特出之詣然皇皇學問終身以之近百年來其知名於世者亦一 小識奪程朱 教授書見書札、 至大學士解爲毅勇侯言清史者或矜其 像 自 記。 怡。 又曰 以 (當湖謂陸清獻) 日『自朱子表章周子二程子張子以爲上接孔孟之傳後有君相師儒篤守其說奠之或易乾隆 面 荀子之道 排陸王而文正 周末諸子各有極至之詣其所以不及孔子者此有所偏至即彼有所獨 有節文夏教授即弢甫也、 **眉克其** |則曰『朱子主道問學何嘗不洞達本源陸子主尊德性何嘗不實徵| 庶爲 而當湖排擊 聞道之君子乎』又曰、 姚江、  $\smile$ 功烈或稱為 此其視鏡海拘墟之見相去何 不 遺餘力當湖學派 籍督辦團練創立湘軍十餘年間崎嶇戎馬卒成 中其文章而不 ---以禹墨之勤儉兼老莊之靜 不知其論學之餘風蓋支持 極正象山 人面 如 已文正學問宗旨大略 姚江、 矣又吾觀文正 亦江 虚。 :缺亦猶夷惠之不及 河不廢之 庶於修己治人之 淸 日 末 問 記、 數 段履: 流。 學。 有 秦漢學、 見 + 鏡 其所 成文 年之 姚江 海 後 コ以

弢

極

中、

孔氏耳。 文正門下才學之士靡所不攬嗚呼平時治學臨事用人固有其途徑相合者矣。 補之則 心能 諸 子皆可師 如老莊之虛 不可 **薬**也。 靜治身能如墨**霍之勤儉**、 \_\_ 合衆 冶於 爐納 齊民能如管商之嚴整而又持之以不自是之心偏 百川於一海文正之得成其為廣大者豈不在是 嫩 時 稱

言語之科。 之學有詞章之學有經濟之學有考據之學義理之學即宋史所謂道學也在孔門爲德行之科詞章之學在孔門爲 華者莫如質積翫之後據之以猛意在斯乎』(書札)然原才有曰、『民之生庸弱者戢 王念孫父子也姬傳謂學問之途有三日義理曰詞章曰考據義理宋學當之考據漢學當之而文正則謂、 耦 庚 衆 文正於文極服 利 犐 人 文正 然論學不以義理考據爲足而別列經濟一目此則有似於顏李者矣文正言治不尙高論。 我人所 名長齡湖南善化人仕至雲貴總督文正日記言經濟之學吾從事者二書曰會典曰皇朝經世文編經世文 庚所輯也)惟云『今日而言治術則莫若綜名覈實今日而言學術則莫若取篤實踐履之士物窮則 君之而受命焉尤智者所 經濟之學在孔門爲政事之科考據之學即今世所謂漢學也在孔門爲文學之科 停論 趨勢之所歸雖有 顏 層桐城姚姬傳介故聖哲畫像記贊稱顧秦姚王顧則顧亭林秦則無錫秦文恭公蕙田、 習齋李恕谷之學頗譏 君 大力莫之政逆故曰撓萬物者莫疾乎風風俗之於人心始乎徼而終乎不可 尤衆焉此一二人者之心向義則 其忍嗜欲苦筋骨力勤見迩至比之於許行之並耕へ 衆 人與之赴義。 一二人者之心 我皆是也 此 四者闕 見文集 有 故其覆賀耦庚書、 向 一二賢 利 不書學案 三里則高 不 則 河)(見 《變救浮 有 且 衆 禦者 義 ٨ 與 理

嵞

H

之

削

正公全集。 極識者 寫 慶 幸 俗而風俗之成由於一二人言若迂闊然而振古至今殆未有能脫此者也夫識者察於幾先衆人慮於事後弊之未 之者易靡及其既成發大木拔大屋一動而萬里應窮天人之力而莫之能禦」(同上) 以 』(文集)而箴言書院記亦曰『由一二人以達於通都漸流漸廣而成風俗風之爲物控之若無有鮨 + 初 定。 六年卒於同治十一年年六十二所爲詩文奏叢書札日記及經史百家雜鈔等門下士輯而 論之而衆人不爲意也患之既見衆人知之而識者無可爲也殆其彌縫補苴精竭力窮機運幸以漸。 曠日持久蒙其禍者已不知幾何人矣此吾所以念文正之言未嘗不爲之發憤太息者也文正 推天下治亂之原 刻之名日 生於清 博局勢 曲 (同蹴)

第四編完) (下卷終)